


IACOB I
BIDERMANNI

E Societate IESV

VTOPIA



1770

JOHN FARMAN

2

1770



V T O P I A
DIDACI BEMARDINI,

S E V

I A C O B I
BIDERMANI

E Societate I E S V

SALES MVSICI,

Quibus

L V D I C R A M I X T I M,
& seria literatè ac festiuè
denarrantur.



VENETIIS, M.DC.LXVIII. +

Apud Paulum Balleonium.

Superiorum permissu, & Privilegio.

THE
LIBRARY OF THE
MUSEUM OF NATURAL HISTORY

17. C. 2. 1
BIOGRAPHICAL

17. C. 2. 1
BIOGRAPHICAL

17. C. 2. 1
BIOGRAPHICAL

17. C. 2. 1
BIOGRAPHICAL

17. C. 2. 1
BIOGRAPHICAL



UTOPIÆ
DIDACI
BEMARDINI.

LIBER PRIMVS.



VB ætatem proximam paulo adultiorem, hospite vsus sum iuvene sanè quam erudito, & mihi in paucis familiar: cuius hodieque sales mihi in memoria sunt & multi, & cum inuidia docti, Eum ego, vt, quæ visum est, liberitùs narrem, iubebo precariam in his mihi Bellarijs operam dare, ac personato nomine Philippum tantisper appellari, quando famæ iam sanctiori suum dedicauit.

1.
*Ingressus
in fabu-
las.*

Is me Philippus meridianem id temporis oppressit, cum à Musis otium agerem. Et, nætu, inquit, festiuus es, qui Parnassum hic esse credas, vbi somnando Poeta fias, Et tu, inquam ego, nugo scarius es, qui castiges tuos in me mores. Fallor enim, aut tibi vix etiamnum Morpheus missionem dedit. Sed nunquid aliorum, quàm vt me expergeres, cuigi-

2
*Egressus
in hortu
suburbanum.*

lasti? Hic ille renidens; se cœlo sudiore
 euocatum ambulationem cogitare. Nam
 quid, sole, inquit, primulum deflexo, ma-
 lim? In proximo suburbanum est, quod,
 si me audis, vnà imus, & hoc Trophonij
 antrum cum amœnissimo Tilieto permu-
 tamus. Hæc ille; meque adhuc molien-
 tem, & à somno pandiculantem manu co-
 mitet deducit. Ego mox sequar, inquam:
 Tametsi hæc luculenta vis est, cuius re-
 reum Lege Cornelia citabo, primùm, atq;
 ex tuto licuerit: in præsentem enim resse-
 ram impudè non fregero. Id, inquit Phi-
 lippus, otiosus facias, quando ita vis. Nunc,
 uti ne Amusi erremus, libri aliquid ad-
 sciscamus. Ita ex forulis tabellas Phæ-
 dri depromit, inde recta in hortos subur-
 banos.

3. Iam in conspectu nemus æstinum erat,
 Socius cum obuiam sit Hugo, adolescens à li-
 ambula- teris, & germani candoris nota probissi-
 tionis, & mè notus. Eo nondum consalutato; Gra-
 locus. tiaz omnes, inquit Philippus. Nemini tu
 quidem, mi Hugo, molestus fuisti vn-
 quam, sed hodie præsertim te opportu-
 nissimè offers. Ac mox hominem manu
 prehensare, & in amplexus rueret. Ille
 interim modestissimè excusare, nusquam
 se tempestiuè adesse dicere: & si adeò
 nunc, inquit, serijs vestris mora sum,
 veniam date imprudenti, & si nūc digres-
 sum parare. Cum ego in pallii lacinia n
 inuado, ac nescio quid obnitentem, in
 Prætorium Philippi pertraho, locum
 ex elegantissimis merissime natum, in quo
 videri possit Natura, & Ars de ingenio
 certasse, & palmam alteri altera, me arbi-
 tro,

tro, dubiam fecisse. Quanquam ea, quæ ibi ex ordine demitari potui, non adeo in promptu est dicere. Nec verò etiam consilium id mihi fuit, pensiculatè omnia censere; cum præsertim ad alia Tragemata animus nos inuitaret. Scena erat umbratica, qua solem æstumque defendere feriati solemus.

Hic nobis viritum, velut in lectulos, descriptis: Philippus, Phædrum hunc; inquit, horis subsecuius per proximos priores dies legi. Tiberij Principis Libertum, doctum cetera scriptorem, & fabulatorem sanè non infacerum quique probioris aliquantum indolis, quàm hodie pleraque fabularum commenta, aut verius æui nostri dedecora: in quibus legendis, præter bonas horas, morum quòque animorum, que dispendium est. Furtivos equitum amores, & Virginum mentitos raptus, qui prætextatè & quàm Latissimè fingit, is modò Poeta audit. Ac si ea sint demum ingeniosa, quæ moribus bonis conuitium facere consueverint. Cum in eam sententiam pluribus diceret: ego, non quòd vana, sed ne tristiora diceret, mittere hoc genus querelas iussi, & aliquando Phædrum recitare. Hæc tempori, inquit, mones: tamen si ea sine stomacho nunquam recordor. Nos iam hilares nunc quàm censorios esse, satius arbitrabor. Quare lectionem iam inceptam, & aliqua eruditione identidem inspersam Hugo mox turbare cœpit; & abnuere; quèd ea Philippum nullo consilio agere censeret. Esse enim ita seria, ut nisi meditatò audiri non

4.
Qua le-
ctio, aut
confabu-
lacio ho-
nestos de-
beatobie.
stare?

possint: & dudum se caput dolere; cur malo Phædrus medicinam non faceret. Quin ludicris intentus, inquit, hunc diem agis, potius, scholasque habere omittis. Quòd si argumentum vobis ioculare nullum est, vel ego sufficiam. Ita omnes me Musæ ament, inquit Philippus; nihil tam velim, atque te singulariter mihi demereri: id quia dicendo non eualui, audiendo efficiam, Tu proinde liberaliter hortenses iocos è fabulari sinu sparge: diripiemus ego & meus hic hospes (annebam ego) auidissimè. Tum Hugo, quando ita iubes, inquit, & nulla à te Dictatore prouocatio est, vt iubes. Apologum percensebo: in quo tamen nec meros expectate sales, nec nullos. Et dictionem haud paulo fortassis etiam tristiores, hoc ipso, quod videtis, palliolo (simul pallium ostendit) villis iam complusculum depexis atque in senium vergentibus. Secundum hæc obseruatè curioseque autem aduertimus: cum ille sinistra in cespitem, velut puluillum, iun- nitens.

*s.
Rustici
Fabula
de ijs, qui
bene fa-
cta ma-
lefactis
compen-
sant.*

Paganum, inquit, hominem accipi, in mercatum ijsse, quò illum imperiosa vxor miserat, & bene nummatum edocuerat, quid in nundinis fieri vellet. Ille iurgiosæ mulieri vt se probaret, impendio solertior, post primam noctis inclinationem iter ingreditur. Pagum inter & urbem silua intererat, monstris pestilens, & suoapte aspectu formidolosa. Eò progressus; & vxoris imperio, quàm viæ intentior, à semita exerrat. Hic illi primum nescio quod murmur & barbari que-

questus odarium auditur : quod tamen iam neglectum , mox admirationem , & tandem homini formidinem incussit . Post sensum crebescere , ac denique è vicino intelligi captum est .

Interea loci diluculat , diesque errorem pariter & periculum ostendit . quare pendere rusticus , animique incertus fluctuare , redatne in viam ; an clamorem insequatur : se seque potius quàm alterum periculi securum reddat . Demum pietas animum euerberat ire , qua vocem capiebat . Aliquantum ergo oscitabundus procedit , dum cavernam conspicitur humi depressam , & saxi grandiusculi obiectu præstructam ; perque anfractus & sentes ægrè vel singulis accessam . Atque inde ominosi questus emergebant . Rusticus , quanquam suspensio passu incedit ; fallere tamen ita non potest , ut lateat . Quo animaduerso , remittit nonnihil inconditus clamor ; & vox lenior , in hæc sese verba efformat .

Per ego te , per quicquid es , moriturus obtestor : patere hanc me tibi vitam debere , quam negare autu , quam donare potes . Da capto , quod accipere velles , nisi liber esses . Lucem calamitoso , redde , quam Fortunæ iniuria ademit . Communia rogo , quæ vbi mihi restitueris , etiam tu seruabis . Rustico iam oculi lacrimis stabant : & ; tamen sciam prius , inquit , quid monstri es ? quod tibi piaculum , quis adminiculandi modus ? Rursus ille : mortalem se quempiam , nulla sua noxa in eas latebras compactum : sextum iam diem cum inedia sitiq;

pertinaciter depugnare, ac propediem animam agere: Quas ille ærumnas medicaretur omnes, si anticam carceris ianuam tantisper amoueret, dum sese in communem aerem reciperet. Spondere hnic labori incitamentum, præmium, quantum hodieque bene merentibus decerni soleret: si fallat, deiurio se ostringere. Hic ille; dabo equidem operam, inquit, ut ne te promissi: tu, ne me laboris pœniteat; Et simul nitibundus in obicem incumbit, saxumque loco amolitur. Qui dum vigilatè prodeuntem, libertum suum expectat: ecce tibi prorepat monstrum horrendum, informe ingens. Vipera visa iuxta ac cogitatu metuenda. Cristatus capiti vertex, exerta linguae fuscinucula; oculi exangues, rubrae subrectæ; corpus cetera virgatum; cauda refugo tractu in tortuosa coibat volumina. Tam vero animus homini cōpauescere, incepti penitudinem habere, fugæ locum circumspicere, nusquam tutò esse. Et certè euentum operiri periculosum erat. Sed in re desperata, visum est ab audaciam consilium petere; pactitiam deposcit homo rusticanus mercedem; & quoad potest magnitudinem beneficii sui ostendit, oportere eius memoriam perennare, & patrono suo gratiam habere.

8. Habebo, inquit alter, quantum spondi: & ne comperendinatio fidem eleuet, iam adeò nunc liberabo. Ille peculium Draconi ratus esse; ubi omnia defieri vidit; verò, inquit, nihil in parato habes, vade satisfacturum putem. Ad

ea Coluber, rictum se se, & vacuum alui voraginem habere, quo cum pro merito demitteret; idque præmium ea lege solveret. Iamque immanem oris hiatum, & famelici ventris gurgitem laxabat, præsentem homini pestes; nisi ille primos bellæ conatus saltuatim exisset: inde nihil vitæ superare, ipsaque illum salus desertum ire. Tandem ubi vitari exitium posse desperauerat, differri saltem cupiebat. Quare cepit ingenium in promptu habere; litem cum Dracone contestari. Superum, clamat, atque hominum fidem! Hoc meritis meis hostimentum? hoc Sospitatori tuo tu præmium? Alia captus venditor, alia, perfide, promiseras. Vitam tibi restituere volebas, an ut meam mihi per vim, & nefas erit peres? Non periclitarer capite, nisi impendens a te periculum atcuillem. Perime iam, quando pietas, vim prohibere nequit, perime; dum eadem meam hæc ipsa humus inultam non relinquet. Conuictis indulges liberaliter, inquit Draco. Iniuriarum sic nunquam ageres, si meminisse velles, in quæ verba donatio conuenerit. Num aliam ego te gratiam sperare iussi, quam qualem accipere passim beneficentissimi solent? Eam verò, inquit, ipsam. Atqui aliud nunc molitis; promissum abiuras; &, quod mater Lua numquam eluat, vim paras. Videris mihi, inquit Serpens, parum inter homines egisse, mi homo, qui solemnem auxilii morem ignores. Nunquid enim inter vosmet Beneficia. Iniuriis non compensantur? habentque eam gratiam ma-

xima merita , vt paribus maleficijs redimantur ? Hoc Rusticus prorsus inficiari , idque nulli hætenus ulli vsu venisse contendere. Quare Serpens hominem in quoduis pignus vocare ; & , ne præter morem id facilius meditari videretur , arbitrum petere , eiusdemque iudicio vel cadere causa , vel vincere Itum est in eam sententiam , vt in quem primum seu hominem , seu feram incidissent , is pro Prætoris ius diceret : ad id locorum inducæ essent .

9. Inde pergunt , quàm breuissimus siluæ ac solitudinis traiectus ducebat . Iamque in patentiore planitiem euaserant ; cum procul Canem Venaticum conspiciantur , resti ad prolapsam agri sepem alligatum , annis macieque fractum : cetera generosis natalibus , & rebus gestis perillustrem . Hunc idoneo loco nacti iudicem officiosè cominus salutant : Ortam aiunt inter se controuersiam super re , ceteroquin liquidissima , nisi alterius affectus dubiam fecisset : Qam tamen ipse , pro ea , qua poleat , experientia disceptare momento possit ; si in gratiam litigantium tantisper forum agere velit . Canes paullo morosius , & , quod penè edentulus esset , adhæsè , quam sibi mutuo litem intenderent sciscitante , Serpens causæ statum exsertè , partiteque proponit : Ea se homini pollicitum esse , quæ præstati optimè meritis consueuissent : in incerto nunc esse , boni plus , an mali promississet ? Ad quæ Canis , se olim venationis , quàm Legum ac Iuris peri-

peritiorum fuisse : Tametsi extremis, inquit, annis, usus mihi venit, ut cœperim meo malo Leguleius fieri. Quamobrem, cum ad me consistendæ litis causa veneritis, faciam ut vobis de vestra controuersia palam fiat. Attentionem inde Partes parabant : ac mox Canis in hæc verba exorsus.

10.

Vtinam. inquit, ea nunc tempora viueremus, Auditores, quibus visorum inter, atque aprorum agmina potius, quam ex vinculis vestram meamque vnâ causam me perorare oporteret. Illud enim, etsi periculosius mihi eueniret, gloriam tamen, atque immortalitatem, etiam periculum non negaret. Presens autem vitæ conditio, & periculi cetera est; & æternam insuper honoris iacturam minitatur : quando hodie fatalis est hora, quæ, eh eu! calculis iniquè subductis, merita mea pensabit, vnoque iam momento locata tot annorum opera pessum ibit. Fuimus olim numero aliquo; sed tum, quando greges à lupis, domum à furtis, Dominum à latronibus vindicabamus, Nulla hero meo nox fuit, quam equidem assiduus excubitor non peruigilarem. Ad nutus adeò, signaque obtemperare insueui. Lusitabam scitè, si qua ille iussisset; iisdem irascebar, adularbar iisdem, quos velle illum aduertissem. Vbi venari libuit; ego sagacitate feras odoris indagabam; premebam fugientes, quoad genuinum desigerem. Apros ego attinere, & solus hnni sternere ausus compluria in eiusmodi conflictu vulnera excepi : meæ
con-

contemptor vitæ, dum gulam herilem
 pensi habebam. Ego latrator ille nobilis,
 ego nemorum terror. Quoties in silvas
 excurri, & stertente etiamnum Domino,
 cum spoliis domum reueni: iam lepuscu-
 lum venatus, iam vulpeculam admorsa
 cuticula assecutus, & hoc genus alias
 prædas: vnde illic gulæ industriam ce-
 nam strueret, & cupediarum indagine ab
 domum curaret. Vidi egomet, hyeman-
 te cælo, pellibus illum ferinis vestiri, &
 quævis idcirco frigora insultare: Nam
 eas ego induuias illi dederam, Frustra
 hodie sum, si ex tempore merita omnia
 recensere velim, quibus olim Dominum
 affeci meum. Et quorsum hæc omnia di-
 sputo, Auditores? An ut memet ego de-
 prædicem? imò ut de vestra causa, quid
 sentiam liquidissimo declarem. Nam cer-
 tē (quod videtur) consenui, & iam vi-
 ribus defectus à laboribus procul vitam
 agere institui: cum subito herus om-
 nium beneficiorum immemor, non me
 mucido pane vilique fursure non siccis
 ossibus alere, non domi seruare, quin
 denique vitam, & hunc aerem cepit in-
 uidere. Hic enim Heri iussu infame sup-
 plicium in momenta subibo. Duci me
 iussit. Qua noxa id mea euēniat, ne ro-
 gate. Benè feci. Benè serui: hic titulus
 cædis meæ, in quem si intuemini, acta vo-
 bis causa est.

II.

Rusticus malè pridem de eneuntū omi-
 natus, iudicem hunc elinguem optabat.
 Posteaquam peroratum est, aliquamdiu
 triste silentium, & mutuus partium aspe-
 ctus tenuit: Donec Serpens ferocior: in-

tel.

relligis , inquit , litem contra te datam ? Nihil restat quod causseris: vici . Ille vix mutire ausus altum ingemiscit , & identidem circumspectat , quisquamue victo pollicem premat . Et certè prope aberat , vt mox inuaderetur ; nisi extremus vitæ amor infimas preces suasisset . Itaque supplex ad alterum etiamnum Tribunal prouocat : Non se necem , nisi ini meritam , deprecari : Hunc arbitrum etiam primò de sua Legum imperitia , confessum ; præterquam quod senij vicio iam supplicijque metu insanire ac intemperijs agitari videatur: ad extremum, sententiam illum morbo , non iudicio dixisse : superesse iure Consultos probiores ; qui , si idem pronuntiaissent , se ultra non intercessurum . Ægrè induxit animum Serpens , vt pacisceretur ; futuri tamen prælagio persuasus concedit.

Ergo vterque pariter à Cane digressi , propter extimam siluam in pascua deueniunt : iubi equus pabulabatur , strigosus , medicatis circum primores pedes fascijs , & incessu difficili , qui visis in vicinia his viatoribus , obtusè primùm adhinniebat , & noua hominis atque draconis consortione delectatus , quid se vellet , percontabatur . Respondit Draco , quod erat , contendì super iure & æquo : Cupere adeò se se intelligere , qui passim mores inter eos sint , qui dedere , atque accepere beneficia ; ijsne soleant peiora , acceptis reponere , an agere alia omnia : Equus , vt scita sua momentum haberent , à Maioribus suis cæpit proœmiari ,
quàm

quam ad agendam causam descenderet :
ac pro eo statu perarroganter .

13

Pegasus, inquit, Caput, Auctòrque generis aei , per longam posterorum successione, mihi quoque heminam de illa puteali vena legauit, quam is primus felici vngula effuderat . Ex eo die Musicum liquorem , veluti patrimonium vigilatè semper , attentèque conseruauit , vt sciatis vobis non cum inerudito , rerumque Musicarum imperitorem esse . Et verò fac deesse hæreditariam mihi litteraturam . facilè ex vsu euentuque Maiorum meorum , controuersiam hanc decido . Nam de Pegaso mihi hætenus constat solo , cum ob immortale meritum ad Superos euasisse , ab eisdemque ciuitate donatum , mortalitatem exuisse . Sed ceteros ipsius posteros , & natos natorum , & qui nascebantur ab illis , Fortunæ ludibrio proditos , ac circumuentos esse omnes . In his commemini Incitatum (quem Proauus meus , Tritauum Atai sui sæpe memorabat) Caio Imperatori aliquamdiu grauissimum fuisse ; atque etiam Consulem designatum in puro puto auro potare , & in ebo- re pabulari ; qui tamen Magistratu nondum inito ante Kalend. Ianuar. eo infortunio præceps iuit. vt inhumatus habuerit neminem , qui ossa legeret , eaque in vnam conderet . Hirpinus vterque in eadem propagine , quos aurigatio Circensis toties victores laudauit , vbi emerunt , apud nullam factionem stabulum impetrarunt . Antiqua loquor , cum suppetant hodieque vber-

tim

tim recentia, & in omnium ore gesta. Ego met verna heri meo natus, id loci mannulus cum essem, filio herili operam locavi: quem inualidis ego dum cruribus, & ponderi ferendo longè imparibus, subij tamen, & quo sæpiusculè iusserat, deportavi. Habitori postea corpore vecturas onerum facititare, curribusque iungi, veredus fieri cœpi. Herus quoque, si quando equo vehere volebat, me accersebat: cum ego iam militiæ armatum gestaui; iam ex hostium insidijs celeritate mea in tutum recepi, iam flumina cum ipso traieci; eiusce causa alii, sudaui; interim tamen ille me fodicare, vrgere, seignitiem opprobare, famem, & inter necionem minitari. Vici ego memet, atque iniurias diu in iocis numerabam. Verbera poppysmos interpretabat, minas adulationem comprobabam; denique nihil aduersi me fregit, & inter conuicia adoleui. Sed nondum hoc caput ærumnarum. Ætas iam grandior infestat, vires, forma, cutisque curatior defluxere: sentisco in dies deparcas heri manus, & de vultu stomachanrem animum coniecto. Quin herè adeò sectores nonnulli, & in his pristini redemptor in stabulo venalem me licitati sunt. Erat magna super pretio contentio, cum pistor philippæis me non amplius tribus æstimaret; herus identidem alterum tantum posceret. itaque trepidante me, atque animi pendente, discessum est è stabulo: quid inter eos conuenerit deni.

nique, haud adeò liquet: nisi quòd post paullo seruus ad me, nescio quid morosior cum dinaricatam perticam in latum impulisset; & tu coruorum pabulum, inquit, perendie hospitium migrabis, & molam alicui transatilem antelucanus ages, dum fortasse ad cultrum denique proscribare. Quibus ille dictis. capitulum mihi exiit: me interim formido ingens & luctus suspendit. Quæ mala eò ingrauescunt magis, quòd non inter ignotos patior, sed ab eo, quem debere mihi omnia vanus op nabar. Audistis meam hætenus fortunam: Ite per singulos, nihil diuersum etiam diuersissimi docebunt: clamabunt omnes peiores ex beneficijs simus.

14.

Videbatur equus in verba prouectior. Quare interpellare Rusticus & neque hunc iudicem quidquam pro sano agere, affirmare; priuati tantum opinionem, & ex vano haustam esse: oportere consuli aliquem, qui extra periculum constitutus, nihil pro animi libidine iudicet: cæcutire enim vel sapientissimos in suis peruidendis: rogat efflictim per sacra omnia, uti alium dicere ius velit, à quo appellare deinde neutri liceat, isque victor discedat, secundum quem pronuntiatum fuisset. Hic iam Draco insanire, imposturam hanc clamare, non forum, sed effugium queri, ludos se hætenus haberi: sed nec passurum tamen, ut diem 15. impunè tergiuersando exemerit. Contra alter in pedes accidere, moram tantisper orare, quoad iure liquidiore vinceretur.

Inter

Inter hæc Vulpecula dudum post senticetum occulta stabat , & tragicas duorum rixas arbitrata , homini aduocatum agere instituit . Ac mox , velut temere siluam egressa . in controuersos incidit . Rursum ex composito receptura sese , vt subsistat tamen , rogatur . Et iam Draco pariter exoratus , etiam hunc admittit iudicem , post eum Rustico nullius moræ gratiam facturum : ita

*Æternos , inquit , ignes , ita sidera
conscia testor .*

Vulpecula callidè , quid facto foret opus , scitatur . Denatrant inter se compendio : illa interim magno opere mirari ; inde conuiuere , iam abnuere ; iterum alia simulare , intenta , vel rei gerendæ occasionem æstimaret . Tum denique paulum meditata , festiui doli consilium capit : Et , res , inquit , ista non patitur , vt hic in medium consulatur ; seorsum cum singulis deliberabo . Innuat inde Draconi primum ; eique è via seducto plura , in aurem garrit : atque extremum altiùs , vt inaudire Rusticus posset ; ita me omnes pulli , inquit , ament , & gallinæ decament , causam tantum non certam habes : prius tamen etiam alter seuocandus . Draco supra quàm credi possit gestire , & victor sibi videri . Concideret animo Rusticus , & laqueum querere : Vulpeculæ tamen ductu , secretum petit . Ibi vulpes primò illum de periculo docet , additque ipsum causa laborare , & secundum plerumque hominum morem

beri habuisse: eius ut rei fides sit, velle nunc eodem se irrepere. Hic laudare, consilium vulpes, ingeniosè factum dicere, horrari etiam, ut properanter inserperet, & qua potest, adiunare. Iam inde prospectabat Serpens, cum Vulpes in primis antri angustijs alia scitari, fallendo detinere atque auertere; alia admirari, alia condolere visa est. Interim Rusticus anxie pro spelunca, si quid iuberet Vulpes, præstolatur, saxo proximè amoto innitens: cum ecce tibi adductiore cauda Vulpes dat signum, & saltu è faucibus speluncæ in transuersum exilit. Simul & Rusticus præcepti memor viribus quàm potest maximis lapidem eò, unde priùs auellerat, reponit, itaque monstrum in veteres ergastuli latebras compingit. Tum demum Fortunæ ludibria patuere, Rusticus ex orco ad salutem redire; Draco, ex felicissimo in calamitosissimum mutari; iteratò vitam, libertatemque poscere, omnia promittere, sed auribus iam surdis.

At Vulpes ad hominem conuersa: Qua fide, inquit, ego te seruarem incolumem, in propatulo est, nec verbis agam, ubi res & præsens euentus indicat: Tu constantia pari promissum præsta. Paganus ubi Vulpi verbis amplissimis gratias egit, post horam diei septimam deliberare cœpit, urbem etiamnum, an domum peteret? Vbi verò animaduertit in conflictu superiori omnem se pecuniam perdidisse; ad hoc etiam solem occasum imminere, statuit ad uxorem redire. In reditu verba qui-

16:

quibus vxorem de suo reditu doceat, meditatur, sibi que non dubios illius gemitus pollicetur: iamque id vnum studebat, quo tandem pacto luctum fœminæ medicaretur. In eam intentus cogitationem ad villam propinquat. Sed etiam mulier inter hæc moram pertæsa, haras & momenta in digitos mittebat: cumque in expectando marito magnam diei partem frustra fuisset, subiit suspicari, virum alicubi se in gameas immerfisse, & quod fœminis ingenium est, continuò ficta pro veris habebat; quare se aduersus redditum armat. Interea sub primam noctis facem maritus ab ostio vocat, atque aperiri iubet. Adest inter primos Villica, & ad maritum à via & mali metu exanguem: ita, inquit, omnes te Inferi, inferæque agant helluo, adcone certum tibi est, nihil mihi, nihil liberis reliqui facere? Parabat exculationem Villicus; sed fœmina os pugnis occupare, pedibus ferire, & per capillos lamentantem in cubiculum trahere. Cogitabat interim Rusticus mulierem fascinis infestari, aut certè à mente excidisse, cum illa identidem verberando opprobraret, ubi rem suam Asotus prodegisset. Abiurare ille, & urbem se nunquam ingressum contendere. In mercatum, inquit illa, non in popinam mihi, gameo condixeras. Vix ille tandem inducijs, quoad illius diei infortunium exponeret, impetratis, ex ordine omnia recenset. Ac demum qua lege cum Vulpecula condixisset, quaque libertate in cortem mox grassatura esset infelix ostendit. Cortem ubi
mulier

mulier ferox nominari, periclitarique cognouit, in furorem acta, virum omnibus supplicijs tantum non internecat. Placuit tamen post diuturnam verberationem, illum, ut erat, à via famelicum in cameram id noctis concludere, ubi crapulam edormiret, quam nunquam somniauerat miser. Porro mulier gallinas, pullosque in tutum migrat, seruumque bene validum euocat, qui pro ædibus vigilias agat, eum, quid sui consilij sit, docet. Cetera, pro eo, ac cum Vulpe conuenerat, ostendit. Ita stationibus dispositis reliqui curatis corporibus in somnum concedunt.

Vigilabat dudum Vulpecula, & à proximis filiis post primam vigiliam egressa, concubia nocte ad villam adest. Quam ubi nullis impeditam repagulis, conspexit; nec se à canibus latrari, fide hominis laudata, ac suspenso gradu ad prædam intendit. Patebant hic omnia, & silentium Vulpem animabat. Iamque illa sibi Fauentiam. Lubentiamque ad esse rata, se in caueam irrupit, ubi iugulatis pinguioribus pullis silentio rursus abscederet, ad saginam eandem, identidem, ubi fames suassisset, reditura. Verum illa dum circumit, & in vacuum virgarum ordinem iterum, ac sæpiuscule offendit, verna, qui post ianuam pridem in insidijs latebat, circumeuntem fustuario salutar, ictuque duplicato elumbat. Vulpes præter opinionem excepta serò temeritatis se se incusat, consiliumque imprudens reprehendit: Et, merito, inquit, meo isthæc patior, sciebam hoc
summis

summis beneficijs præmium solui, quod experiri non meo malo, sed alieno confiteri debebam. Hoc tamen mihi nunc Epitaphium esto.

VIVEREM. NISI ALIVS:
MEO. BENEFICIO.
VIXISSET.

Nondum hæc integrè dixerat, cum supernè tertium fulmen incumbit, exanimemque solo affligit. Ita, quam pestem ab homine pagano auerterat, in suimet exitium properavit:

Subrisit posthæc Hugo: & nunquid bellam ego vobis fabellam, amicissimi virorum? Bellam profectò, inquam, & elegantem, quamque omnes Roscij agant, & totus Orbis spectet; videret sanè expressam sui imaginem ad amusum. Id verò vnum mihi ab huius Vulpæ ingenio peregrinum videtur, quod insidias & fraudem suspectam non habuerit, nec meliori lege pactam, mitti sibi eiusmodi prædas statò in silvas tempore imperauerit. Nam fefellisset licet Villicus, vitam tamen illa & fortunas suas seruasset. Respondit Philippus, fuisse nimirum hic versutam eas, quas & iam & aliquoties alias dolo malo fraudes concianasset. Nam præter innumeras alias, quàm fuit ridicula illa,

19.

*Vulpis
aurigam
& Lupi
decipie-
tis fabu-
la.*

qua Lupum versipellis decepit? Hiemabat fortè cælum, famelique altius in viscera descenderat, cum Vulpes dudum impransæ in pabulum memoratur alicundè oxijisse. Ea, ut in apertum euasit, procul in aurigam intenta moliri apud

se accepit, quibus hominem opportunè
 dolis dūctaret, famemque stomachantem
 eo Prætor in ius ambulare cogeret. Ita
 in publico, qua parabat autiga trajcere,
 procumbit effusa quadrupes eo corporis
 rigore, ut vixisse peierasset: id loci in om-
 nem euentum parata hominem præsto-
 latur. Qui ubi appetijt, bonum factum,
 Vulpeculam conspicatus, flagellum ex-
 pedijt, illudque strictim in Endemionem,
 qualem primitus sibi finxerat, & contem-
 tum incussit: inter quas illa plagas dolo-
 re, compresso masculam Stoicæque fa-
 ctionis disciplinam confessa egregiè du-
 rar, hominique, notidum planè experien-
 ti, imponit; quando is feram frigore pe-
 remptam ratus ab eius exuvijs aliquod
 pectori suo aduersus hyemem fomentum
 vanus sperabat. Quare ab extimo pede
 sublatam, in suum proiectim vectabu-
 lum, excutit. Enimvero Vulpecula hic
 artes suas exerere, in vitam ab ementito
 funere redire, & gnauam famelico ven-
 tri aduocationem facere instituit. Cum
 ecce tibi præpinguem suilli aqualiculi
 aruinam nacta, ea suum abdomen ille-
 cebra vsque adeò infatit, ut mirum es-
 set, ni creparet. Tandem ubi satietas
 lardi fuit, currumque Vulpes nauseare,
 ac saltu in pedes se conijcere, cænxque
 nictatori gratiam cæpit meminisse, ho-
 mo illusum se videns, intemperijs agi, &
 desperata vindictiarum lite versipelle
 monstrum conuitijs prosequi, inferisque
 inferias vouere necquidquam, persiste-
 bat.

20

Atqui Vulpes in siluam compendio
 B regressa,

regressa, dum se opimis spolijs grauem ipsaque felicitate fessam prædicat, in obuium incidit Lupum, malè habito corpore, deque ventris iniurijs impensè quiritantem. Incusat proinde eius inertiam illa, & extremi ingenij vappam, nulliusque consilij pecus appellat. Nonne me vides, inquit, vt ipsam egomet mihi Fortunam clientem fecerim? Plus nausæ à delicijs afferro, quam tu famis in illas. Satietas cum omni familia in ventre est, oditque angustias contubernij sui digna laxioribus aulis. Tibi interim macies pro patrimonio est, & prandium fames, & ventris pro ventre locus. Quin expergisceris tandem, & audes facinus

*———— breuibus Gyaris & carcere digni,
Si vis esse aliquid. Probitas laudatur &
alget.*

Aduertit Vulpem poetari Lupus, consilioque præstare. Igitur eas artes vbi didicerit, rogat, quibus & versus faceret, & popinam inueniret? Tum illa

Quis expediuit Psittaco suum χαῖρε.

Picasq, docuit talia verba conari?

Magister artis ingeniq; largitor

Venter, negatas artifex. sequi voces.

Quod si cupita spes refulseris cana

Lupos Poetas, & Poetridas Vulpes.

videbis repentè fieri. Inscitum ergo, inquit Lupus, ego Magistrum habeo, qui ne litteram illorum docuit. Verùm ego de poesi non magnopere in præsentī crucior: artem propinandi hodie si comprehendero, docilem ego me discipulum putabo. Incœpit Vulpes, atque vbi tam lautè corpus curarit, quàmque in aurigæ

penu

penu annonam aut inuenerit, aut corru-
perit, prolixè, diserteque narrat. Dein-
de Lupum, si tergus ad scuticam paul-
lum perpetiendam assuefacere posset, in
eiusdem ganæ polluctum inuitat. Pro-
misit se Lupus in illius potestate futurum,
imperaret tantum quid facto opus foret.
Docet igitur Vulpes, quò ire, quidve
facere eum sigillatim velit; se seque dato
negotio in tutum migrat.

Cœpta iam erat fabula, cum adesse
conuiuatore ex flagri crepitu cogno-
scit, seque ad cœnam verberibus licitan-
dam componit. Auriga extentum prop-
ter viam lupum vt vidit, recentem in il-
lo Vulpis dolum recordatur. Iamque
exercitator; nã tu mihi inquit, opportunè
lues, quod tuæ Magistræ modò impunè
fuit, & non etiam tu me tyro ludos habe-
bis. Quare flagello etiam reiecto, manus
pregrandi, & querno fuste obarmat, quem
statim viribus gladiatorijs in macilentæ
belluæ latera ridiculus impingit. Lupus
etsi magno staturam cœnam cogitabat,
si alterum id genus pro cœna symbolum
esset expectandum; imperat tamen,
sibi, plagamque vnã Spartana nobili-
tate concoxit. Interim repetito fulmine
Rusticus in personatum incumbit, atque
omnem eius audaciam expugnat. Quip-
pe Lupus hic nihil dissimulandum ratus,
neque talia flagelli pondera insuper ha-
benda penè elumbis consurgit, & posita
persona, quã licuit, erumpit. Post vt
in tuto se sensit, eminus ad aurigam re-
spectans, gratiam ei habuit, quòd se
tam comiter experrexisset. Eum deinde

21.

ipsum ferunt cum liuentibus scapulis , & toto corpore in tumorem verso ad Vulpem reuenisse, rogatumque, qui pabulatio ingeniosa cesserit , respondisse , adeò se saturum , ebriumque, vt si paullò largius ab illis edulijs sumeret , rupturus illa fuerit . Ceterùm nec optare se quotidie tam fumantes culinas , vbi ea fercula pararentur , & malle se viliùs dehinc cœnare , quàm talibus cupedijs ventrem in farcire . Ita abiit in siluam ille quidem , sed Vulpecula in risum . Nam ex ægro eius incessu facilè coniecit versuta , quam pro præda Lupus sportulam tulisset . Idcirco nequiter , 'quid ita lentus graderetur ? est scitata : an tantilli flagelli titillatu offensus esset ? Cui ille : præ vtero , quem ferret , grauem sanè , atque à crapula impeditum festinare non posse . Inter hæc ego cognoscere me velle ostendi , ecquæ eius deinde Lupi fortuna fuerit , quem malè delumbatum & illuso ventris murmure ieiunum quidem Paganus , & cum exsucto fagri ferculo dimiserat . Hugo, sibi verò hæc præterea comperta esse, quæ liquidò in ante diem VI. Kal. Febr. Glacernone & Gelidino Coll. dicerentur contigisse .

22.
Lupus .
piscator

Lupum, inquit; illum altera fames sollicitabat , cum primam necdum omnem expugnasset . Cui morbo vt remedium afferret , ad eandem incallidus Vulpeculam regreditur , cuius festinos pridie dolos tanto sibi stetisse meminerat . Atque illi ; iam, inquit , doce, quid fieri me possit . Viden' hanc tu corporis maciem ? arida hæc bustuarij ossa solaribus radijs dudum conspicua ? Nimirum has venter

creat

creat molestias; & nisi tuo commentò molestum hunc mihi hostem esse prohibeo, vixi. Negat sibi vspiam Vulpes laridi, aut cerealis epuli mensas in potestate esse. Sed si fortunam, inquit, experiri tamèn lubet, alicunde licebit esse. Ille; velle se verò omnia, quæ Vulpi visum fit. Rogat illa, piscari num aliquando didicisset? Negat Lupus, sed se hoc genus escam vt raram, ita voluptariam haud perinde aspernari. Ergo agedum, inquit Vulpes, cenasti. Patinarias ego tibi struices, quæ follem te plus, quàm trigonalem faciant, concinnabo. Lupus hic omnibus lætitijs gestire, præ gaudio vix se ipse capere, è vestigio vulpeculam, quacunque ducebat, consequi. Ventum est denique ad argentis ripæ crepidinem, vnde iam congelati amnis glaciem despectus erat. Hiatu illic fatiscibat, quem vndis ac piscibus bono aperuerant. Et Vulpes: hic par, ait, horarum stationarius miles excubabis, caudæque syrma fluuiio immersum, prius haud emerges, quàm creber piscium ligurientium morsus caudam tibi vellerit. Enimuero tum squamigerum pecus, & opima fluuij spolia triumphabis. Conditit stupidissima fera, cessimque ad fatalem hamo suo voraginem abit; atque ibidem cum incredibili frigoris contemptu pertinacissimè tenet.

Coepit interea coire glacies, ac sensim cum Lupo, qua parte ad aquam pertinebat, coalescere. Iamque ea se numella incluserat, cum tandem aliquando polyporum acetabula, & aquatiles illos dentones educturus, circumspicit. Et

23.

ecce venatorem inter coniurata molos-
 forum agmina ruentem. Lupus perijsse
 illo se aspecturatus, dum in eo est, ut fu-
 giat, nexu hiberno vadatum attineri se
 sentit. Quid iam hic agat infelix? ma-
 neat? minantur canes. Abeat? intercedit
 glacies. Vicit tamen, ut abire vellet.
 Ergo dum glaciem imprudentius elucta-
 tur, rupta dimidiatur cauda, quæ mihi
 oppignorata Lupo infame stigma reli-
 quit; periculi tamen securus, incolumis
 cetera in silvam euasit. Qui dem? Vul-
 peculæ obuiam factus, ut inhonesti vul-
 neris nondum coalitam cicatricem excu-
 saret, clementer secum egisse Fortunam
 dicebat, quæ tantam piscium vim inmi-
 serat, ut etiam cauda pondere victa & vi-
 tium fecerit, & nimiam captuæ felicitate
 expiarit. Ferunt alij Lupum non
 dissimulasse; sed liberè de fuga confessum
 esse. Rogatum verò ubi partem sui ami-
 sisset, respondisse: pro periculo nimirum
 sibi de via secedendum fuisse: utque post-
 liminio ad prædam iam feliciter captam,
 certis reuiceret; locum deposita cauda
 insignem fecisse. At canum rabiem in-
 relicta insignia, cum in se non possent,
 animaduertisse. Palpitantem verò & la-
 sciuentem piscium in glacie saltantium
 petulantiam usque eo caltigasse, ut ne
 vnum quidem viuum, vegetumque post
 viderit: Inde esse, quod tam saturo, suf-
 fulto que palustribus nullis vtero, latus,
 hilarisque incedat.

24.


Onicula

Lm.

phs.

Audiebat hæc fortè onicula; quippe
 per pascua à grege decerrauerat, Lupo-
 que procul viso inter veprium angustias
 timi-

timida confederat. Ea malè tum decepta, quod saginatam crederet Hyænam, neque ab illo tum saturione sibi metueret, prodit, viamque pergit reliquam pergere. Sed prædoni conspecta, mox in prædam cessit. Cumque lanianda, identidem illa diceret, nullum tamen in occupato ventre locum fore: & præterea periculum esse, ne post tantam ingluviem febrile lusus incipiat, atque in improbam voracitatem mors vindicet. Quod si parcere in præsens vellet, se paucis post diebus cum scenore redituram, & gemellos, quibus facta iam sit. adducturam. Quare expectaret tantisper; easque in epulas novam famem colligeret. Lusus in Lupi modum respondit: se verò nunquam ita pransum esse: quin & cœnare adhuc posset. Deinde sibi committendum non esse, ut tantam dimitteret prædam; in qua una tantam sciret familiam incolere. De febre nil ait esse metuendum: medicum sibi se esse, atque illico ab agnīs medicinam facturum. Nec diutius fuit, & ouicula periit, & Lusus insperatō famem lauro conuiuio placavit. Inter has, aliasque fabularum vices dies in vesperum abiit; nosque in cœnulam & sol, & fames inuitavit, quibus parendum rati, domum, non sine egregia animi restauratione discessimus; ea conditione ac lege, ut postero die, in eundem & locum & sermonem rediremus. Ut promissum ligaremus, manus miscuimus.



V T O P I Æ

D I D A C I
BEMARDINI.

LIBER SECVNDVS.

I.

*Secunda
diei am-
bulatio
& collo-
quium.*



XHAVSTA nocte, noua somnia nouasq; fabulas dies aperuit Nec iam multum diei expectatum, prima aurora adfuit ad fores, & pactis legibus abripiunt potius, quàm abducunt. Atque vt ad seram vsque lucem nobis liceret esse lætis, prandium iussit in siluulam sequi Philippus. Ad locum vbi ventum est, ex humeris pallia in arborum ramos, nos in gramen abijcimus. Nec diu silentium tenuit. Ascræum hoc nemus esse puteimus, inquit Philippus, & hortos Musarum, in quibus, velut ad Caballinum fontem, etiam aues poetantur: nam ecce, vt canunt? Canant, ait Hugo, nos, dum illæ modos faciunt tibijs paribus dextris & sinistris, subiungamus fabulas, Subiunge, inquam, & telam, quam heri orsus es, hodie pertexe. Mea fabula, inquit Hugo, heri, cum die, finem habuit; hodie ex ordine Philippus aliquid nobis memorabit Immo iste, ait Philippus (& simul me monstrabat) qui, cum passim audiat

———— leporum

Disertus pater & facetiarum,
iam etiam ita sinum fabulis, & buccas verbis impleuit, vt ipsi oculi illius in memoriam missi dictionem videantur parturire.

re. Incipe igitur, ait Philippus, paratos habes Auditores. Imperare potes inquitbam, quando hodie tuum panem comedemus. Obsequor, aures date.

Postquam annos non paucos inter amicas literas, & suauissimos socios haud sanè otiosus laborator consumpsi; iamque ad finem ferè studiorum anni laberentur, placuit tandem manum ferulæ subducere, & peregrinas terras, & alios Orbis incolas visere, quando iam pridem natiuum cœpi solum nauscare. Neque tamen absque comite in ignotum excurrere cœlum libuit, sed commilitones aliquot; si quos possem, in idem consilium, vocare constitui. Aperio itaque animum animis meis Georgio & Antonio, quibus, quòd iam idem meditabantur, non adeò difficulter persuadebam, Rebus proinde domi ex animi sententia compositis in viam nos damus, cerri Cimmericos orbes perlustrare, & aliarum gentium diuersos mores intueri.

2.

*Iter in
Vtepiã.*

Tertium iam diem in itinere eramus; cum post meridiem siluam ingressi obuiam haberemus adolescentem pannosum illum ac lacerum; sed quem è vultu peteram non infini sanguinis colligere. Hunc talem adolescentem colloqui aggressus: Saluè, hospes, inquam,

3.

*Obuius
miser.*

— quibus orbis ab oris?

Hac iter est? quo te porrò pèdes?

Qui genus? Vnde domo?

Satiù' alibi terrarum res saluæ ac ciuiles? Ingemuit adolescens, & post aliquot suspiria, in largas lacrimas iuit. Ego cum tertium illum à me id loci arbi-

trarer, vbi prædas alioquin agi familiare est; eximere scrupulum parabam; & quid à nobis, inquam, metuis, adolescens? alios tu nos esse puta, quàm qui sanguineo lucro vitam toleremus. Adde, quòd ea rerum tuarum facies sit, quæ nullius ad se, quantumuis auidas manus, inuitet, quin imò.

Cantabis vacuus coram latrone viator.
Fare, inquam, quid alibi rerum agitur?
Tum ille miserabili voce ad me:

*Ab fuge crudeles terras, fuge litus
aurum,*

inquit, & simul impensius flere perrexit. Ego verò, quid hoc rei est? inquam. quid factum tibi existimem? Narra, sodes, nec diu nos suspensos trahe. Ex adolescens, si lubet, inquit, infortunium meum discere, accipite.

4. Minus decem dierum, est, cum è patria profectus; & equo auroque abundè
Hospitium in hospitale. instructus in hos Cimmericorum fines deueni. Est hic in vicinia mali nominis oppidum situm, quod nudius tertius quidem ingressus, ut ibi noctem degerem, stabulum quæsi. Reperi diuersorium lautum, & cuius inuenti me nequaquam pœniteret. Ibi dum cœnula adornatur, ego vestes mutare, & quem pulcherrimum habebam, torquem induere amens, inque conornatu, urbem aggredior perambulare. Conuerſi multorum oculos in me, & alios torquis nitor perstringere, alios vestium cultus aduextere, aliquibus etiam matsum visum est subolere. Quod ego, tametsi conijciebam, tamen patrio more, simplex nihil grauius formidabam, Saturatus.

ratus vrbis spectaculo , ad hospitium re-
uertor .

Adest è vestigio puer scitulus ille , &
mirè disertus; euocat; venio: ait heram sibi
suam negotium dedisse , vt me perquam
officiosè salutarer, quippe eam magnope-
re gratulari meum in vrbem aduentum .
Id porrò vnum stomachari , quod cognat-
is adibus tabernam hanc tam humilem
prætulissem: Rogare, pro veteri necessitu-
dine , vt cum equo sarcinaque ad se tran-
seam, neque id committam , vt hoc dede-
core foemina princeps afficiatur , atque à
cognato velut peregrina repudiata existi-
metur. Vidissetis mihi linguam & aquam
haurere , totoque vultu ruborem emica-
re , ita nihil promptum erat neque quod
agerem, neque quod responderem . Dixi
tamen gratam me eius matronæ huma-
nitatem habere . Ceterùm non cum es-
se , quem illa fors opinaretur ; neque
vllum id loci cognatum me sanguinem
scire . Daret proin. veniam , vt in con-
ducto manerem. Puer hæc omnia elegan-
ter eludere , nullumque heræ errorem
fateri. Nam certè cum me esse, qui nobili
loco in terra Germania sim natus , idque
heram vt suum nomen meminisse ; nec
aliam, quàm sororem patruelem esse: Ad-
dit patriæ patrisque nomen , & plura ta-
lia , quibus fidem pertinaci faceret . Hic
cœpi , fateor , vacillare , & , & me ventu-
rum promittere. Et puer, non id agi solùm
à Domina respondit , vt venirem , sed vt
iure in eo totum hospitium ibi, cereraque
mihi caperem ; ac , ni vellem , enimue-
rò vim allaturam , & fratrem patruelem

5.
Ficta
cogna-
tio .

iure cognationis ad se pertracturam. Quid multis vos moror? persuasit, transeo, pueroque & me & equum & sarcinas permitto. Interpellauit hic Corsicum Antonius (nam id adolescenti nomen erat) & quæso te, inquit, an adeò obstupueras, ut numerum familiæ tuæ in digitos mittere non posses? teque priùs examinares, quot fratres tibi, quot sorores essent? Aut Donium miser Ægyptumve patrem habebas, ut longas cognatorum centurias memoria desperaret? Nam ridiculum est, insperatò & peregre mihi consanguineos præsertim adultos obuenire. De infantibus non mirarer: nisi tu hoc ipsum fortè credidisti, Matres Cimmericas una nocte tam grandes partus edere. Atque ego, inquebat, omnia cogitabam; sed ea fuit siue mea stultitia, siue. fœminæ versutia, ut non solum mihi id persuaserit, sed feliciter matri meæ persuasura fuisset, si filiam se eius mentiri voluisset. Nunc reliquum cognoscite.

6. Ad primum ædium limen expectabat *Hospitis* adolescens cum ambitioso puerorum *exceptio.* comitatu: famuli erant aliquot, senex torquatus, quem familiæ præfectum dictabant. Illi me omnes venerati Donium, per ædium atria deducunt; inque ampla diæta, quam omnem peristromate & aulaeis ornatunt, relinquunt. Ibi mihi immodicè felix videbar, qui tales peregre cognatos inuenissem, & ego mecum: quàm inhumani nos sumus, inquebam, qui domi propinquos etiam notos aspernamus: isti, vel inuitum inuitare, & homini peregrino tam amicam

vim afferre contendunt. Nempè nescio quid barbarum habemus , præ ut isti sunt elegantes & concinni . Aiebam adhuc talia; cū inferuntur mensæ. & sequitur Matrona cum grandi familia, meq; honestissimè salutato , & ijs quæ principio solent factitatis: quam ego te, inquit, Corsice, libens accipio, postquam viginti sunt anni; cū neminem mei generis conspexi : Et nimirum hæc sunt indicia , quæ fratrem mihi hodie repræsentant ,

Sic oculos, sic ille manus, sic ora ferebat .

Sciscitatur dein, senem , an lineamenta domini sui agnoscat ? Ille ad amussim, omnia, & frontem, & vocem, & gressum ; nec se ouum ouo, nec lac lacti similis vidisse. Cupiebam ego interea vehementer nosse, quis qualisq; ille frater fuisset ; ne si homo, aut nullus, aut absurdus esset , ineptè mihi hac similitudine gratularer. Verum illi me, ut quidquid inchoabam, mendacijs obruere , & sermones aliorum flectere inceperunt .

7.
Conuiuium .

Sic tamen accumbimus. Ego summus ; inferior cognata ; sinister is, quem dixi adolescens, qui se filium hæredem ferebat; infimo senex. Pueri mensam vndique coronabant . Inter ante cænia multa de valetudine parentis , deque rebus patrijs confabulari , videmus lancem apponi. Qua detecta , quatuor cœperunt testudines erepere, grandes illæ, vniqsq; si millimæ, ni intestino rotularum stridore proderentur. Argenteis supra scutis defensæ: capita illis pedesque modicè prominuli, naturam in-cessu, & articulorum flexu scitissimè
fal-

fallebant. Quo attonitus miraculo, dum
 euentum expecto; video earum vnam in
 meum orbem ire, ibique fessam, velut ad
 Herculis columnam sit ventum, non vl-
 tra tendere, sed pedibus intra scuti mu-
 nitionem receptis, acquiescere. Igitur senex,
 beati sumus, inquit, quibus otiosis has con-
 tigit feras excipere. Fœtæ sunt opinor,
 aut sub sarcinis, incessere, Teutemus, an-
 utrum in dorso ferant; dimotoque scu-
 to, tergi, vberes ostreas educit, quæ deli-
 tuerunt. Mox, iubeo tollere, inquit, hunc
 partum, bonæ indolis est. Et cum dicto
 concham omnem extorsit. Sequimur au-
 daçter nos, dorsumque scrutati similem
 inde prædam extrahimus. Dreptis inter
 hos rissus ostreis, testudines iam exone-
 rate suamque legationem perfunctæ se
 ipsæ circumagunt, versoque gradu ad
 lancem, vnde egressæ, expirant. Non tenui
 me, sed ad consanguineam conuersus;
 Per fidem, inquam, vbi terrarum hodie
 sumus? Orpheum hoc mihi theatrum est,
 vbi

*Repperunt patina, mirandaque cœna
 cœcurrit.*

Quare manus huic ego iam vitro affe-
 ram, ne & ipsum incipiat ambulare & me
 in tanta vini temulentia. Tantalum face-
 re. Simul igitur atque poculum hausi, pue-
 ros audio symphoniaco non absurdo car-
 mine musicam inchoare. Finierant illi,
 & ego iam audacior, dum alterni narra-
 mus, & rogamus, in materiam delabor-
 sciscitans, quemadmodum Drusilla (nam
 ita se Soror nominabat) eò loci sola per-
 uenerit? Ad quæ altam illa congemiscere,
 cæte;

exterique mihi oculorum natu innuere :
ego stupor nondum intellecto , quid vel-
lent,pergere,& Drusilla in alterum potius
diem promittere . Tantò auidior ego &
importunior,vt immò ocysimè fieret, vr-
gere.Hic illa;quanquam animus, inquit ,
ineminisse horret , quippe quòd tristitia
sunt , & inter dapes aduentitias vix me-
moranda.

*Si tibi tantus amor casus cognoscere
nostros.*

impero mihi,& hunc Damoclem senem,
qui testis ipse interfuit , iubeo paucis ex-
plicare.Continuò senex :

Anni, inquit, sunt. vnde triginta ,
æstasque erat supra. quàm dici potest æ-
stuosa,quo tempore bellum inter nos Re-
gemque barbarum acre & internecinum
ardebat,mutuæ vtrinque clades & damna
fieri,nullus non dies aut insidijs, aut præ-
lijs funestus esse:Atque euenerat fortè, vt
ego paterque meus cum tribus remigibus
lembulo conscripto,in proximam insulam
traijcere , atque ad classem nostram ibi
in anchoris stantem nescio quæ manda-
ta referre iubeamur. Nos gladio solùm,
& pugione accincti proficiscimur, tan-
quam ad amicos ituri . Iam in conspectu
classis erat;& ecce venti repente nos ador-
ti. diu nequicquam obnitentes in-
latus abripiunt , perque totam noctem iacta-
tos nouissimè ad ignotum litus eijciunt.
Incerti vbi essemus. primo diluculo ex-
scendimus, locique spatium oculis emena-
si ad priuum lapideum castra posita vide-
mus , eius ipsius Regis , quicum bellum
habebamus . Hic metu exanimés alter
ad.

8.

*Prolixa
senis cō-
uiuantis
garruli-
tas, de
varijs
casibus.*

ad alterum aliquamdiu intuemur, & consilio in capillis frustra quæsito; ego prior, quid agimus frater? in Polyphemi antrum deuenimus, vnde exire nisi luculenter audaces non possumus. Tumque ille, nondum nos visos esse dixit, eoque latere nos posse, dum per alteras tenebras effugeremus. Ego; non vides, inquam, ad littus accessitate? capite utique sumus, aut in eo, ut capiamur. Nam quis Vlysses fallere in hac vicinia tot oculis speret? quis fugere, aut nauigare? Stant circa innumera naues, & cimbæ, quibus mox insculturæ fuga nos retrahent: inde quæstionibus subditos Imperatori arcana, quibus consciij sumus, vulgare cogent. Ita non prodiiti solùm, sed etiam proditores erimus. Rursus ille: quin ignes iniicimus his cymbis omnibus, copiamque hostibus insequendi adimimus? tum tutò eos fugiemus. Ego, sanè, inquam, si vndis pro fomite utamur, iam ardebunt. Ceterùm cum nusquam ignis in promptu, & nos ipsi tam mortui frigore simus, ut quoduis incendium restincturi videamur, poteras aliquid stultius nunc suadere? Varia dein agitantibus, militis globus propinquabat; cum in arena subiit consilium, ut pro telo audaciam, pro scuto ingenium sumeremus. Quid enim? moriamur frater, aiebam, alioqui morituri, aut si mori non sedet, hoc strategemate vivamus. Aperio dein mentem, iubeoque illum maeste animo esse, tres item comites eum telis subsequi, nihil timidi præ se ferre, sed eadem omnia agere, quæ a me fieri viderent. Secundum hæc ramum

ab obuijs virgultis decerpo, oliuamque
esse iubeo, idem & comites faciunt, atque
vna mecum castra contendunt. Procur-
runt indidem extra vallum multi, ac præ-
sertim è statione miles barbarum fren-
dens, rapto volat ense, & procul excla-
mat:

— *state viri. Qua causa via, quique
estis in armis,*

Quoque tenetis iter?

Ego præsidens animi

*Pacifera ramos socios pratendere oli-
ua.*

iubeo, meque mei Imperatoris Legatum
elata voce respondeo; ferre mandata ad
Imperatorem, cuius si colloquendi fiat
copia, res magni momenti expositurum:
si audire abnuat, iure fideque publica
discedere rursus liceat postulare. Con-
tinuò in castra deducimur, regemque
stipante militum corona venerati, ali-
qua in speciem profamur; cetera, quod
secreta sint, sine arbitris indicaturos o-
stendimus. Rex nihil doli metuens, iu-
bet illico turbam discedere. Nos circum-
fundimur. Regemque complexi, cui
rei adsumus, docemus. Tempestate,
actos ad hostilia littora deuenisse nec ne-
scire in quo discrimine versemur: vri-
que morituros nos, sed nobiscum etiam
Regem: quippe, si quam suorum
opem, nutu aut verbulo postularet, si
item suos proprius accedere, aut moue-
ri vnquam sineret, telum prius latere
Regis hæsurum, quàm nos violaremur.
Simul pugiones distringimus, & Re-
gem in metu officioque continuemus.

Sta.

Statuam vidissetis, non hominem : ita obmutuit , hoc solum scitatus, quid porrò in animo haberemus. Respondeo cupere nos in tutam redire , id quia consecuturi non fueraimus , nisi singulari audacia defenderemur , hactenus progressos fuisse , ut Regem pro obside caperemus . Sequeretur proin nos, nutuque suos omnes arceret, perijsse , si quid vel ipse detractaret , vel ciues suos moliri viderat . Ita Regem è prætorio captum inermes producimus , & multis armatorum militibus primò obstupescendentibus, post accessu prohibitis, demùm vbertim complorantibus, soluiimus , Rege ipso , ne defenderetur supplicante . Iussi tamen duo nautæ, subsequi cum phaselo, a quibus Rex postmodum reuheretur , quem cum nos periculo defuncti videbamur , fide optima remisimus ; dubij beneficium Regi dedissemus , an a Rege accepissemus.

9
*Loquacis
castigatio.*

Cum hæc memorasset loquacissimus senex, nihil, que dum ad Drusillam oratio spectaret, ego, quia vino incalueram, non tenui risum, sed silicernio deliranti , mox, inquam, dum cognatam quærimus , a te usque in Africam abducimur, iamque periculum metuebam, ne

*Ad Cannas Mithritaticumq; bellum,
Et Sullas, Mariosque Curiosque*

hoc tuo orationis æstu abriperemur. Quòd si, ut senex es, omnis tibi memoria excidit, cogita , nos sororem , aut consobrinam quærere incepisse , adeoque litem de tribus capellis contestatos fuisse . Sin autem longiùs adhuc trahere constituisti, quæ so te, per caput tuum , parce pedibus meis ;

nam

nam oppidò fessi sunt, & sopori, quàm itineri iam aptiores.

Hæc me semipotum cachinnantem, senex ferrea patientia tolerabat. Atque, hæc, inquit, etsi remota esse videantur, ad rem tamen pertinuisse mox videbis. Siquidem remisso, ut conuenerat, Rege, nos sub meridie intempestiuus elati alter alteri gratulamur, ut qui fortiter fecerimus, castrisque hostem exuerimus, felicitate, quanta post homines natos nemo meminisset. Nec aliud iam agebamus, quàm quemadmodum id facinus inter nostros magnopere prædicaremus.

IO
Fabula
continua
tio.

Interea nautarum aliquis conspici cerninus se liburnicam ait, quæ, ne hostis esset, continuo metuebamus; Nam celerimè ferebatur, seu eadem alicubi editura. Ego tubum, quem optico vitro perspicuū habebam, primò video peringens æquoris spatium Turcicos piratas imminere, & pallidior cera, viximus, exclamo, nisi alicubi latibulum inuenimus, aut celeritate hanc pestem effugimus. Igitur quid quid remorum est corripimus, & ad litus, quod longissimè adhuc aberat, properamus.

II.

————— *Adductis spumant freta versa
lacertis*

————— *totumque dehiscit
Conuulsum remis rostrisque bidentibus a-
quor.*

Ita consumptis viribus & labore exhausti appellimur, nauique inter arundines relicta, & excensione facta, vix mille passibus trire mem anteuertimus. Erant in littore deserta omnia, nec virgultum, quo conde-

re se quisquam posset; fabuli autem acervi complures, quos ventorum turbo con-
gesserat. Illuc amentes deferimur, & de-
spiratione acti cauernas ibi molimur, fa-
bulòque superobruimur, ut vel asylum
contra hostes, vel, si mors immineret, se-
pulchrum haberemus. Vix funieramus
inferias, cum ego medica mihi rima
relieta, video triremem eundem portum
petere, quem nos tenueramus, coque-
certatim omnes exscendere. Ducentos a-
deò numeravi validissimos prædones, qui
remigibus viginti, captiuisque decem
in vincula compactis, dum ipsi armata
manu oram omnem percurfarent, nauim
firmissimè religatam decem custodibus
permittunt.

12

Inde rationibus positis ubi quisque
prædam ageret, viceni quaque versum
excurrunt, decreto ut intra tertiam ho-
ram cum spolijs reuerterentur. Hic mi-
hi per pectora frigidus horror ijt, cum
has Getici furoris belluas aspexi, quarum
aliquæ tam prope aberant, ut animæ soni-
tum notare, & pedem imprimere mihi
possent. Hic existimare vos volo, quid
in hac mortis vicina nobis animi fuerit,
ubi iniuimus quisque strepitus mortem,
aut laxior halitus carnificem vocasset.
Verum, ijs omnibus turmatim dilapsis,
& decem custodibus, de quibus demon-
stratum est, relictis, libertas rediit respi-
randi. Sed quid tamen ageremus? aut
quomodo in sepulchri angustiis tres in-
super horas durare vini, ferarumque tam
immanium reditus operiri possemus? ista
nimirum mora conficeret quibus barba-

rus

rus pirata pepercisset. Rursus autem prurumpere, quid aliud fuisset, quam decem ieiunis leonibus prædam obiicere? Vigilât circa custodes, & non tam remigum fugam quam nostram speculantur. Igitur alterutrum audendum est, hoc sabulo mori, aut horum ferro; nisi malimus vitam inter remiges degere, breuique morti longum supplicium anteferre. Hæc me anxie cogitante, quinque custodes incipiunt secundo littore otiosè ambulare, quinque reliqui strata corpora somno permittere. Suggestit hic audacia desperato consilium, ut è tumultu rediuius properem, fratrique, & nautis itidem refossis propalem.

————— *Moriamur, & in media arma
THAMUS.*

Nam & remiges, inquiebam, quid nisi Christiani sunt & captiui, qui tam arctè ab his tyrannis habentur? Nobis aut mori pro his decorum erit, aut cum his euadere gloriosum. Doceo deinde, quid fieri velim, animisque singulorum auctis, & facta confestim eruptione strictis ensibus in ignauos Endymiones incurrimus, singulique singulos adorti, priùs obtruncamus, quam aut sentirent ipsi, aut socii viderent, Hic tendere manus captiui, & quod patronos agnoscerent, nutu ad se inuitare. At nos cæcorum capita silentes in nauim, imponere, cadauerum truncos vestibibus spoliatos in mare abijcere, remiges captos vinculisque solutos, alios pugione, alios acinace armate; his arcus, his fistulas ahenas accommodare: cæterum volumus, ut hæc omnia clam
habe-

haberent, donec cum præda piratæ reuē-
nirent. Nobis pileos tunicasque Cæforum
retinemus, quibus induti citiùs cautos fal-
leremus. Nec defuit ingenio successus;
redeunt quinque primùm custodes, om-
niaque tuta rati ex insidijs omnes obtrun-
cantur. Horum arma vestimenta que ite-
rum in remiges partimur, vsque aded, vt
triginta iam in qualibuscunque armis es-
semus. Cùm ego sententias cæpi rogare,
quid porro fieri placeret? censuerunt ca-
ptiui esse continuò per terras effugiendū,
ne expectato prædonum reditu, breuem
libertatem ingenti calamitate lueremus.
Risi sententiam. Quid enim, aiebam, si fu-
gerimus, quàm facilè in reduces piratas
iacidimus, retroque bis capti Phryges in
seruitutem reducemur. Et fac, elabi? vbi
patriam, vbi amicos in peregrino littore
inueniemus? Igitur remiges ceterique na-
uigandum dixerunt, vt barbari nauigio
destituti, nihil ad fugam reliquum habe-
rent. Ego fraterque in eam sententiam
cessimus, vt opertiendos prædones cense-
remus.

- 13 Plerisque reclamantibus, frater manu
silentium poscit, factaque dicendi copia,
quam nihil periculi, quantumque com-
modi hæc sententia haberet, ostendit.
Nam plures, inquit, triginta sumus arma-
ti, ij viceni duntaxat; qui vt diuersi abie-
runt, ita ex interuallo reddunt. Erimus
proinde singulis eorum turmis, non so-
lùm numero, sed etiam loco, & conditio-
ne superiores; quippe instructi incautos,
coniurati ignaros, integri defessos exci-
piemus: nec tam pugna nobis erit, quàm
cæ-

caedes. Si enim nos hoc ornatu custodes mentiri, & vos vincula iactare conspexerint, cui spectata fraus esse, aut latere insidiæ videbuntur? Venient nimirum non pugnaturi, sed morituri. Adde quod prædam illorum eximiam manibus prius eripiemus, magnisque spolijs mactati, & diuitiis aucti, libertatem cum honestissima dote nanciscemur. Et cogitate ingenuos multorum liberos a plagiarijs illis abductos, eadem opera posse vindicari, quibus alioquin omnibus, aut seruitus infamis, aut barbara crudelitas foret perpetiendæ. Nam illud quidem, quod pertimescere vos aduerto, ne turmæ omnes simul irruant videte, quam sit inane? Maxima circumplanicies est, ut redeuntes longo spatio prævideri possint. Fac igitur plures accurrere, quam quibus pares simus, numquid funes statim, aut, si necesse sit, solvere, aut abrumpere non poterimus? Decem passibus a littore prouecti extra teli coniectum sumus, ibi non timebimur quemquam, sed timebimur. Quare hic censeo in statione manendum, pulcherrimamque & incruentam victoriam cum opimis spolijs expectandam. Hanc fratris orationem ubi omnium assensus comprobauit, aciem insidiasque locamus, & quid quemque facere oporteat decreto, aduectores porro uostros expectamus: Interea loci, quod plerumque otiosi solemus, varia inter nos percontari, moram haud illepidis sermonibus fallere, & quisque suam fortunam aggredimur narrare.

Eminebat è captiuis senex prudentia, 14
 grauitateque perspicuus, olim mercator, Aries, &
 sed dormiens.

sed quòd nuper in piratarum potestatem cum omnibus fortunis venerat, iam longè a veteri vultu alienus: is hæc talia memorabat. Tribus, inquit, abhinc annis institores duo onerariam vnam conscenderamus, illum magni ouium greges, me somnus, & sarcinæ sequebantur. Et nanim sic eramus partiti, vt puppis pecuario, cum grege, cederet, ego in prora, cum sarcinarium impedimentis, tenerem. Ibi de via fessus componere me interim, atque in puppim respectans, cœpi obdormiscere. Ex aduerso aries eximij corporis fera in proram spectabat, qui vt me obluçantem somno & ceruice prona nutantem vidit, aliquamdiu ceu ignaum contempsit. Post autem vbi duello se peti credidit, ad sui ludibrium pertinere arbitratus, ni toties prouocantem rebeli fronte retunderet, prodit, & vindice cornu in caput meum incurrit. Ego mirè perturbatus, & somni vertiginisque plenus dum mecum reputo, quis tam humanè mihi talitrum illiferit, aut poppissimum obtruserit, arietem video iam alteros congressus minitantem. Hic non enectatus petitionem exeo, nouusque Ajax in arietem inuado, summi velleris lanam comprehendendo, hostem è nauigio exturbo, violenterque in fluctus spargo. Reliquæ oues miratæ patrem familias præcipitem iisse, ac velut in idem discrimen vocatæ, contendunt aliæ super alias exilire. Neque vis, neque opera gentis pertinaciam inhibere potuit. Ita puncto temporis factum, vt & nauim exoneraret aries, & naufragio stolidissimum pecus interiret.

Fabulam risus excepit , & alia fabula risum .

Siquidem vectorum vnus , se olim longè iucundissimum aiebat errorem vidisse. *Monachi*
 cum hiemante cœlo, caluim Stygis rabu. *Et Prædi*
 lam penitissimè canum rabies laceraret. *câtisme-*
 Lambertus enim homo cætera haud ab- *tamorph.*
 surdus , & sacra in familia Therapheutes , cum iter solus faceret, nocte iam imminente, cœpit de hospitio cogitare. Nusquam; erat in vicinia, nisi malè sartum, stabulum , idque nullo neque vino, neque esculento lautum Cæcus duntaxat, & in humili chorte gallina superabat, nondum ad Licinij cognomen adscita . Huc ijt homo nocte coactus , pactusque de gallina, & lectulo, cœnam iubet apparari. Vix dum iugulauerant feram, ignibusq; implumem matrem admouerant, & ecce tibi alius aduenit barbitio honestus, vt videbatur , pectus illi hispidum , oculi torui, frons contemptrix, supercilium vastum , Ipse equo strigoso vectus , bulgam ab ephippio , telumque & areum tubum suspenderat, militem crederes profugum, aut trosculum, prædonum. Sed caperis erat è Calui hara , & garrulus Orci præco . Hic talis turbidè fores cadere , introque admitti cupiebat . Stabulârius inbet hominem recedere , nisi casco velit paneque famem pellerè ; aliam annonam in promptu nullam , chortis reliquias, & cadurci tegetem ex pacto dudum alteri cessisse . Si Cynicus tamen es , inquit , & in aslere consueuisti cubare fontanamque sitire . *aude hospes contemnere opes* , & succede . Grauitèr id hircus ferre , diuque super gallina vin-



dicandâ contendere; sed caupo perstare, & Cœnobitam esse persistere, cui esculentum id addixisset. Tum verò furere, alter, & mille conuitiis Lambertum onerare. Pauperne stomachus dape tam nobili farciretur? se magni Principis tubam vili esculento, & casei quisquillijs victitare, dum alter in gallina helluaretur? Nouissimè tamen, vbi nihil se sensit proficere, tenebrisque ac nocte vias impediante, coactus accepit conditionem, ac mansit. Equo subiude in stabulum inducto, dum ipse ad casei quadram accumbit, Lamberto gallina apponitur. Ea probè saginatus, nidore competitorem iubet esse contentum. In quem vt propiùs aspexit, Marcum esse agnoscit, cum ipsum, quem olim in Cœnobio habuerat contubernalem, post desertorem, ac demum nefariæ Hærescos præconem, dignum cœnam, quam cum Cerbero voraret. Ringebatur interim Marcus, & stomachum, quem implere nequijt, totum in execrationes euomebat. Hic omnibus iuxta habitis Lambertus dissimulare, & cœnare perrexit; dum demum pastus monstrato in lectulo acquieuit. Sequitur haud multò postalter, fame vigiliisque satur, videtque lectum iam omnem a competitore obsideri, se denudò repulsam ferre. Nouis proin' detestationibus victorem incessit, & auersatus ferale consortium inter minas, & maledicta humi se abijci, somnumque mille deuotionibus inuitat. Sed frigore nocturno vstulatus breni resipiscit, quemque socium aspernatus antè repudiarat, ad eius se latus clanculo appli-

plicat, caueus anxie, ne intra illius interula fricaretur. Ibi cum omnes iterum Orci legiones precario in socium armasset, fatigatus denique obdormiuit. Postea tamen, quam hæc tonitrua se fregeret, Lambertus, qui somni imagine reclusus, dicta factaque omnia subnotarat, quemadmodum puniat linguæ insolentiam deliberat. Ac multis diu pensitatis constituit, hoc ingenio Nebulænem vindicare. Post tertiam noctis vigiliam, quam occultissimè potest, surgit. vestibusque permutatis, in tabulam se conformat (num illi amictum pilis ferisque horridum relinquit: ipse alieno ornatu superbus rapta ducentorum fermè Philippæorum crumena, & telo accinctus egreditur. Iubet equum adduci, conscendit, spoliaque opima nactus, nihil suspicante hospite discedit. At Marcus longa inertia defunctus, ut somni veterum aliquando discussit, cepit Coenobitam suum in lectulo quærere, eoque nusquam inueniæto, gratulari sibi primum, ut qui se crederet votis damnatum, quibus illum Inferis deuouisset? Dein, ut vestium metamorphosin aspexit, palliumque & peram, & pecuniam, & omnia defieri, atque eorum vicem crassissimæ telæ endromidem, & solocem veridæ, quam vestem relinqui, vertigine perturbatus insanè conclamauit. Nemo fuit omnium, qui ad porcum sic grunniemem non accurreret, quibus percunctantibus quid clamoris esset? ille vestes suas requirere, & pecuniam suam reposcere; & profugum competitorem ultimis in-

iniurijs lacerare. Illi hominem insanire rati, qui se ipse quæreret, vestes illi inxta ostendunt, consurgere iubent, gallinæ pretium exigunt. Ad quæ omnia ferocior illæ, alium se vociferatur, quàm opinarentur: impostorem aufugisse, rem sibi & opes omnes abstulisse. Verùm hæc talia quam impotenter clamabant, tam impudenter fingere credebant, vt factum pridie nomen eo commento expediret. Igitur, ne diu vos morer, Præco malè pastus, & hospitatus, facta pecuniæ, vestis, equi iactura, cogitur pro gallina insuper, quam alter comederat, soluere: ac, ni mallet summa hieme nudus recedere, ea tunica operiri, cuius pædorem, squaloremque tot funestis apprecationibus damnarat. Enimvero erat id iucundi spectaculi argumentum, videre, quam toruus villosum amictum aspiceret, quàm ægrè attingeret; quam difficulter indueret? Iam sordido centone corpus, iam setoso cingulo vmbilicus, iam paupere cucullo capillus tegebatur, restabatque vtj pedes ligneo sandalio includerentur. Tum verò

*Anertitque oculos, lacrimaque per ora
cadentes*

Cyniphias texere genas timuitque videri.

Et nempe, hæc ipsa erat toga, qua olim abiecta sacramentum profugus ruperat; cum ab eo ornatu in Stygijs præconis schema desertor migravit: nunc iocante fortuna ad eandem redactus, vt omnium oculis subduceretur, laborabat. Itaque

antè

antè lucem transformatus rabula discessit. Quacunque ibat, Germanus S. Francisci nepos creditus, ne dignosceretur, vultum nunc omnem cucullo immergebat, nunc ne cui occurreret, per aua deuiaque vagatus suam ipsemet fortunam fugiebat. Sed commodum id temporis Prouinciæ Imperator cum grandi canum acie in filinis erat, bellum apris ferisque facturus, & ipsius eadem perfidia imbutus, hunc, quem dixi, desertorem domi pro oratore habebat, Cœnobitas, & nominis Romani Mystas mirè exosus. Hic gauisus suum se Principem inuenisse Marcus, dum nihil iam timet, videt repentè familiam omnem accurrere, & omissis feris certatim in sernere. Gratulabundos primùm putabat; sed postquam, & canum latratum audit, & molossorum rictus vidit, & venatorum impetum sensit, tum animus illi compauescere, & quid ageretur videre. Quare occupat eminus clamare:

Aliaon ego sum, Dominum cognoscite vestrum.

At familia canesque ad Domini mores facti, in Monachum velut monstrum pergere; alij alios hortari, opimum venatum credere, si bipedem feram confecissent. Nec diutius dilata res fuisset, ni Princeps tempore cognitum Præconem, à canum rabie defendisset. Ibi ut ex metu rabula respirauit, cœpit plorans ille inter omnium risus, & cachinnos suum infortunium recensere. Lambertus quoque in Cœnobitum equo deuectus, vnde prius pedes exierat, quam fortiter aduersus hostem fecerit, narrat,

atque equo & infimis potitus ad Matcum in hanc sententiam rescribit. Palam esse quibus ille non solum nuper conuiuijs, & minis sæuierit, sed quo etiam furto, latrocinio, sacrilegio Cœnobîa duo pridem expilarit. Ob eam rem pignus se ab eo cepisse tantisper dam Cœnobiis, è quibus ille profugisset, quæque depeculatus esset, satisfidaretur. Marcus interea quærît prædas, quod si inuenerit, ait se res repetiturum.

16. Parabā hic ego rem adhuc longè stultiorē subiicere, sed consilium globus appetens prædonum discussit, qui procul iam visi cum præda redibant, turbaque inermi virginum iuuenumque præ se acta ad nauem properabant. Quare alter alteram hortati, ut mactē virtute essent, illos expectamus. At ij in litore gestientes, dum iniicere flentibus catenas securi incipiunt, quid ponē fieret ignari, a nobis inuaduntur, breuique tempore sexdecim latrones iugulantur. Quorum capitibus ex more præcisis, arma captiuis tradimus, in quibus fortissimi adolescentes octo, tres senes, totidem virgines numerabantur. Prædam auri argentique in nanim imponimus, captos libertati confirmamus. Iamque decrescere piratarum manu, & nostra acie identidem auctiore, in alteram velitationem erigimur. Neque enim longo interuallo altera se turma ostendit, quæ iisdem insidiis petita confecta que vniuersa occubuit. Inde tertij, inde quarti, inde alij ex alijs rediere, neque vlli fraudem prius sensere, quam ferrum recipere. Censum inde

inde viginti iam onerata liburnica capti-
uisque tribus & sexaginta impositis, vi-
sum est ultimas prædonum copias non
lacedere, ne secundis præliis elatos ali-
quando euentus defereret. Accedebat,
quod socii in cædendo fatigati, tum vul-
neribus aliquot saucij tandem recepturi
candendum putabant, quibus nos gratifi-
cari soluimus, cymbamque minorem re-
mulco trahimus, ne reliquis aliquid præ-
dæ ad fugam relinqueremus. Ecce
autem tres hostium turmas vno eodem-
tempore diuersis è locis accursantes ob-
tuemur, dum paullulum à littore remo-
ti nos, extra teli tamen iactum, subsisti-
mus. Qui vbi insperato nullam neque
nauium, neque opem inuenerunt, nosque
eminus insultantes tot sociorum capita
præferentes viderunt.

*Clamorem immensum tollunt, qua pene-
tus & alta.*

Intremuere undæ.

Ad decem continuò in furorem versi
ipsi se præcipitauerunt, nandoque, vt nos cõ-
sequerentur, contenderunt, quos tamen
omnes fluctibus haustos prius cum risu
vidimus, quam ad triremem adnataissent.
Ceteri fremere fureteque, & per littoris
sabulum eiulantes discurrere, neque iam
prædæ rethendæ, sed mortis vitandæ sol-
liciti, se in cavernas abstrudere, auiaque &
inua petere. Verùm eos deinde lucem
protractos provincia quæsitis supplicijs
lacerauit. Interim nos, quinto post die, ad
Imperatorem reuersi rerum gestarum se-
riem explicamus, prædamque & resecta
prædonum capita exhibemus. Quos ille

cum planè amissos credidisset, nunc autem tot facinoribus perpetratis insperatò rediisset cerneret, præmijs me fratremque militaribus donat, prædāq; inter nos partiri iubet, Auro argentoq; nos contenti, captiuis vestes remigibus arma donamus.

17

Erat inter remiges pulcherrimus adolescens, qui & fortissimè pugnarat, & prudentissimè dixerat, quem suspiciebar, loco non humili natum. Hunc igitur vt sigillatim Imperatori laudavi, vocat Imp. &, cum Vtopium esse in primis nobilem didicisset, facit ei copiam de præda, si quid vellet capiendi. Petit Virginem è captiuis vnā, hanc ipsam quam quærimus Drusillam, tuam consobrinam; cui si dotem Imp. addere velit, aliam postulare nullam, quam duos nostræ Liburnicæ malos. At Imp. totam imò, inquit, Liburnicam. Simul Virgo iuueni nupta, nauique imposita in Vtopiam deuchitur. Mihi miranti, cur pauperima præda contentus, duos tantummodo malos petiisset? Si me, inquit, comitaberis, in patria ostendam, teque huius consilij & opum mearum consortem faciam. Acepio conditionem, & sequor.

18.

Vt huc locorum devenimus, iubet adolescens, duos, quos dixi malos diffundi; Et ecce portentum ingens! excorticati mali perforatique ambo, alterius medulla argentea, alterius aurea pura puta. Hanc, inquit, medullam quæsi; nam his ossibus sciebam ex rapto piratarum auro infusam. Inde opes illius adolescentis fuere ingentes: quarum tamen omnium postea cum in febris decessisset, hæredem sibi

sibi uxorem, id est, hanc tuam consobrinam reliquit.

Hæc Damocles intentis omnibus unus omnia narravit: mihi soli annus interim videbatur, dum se ad portum proluxa garrulitas appelleret. Ergo ubi

Conticuit tandem, factosq; hic sine quieuit.

19.
Proluxa garrulitatis molestia.

Næ tu in tempore dixisti, inquam, iam iam enim vertigine mecum omnia circummagi; & egomet metuere cœpi, ne tu prius artifex motum perpetuum inuenisses, tuæque orationi, finem facere non posses. Ego, ut ex me confitear, neque cognatam reperturum, neque ab instituta nauigatione iam in patriam rediturnum sperabam, ita me ipse amiseram. Nunc quando te video mecum in viam rediisse, hanc tibi phialam plenam Campani liquoris propino. Simul ebibo ingentem pateram, & Damocli deinceps hauriendam trado.

Ita me diluisse fabulæ molestiam ratus, omnem penè sapientiam extinxi. Nam ab eo haustu caligo oculos, genua languor, sensum reliquum nescio quæ ægritudo sopiuit. Ebrietatem egomet interpretor, cui aut leuandæ aut dissimulandæ accubitu assurgo, lectumque me velle ostendo. Vidissetis hic mirabile familiæ studium, alios cum facibus aduersos ire, alios mihi pro scipionibus esse: hos meam vicem anxios, illos de cubiculo lectoque sollicitos perturbari. Drusilla ipsa, ut mosoletur, sarcinas omnes iubet introferri, & auream illam pateram, reliquumq; mensæ instrumentum, argentum omne donati,

20.
Ebrius officiosè cubitum ducitur.

& iuxta me in cubiculo destitui. Inde sic à me discedere, vel posterà die humaniùs reuifura. Me verò obſtupescit inſolens cognatæ humanitas, taciteque mecum & cœnæ lautitiâ, & aurei doni pretium, & reliqui animi ſtudioſum reputanti, videbantur ij demum homines digni, quos meliori luto quondam finxiſſe Prometheus diceretur. Nos vero vulgus, & veluti fax generis humani, quid niſi ex ultimæ notæ argilla conformati? Talia cogitanti tres pueri officioſo certamine, alius calceos ſoluere, alius aliùſque thoracem, & torquem, & reliquam veſtem exuere, pulchroque ordine in ſcammis omnia collocare, poſtremò, lucerna mihi relictâ, è cubiculo abire.

21.
*Cloaca
dolus.*

Date mihi hanc veniam, vt cætera paullò Latiniùs, quam ſoleo, radiusque deſcribam; ita tamen, vt nullum audiat ſibi Honeſtas conuiuium fieri, ſed neſcio tamen, quis alterum ſenſum vulnerarit. Circumſpiciebam, ſi quid eſſet, in cubiculo cætera inſtructiſſimo, ubi aquam peterem. Aliquamdiu circumiens oſtiorum nouiſſimè inuenio, aperio, video ſellæ Patroclianæ monimentum. locum arcanum, ſed quærenti omnino opportunum. Ingredior lætus etiam demum aduerſus ventris iniurias ſecurus. Hic enimerò miſerrimè me & longa ſelicitate incautum ſordidiſſima calamitas feſcit. Nam paullum à limine progreſſus ad aſſeris fallacis inſidias deuenio? quem ſimul vt iuſtiti, ſentio miſer fundamenta labari, & ſoluta machinâ, crepare trabes, titubare pedes, tuere aſſerem, mecumque

cumque in spurcissimæ sentinæ cloacam deuolui : Conclamaturn de vita iam rebar , & profectò fuisset , si in caput ijssem , nuuc , quia rectissimè pedibus extiti , ad poplites vsque , nec vltra , infame cœnum pertinuit , pædor autem & graucolens uausca stantem penè deiecit , & minimò minùs exanimauit . Nesciebam primò vbi locorūm essem ; nam spississimæ circum tenebræ erant ; sed non potui diu nescire : nates enim indicarunt , me certè in redolenti violario non esse . Cœpi ergo in ipsa miseria ridiculus mihi fieri : & , fortasse his balneis lauamur Vtopij , cūm cœnant ? Et si profectò ἔφυχρόν ἐστὶν πέδιλα , vt Iugurtha dixit : ἀλλ' ἀκαδαρπον βαλανείον . Adde , quòd athleticam non didici , & tamen hic vngor ? Quòd si fortè luctandum est , tamen ceroma iam habeo , beneque lutatus in arenam prodibo . At quomodo tandem prodibo sepultus in hac Libitina computreo , nisi opem familiæ imploro . Rursus id si faxo , vereor ne consobrina casu meo , territa se ipsam amittat . Nam quo animo feret , vt in hac lacuna pernigilem , quæ non talis , vt in taberna dormirem ? Persuadet tamen necessitas , vt clamem : sed vox mea nescio quem aduerterit , certè neminem mouit . Itaque conuertò me aliò , & modicum hiatus parietis video , qui in viam spectabat , quanquàm ad eius altitudinem peruadere sine scalis nequibam . Tandem in fortissimo naufragio tabulam corripio , asseremque illum , qui mecum deciderat , parieti admoveo , sed per eum sæpè relapsus nouissimè enitor ; atque ita

vnctus luctator per foraminis angustias
ægrè elabor. Postquam in publico steti,
luna pernox elegantem sanè mihi imagi-
nem monstraui. Nam ibi me contem-
platus, video coloribus deformatum vndi-
que, etsi non tamen Appellæis: & si, in-
quiebam, in speculo iam relucere, aut
nasutus certè futor me examinaret, opi-
nor nasum eius aliquid supra crepidas re-
perturum, quod improbare;

*Hem qualis facies, & qualis digna-
tabella?*

22.

*Feminei
hospitij
perfidia
& rapi-
na.*

Secundùm hæc nihil restare calamitatis
autumabam; sed omnibus periculis de-
functum, continuò ad veterem fortunam
rediturum. Igitur circum eo paullum, in-
cipio domus ianuam credere. Diu non au-
dior, quippe risus inter & cachinnos ne-
scio quid ij triumphabant. Ego nihilo se-
ciùs insto & pulso, & quidquid attrecto,
fortuitis coloribus, ianuam, parietem, de-
pingo. Demum fenestra reſeratur, & dica-
culus aliquis puer per ligneas maculas,
quæ fenestris prætexebantur, prospicit,
despicitque. Aperiri fores mihi iubeo, ar-
ceor, consobrinam Dominam dico, incre-
por, infortunium casumque memoro, ri-
deor. Postremò, nisi ab ædibus faceſſeſsem,
noctemque his clamoribus inquietare
ceſſarem, mox malum habiturum: *Quin*
certè res mihi, inquam, meas reddite.
Quas, malum, inquam, tuas res? Ego ve-
ſtes, aurum, torquem, sarcinas, equum. Illi
delirare me: & cum his mendaciorum cõ-
tonibus in furcam abire iubent. Ita valuz
obducuntur, ego excludor. Ac tum de-
mum intellexi miser, quibus fraudibus
pete-

peterer; hinc illam repentinam cognationem, hinc insolentem humanitatem proficisci: utique non ad consobrinæ domicilium, sed ad pestilentiae spoliatum diuertisse, dataque opera in Patroclianum ergastulum deturbatum me fuisse, ubi interirem. Ideò non temperavi mihi, quin amarissimè fierem, serijsque lacrimis stultam credulitatem infelix damnarem.

Amissa in hunc modum consobrina, quam tanto meo malo inueneram, dum ^{23.} *A Prædonib. & Puteo captus liberatur.* vix subucula tectus, eaque sordidè & in-
scitulè picta fraudulentis foribus apploro, prodit alicunde iuuenum globus, & confestim in me omnes ruunt. Ego vigilēs nocturnos credere, & qui effugerem, laborare: at ij re ipsa prædones erant, qui, quemadmodum sepultum principem exhumarent, spoliaque legerent, quærabant Fortè horreum malè sartum, aut nescio quæ alia casulam suberat, qua cursum diuerto, atq; inter curruum impedimenta me abdo: Non fefellit eos fuga; quare miserum insequuntur, nec difficilè fuit, è latibulis eruere, quem græcolens odor etiam non quæsitum infamabat. Protractus in lunæ lucem primò poteram monstrum videri, & aliqua Lamiarum posteritas, sed quando scædissimo humore perfusum, & olenti testorio videre illitum, incaehinnis rogant, qua fidelia vsuasit pictor meus? Ego lacrimans, seriem cladis meæ enarro. Illi me bonam mentem habere iubent, promittuntque se ad alias opes ducturos. Verùm necesse prius ut viuo me flumine abluerem. Et verò hic, inquit, puteus est, ad cuius usque

usque fundum ductilis vna pertinet, hac te, vt grauissimi fœtoris obsidione absoluaris, demitteremus. Persuasit mihi non eorum oratio, sed intolerabilis nautea, vt conditione accepta in vnam, inde in puteum descenderem, ac nouo more mergus fierem. Iam absterfa erat omnis spurcicies, & ego è frigidaria tandem cella cupiebam exire: dato proin' signo, vt me de puteo educerent, illi repente veros vigiles conspicati metu omnes ad vnum dilabuntur, meq; in balneo meo solum relinquunt. Hic ego sudare in gelidissimis undis incipiebam, quod metuerem, ne vnamquam inde liceret euadere. Sed enim ij quos dixi, vigiles, vbi prædonum dissipatam aciem conspexere, fessi ad eundem puteum substituerunt, vt haurita frigida sitim restringerent: hauriunt, neque inscij vna cum vna attrahunt. Ibi complexus temerè haurientem dum collo manus iniicio, & horrendum exclamo, ille nescio, quid monstri opinatus terreri, & vna cum omnibus velut è pestilentia refugere. Neque mihi diutius cunctandum placuit, qua obuiam est, diffugio, & lectulum alicubi in porticu, & horreo, quero.

24.

*Sepulchro-
chrocapi-
tus et li-
beratus.*

Verùm ecce prædonum priorum aliqui iam è fuga collecti mihi occurrunt, quibus cum ego super iniuria expostularem, illi teratos se plurimum occurfu dicunt fugisse, sed mox ad exsoluendam fidem fuisse, euersuros. Indè ad incepta secum pergere iubent, nolentem cogunt. Venitur ad tumulum eius principis, quem pridie viderant humari. Locus erat ingenti.

genti marmore obstructus, quod agrè amoliri me diu repugnantem in hypogæum denique demittunt, annulosque & reliquam tumbæ opulentiam diripere, & sibi continuò porrigi iubent. Quid facerem coactus? aut quid etiam erubesco fateri? gessi amens morem, minantibus mortem. Quanquam illi, ut mihi imponerem nescio quid iuris se habere dixerant. Inde ego credulus omnem prædam exhausti, digitosque annulis, cadauer vestibus, tumbam argenteis laminis exui. Post verò, quàm reliquum nihil erat, illi improviso marmor iterum emoliatum, meque vivum cum nudo cadauere inclusum, inhumani vesperiones sepelierunt. Enimverò tum ego in angustiis esse, & de me ipso desperare: nam quæ salutis spes superesse poterat sepulto? an expectarem, dum ad mortuum amici redirent ac sepulchrale saxum submoverent? an magis ipse pervertere sepulchrale saxum laborarem? consului ungues meos, intendi nervos, exserui lacertos, sed prius nimirum succubui, quàm capî. Clamarem igitur, aut strepitu homines accire? primò quis accurrere, & non magis ab infero tumultu vellet refugere? Tum dein de fac, aliquos opem ferre, & tumultum recludere, nunquid dudum spoliatum cadauer visuri non continuò me bustuarii furem credent, & ceu sacrilegum e sepulchro quidem eximent, sed recta in patibulum agent? nempe, si rectè intelligo, moriendum est, sed utrum in patibulo malim, an in tumulo, id mei arbitrij est. Hæc mecum reputanti strepitus super-

nè ad aures accidit, aliquorū inter se collo-
quentium: ij erant pars altera prædonum,
qui proxima in fuga dilapsi ab socijs ab-
errarant, tum autem e suis latibulis re-
gressi, cum nusquam commilitones repe-
rissent, ad prædara ipsi soli Libitinariam
ferebantur. ignari se iam à socijs præuen-
tos. Cum audirem hæc inter se mustantes,
animum insperato recepi, atque vsus in-
genio me ad eruptionem accinxi. Interea
loci prægrande marmor illi denuò amo-
liuntur, scalisque demissis audacior vius
in hypogæum descendit: ibi me ipse eri-
go, iniectisq; manibus pedes inuado. Il-
le hominum Cælitumque fidem clamare,
ac sursum versum eniri, ego nihilomi-
nus hætere, vnà ascendere. Ille se à mor-
tuo teneri & ad inferos typi credens tantò
magis vociferari, simul socios omnes ter-
rore stultitiaq; completos in effusissimam
fugam agere, ac demum ipse per vim elu-
ctatus, relictis omnibus, euadere, identit-
dem respectans, an mortuus insequere-
tur? Ita mihi nil speranti reditus in vi-
ram patuit, postquam ter sepultus & sen-
tinæ fœtore, & putei frigore, & tumuli
putore toties fui exanimatus.

25.

Quare, cum plurimis documentis
Vtopios vna nocte didicissem, porrò,
quidquid meis rebus fieret, fugiendū
existimaui, neque sapius cum tot capitis
periculis dimicandum. Et sortè iam diei
crepusculum appetebat, ideò portis vrbs
reclusis, ego seminudus excelsi, hosque
rusticos centenos precariò inueni, quibus
me amirem: Nunc errore viarum, &
penuria coactum Deus opinor propitius.

ad

ad vos perduxit. Et vos, si paria experiri
mecum, quàm metuere manultis, eodem,
suadeo, diuertatis. Talia, neque ego nar-
rando, neque Hugo & Philippus audien-
do delassati eramus; quia tamen hora
prandendi, & cibus mensæ illatus nuncia-
batur fabulis pausam dedimus.

V T O P I Æ

D I D A C I

BEMARDINI.

LIBER TERTIVS.

B Onum, idque non plebeium pransio-
ribus suis prandium anteposuerat
Philippus; nam cum aceto atq; sale
pransi sumus. Epulæ erant tempori & lo-
co conuenientes; Omnes terra dederat;
Omne genus lactucarum. Ibi sessilis La-
conica, crispa Cappadox, capitata, lepori-
na, siluatica; ibi sifer, intubus satius, cap-
paris, phaseolus, smilax hortenſis, aspara-
gus, carduus altilis, cuius fructus sen caput
oleo perfusum nitebat, ibi quidquid in-
esum viret, neq; nasturcium ommitteba-
tur, vt etiam Cyrus habuisset, quo delecta-
retur. His talibus, & vino atro, biuno refri-
gerati, iamq; multò, quàm antè meridiem,
disertiores, ad siluulæ vmbra recessimus.
Ibi, cum Philippus telam iuberet per-
texere, quam me orsum horis matutinis,
dice-

I.
Pran-
dium è
meris
herbis
& plan-
tis; no-
ua fa-
bula ex
ordium.

dicebat, enim vero, inquebam ego, te nunc tuam telam ordiri iubeo, tuæ iam sunt partes: heri Hugo, hodie ego chorum du-
ximus; superest, ut verbis quoque pascas, quos in cibos tuos admisisti: sic dicemus, et auribus nostris ac palato delicias fecisse. Hic Philippus cepit infantiam suam obtendere, sed ita voce modesta, ut videretur timere, ne excusationem admitteremus. Mox enim patuit, quàm minimè huic infanti verba deessent. Nam Hugone quoque leui manus frontisque nutu, ne tergiuersaretur, significante, veteri more. QVOD BONVM, FAVSTVM, FOELIX, FORTVNATVMQVE præfatus, in huc ferè modum totum quod reliquum erat dies, detinuit.

1. In Cimmerios fortè concessam, locum,
Patria ut non nescitis, tenebræ infestum; & natale
& for- noctis hospitium.
ma ebrj ————— quàm nulla relucens
de urbis Sidera. Phœbola quàm nunquam iuere
sua Ge- quadrigæ.
nio iudi- Quàm merus umbrarum timor est no-
cium fa- temq; citata
cientis. Percusant vacuo certatim murmure.
LAVRÆ.

Atque uti rem plenissimè teneatis. Annus erat Opimianus. & festæ temulentia mensis; Dies quem classico suo MARIA notauerat; horam diei, quia solarium decrat, cognoscere non licuit, Cum pro urbis (quæ eius gentis princeps erat) mœnibus obuiam vidi hominem, è cuius pedibus omne capitis studium coniecisses. Vacillabant ij; vinoque faulenti, de ordinibus crebrò excedebant. Humeri lango veneto
tege-

tegebantur. Sed capilli per intonsum verticem prolixè excreuerant: & cæsaries, ubi sol fuisset, pro umbra erat, Paganum scires, & imæ plebeculæ tribulem: cui detecto etiam ore, personam Ebrietas faceret. Ceterum languida ceruix caput agrè fulciebat; ut lectulum videretur humi aliquem, & puluim in cano quærere: dignus qui eiusce voti damnaretur.

Mirabar ego, si hæc gentis symbola essent, quæ aduenis urbem eminos depingerent; inque vna imagine, quid intus fu-
reretur, monstraret. At forsitan hic, in-
quiebam, solus insanit; iamque ceu dege-
ner ciuis ab vrbis continentia proscriptus,
exilium suæ ebrietati quærit. Igitur paul-
lulum procedo, ac breui ad oppidi portas
deuenio. Madidus ibi me custos, inuasit:
verbisque humentibus,

Τίς; τί δ' ἐν εἰς ἀνδρῶν, πῶς ἴτι' ἰπὸ-
λῆς; ἦ δ' ἐ τοῦ ἥες,

Respondi, quæ visum fuit. Sed ille cum aduocaret, mihi nouum esse, quod ianitor græcè loqueretur; nescis, inquit, adolescens ubi gentium verseris? Bonæ hic artes in portarum excubijs locantur; neque ultra pomerium admittantur. Nam in fori meditullium si quando penetraueris, ἐς τὴν ἀκισμᾶν coactum expleantur. Etiam me honesti amor olim tenuit, donec temerè huc ingresso, iudices diuini dixere, quod litteras didicissem. Quare in Areopago conuictus, damnatusque triennium exulani. Tandem poena solutus, iussere hic in statione esse; quoad artes meas didicerem, populique moribus inuenerem. Inde sextum iam annum id laboro, quæ-

3.

Alterū
malè so-
bria vr-
bis præ-
conium.

ad-

admodum bis interdicti ebrius fiam . In qua schola tamen nuper tam emerui ; tamen , quod Græcula mihi adhuc verba ebulliunt, nondum ciuitatem accepi : malunt enim me bibendo , quàm loquendo Græcari. Roganti dein' mihi, quæ ciuium ergo studia florent? Laconicè respondit: Potatur, Estur, Luditur. In qua triga ni aurigari possem , suasis Circo abstinere . His enim artibus lucrum fieri ; neque factionem aliam populo probari , Quin soli Temulentiaæ precium ponimus, impoti, inquit , & abstemij vectigales fiunt . Tu proin', si libros amasti, vide quò eas . Iam enim

~~————~~ celebres notiq; poeta

Balneolum Gabijs , Roma conducere
furnos

inceperunt ; pòst quàm nullo carmine famem hic potuerunt excantare .

4. Hæc mihi ebrius excubitor memora-
Laruari bat . At ego, velut in pestilentiam iturus,
temulô- urbem ingredior: & oculis quaquaversum
tique in- intentis , loci faciem diligenter cotèplor .
cessus . Hic repontè Lemurum se mihi vndique
spectra obtulere: in his peregrini & ignori
primùm oris habitusq; monstrum ,

~~————~~ nigri manus offesa Mauri ,

Cui tu per mediam nolis occurrere
noctem .

Clinosa veheris dum per monumenta
Latina ,

Egomer continuò mecum ,

Hem qualis facies , & quali digna
tabella ?

Quod video , in alterum orbem illatus ,
negotium cum INDIS habeo . Iam &
color

color gentis, si natiuus est, non placet: qui,
ne qua tenebræ defint, ipse sibi noctem
facit. Adhuc in Æthiopem spectabam,
cum alter alicunde quasi æquilibrio se
sustentans, atque in vtramque partem pe-
riculosè nutans prodit adolescens, plumantibus
induijs, pennisque ponè appen-
dulis, in volucrem factus: ICARVS om-
niò; nisi quòd hic vinum ructabat, quam
scirem ICARVM aquam bibisse. Et pro-
fectò, inquam, isthic mihi homo MER-
GVS est, ac sæpius in LIBERI solet lacu
plaudere, quam

———— per liquidum sublimibus aera
pennis

*Currere & atherio corpus librare vola-
tu.*

at is, ægrè in pedibus consistens, vt ad me
aspexit, manu cæpit innuere, & meam su-
meris suis opem rogare. Ego cum risu;
falleris, adolescens, qui de gente SCIPIO-
NVM me credis. Aut si certè Bacchus tu
es, & thyrsus quæris, non veni, vt adopta-
rer. Sic ille, nescio quid, barbarum fren-
dens, parietem obtunfis manuum digitis
affectat.

Ebriæque inuento fulcis vestigia muro.

Nondum hic ex oculis abierat, & in-
gens barbitum prodit, quod alius fasti-
diente manu identidem subleuabat. Ipse
in phæcasijs ambulans, terram superbo
imperio despiciebat. Sequuntur Satellites
duo; quorum alteri per humeros Simius
errare, alterius læuam noctua insidere
conspiciebantur. Et nimirum hæc huius
est, inquebam, Thraſonis familia: aut
aucupium vespertilionibus minatur, qui-
bus

5.
Dives
sparsio
persona-
torum.

bus hanc aquilam pascat. Lenissimè hæc
 mecum murmuraueram, cum repente,
 ceu inaudisset, aduersus substitit, & pedis-
 sequos nutu obiurgauit. Quibus in me
 confestim euntibus, iam ego vixisse me
 ratus; inculcabam stultitiam meam, qui te-
 merè comites deseruissem: neque cladis
 meæ aut testes iam, aut vindices haberem.
 Sub hæc Satellites, excussissima vterq; ma-
 nu, largam amygdalarum sementem pro-
 iiciunt; herumque liberaliter vlti, progred-
 iuntur. Ego pretiosà grandinè inunda-
 tus, damnaui suspicionem meam qua ani-
 mum hominis ex degenerare amictu præ-
 ceptis æstimaram: cœpique non iam Thra-
 sonem, sed Philosophum de eo ludo cre-
 dere, vnde extitisse audieram illum, quem
 Magister amplius triennium coegerat,
 non ferre solum conuitia, sed etiam præ-
 miijs mercari. Nempè is deinde, cum rude
 donatus cauillo prætereuntis peteretur,
 risit, momoque suo gratiam dixit, à quo
 gratuitas haberet iniurias, quas Magister
 tanti vendidisset, cum crederet, nihil à
 Philosophia haberi præstabilius, quàm
 quòd doceat, contumelias æquo animo
 tolerare: quod sanè ei est facillimum qui
 didicit petulantiam linguatum præmiijs
 etiam mercari. An fortasse, inqueiebam, hic
 vino errans, laudati se, inter heroas à me
 ratus, sic supercilium suum vindicauit?
 Aut in his terris laus est, stultescere, & glo-
 riosum, præ ebrietate, insanire? Hæc me-
 cum ipse locutus, collegi de terra, quod il-
 li abiecerunt.

6.

Larus
teſti
amici.

Atqui ego dum

— *implere ſingulis mellita gaudeo*

deo pra da .

Et de diuite cernis rapina

Tollo Casilos lucunculosq;

interim pedum me strepitus aduertit Re-
spicio; duos video liberali incessu iuuenes,
Quos ego prociū ANNIVM meum LV-
CIVMQVE credens (nam eò mihi fortè
condixerant,) & , o quis vos Deus , excla-
mo, huc mihi tam opportunè adesse, & in
partem assis mei iussit venire ?

Quicquid nobile Ponticis nucetis ,

Fecunda cadit aut iugis Iduma ,

Id totum subitus profudit EVRVS .

Simul in amplexus ibam ; meique secu-
rus , timori de cetero insultabam . Ve-
rūm

———— *Extemplo (neque enim responsa
dabantur*

*Fida satis) sensi medias delapsus in
umbras .*

*Obstupui; retroque pedem cum voce
repressi .*

Ac rursus periculi manifestus , clamo-
rem aggredior tollere . At duorum alter ,
digito indice in labra subrecto , silentium
poposcit: proximus minanti . SIGALIO-
NEM crederes , & peruigilium ANGE-
RONIÆ vouisse . Inacuit mihi peregri-
num imperium ; & , Ergone, inquam , ca-
pitalis ero, quòd vocem vnā in libera
Republ. emisi ? an verò ingenuus non
sum? aut in publico nihil est, quo se hospi-
tis innocentia tectatur? Et quantulum est ,
superi, ignotos salutasse? Oculorum omnis
hic error fuit animus , etiam in dubios ,
amicus. Quippè vos ego

———— *socia agmina credens ,*

In-

*Inscius, atque vltro verbis affabar
amicis.*

Si tamen hic ego me fefelli, & hostes vos
veriùs reperi, quàm ciues; nondum me
omnem deserui,

*Ferte gradum contrà, campoq; erum-
pite aperto;*

Solus in arma voco. —————

& cùm dictis, reddo capulo manum; pal-
lioque in vallum aggerato, & circa col-
lum intorto, me armo, & vim expecto.

7.
*Tessera-
rum lu-
dus.*

Sed quòd hostium neuter cum telo
erat, nesciebam quibus tandem armis
vterentur; Donec alter per larum nubem
allibescens, de sinu niueum tesserarum
ebur educit. Id pòst quàm manu vibrante
semel iterumque concrepuit, deiecit se in
dextrum poplitem, laevo ad tribicinem
erecto. Aduerti hic aleam mihi iaciendam
esse. Ergo haud diu moratus, me in eun-
dem præliantis statum compono. Iamque
in impuluerum pugnam anidior, toto
corpore inhiabam: cùm ille de virgine
charta depromit tuniculam; qua tamen
quid tegeretur, nesciebam. Hanc vt humi
iuxtim destituit; & inani manuum pruritu
aliquamdiu elusit, cœpit in soli æquore,
velut in alucolo, tesseras proicere Incon-
iuis oculis arbitranti, quaternio primùm
constitit. Quo haud magnopere lætus, ite-
rum increpuit; iactuq; altero Senionem
vdit. Inde me crectior intuens, tesseras re-
perit; votoque nouissimo beatus, VENE-
REM ludit. Oppallui.

————— *Vt nudis pressit qui caloibus an-
guem;*

*Aut LVGDVNENSEM Rhetor di-
cturus*

Sturus ad aram.

Aggredior tamen & meam fortunam tentare . Tesseras simul in manus , simul infortunium sumo . Executio rudibus digitis ignotum telum , & insperatò Senionem video . Rediit hic velut ab exilio animus , & tamen desperabam victoriam ; lætus , si vel hieram faceremus . Rursus aliquamdiu velitatus , iam altero iactu , iam tertio me experiebat ; dumque in spe COVS, & in metu CHIVS mihi est, ecce

Semper damnosi subsiliere CANES.

Complosere manus illi, vitritia signa .

At ego victus amisi sanguinem , & quasi turbulento somnio perfusus , diu vocem collegi , opemque in capillis, nullo consilio quæsi : identidem, retorto ad terram oculo , sollicitus , ecquod mihi damnum mea CANICVLA peperisset? Tandem togæ papyracæ velum timidè dimoueo , annulumque aureum cum ingenti gemma conspicio . Exilui, uguloque detecto , aliquando, inquam, totum me fortuna vicisti . Et neque marsupium in promptu erat, quippe socijs omnem pecuniam commendaueram ; neque prædam hospes reperiēbam . Vnus erat in digito annulus , quo signabam ; nihil tamen ille ad illum , nam hic tenuior pala, & gemmula longè ignobilior . Denique vt infeliciores essem , nusquam alium sciebam , à quo versuram sperarem . Igitur visum est optimum factu , si verum dicerem , illosque duos mei miserabiles facerem .

8.

Cœpi perorare , & in vnam causam , omnes Rhetorum colores consumere . Parcerent hominū peregrino ; & hanc

Anxietas è ludo orta.

D

vnus

vnus temeritatis mihi veniam darent. Sa-
tis eos habere, quòd ab illo confessionem
extorsissent; qui victum se agnoscere.
Domo scirent patriaq; Germanum esse, &
natio magis candori assuetum, quàm lu-
cri artibus initiatum.

*Non mea magnanimo depugnat tesse-
ra talo,*

*Senio nec nostrum cum CANE quas-
sat ebur.*

*Sed mihi charta nuces sed habet mi-
hi charta fritillos.*

*Alea nec damnum, nec facit illa lu-
crum.*

Dicebam hæc talia, quæ tempus mone-
bat: & disertio rem pericula fecerant.
Sed stetere ad preces illi & muti & sordi.
Vrgere alterni, minari; & verso pollice
precium exigere. Ergo ad victorem con-
uersus;

———— *Equidem merui; nec deprecor,
inquam,*

*Vtere sorte tua Sed enim te, si qua
parentum*

Tangere cura potest, oro. ———

Vnicus ego illis, & inscijs elapsus, in
hoc infortunium properavi. Nunc, ne
vnus clade, omnis in ruinam familia
trahatur.

*Redde meis. Viciisti; & victum tende-
re palmas*

Sidera viderunt. ———

Ad hæc remissius ille agere, neque tam
ferox inire.

*Et iam iamq; magis cunctantem fle-
lere sermo*

9.
*Persona-
ti illuso-
res.*

Cæperat ———

Cùm recens lemurum globus, omnem
denuo misericordiam discussit. Pleriq; alis
vnguibusque infesti, circumfunduntur.
Harpyas dices in me, velut in noctuam,
inuolare. Hortati sese, vnà omnes vim af-
ferunt; prædamque simplicem per ingens
ludibrium abripiunt. Ego me ad CY-
CLOPIS antrum raptari existimans, Ci-
uium fidem, legemque Corneliam de Vi,
inuocare cogitabam. Sed qui nuperè
AIAGEM me iactaueram, nunc de tam
magna audacia, ne clamorem quidem ca-
ptiuus retinebam. Quanquam cur etiam
clamarem? Nempè vt plures larrarum
vmbas excirem; meq; in illustrius pudoris
theatrum conijcerem? Vnum hoc subibat;
sed optare verius, quàm sperare: vt in
meos sodales propitius me DEVS infer-
ret. Et, quid inqueiebam, si me nusquam
expectato iam discessere? Quid si etiam
ipsi paribus æumnis circumuenti, antè
esse miseri cœperunt, quam de me time-
rent? aut si vtique prædones isti in eiga-
stulum me daturi sunt; hospitique inter
pristinum loca, lautiaque præbituri? saltem
ad vltima detruso, hoc concederent, vt fa-
miliaribus prius osculum ferrem: aut fu-
neri meo lacrimas certè præpararem.
Nunc tu, ò.

*Patria, ab VTOPIIS tam dissita se-
dibus, inquam*

*Tuq; oculis nunquam terra viden-
da meis:*

*Vosq; relinquendi, quos frustra quæro,
Sodales.*

Felices, cladi soluite iusta mea.

Inter hæc desperantis lamenta , ebullit ductori meo risus , ut apparebat , inuito :
Quem ego :

— *si mens non laua fuisset* ,
è bruto etiam murmure agnoscere poteram . Sed illi compresso rursus indicio nihilo tamen seciùs pergunt , quò institerunt ; ac tandem per longam Urbis porticum errantes , pro ædium ignotarum foribus subsistimus . Ego huic nimirum fore carceris meis copulum ; & hoc aulæ *Orcinianæ* vestibulum arbitratus . ubi æternitatem infelix essem : **QVIRITIVM** fidem altis clamoribus imploro . Excitata insolentibus querelis ciuitas , ruit omnis in fenestras , & mille , statim facibus tenebras expugnat . Lætus ego . Vulcaniam omnem pro me arma capere , libertatem iterum sperabam ; cum ianitor quoque , tanquam ipsum ego ab ostio vocassem , subdita clauī pessulos reducit , serasque deserat ; ac erumpit . Laborant omnes intrò me rapere : & alij inter brachia cogere , alij à tergo urgere . Sed , quod obnixis pedibus in ianuam , reluctabar ; meque ingressurum præfidenter abnuebam : cœperunt ab humo attollere me ; introque ceu porcam mugientem pertrahere . Confestim à tergo meo ianua obditur , & fores oppellulantur : & ego pristini iam candidatus , reclusis fortè oculis , ut scirem , quid me fieret , video huc Leonem in me incurrere : monstrum horrendum , immane , ingens : à quodum refugère contendo , video & duos media ætate Ursos adesse ; qui defluentem pallij laciniam mordicus iam ve-

xabant. Hic ego mortuus, in cœco mihi cum feris pugnandum credidi. Igitur, ah mei, inquam, hospites, parcius sænite: & si in eadem omnes coniurastis, alium certè funeri tumulum permittite, Cerberique hos vestri rictus arcete. Nondum hæc omnia dixeram, cum leo, sinistram mihi negligentius custoditam, ore hiantē ludibundus merſit: quam reducturus ego, superos omnes miserabiliter inclamo. Ea voce continuò resiliere feræ, quippe, quod post apparuit cicures; mortales autem vndique multi accurrere: meque ignota familia, circumſistere. Atqui ego Letho vicinus, parabam in hac rerum facie, verbis innocentiam meam defendere: sed prius lacrimis: hic illi prædones mei, larvis repentè abiectis, nebulam ori prætextam exeunt: & insperata metamorphosi ANNIVS meus, LVCIVSque fiunt.

Mihi animus recenti gaudio confusus, IO,
Societum

*Non aliter stupuit, quam qui IOVIS agnitio,
ignibus ictus,*

Vixit, ac est vita nescius ipse sua.

*Vt tamen hanc animi nubem mora
longa remouit.*

*Atque iterum sensus conualuere
mei,*

in LVCII collum ambobus lacertis inuado: & Teneon ego te, inquam, ò LVCII? & tene video, mi ANNI? vix hoc ego iam oculis meis, vix manibus credo. Sed profectò tempori adestis: qui, si aquam hanc mihi affundere distulissetis, ego impatiens mei, funus proximè fueram. Tum ANNIVS, rem, inquit, vnam

omnium stultissimam peccasses; si inter
amicissimas manus, inanis te metus iugu-
lasset; Meque ex ANNIO tuo DIOME-
DEM faceres; apud quem dicereris pro
hospitio Macellum reperisse. Nunc tu
meros hic tibi amicos vides. Ego, planè,
inquam, amicos: qui, ne qua mci pars effu-
geret, totum me tam officiosi diripiebatis.
Quid nisi Orcum poteram credere, cum
tot undique mihi larvæ ostenderetis?
Consulte audaciam vestram; mentiar, nisi
vos etiam ipsi metuistis. Riserunt libe-
rè omnes; & eventum sibi gratulati, se
quisque ludi auctorem prædicarunt. Pla-
cuitque in lacrimas meas ingeniosum
fuisse. Et nimirum vos, inquam, ità me
terrare? ità crudelibus odijs in hospitem
vestrum illudere? Omnes me VTOPII
oderint, nisi rationem vobis: Simul deter-
so iam metu, renidere incipio. At illi, ut
cachinnos aliquando desiere; comiter
me blandeque acceptum diversis conso-
lantur: perque atria in vastam atque
elegantem aulam perducunt (erant enim
paternæ duorum ædes) & veniam de-
precati. narrant eò se omnia fecisse,
quòd scirent inter nobiles, aliquot iuue-
nes convenisse, id noctis prædam cape-
re: quam constituerint postridie ludum
atque iocum habere. Et oppidò, inquit
LVCIVS, metuebam, ne tu illorum ludi-
bria satiates; ac victima SVCIDANEA
in TEMVLENTIÆ Scenam pertractus,
risum lacrimis tuis faceres. Scio enim
quàm pertinacibus studijs insanix suæ li-
tare VTOPII consuerint, ac tum præser-
tim, quoties in aduenam sanguinem illati,
nullo

nullo vindictæ metu coercentur . Ita, inquam, ne ab alio immolar , ipse tu iugulum mihi figere maturabas. Et quanti referebat, quis tandem aris me admoueret ? aut grauius etiam vlli me hostes pedidissent, quàm vestra me humanitas vindicauit .

Excepit LVCIVS; & ioca narras, inquit, mæra; præ ut si illi te natores rapuissent . Dies enim iam alter est , cùm duos item adolescentes nacti , assiduus eos interim iniurijs exercuerunt. Quos etsi oris honestas, ac magnæ indolis color defendebat ; tamen in suburbani nemoris vmbra decurrantes, ex insidijs excepere , iniectisque manibus, nexu suos fecere . Iam domi in vinculis habent, donec fallaciam committi in propatulum eos educant. Sed enim cedo, quas tu res agis, qui nulla ne vmbra quidem comitatus ad nos ista ? Ingemni continuo, & infortunij memor , omittes has, inquam, mihi lacrimas renouare . Nā duobus ego suauissimis comitibus inspectatō amissis, memet iam ipse non reperio .

Mirantibus cæteris , quis illos mihi casus eripuisset : Cùm tridui, inquam, itinere ad siluestria quædam tesqua peruenissemus; iamque cælo se luna præcipitaret , nos locorum oblitum fabulisque teme capti , à via diuertimus . Eum dein errorem correcturi , vestigia fortè ferarum persequimur : donec ad auia quæque & inuia ducti , simul viam diemque amisimus. Hic enim verò, dum per obscura noctis progredimur, Ego in cæcam miser voraginem delabor . Vnà omnes conclamamus ; & socij ruina me exani-

12.

In fo-

neam
lapsi va-
num au-
xilium .

nimatum rati, pectora manibus plangunt. Sed mihi de Lemnio casu, ni caput illi sum-
 tumuisset, nihil doluerat. Nam ita ferè de-
 cideram, ut me tamen pedibus exciperem. Ceterum, fouea erat pedes haud minùs
 octodecim alta; vndique præceps, & per-
 pendiculo æquata: quam & ferarum in-
 sidijs effossam facilè apparebat. Id ego
 tantum spatium emensus, mirabar me
 adhuc viuere: incipioque velut è latomijs
 Socios vocare. Illi non segnes, vitam mi-
 hi gratulari, opemque vltimam alacres
 polliceri. Sed quo tandem pacto mise-
 rum attollerent, deliberabant. Compe-
 riunt, rem vtique funibus aut scalis agen-
 dam: à neutris instructi. Tum ego, quin
 hoc, inquam, studetis; & erurum fascias
 pro fune submittitis; eaque me arte sub-
 leuatis? Id verò per, inquit, libenter.
 Simul aggrediuntur poplites laxare, tæ-
 niasque sericas nodo committere, quas
 mihi longo interuallo porrigerent. Com-
 plexus ego amicissimum funem; vtrum-
 que illi brachium infero; iubeoque so-
 cios cum bono DEO fortunam tenta-
 re. Conantur ij nauiter: meque iam
 decem circiter pedes euectum, remit-
 tente constantia, rursus destituunt. Sto-
 machatus ego percontabar, ecquid in-
 sanirent? Sed illi manus pondere vi-
 ctas excusare, & ambulante fascia vstas
 dicere: velle, vbi se prius armaissent, far-
 cinam denuo moliri. Ita chirothecis mu-
 niti, ad institutum redeunt. Ego rur-
 sum funambulus in aere suspensor: Or-
 cique iam meditullium eluctatus, de ce-
 tero nil metuebam. Sed & socij validè
 nite.

nitebantur, vt perseuerarent . Ecce autem optimas spes inuidia fortunæ illusit, funemque dimidiatum inopinato abruptit . Continuo heleyarij mei humum supini affliguntur, & ego iam tertium præceptum, volare dehinc non cupiebam : sed ad aliud consilium versus, trabem mihi aliquam optare cœpi, in qua fortè ereperem . Ea quòd nusquam inueniebatur; subit cogitare, si laxa, & cespes comportarentur, fore, vt eo aggere Curtius tandem lacus expleri; ipseque cum crescente solo possem assurgere, ac denique in planitiem eniti . Id consilium vt sociis aperui, festinant hac illacque discurrere, & si quid nancisci per tenebras licuit, id omne in fossam deuoluere . Quæ verò mihi res magno stetit . Nam vt quidque ingerebatur, capiti plerumque incidit, præneque vinum innoxia gleba sepeliit, Igitur respillones meos per omnia iura obtestatus, ab his exsequijs cessarent: audio procul cachinnos, & confusi agminis clamorem; quem a paganis sublatum credidi, festam alicubi noctem agentibus . Neque enim dubitabam, quin pagus in vicinia esset . Ad hæc, quòd sublustris fieri nox incipiebat, venio in spem opis reperiendæ, ac sociis meis persuadeo, vt sonum persecuti, ad villam contendant; indidemque scalas apportent: ni malint in eo me ergastulo pernoctare . Qui aliquamdiu cupèctari, tandem abiecit.

Interim dum meam fortè solitudinem aduerto, & quam procul humano præsidio sim considero, occurrunt animo

D 5 mil.

13
Fouet.
capto so.
licitudo.

mille metus, iamque omnia, quæ fieri poterant, ceu futura expectabam. Quid enim, aiebam, si quis & comites meos error fefellerit, ut iam ipsi quoque se amittant? aut si maximè ad pagum delati, opem innenerint, quomodo per hæc auia nemorum, per hæc opaca tenebrarum, huc denique red bunt? Si calculos benè posui, noctem ego hanc solus hic exigam. Et utinam noctem! Nam quid, ubi dies etiam illuxerit? an humilior hoc huius carceris vallum interdum fieri videbo? Iam, & fames mediuturna, & sitis utique longa conficiant. Forsitan, & belluis pestilens hæc silua est? aut latronum iniurijs nemus obsidetur? Et siuge, casu te aliquo euadere, atque ab his inferis Herculem te existere; iam nec hospitium peregrinus inuenies, & pecuniam tibi omnem comites abstulere. His cogitationum turbis collisus, memet flens ipse miserabat, dumque ita reduces socios vanus expecto, me mox interim concubia, & hanc dein intempesta, & hanc iterum nox media excepere. Sed nouus ego Sofia nullam eam nocte longiorem me vidisse censui: & postquam in iis angustiis omnia circumspexi, nihil reperi, quod fortunatè reliquisset, quam sericam restim, qua si luberet, me suspenderem.

14
Homo
Vrsus v.
na capti.

Tandem oppidò fessum, quod in moretore solet, altissimus sopor oppressit, lususque mei non ingratam obliuionem offudit. Hic subibant mille Morphæi simulacra, & rebus mendacissimus me ludificabant. Quibus immodicè delectatus animi pendebam, an somnianti se vmbrae obij-

obiicerent, an oculorum sibi fides constaret? At placuit credere, vigilem esse. Iamque adeò non capiebam felicitatem meam; cùm, ecce tibi.

Improuisa iterum cœpit fortuna iocari. 15

Nam vt me in angulum fortè abieceram, animamque sonantiùs ductabam. Supernè moles delàpsa, & somnum illicò discussit, & spiritum mihi pœnissimè excussit. Ego cespitem esse opinatus, dum turbidè respicio, vrsus video, informem belluam. Tunc enim uero

— *michi pectora frigidus horror*

*Perculit, & raucis vox mortua faucibus
hæsit.*

Quis enim iam, nisi vltimam cladem expectaret? aut vt crudum, vtique prædoni pabulum fieret? Ergo mecum, hoc, inquam, erat, quod solitudinem metuebam? at enim non timerem iam, si solus essem. Quanquam cura certè hic custos me liberavit, qua vetebat, ne longum fames negotium faceret. Remedium inueni: famem quippè non timebo iam, sed domabo. Adhuc velut immotus iacueram; post verò quàm vrsus se attollere, meque explorabundus circuire, & vtraque manu versare institit, rupit silentium metus, cœpique quantis maximis clamoribus superiores inclamare. Refugit confestim bellua, & si qua erumperet, quærirabat.

Iamque per erectis scandeat valla barathri

*Vrsus, & ad media perrepperat ardua
fossa.*

cùm supinus in me fulminis instar re-

bitur. Iterumque eadem contentione c-
nititur: iterumque præceps eodem rota-
tur. Ita decies ea nocte in cœlum euasur-
us, decies in terram præcipitatur,

*Atque meum decies grandi caput ariete
pulsat.*

Sentiebam tandem non magis timeri fe-
ram, quam & timere; neque in carcere al-
liud molituram. Tum ego ex metu re-
spiravi, & mæstum ridens, quid faceret,
inquam, irata; quando vel timida me to-
ties prostrauit? Secundùm hæc, & vrsus
quiescere iam incipiebat, siue quòd fu-
gam desperaret; seu quòd casus creber
armos illi luxauerat. Et iacuit aliquam-
diu vterque *hospes ab hospite tutus*, vt
mihi in mentem venerit Androclis,
eius, quem Agellius fabulatur, nisi
quod apud Leonem ille, ego ad vrsum
diuertissem.

Interim multa meditati, aurora se,
dum ostendit, quæ noctem iam om-
nem exegerat, diemque nuntiatura pro-
perabat. Simul incedentium fragor, &
colloquentium murmur audiri, & ego læ-
tus socios identidem vocare. Inde sensi ad
me certatim accelerari. Decem erant om-
nino, agrestis manipulus quorum alius fu-
nes scalasque alius retia portabant; aliqui
sudibus, pleriq; venabulis armati. Hi om-
nes vnius imperium spectabant; &, quòd
pòst comperi, eas feris insidias colloca-
rant. Vbi ad foueam est ventum, auidi
circumsistunt, vident; iuxta me, inno-
xiam feram accumbero. Attoniti, mox-
que in risum effusi, quid me factum sit,
percontantur? Ego, id potiùs, quærendum,
aio,

aio, qui me subleuant: tum enim otiosis narraturum. Quare demittunt alacriter fune, appenso altrinsecus tigillo: instantq; operi omnes, ac celeriter me ab ergastulo euehunt. Sed ut medium attingi. consensu obtorpuere; minati non ultra iturum, ni precium pollicerer. Malam rem! quod inquam, vobis precium? Nam planum est, præmium vos mihi debere, qui pernox ad prædam hanc assederim, vrsūque, ne qua effugeret, gratis custodierim. At si nullam huic vos officio gratiam soluitis laborare, ut vestro debeamus. Pactus deinde sestertios aliquot, integrè ex lacu emersi. Equidem vbi in tuto consistere me sensi, circumspicio; & co- cur adducere socios omiserint, requiro? Illi negare vsquam vllos vidisse, sed animi sui sponte se adesse dicere, spectatum, si qua fera in laqueos incurrerit. Rem dein omnem narrare ingresso, quemadmodum ego ceciderim, quid comites consilij ceperint; quomodo clamorem insecuti, opem flagitatum abierint: pagani plussculas aiunt per reliquam siluam foneas latere; socios in earum utique vnum delapsos attineri. Vero id simile mea mihi fortuna faciebat.

Quare, postquam deiecta lapidum grandine belluam obruimus; dato duobus negotio, qui adstrictis pedibus rectem subderent, inque humeris vrsū asportarent: nos ad ceteros lacus examinandos discurremus. Atque altero alteroque vacuo, tertius iucundum nobis spectaculum fuit. Nam Lupus ibi iuxta pendulum anserem desidebat, quam ille prædam,

16

Lupus
captus.

dam, etsi opimam, nullo tamen dente violat. Placuit mihi continentia. Sed ceteri tanquam cædis compertum, indicta causa, fustuario mulctant. Deprecanti mihi, prudentior vnus, nescis tu, inquit, quantis nos hi prædones iniurijs vexent. Aeternū hic cum vrsis lupisque bellum est; nec nisi mutua clade exsatiatur. Quippe dum nauiter illi rebellant, rarò multi superantur. Sic nec dum sinuntur viuere, nec cum occiduntur, sunt innoxii. Et nunquamne accepisti, quid hīs nuper diebus ridiculi viderimus?

17
Vrsi popu-
latione
et ve-
natio.

Proximus huic nemori est locus; vbi natura iam editis montibus surgit, iam depressis vallibus recedit, opacantur a iā frondibus, alia asperantur rupibus; hinc riuuli perennes scaturiunt, inde torrentes præcipientes deruunt, vario aspectu nemus, & grande ferarum stabulum, Vrsus id loci erat, vasto corpore bellua; cuius maleficio pagana plebecula mirè turbabatur. Ille noctu fines solitus incurfare, inque armenta, inque omne genus pecora identidem grassari; ac longè latèque omnia infesta habere: Idem interdiu castris se tenere, neque è lustris quoquam erumpere. Tum deinde, quoties per agros nullam erat prædam agere, impudens bubilia tentabat, effraetisque foribus, eximios tauros, aut è caulis minorem gentem abstrahabat: idque suo iam more facitabat. Habuit ea pecoris clades plebem denique sollicitam. Quare frequentes coeunt, sententiāsque quid facto sit optimum, perquirunt. Placuit maioribus, prouinciæ Impera-

torèm accedere, atque arma aduersus vim postulare. His decretis, cùm nemo intercederet: pagani omnes in palatium irruunt; factaque Principis copia, cœpit maiori natu Senex, pro Republica dicere, ac suas suæque ciuitatis iniurias prolixè memorare. Eò calamitatis ventum esse, vt nihil agere iam tutò, nusquam commeare quisquam impunè posset: in stabulis adeò non custoditi iam armenta, sed iugulari: dudum pecuarios caues, cum ipsis gregibus auerti, Restare demum, vt deficiente pecore, ipsimet metuere, liberisque suis Minotaurum pascere cogerentur. Orare, vt communibus armis hæc strages fortuitarum suarum defendatur. Causa cum lachrymis perorata; ostendit optimus Princeps eorum se damnis vehementer commoueri, & velle postulatis vtique morem gerere. Die igitur postero pagum iubet omnem in armis esse, locumque edicit, vbi quemque velit cum telo, & venabulo occurrere. Simul dies illuxit, Imperator venatum egressus, exercitum omnem, vt conuenerat, armatum reperit. Sed in ea legione validis eminebat viribus Cyclops, qui stolidè ferox, venatorem è turba seductum aggreditur orare, vti extra ordinem secum ea bellua committatur: quippè se illam nullo negotio, & primo sudore confecturum. Impetrauit hominis audacia. Iamque adeò dum passim omnes.

*Per iuga, per siluas, per & ania lustra
vagantur,*

Hortanturque canes, —————

ob.

obseruari coepta sunt commeantis vrsi vestigia. Igitur læti.feram insistunt premere. atque ad cubilia, nusquam confuso indicio. accurrere. Specus erat in edito monte situs, qui per acclinia difficili ascensu adibat. Huc ubi ventum est, impatienter latrare canes, exultare venatores, resonare valles audiebantur. Omnibus autem in statione collocatis; Polyphemus, summo temere venabulo, proximus antri angustias obsidebat.

Promptus in hirsutam, comminus ire feram.

Excitatus interim vicino clamore vrsus, postquam vidit vim parari, in penitanti cauernam se recepit; nulla iam arte proliciendus in ignem imperator iussisset circumdare. Enimuero vix dum sumi nidor coeperat; cum repente barbarum frendens erumpit, inque hostem obuium incurrit. Stabat Polyphemus, ruentem belluam excepturus, cum Vrsus obiectas venabuli minas impigra manu elusit; & eodem mox impetu hominem inuadit, affligitque. Excusso venabulo Cyclops, nondum sui obliuiscitur; sed brachijs complexus feram, sine haphesine cermate, luctatur. Idem & Vrsus facit; hominemque

Corripit in nodum complexus, & angit inhaerens.

In eiusmodi gymnasio hi tales palæstritæ congressi, alterni nunc suberabant, nunc succumbebant, donec vnâ uterque per decliue iugum præcipites rotabantur; inque ultimam vallem perlatis, redintegratis odijs, pugnaueret. Ibi
de-

demum superior Vrsus, crudeli vulnere Polyphemum paenissimè extinxit. Nam sinciput illi omne detexit, cutimque toto vertice violentus abrasit: ut cruenta pel- lis, ab occipitio in humeros defluens re- præsentarit

*Tegmina Lingonici Tyrianthina;
Bardo cuculli.*

Tollitur confestim clamor; & Venator, ut HOC iam HABERE Polyphemum con- spexit, properat circumuēto suppetias ire. Quo animaduerso, Vrsus a Polyphemo di- uertit, ac perinde iam Venatorem petit. Dumq; ij inter se aliquamdiu velitantur, spatium datur Polyphemo, sui rursus col- ligendi; Qui haud segniter in pedes exsi- lit: pellēmque à tergo reuocatam, caluæ pro galea superiniicit. Atque eo cudone tectus, compresso dolore, integer in ho- stem ruit. Iam crescentibus hominum, canumque copijs, imparem se Vrsus sen- tiens, mentum Venatoris corripuit, bar- bæque gloriam victori detraxit. Ità se ipse ultus, nouissimè occubuit.

Hæc ille talia commemorabat. Nos interim peragrato nemore, cum nusquam comites reperissemus, ad pagum deueni- mus. Ibi corpus ego curare, quæque alia visum est, agere tantisper incipio, dum cō- silium poneretur, cui me nomini commit- terem. Inuento tandem, qui gramitum se ducem præberet, urbem hanc ingredior iterato mox infortunio à vobis ingulan- dus LVCIVS, video te, inquit, non auspi- catò profectum. Ceterum ne infeliciores sint comites tui, id magis metuo. Nam tu quidem ut illos amiseris, nos certè iam

18.
*Occasio
in Vtopio
rum me-
tropolin
veniendi,
eorumq;
bibaci-
tas.*

iam reperisti. Illi nullo dum hospitio læti, te quærunt fortasse, seseque amittunt. Atque ytinam inter feras potius diuertirint, quam in ebrietatis theatro traducantur! Triduum enim adhuc totum hæc LIBERI organa valebunt, cum tu interrim videbis, quantis assidue iniurijs sobrietas expugnetur? Diurnatur in poculis, & pernoctatur. Ac ne hoc quidem solent nostri trasones, ut crapulam edormiant: sed crudum ab altera coena paucum, recta in alterum conuiuium portant: ebrijque, bibunt dum sobrij fiant; nouo artificio, & quod se miretur APICIUS nescisse. Ego Bicongios, frater, Cicero-nes; & tricongios; Torquatos & rediuium mihi Pisonem narras, quem Plinius scribit biduo, totidemque noctibus, unam perpotationem continuasse. An aliquid his ipsis portentis siccius dabis? Risit me ANNIVS: &, quantum tu, inquit, aberras? Nam abstemij illi sint, ad hos nostros.

19.

*Porten-
tosi po-
tatores.*

Comperi fuisse pronuper, qui quantumvis dolium, & ingentes vini amphoras, vno se suctu hausturum ita promitteret; ut quicquid in ora influeret, repensè abdita corporis parte, veluti per fistulam dilaberetur. Et isthæc tamen inera-
ci liquoris perniciēs, præmium etiam iniuriæ suæ petebat. Quod quidem prouincie Imperator haud grauatè persoluit: cum iussit vini pestem in fuream agere, restique inmodicam sitim intercludi. Ita sanè oportuit, aiebam ego; videntur quippè helluones isti parum habere, si corrumpant tam ingenui roris nectar, nisi tali.

talibus quoque ludibrijs infament. Fabulam olim rebar esse MAXIMINVM, qui sitim diurnam amphora Capitolina subinde placabat. Sed cum hi tales historiam nunc fecere. Planissimè respondit LVCIVS: Nam mensis agitur inde quartus, cum in hanc viciniam compotores octo coiere; qui omnes vno sigmare inclusi ne iuxta MYRSAS accumberent, virum nobilem, qui fortè id temporis diuerterat, adsciueret. Ibi gurgis vnus, multis iam quincuncibus siccatis, in vasto sibi iussit, non cyatho, sed dolio misceri; quòd ægrè viginti sextarijs explebatur. Rogauitq; legem. vt mensam perambularec amphora; eaque à binisi dentidem hautiretur. Iussere legem ceteri.

At ipse primus ——— impiger hausit

Spumantem pateram, & pleno se pro-
oan iinu.

Inde alij super alios irrunt; singulique prodiga siti totas propemodum vindecimias liguriunt. Iamque hospes, quem dixi, super vnus erat. Is admiratus Charybdes illas, negavit in tanto se naufragio natare posse: ac præterea non restare iam de accumbentibus, qui cum id Bacchi patrimonium patiatur. Datur ei venia, vt circumstantium aliquem legat. Ille ventriosum ibi seruulum habebat, qui ad equos curare solitus, dominum comitabatur. Huic herus, potin', inquit, Saturio, vt vnus hunc mecum Oceanum sorbeas? Ait homo periculum prius facturum. Ità cum illo portentosæ magnitudinis poculo in angulum secedit ac dicto citius, omnem illam vini vim solus exhau-

exhaurit. Mox ad herum reuersus, posse iam se respondit: pergeret proin' ille, conditionemque admitteret. Erectior eo specimine hospes, iubet properè coronari cyathum: eumque primis duntaxat labris libatum Saturionie reddit. Quem ille vtraque manu complexus, ac si nunquam bibisset, altero statim spiritu, ad imum ita ficcauit, vt cottabo nullam vini guttulam seruarit. Perditum tamen hunc nebulonem spongia quauis adhuc sicciorẽ vidisses; nulla, ne sic quidem vertigine actus, suis se ipse pedibus fulciebat.

20. *Vinolen-* Ego, non igitur abs re est, inquam; *torum in* quod illi nuper militi doluit. Is de aqua- *vini a-* *matores* *iniuria.* *— Vinum se toto nescisse? Decembri:* audierat, fortè; naturam liberaliter egisse, vt quæ singulis, in diem, singulos vini sextarios prouiderit. Malam ergo rem, respondit, quod meum mihi dimensum nunquam redditur! Et homo is egregiè sit nequam; quem delectet, tanto me quotidie patrimonio euertere. Eum ego si cognoscerem, nã ille magno mihi furtum hoc læret; & in corium ipsius meus sextarius vindicaret. Certè hunc ille furem apud vos, video, reperisset.

21. *Cœna* Cum hæc dixissem, adest cum eleganti cultu puer; monetque, horam esse *apparatus,* cœnandi: si suauẽ nobis esset, sequeremur. *excusatio tenuitatis.*

Plena stridulus ANSER in culina,
Et latos Spado GALLVS inter ignes,
Et PERDIX, dominaq; PAVLO
cauda,
Et grandis volucrum Alitumq; grando
Iam

Iam^s dudum à verbisq; flammulis-
que,

In lautas parat inuolare mensas.

Porcelli quoq; grunnientis exta,

Et LVCANICA ventre de FAL-
SCO,

Et facta piperata frustra PERNAE,

Iam festas onerant superbalances,

Iam structor iubet, imperatque Carp-
tor,

Iam totas Cocus explicat Culinas;

Et nullos queritur venire DENTES.

Delectabat me pueri non rudis hendeca-
 syllabus; & quæso te, inquam, LYCI;
 an tota tibi familia poetatur? Risit LV-
 CIVS; & per hos, ait, dies edixi pue-
 ris, ut diuinè poeticeque loquerentur.
 Vbi natales compotorum abierint, redi-
 bunt in naturam; & incipient humanè
 loqui. Interim nunquid inus, & asside-
 mus? Respondi me, si ita vellet, de via
 festum, maturam in obsonia famem af-
 ferre. Eam, inquit ille, si plebeiam
 habes, meis quidem ferculis proficiabo.
 Ceterum magnopere vereor, ne vbi cœna-
 ueris, tum denique intelligas, splendi-
 diùs inuitatum esse te, quàm cœnatum.
 Nam neque ea mihi culina est, cuius fu-
 mos decepti vigilantes metuant. Neque
 alios ferè, quàm

Plebeios calices, & paucis assibus em-
tos

Porrigo. —————

Ità manu me accepta in triclinium abdu-
 cit: locum, à lychnis cereisque meridici
 æmulum. Ibi aqua manibus sumta, con-
 festim accumbimus.

Iam

22.
*Pauonis
 artificio-
 sum fer-
 cu.um.*

Iam antecenijs ad illicium gulæ deflo-
 ratis, & mulso in veterem ritum hausto,
 decretorijs armis reliquam cœnam ag-
 gredimur expugnare. Cùm, ecce tibi,
 primus omnium Pautis importatur, quæ
 planissimè videre oculi peierabant, neque
 cum ut carperetur, sed ut vnà cœnaret, in
 mensam conuolasse. Quippe is per ver-
 tebras quasdam occultas mouebatur, or-
 besque nostros ardentibus oculis aliquam-
 diu dispiciebat. Tum autem, ut inflato
 gutture vocem cœpit colligere; & oculo-
 leum Syrma lentè superbeque explicare;
 ac demum vehementi motu se ipse suc-
 cutere: Ego minimò minùs profugij, nisi
 me ANNIVS iuxtà recumbens tenuisset.
 Et hoc nimirum erat, quod promiseras,
 inquam, ne quem in me sumptum face-
 res: 'Iam tu epulisne, an prodigijs men-
 sam oneras? Vtique Hydra hæc aliqua
 est, quam non edam, sed timeam. Iussit
 me ANNIVS bonam mentem habere.
 Ego tibi, inquit, Hercules ero, atque in
 hac Lernæ patina. Hydram iugulabo.
 Simul cultro aduersum pectus hausit.
 Mirabile visu? Discedit insperatò quatuor
 in partes ossea compages, quam argen-
 tea catenatio suis articulis firmauerat fi-
 guraneratque patent in vacuo recessu
 eboreæ rotæ, quæ tacitis librææ momen-
 tis paullo ante voluticrem mentitam ani-
 marant. Adiungit LVCIVS, nempè aues
 etiam ijs diebus personatas apud VTO-
 PIOS esse: neque dentibus solis lautitias
 apponi: oculis imò ipsis & cœnamus; &
 gulosi sumus. Verùm de reliquo ne metue:
 subibunt iam quæ & fami sint sedandæ.

Explo-

Explorato artis huius ingenio, vacuūq; 23.
 tempus, quò biberem, nactus; attollo po- *Fons*
 culum, & bibo. Verūm ea erat vini præ- *pensius.*
 stantia, vt aqua videretur diluendum.
 Quam dum à pueris exspecto, LVCIVS
 occupat, & hinc, ait, habebis, frater. Di-
 gitoque intento, perennes in aere lym-
 phas commonstrat, vbertim à plusculis
 syphonum tubis exundantes. Eas ego,
 tametsi supra caput altitere, nondum ad-
 uerteram, ambulanti coenæ intentus.
 Pòstquam igitur suspexi, nihil omnium
 adhuc fuerat, cuius videndi pertinacior
 me voluptas teneret. Quippè fons erat,
 qui ab humo nusquam insisteret; verūm
 de alto laqueari pendulus, oculos miro
 artis ludibrio fascinaret Eius labrum ori-
 chalco factum atque anaglyptis scitè
 confusum: Sparsiones nitidas & abundas
 vndique depluentes excipiebat; ea fide,
 vti mensam, cui mediæ imminebat, nulla
 defusi liquoris stilla respergeret.

Attonitum ibi me; ac nescio quid ridi- 24.
 culum, LVCIVS, ecquid ergo mihi vi-
 deatur? interrogat. Ego præ pisce Pon-
 tico mutum me, aut pleraque ratione
 iam in illud miraculum consumpta, lapi-
 dem dicere. Qui enim possum, inquie-
 bam, quin peregrinis aulam hanc Sacris
 initiatam putem? Et iuges hæ nymphæ
 per liquidum aera lasciuire, quæ nullo ta-
 men subterraneo tubulo se emerferint,
 nec de summa testudine delabantur, pa-
 trijs, opinor, artibus haud didicete. Su-
 spenderant autem omnem hanc elegan-
 tiæ machinam, tres de Serico texto fu-
 niculi qui ab crateris margine, aquis in-
 ter

ter se spatijs sursum versum educti, in aureum tabulati pomum coibant. At ego indidem hausturus, nequij eo altitudinis pertinere, vt fontanam contingerem. Quare iam & mihi deridiculus, respicio ceteros, aioque

*Impoti moriemur hic, Sodales,
Si tali sitis est domanda lympba.*

Nam vt superbiunt hæ vndæ! sitimque aduenam contemnunt? In gigantum utique conuiuia suspensæ: ad quos pumili nos sumus; & pegmate penè altero indigemus, vt istuc euehamur. Tum LVCIVS, digitos à pollice proximos in anulum indere, qui de crateris vmbone modicus eminebat, ac pensiles aquas, quod libuit, nullo negotio detrahare: cum interim neq; pendere machina desineret, & perpetuus nympharum tenor nusquam titubaret.

25.

Ego de nihilo trepidus, LVCIVM, vt parcius hæc vellet, commoneo: persuaseram enim mihi, non dubiam eius operis ruinam, si deorsum porrò tenderetur. Postea verò quàm sana undique omnia conspeximus, & ea nos dicere facereque perseueramus, quæ vsuuenire mirantibus solent, cœpit ANNIVS singula eius prodigij momenta euulgare. Et, videm' inquit, hoc tu Serici texti filum; vnde omnem hunc salentem in aere libramus? Ego, hoccine, ais, trigeminum? Sawè, inquam. Ac simul manum inijcio, oculisque rem sollertiùs contemplor; dum abstrusos albeatis plumbi tabulos deprehendo, quos textiles illæ sericæque nebulæ amiciebant. Et re perpensà, ad ANNIVM,

reperi

reperi fraudem liquidissimè , succlamor .
 Sensit ille continuò rem esse : & , non er-
 ras , inquit frater . Nam per hos cunicu-
 los , aqua clanculo in huius MARSYÆ
 pilam insinuat , indeque fistulam aper-
 ta vi remouitur , seque ipsa per hoc ahe-
 num dffundit , quam postliminio omnem
 occulta contentione istic tubus , sub aë-
 rum funem insutus , assiduè resorbet , inq;
 summum lacunar vel mutam reducit .
 Quo fit , vt ad diu ensum semper & inun-
 detur hæc capedo , & nunquam tamen
 exundet . Cui rei facit in primis antlia , siue
 ij sunt aquei folies super hoc tabulatum
 ingeniosè structi , à quibus tubuli , quos di-
 xi , ingurgitantur alterni , & exhauriuntur .

26.

Ceterum minus est decem dierum ,
 quando coram adfuit Hispani nominis
 adolescens , & cum eo lecta gentiliū ma-
 nus , qui secundùm ea , quæ in congressu
 solemus , hanc sibi rogarunt veniam dari ,
 vt liceret domi meæ curiosis esse . Ego ,
 quòd & litteratos , & cetera humanos ar-
 bitrabar , facio copiam : admitto , deduco .
 Vt ventum denique in hanc diatam est ,
 ostentum hoc merum esse , & plus quàm
 humanæ sollertiæ commentum vocife-
 rantur : Dædalum ipsum tantæ rei inue-
 niendæ non fuisse . Vtque in partes disces-
 sere , alijs aliud opinâtibus , inuenior vnus ;
 nempe dum nos , inquit , litigamus , & , an
 motus arte perennare possit , ambigimus ;
 interim causam hæc , ecce , monstra di-
 sceptant ; artemque , ad tot iudicium sub-
 sellia ream , nostri nunc oculi absoluunt .
 Nam hæc mihi nisi perennis agitatio est ,
 exscenso lapide quin sim stupidior , porro

E

non

non excuso . Dixitque id ea vocis & oris contentione, vt pareret serium esse, & ple-rosque commotos: quorum alius, iam nuper, aiebat, se ex homine non indiligenti comperisse; id genus artem, in vitrea quoq; sphaerula, (non illa Archimedeae,) viuere cœpisse, Regique insulano in manus venisse simul atque excidisse, quam tamen cladem idem artifex post quartum & decimum diem, alterà eiusdem speciminis illecebra resarserit. Respondi, nolle me huic, siue fabula, siue historia est, oculos effodere: Scire tamen quanta pridem infamia laborent, qui, vbi somniassent motus perpetuitatem, continuò illud *εὐπνία* per dispositos præcones intempestiuè proclamarint. Certè, quòd ad præsentis rei faciem attineret, hic verò à somnis otiosi essent: nolle me hac fabularum annona in populum probari.

Sub hæc ANNIVS frigidam chrystallo haurit; eaque mihi porrecta, fontem vndè detraxerat, eodem rursus impellit. Qui suis statim momentis euectus, lychmuchum mihi genonium, à tholo pensilem, referebat. Ego venustissimæ rei fuga delectatus, dixi, ad reliquum cœnæ mihi haud perinde allubescere: sed sitim, si quæ sit, malle me in fontis spectaculo trahere, quàm vel Apiciana promulside iugulare. Tum, gratulor mihi, inquit LVCIVS, dum nullæ dapes ad stomachum faciunt, esse tamen aliquid, quo tu te possis oblectare. Si quidem aduentitiam hanc tibi cœnam parauimus, id est, extemporalem, ac breuem: quando constitui te ad sollennem iuuenum eorum, de quibus

quibus demonstraui, pompam ducere :
 ubi luxum moremque plus Asiaticum li-
 ceat speculari. Et, crede mihi, Sybari-
 tas, iurabis, cum videris. Innuit secundum
 hæc puero : qui rursus non vulgario pede
 versum instruxit. dumque nos patinarijs
 voluptatibus altercamur, & solidas lites
 Falerno lepore tēperamus; interim ille ce-
 teras cōuiuiorū insanias, sic est persecutus.

*Difficile est Satyram non scribere. Nā
 quis iniqui*

*Tam patiens luxus! tam ferreus, ut
 teneat se?*

*Constitit in summo vitium. Neq; fer-
 cula census*

*Patritij saturant. Neq; tot patrimo-
 nia lances*

*Sufficiunt replere duas. Placet una
 voluptas,*

*Qua totis emitur pauca in conuiuia
 regnis.*

*Pridem nostra gulam regio defecit.
 Ab Indo*

*Ingluies cœnam vocat ambitiosa
 Macello.*

*Phasides exhaust modò littora; Pasci-
 tur orbe*

*Altero, & in Libyes damnum popa
 venter anhelat.*

*Et Numidum galli, Pharij; sagina
 Canopi,*

*Nobilis in nostra iugulatur prada ciu-
 lina.*

Plebeium sapit atq; nauseatur

Quicquid sub patria natauit unda;

Quicquid per patriam volauit auram:

Sed solum peregrina iam superbo

E 2 Se

27.

Conui-
 uiorum
 luxus &
 insania.

Se se fercula venditant palato .
Quas neq; Polluctis effuderat Histrio
rimis ,
Canula nūc illas infima fundit opes .
Sexcentis patinam plebs millibus aesti-
mat vnā :
Et modus impensa est , non habuisse
modum .
Prodiga vult solis volucrum gula vi-
uere linguis ;
Carāq; pennigera funera gentis amat .
Hinc petit Aonia vox laudatissima
Sylua ,
Et quicquid strepera garrijt in cauea .
Hinc Perdix , hinc turde siles , hinc Psit-
tace lugēs ,
Hinc quereris cātus Aura tacere tuos .
Non licet Assyrio cerebrum retinere vo-
lucris ,
Pascit Anis nostram tam preciosa sa-
mem .
Quaq; prius tuta genuit super arbore
lingua ,
Nunc gemit infesto lingua rota veru .
Sine per Hesperium Murena perambu-
lat equor ,
Sine sub Euxino gurgite Rhombus ha-
bet ;
Adria seu Mullum , seu lymp̃ha alis
vlla Catillum ;
Illis est patina vasta replenda palus .
Nec solū est pretiosa fames ; preciosa
perinde
Est sitis , assidui rore domanda meri .
Vnio quippe viris Mera fundere vina
inbetur ;
Et fieri gemmis ebria turba solet .

*Hæc ego non credam venusina digna
lucerna.*

Commodum hæc nobis absoluerat,
grata volubilitate Puer, cum repente ce-
pit in diætæ angulo suauissimi concentus
musica exsonare. Ego, retortis ad illam
oculis, iucundam ferarum scenam intueor;
Simios grandiusculos duos, qui singulas
testudines complexi, scienter lusitabant.
Ponè hos, tigris altera citharam, altera
chelyn eburno plectro temperabant. Sa-
tyrisci deinde ac Fauni quatuor liquidis
vocibus accinere; & Vrsus denique bar-
byton animare notabantur. Miranti mi-
hi, quis feras ad hanc humanitatem eru-
diisset; ANNIVS innuit, Pueros esse
symphoniacos, qui in pelles coniecti, ar-
tem illam Musicam efferarent. Lauda-
bam ingenium, quo etiam Artibus perso-
næ inducerentur; ac totus inhiabam.
Cumque illi me Amphiones diu vocali-
bus illecebris ludificassent; penè ut iam
in somnum nutarem: excitavit me AN-
NIVS, & miseret me tui, qui inter has,
inquit epulas potes esse Tantalus. Quem
enim, inquiebam, non inuitarent, immò
euitarent hæc Sirenes? Sensum omnem
eripiunt: nec meus sum, quoties meæ
harum sunt aures, Sublata ille confestim
manu innuit; nutuq; vno omnem illum
Helicôneum exanimavit.

Tum, narrabo, inquit, frater, quid
vicino huic nostro, nudius tertius acci-
derit: ut est homo copiosus, sed oppidò
litterarum rudis, ac solis commestationi-
bus doctus. Nam cum census nuper hel-
luorum agebatur,

28.
Conui-
uialis
sympho-
nia.

29.
Absente
domino
famuli
culina,
& cella
domi-
nantur.

Nulli maior fuit usus edendi
 Tempestate illa . Circeis nata forent ,
 an

Lucrinum ad Saxum , Rutupinove edi-
 ta fundo

Ostrea, callebat primo deprendere morsu
 Et semel aspecti littus dicebat Echini .

Neque hodie in Bacchi Circensibus ab
 vlla factione temere superatur . Ille cæ-
 lebs ; & , quod de Claudio Cæsare fertur ,
 in magna venarum familia , omnium
 verna est Vsus fortè venerat , vt foras
 condiceret , ad Quinquatria calicum ce-
 lebranda . Cui itineri accinctus , seruu-
 lum iubet vnum comitari ; ceteris diem ,
 quo reducem expectarent , constituit .
 Præbuit ea res famulis materiem fraudis
 texendæ . Qui omnes vsi ingenio coiere ;
 cœperuntque , auctore atriensi , non incal-
 lido seruulo , inter se coniurare ; ac fortu-
 nis heri omnibus bellum indicere . Con-
 uenit autem , vt sumptuosum pro cœna
 symposium haberent ; heroque absente
 Saturnalia Romana viuerent . At illud
 polluctum neu quis nisi fernus ac fami-
 liaris vocaretur ; neue nisi ebrius accu-
 bitu surgeret IOVEM LAPIDEM , quâ
 singuli , quâ omnes iurarent , nihil enun-
 tiare . Coquus , cùm reliquam legem
 iussisset ; intercessit , ne lex de externis
 prohibendis prorogaretur . Est , inquit ,
 e regione scriba , iuuenis benè litteratus ;
 quem meministis omnes , quoties nobis
 ille obsequatur . Hunc VELITIS IV-
 BEATIS , Quirites , ab hac lege exi-
 mium , nostris consilijs interesse . Iusse-
 runt omnes . Indè plebiscitum factum ;
 quo

quo negotium unicuique datum, quid fieri oporteret: Dispensator florem dominici vini, ac reliquum penum curaret: Coquus prædam primi nominis è piscina; summam de corte indolem; totumque viuarium in culinam ambulare cogeret, ac focum luculentum adornaret: Atrichsis, reiectis Samijs, suppellestem argenteam præberet: Ianitor, inuitato scriba, ceteros omnes arceret: reliquus miles, in opere faciundo, suis quisque ductibus pareret: Ea denique omnia ut ante primas faces conficerent. Porro, ne quis cœnæ indicem ignoraret, hanc tabulam in triclinio fixere.

*In iure liquido, & delicato naufragos.
Duos Spadones gallos; Numidicas duas
Gallinas; Anserem fartum unum;
Porcij*

*Corecoita Grunni nepotem unum;
Trium*

*Pondo Murenæ; Leporem bimum, &
ceteras.*

*Minoris nominis dapes Tum dein' duos,
Vini Falerni congios; & Cretici
Vnam, unam Massici liquoris ampho-
ram.*

Additæ socordibus pœnæ: Congius vno sudore hauriendus.

Postquàm ità decretum est, derepentino
*Fit strepitus testis, vocemq; per ampla
volutant*

Atria: Feruet opus. —————

Stricto mucrone ædes perambulantur.
Iam alibi pisces in macello exenterantur,
alibi gallinæ, teneraq; earum familia iugulantur: hi lepotaria cultris vastare, hi

cellâ vinariâ cum cadis percurrere conspiciuntur, In communi omnium clade, hic porcelli grunniunt, hic anseres strepunt: pauitant lepores, trepidant volucres. Nemo non cædibus operatur: & pars ignavia est, crudelem non esse. Quid multis?

*Omnes se præda accingunt, dapibusq;
futuris*

*Tergora deripiunt costis, & viscera
nudant;*

*Pars in frustra secant, verubusq; tre-
mentia figunt*

*Corpora: athena locant alij, flammâsq;
ministrant.*

31.

Iam sol in vesperum, iam dies in senium ibat; & crepusculum ut ut properaret; tardum credebatur. Interea loci adolescens peregrinus, quem intempestivè pecunia defecerat, urbem ingressus, gratuitum viciatim diversorium quæritat. At multis hinc indè foribus nequicquam salutatis, ad illas denique ædes divertit. Utque institit primum valvas pulsare, ocyùs omnes vernularum cunei accurrunt, scribam suum cum applausu accepturi. Vident proseriba hunc, quem dixi, adolescentem. Mutato statim vultu, rogant tristes, ecquid sibi hoc noctis, & hoc loci velit? Hospitale cubiculum, inquit, & larem honestis litteris patronum. Aiunt, aberrasse illum de via. Nam si Prytanem quæteret, procul inde Athenas esse. Apud se nullis litteris annonam præberi. Supplicat obstinatis adolescens. Illi pertinaciter negant, id absentiuo patrefamilias licere. Instat ille, urget. Persistunt illi: & cum dicto
ianuam

ianuam occludunt. Ità exclusus, hæret, quemnam porrò hospitem salutet! vertit in omnem partem sese, videtque furtiuo passu de vicinia inuenem prodire, ipsasque illas ædes petere. Et nempe is, quod post comperit, scriba erat. Stetit alter, & è propinquo; quid fieret, aspectabat. Ceterum vix leuiter Scriba pulsauerat, cum vndique properatur, aperitur, intromittitur. Tum secum ipse miser, quantum inquit, homo homini præstat! & istic, quàm molli ariete expugnauit pertinaciam ostij huius! Simul ad rimulam se admouet: conspicatur aduenam, inter amplexus famulorum, lætasque acclamationes triumphare. Hæc speculanti, ex ipsa re, incidit suspicio: heu! herus absens; familia nunc tristis; de improviso læti; repulsus ego; receptus alter: ex his centonibus non potest, quin fallaciæ suantur. Eas quo ingenio deprehendat, meditatur. Sed enim dum circumit, & qua parte domus sit peruia requirit; moræ impatiens.

Nullane finis, ait, nostro est speranda labori?

Tristis & in patulo limine somnus erit?

Me media noctes, me sidera prona iacentem,

Frigidaq; Eo vestiet aura gelu?

Hæc taliaque stomachatus, venit ad poticas ædium fores: ibi horreum malè sartum inuenit; perrumpit, seseque in summum fœnile penetrat: lectulum certè habiturus aduersum noctem, quando cænula se fami negaret. Decubauerat iam in

E 5 culmo.

culmo, & incoenatus oculos in somnum orabat; quando indidem cæpit clamores seruulorum, risusque audire, tam clarè, ut vicinos esse non temere crederet. Igitur victus humani generis vitio, cupit eodem oculos transmittere, quo iam aures pertinuerant. Nec quieuit, donec alicubi fatiscere modico hiatu parietem aduertit: per quem, magnam culinæ partem felici curiositate transpiceret; ac, quoties ianna impellebatur, ad usque triclinium, insidias oculorum promoueret. Quacunque aspicit; spatiosa gulæ pascua occurrunt: nec series ollarum explicari per foci angustias potest;

———— *inseffaq; pondere tanto*

Subter anhelat humus. ———

(Domus quippe omnis funalibus, atque ipso culinæ incendio luculenta, nihil iam illi habebat occultum.) Videt dap-pes, plus quam ad vernile palatum lautas; videt hinc generosi vini testas, pit-tacijs inscriptas; hinc stratas magnifice mensas, & in epulonum comitia instructas. Quid multa! inuident hanc dentes oculis suis illecebram, quam eripere mallent: pœnituitque ieiunum vidisse, quæ famem & saturo, sitim vel ebrio fecissent.

33.

Inter tam superbam ciborum indagine discumbitur, cœnatur, bibitur. Visi omnes aduersus fortunam securi, tutas noctis illecebras, & posteri diei reputa somniabant. Sed enim

Nec dum prima fames epulis, nec prima falerno

Pulsa sitis fuerat, — Vix imo dum

Cæ.

*Cæperat Istmiaco feruere Lyeno in
auro,*

cum equitum fremitus, & equorum hinnitus auditur. Combibones nihil sua quidem interesse rati, sese erronibus poculis inuitare, ac faustam heri absentiam insistant bibere. Interea pro ædibus constititur: negligunt. Pulsatur, contemnunt. Clamor nonissimè tollitur: at illis auscultare, nondum neque otiosum erat, neque opportunum. Pergunt tamen à foribus infesti esse, & molesti: clamant, pulsant, turbant, Denique audiuntur. Procurrit ianitor, deque fenestræ specula stomachosus, æquis turbet? scitatur. Audit, agnoscitque herum esse. Continuo mentis ac linguæ inops, ad conuiuas aduolat; dicit in Auriculam Attiensi, herum esse. Lymphatus ille exsilit; eodem accurrit, fidemque explorat oculorum. Redit amens, & compotoribus herum esse, palam inclamat. Iugulati omnes supremo infortunio, vocem amittunt, & qua cuique proximum est, diffugiunt. Alius cantharos cirneasque in angulum aliquem abdere, alius intactas dapes humi deponere, atque iniecto amiculo super obruere, alij alia properare, & omnia turbis erroribusque confundere. Iam pleramque omnem suppellectilem migrauerant, rei que indicium probè texerant: nisi mediastionis seruulus arcanum omne infelicitè corrupisset. Is vnus, cum se profusius ingurgitasset, in fœdæ exercitus fuga, temulentus vacillabat; iamque super triclinij lumen abiectus, pro semianimi succubuerat. In eo auferendo dū

tres alij laborant; vni vinum effunditur de lagena, quam secum abstulerat, & largissimo fluente circum omne pauimentum inundatur. Hic miserabilis omnium clamor: vtique iam proditos se, nec indicium porro cæleri posse vociferantur.

34.

Sub hæc, & Atrænsis accurrit, opemque in ingenio quærit: & ianitor abijt, herum tandem intromittere. Qui quidem quoties passum facit, toties importuno aduentori, pestem pro aduenititia præatur; quòd tam hilarum consilium ipsis hilarijs disturbasset. Sed & Scriba deprehensus, quem locum caperet, ignorabat. Ne primo tamen ingressu conspicuus esset, per tenebras fugit; seseque ponè herilem lectulam abstrudit: periturus noctu, si vel animam sonantius duceret, vel alio se ipse crepitu moueret. Referantur denique fores, & herus ingreditur: qui vultuosè percontari insistit; ecur verbero in foribus recludendis hæc moram fecerit? Seruulus, eò, inquit, quòd altum familia omnis obdormierat; neque te hac noctu quisquam putarat opperiendum. Credidit albæ mentis vappa; & restinctis dudum omnibus lychnis, cum fulcæ læternæ spurcissima anima, ad triclinium perducitur. Occurrit in primis gradibus, cupedarum insolens nidor. Eum ait ianitor à contigujs ædibus extitisse. Halitus generosi liquoris vndique reflatur. Dolium ait seruus relictum fuisse, idque hæc graueolentia domum infamasse. Feliciter ad id locorum mentitus ianitor; quid iam in triclinij limine causaretur, cogitabat. Nam vt eò peruenit herus,

lu-

luctantes adhuc cum ebrio ceteros inuenit. Cuius causam sciscitanti, Atricensis prompto mendacio respondit: Eum per obscura noctis incautiùs properasse, ut illi primus occurreret; interim in trabem incurisse; unde in mortuum decumberet, & necdum ad se redisset. Quærenti dein, cur igitur a vino cadauer feteret ille, quod, inquit, faciem omnem pauxillo vino permulsimus; & hoc succo medico animam propè fugientem retinuimus.

Non sensit verba dari, vecors animus, sed fidem constare familiæ ratus, triclinium ingreditur, iubetque coquum præter ceteros expergefieri, cénulamque sibi, & comiti suo maturari. Adest ille, non de somno, sed symposio excitatus: negat domi ignem, negat focum esse, ad quem extemporales instrui cœnæ queant. Velle se tamen iuris aliquid apparare; ac ne capite cœna sineque careat, oua & mala ponere. Nam aliud intempesta nocte, & passim offusa soporis nebula, haud perinde posse. Ita abit; ac suscitabulo ignes (quos iam antè, ne sceleris vestigium foret, frigida restinxerat) animare aggreditur. Eam vero hic.

*In finita cani spirant conuitia folles,
Augescitque à bile focus, flammaq. recentes*

In maledicta ruunt. —————

Voluisset ad huiusmodi offam, ne Cerberus quidam inuitari, quam his Medea precibus lustrasset, sed aliud ab irata culina non debuit expectari.

Nihil fiebat horum omnium, quod arbitros adolescentis oculos falleret. Is & dapnum sublatarum struem, & mustulentos calices, & trepidum Scribam, & alia suis quæque latibulis reponi obseruarat. Post verò quàm omnem eius tragœdiæ causam didicit, & pototibus interuenisse herum sensit, vertit in spem cœne potandæ, si ingenio vteretur. Ad hæc dolebat homini repulsa: iamque stimulis in vindictam agebatur. Proinde clam de fœnili se deiecit; horreumque omne reimensus, in publicum exit; atque ad eandem postliminid. fores redit, quarum pertinaciam tantulò antè compererat. Indidem audacter clamat, & noctis vnius hospitium rogat. Sensit illico non idem foribus ingenium esse. Nam herus, te recognita, admitti imperat. intempestum sibi hospitem, & iubet, quicquid cœnulæ esset, conuiuam esse: homo peregrinæ rei præcupidus. Videt mox liberalem vultum, & molestiæ primæ indolem: ac laudat. Post, auidè scitatur,

Qua causa coegerit illas.

Id noctis tentare fores? quo tenderet hospes?

Qui genus? unde domo?

36 Ad quæ singula respondit adolescens, haud simplici commento addiditque litteris se Græcis ac Latinis doctum, humana insuper iura didicisse, & naturæ arcanæque artis mysten esse. Sapientiæ disciplinas innuebat: sed alter in diuersum trahere, hominemque cœpit suspicari, diuinum esse, & magicis iniurijs naturam excantare, aliaque posse ostenu-

ta edere. Auxit eam persuasionem, quòd mira quædam hospes memorabat, quæ in Cimmerijs vidisset. Nam ibi fuisse, qui artem professus volandi, brevi effecerit, ut aer nouis inquilinis habitaretur, viamque homines in cœlum affectarent. Et si nondum est, inquit, cur cælestes sibi formident: plerique enim inter prima adhuc rudimenta, alas exuunt, non recepturi. Et Magister ipse diem fortè eduxerat, quo specimen veri esset daturus; accurreratq; magna hominum vis insanix spectatrix: Cùm ille in præalta turri conspicius, utique brachio grandes alas implicuit, ac minusculis pedes induit. Tum passis manibus suam artem aduocare; seque in liquido aere suspensum, populo cepit ostendere. Eni vero tum artificii turba applaudere; Dædalumque clamor à fabula vindicare. Sed enim quem illæsum aer tenuerat, eum longè inhumanis terra accepit. Nam ubi demittere se voluit, remere ad rupem illisus, crura miser lumbosque effregit. Quod prius aiebat nunquam accidisse; sed tum denique vertiginè perturbatum, temperate sibi in descensu nequisse; Non terruit ruina discipulos: qui plusculi adhuc pergunt; remque aiunt esse facile facillimam, VOLARE: id iam solùm agi, quemadmodum sine noxa in terram deponantur. Ibi enim in re tantula plerumque periculum adiri.

Hoc genus plura cùm iuuenis festiuè memoraret, iamque hi eo esset, ut ædium dominus specimen optaret artis. ATRACIÆ fieri: interim Coquus cùm annona mali-

malignè præbita, & natanti iufculo ſubit; quam cœnam putida appendix corônabat,

————— *Dimidio conſtrictus gãmarns uno,*
aut ſi quid abiectius potuit ſeruilis vindicta coquere, vix autem in ianuæ limen euaserat cùm obtuſis pedum digitis in ſellæ fulcrum offēdit, & pronus, excuſſo de manibus ferculo, proſternitur. Nec mora canes vndique accurrunt, & arbitratu ſuum ſibi diſenſum obſipari, gnaviter helluantur. Tum verò effuſè ride-
re omnes, & Cynicam hanc eſſe cœnam dicere: At Coquus ſtomachari, & iræ plenus profugere.

38.

Tandem pater inquit familias, niſi aliis nos artibus hodie obſonamus, incoenatis eſt dormiendum. Sed proſectò ferunt potentes eſſe aliquos, qui arcano murmure cœlum poſſint omne deponere, terramque de nubibus ſuſpendere. Qui imò, inquit, alter didicerint fontes durare, montes diluere, & magnis identidem ludibrijs naturam fallere. Excipit horus, & his promptum utique ſit, cœnulam ſubinde medicam excantare. Ac tu quidem ſi talium es attium gnarus, quid porrò differs: prohibe hanc noctem nobis aſtemiam eſſe. Nam vides cæteroquin, quam nullum familiæ ſtudio vigilet! Caſtigauit improbum votum adoleſcens monuitque ſaniora velle. Gulam tanti non eſſe, cui tanto cum periculo litaretur. Ceterùm ſi epulas concupiſceret, ego, inquit, nequaquam, ut multi, malis artibus nitendo, neque ſepulchralibus odarijs, ſed ſanctioribus diſciplinis

ope-

operatus, res tibi tales effectas dabo; dum
hac tamen lege tecum transigero, ut ne
cœpta mea intempestivè disturbes; ne-
que iusto curiosior, quid agatur, requi-
ras. Sed silentio auctoratus, spectator es-
se, quàm negotiosus actor, malis, Pro-
mittit ille, & piscem, ait, Ponticum vides,
aut neminem certè hominum minùs lin-
guacem. Simul obmutuit. Circum-
stat familia, ignara exploratoris; & ar-
cavi sui secura, quid moliatur histrio ex-
spectat.

39

Hic cœpit aduena, & cum oculis
nulli rei significandæ, sed in stultitiam
inuentis, describit orbem: atque indi-
dem iubet servulum (quem vnum herus
peregrè adduxerat) in culinam decurre-
re: inuentum inibi gallum spadonem,
à veru etiam num recentem, & post ia-
nuæ limen excubantem. Serui inspera-
tò fulminatos se credidere; & alterum
alter intuiti, prodicionem coniectarunt.
Dumque annunt inter se abnuuntque;
abit vernula, rerumque nimicarum igna-
rus, tollit semimarem capum, atque in
mensam hilaris importat. Herus bonis
se aubus pedem intulisse sentiens, in-
reliquam scenæ comœdiam excitatur. At
ceteri plus iam spectasse sibi videban-
tur, quam vellent: ereptaque dentibus
præda, omnium ungues in prædonem
prutiebant. Interim pergit histrio, iu-
betque illicò ad ædium primas scalas
ire, indeque in salsamento lepusculum
capere. Abitur, quaritur, reperitur:
&, famulis nequicquam ringentibus, in-
fertur. Mox eidem ludio, pro foribus,
in-

inquit, arca quædam est lignea, illam tu
 expilato, dapilesque hinc volucrum, hinc
 piscium delicias, dinerſis in patinis diripi-
 to. Nihil obſequij omiſſum, & abſque re-
 tiſquamigeræ, aligeræque gentes, in po-
 teſtatem venire. Vix etiamdum redie-
 rat cum dape famulus, & altero mox
 imperio ablegatur: iubetur, ponè focum.
 Gallinam Numidicam cum tribus liberis,
 ex amiculo euoluere. Non ſegnīs iam
 alter ad hæc imperia, currit; ſcrutatur;
 redit triſtior: ait, illam verò matrem
 de fieri. Erubuit errorem adoleſcens; &
 quando certus tamen erat, alitem ibi vi-
 diſſe, perſeueravit familiarem utique fu-
 rem credere. Igitur triſti ſilentio, & mi-
 nantibus oculis circumſpicit. Utque
 omnes conſternatos metu ſenſit, vnus
 præſertim colore motus, cladem domus
 denuntiat, ſi quis in eo oſculento frau-
 dem porrò faceret. Sic eodem redire
 ianitorem iubet. Et nempe hic ipſius e-
 rat, qui ſibi illud de cœna apophoretum
 ſepoſuerat: iamque territus, ne niſi affer-
 re maturaret, facinus proderetur. Nu-
 midicam properanter, & fuga, reducit.
 Vltimum adhuc reſtabat de profuga bi-
 bonum gente ſpolium, vini Opimiani
 cadus, quem inter lignorum ſtruem ab-
 ſtrulerant; eum illinc peti, & ne Ceres
 ſine Baccho frigeret, inferri mandauit.
 At miniſter ſtrenuè obſecutus, ingentem
 amphoram tollit. Sed oneri vires non
 ſufficere, donec fatigato ianitor ſup-
 petias ijt. Quibus ambobus ſub pondere
 anhelantibus; non potuit diutius pater
 familias, quin rupto fœdere exclama-
 ret

ret, satis iam superque obsonij, vel in pontificale epulum esse. Saturatus aliquando tot ferculorum prodigijs, de cetero quiesceret. Et verò alioquin iam ad mala usque peruenerat: increpat tamen hominem oculis atrocibus adolescens: &, nisi tu, inquit, liberalitati huic manum iniecisses, isthæc antecænia solùm haberes: fercula reliqua, & tragemata, tu ne tota quidem dextra computares; tam ego & multa, & lauta apparassem. Nunc si famem absolueres epulis certè his patrocinantibus non potes, linguæ intemperantiam accusa. Dixit, & accubuit, serui ministrant muti, & pallidi: quasque sibi cupedias condicant, ludente fortuna, in alienam ingluuiem cedere conspiciantur. Ferunt tamen, ac dissimulant. Nec enim facere aliud promptum erat, ni funestam habere noctem vellent.

Iugis interim omnes cura coquebat, quid tandem infelice scriba fieret? quem neque domo emittere sciebant, neque retinere, quin deprehenderetur. Et ipse etiam scriba suam vicem mirè sollicitus, in momenta infortunium expectat,

40

— panamque luit formidine pana.
Verùm & hanc denique rem euenta inueniunt.

Fortè pater familias iam potulentus, ubi vidit tantum se artificem reperisse, ait pridem se periculosa curiositate attineri, videndi cacodæmonis; si qua citra noxam videri posset. Negat hospes, id legibus concessum; & rem cō-

41

se plenam consternationis. Ille deprecatus terriculamentum; si humano, inquit, schemate os genius tartareum fallat, nihil visu formidabile conspiciemus. Orat proin obsecratque eius postulati gratiam fieri. Contrà hæc diu adolescens nequicquam tergiuersatus, inijt festiui doli fallaciam. Compromittit honestis artibus, quæ postulentur, efficere. Caueret tamen ne quid præterea sollicitaret: Nam id ostentum, talium sibi operum extremum fore. Prodit deinde in medium, sermoneque Romano ampullatur; & scribæ post lectulum latenti. In Polyphemi diuersorium, inquit, incidisti; vt Vlysses tibi opus sit aliquis, cuius sollertia euadas. Quemquidem habebis, vbi me auscultaueris. Secundùm hæc prolixè ostendit, quid facere eum velit, vt saluus ex angustiis eluctetur. Herus interea vecors mancipium, Stygio carmine infernum exciri hostem arbitrantur. At scriba, Latini iuris gnarus, & ingenio adolescentis hilaratus, subinde obtusum remugit, quæque præterea sunt agenda cognoscit. Vt denique mimum integrè composuerunt, mouit herum hospes iam sibi præsens esset; erupturum ab intimo cubiculo monstrum: videret etiam atque etiam, ne sui oblitus, loqui aliquid susciperet, cuius in proximo pœniteret. Ea præfatus, cepit barbarico stridore hiare verba, aulæum tragicum pandere, & Siqarium scenicum explicare; neque adeò ipse, quid diceret, scire. Donec tempestiuum ratus scriba, aliquamdiu in cubiculo tumultuatur, lectulumque tremefacit.

*Et crepitus Erebi, & Furias imitatur
Auerni:*

foribus deinde impulsis, magno æstu in-
diatam erumpit. Tum verò herus sibi
metuens.

*Obtutu gelida ora premit; dubiusque per
artus*

Horror ijt —————

Verùm ille ter in orbem quaterque cir-
cumactus, & nescio quid aliud gesticula-
tus; cum insano fremitu se de triclinio e-
iecit: ac eodem deinceps impetu per sca-
las ianuamque in tutum euasit. Ibi ferunt
patrem familias, vt se ex timore college-
rit, exclamasse, nullum se, quoad vixerit,
Cacodæmonem vidisse, qui Scribæ illi vi-
cino magis geminus, omniaque tam simi-
lis fuisset. Excepit hanc ANNII fabulæ in
communis risus. Ego lepidam credidi fa-
miliam, in qua fortunæ liceret ita io-
cari.

V T O P I Æ

D I D A C I

BEMARDINI.

LIBER QVARTVS.

DVM hæc Philippus, ventum est ad
id diei, vbi iam vesperauerat. Mo-
nuit igitur, cogitandum de reditu
ac

*In cāpis
animi
caussa ab
noctant.*

ac domuitione . Nequaquam , ait Hugo ,
 sed , tam sereno aere , hic tecum totam no-
 ctem perambulabimus . Nempè vbi nec
 est quod cœnes , neque vbi cubes ? inquit
 Philippus . Non cubandi , sed ambulandi
 causa huc concessimus , ait Hugo , & , quod
 præcipuum est , fabulandi . Hoc agamus ,
 inquam ego , sudum est cælum , Luna lim-
 pida , fabulæ pro cœna erunt . Etiam Hi-
 spana nobilitas , cum , ob diurnos calores ,
 in campum & solem prodire molestia est ,
 nocturna & aura , & ambulatione gaudet .
 Hic Philippus , quando ita iubetis , ait , cœ-
 næ priuationem vobis imputare , frigidum
 prandium mihi : nihil est ad manum , nisi
 quod de prandio reliquimus , non tamen
 sine lactuca .

*Et vino , & sale , & omnibus cachin-
 nis .*

Atque heus

Minister vetuli puer Falerni

Inger mi calices amariores .

Vt lex Posthumia iubet Magistra .

Si vinum non deest , nihil deest , ait Hugo :
 vinum nunc est omnia . Hoc enim æstiuo
 tempore , magis potare iuuat , quàm cœna-
 re . Mihi enim uerò , inqueiebam ego , satiùs
 est , Philippi reliquam fabulam , quàm Fa-
 lernum haurire . Igitur quod cuique ra-
 ptim in manus ueniebat , id aut degulabat ,
 aut exhauriebat . Moxque postea , Philip-
 po medium locum tenente , cœpius am-
 bulare , Philippus autem inchoatum ser-
 monem sic proseguì .

2
Fabula
superio-
ria cōti-
nuatio

Eodem tempore audimus præter ædes
 illas , magnæ frequentię plausum , & fe-
 sta infaniam ferri . Iubet illic LVCIVS

con-

considerari, ecquid ij vitulentur? Refere
pner, nobilitatem a venatu, cum præda re-
uenire. Hoc, inquit, est, quod dixeram, fra-
ter. Et sanè oportet nos eodem contem-
dere, remque vnā omnium stultissimā
videre, quam scio molituros. Itā opipatè
cœnati consurgimus; & cum grandi famu-
lorum legione, ad STULTITIÆ Circum
properamus.

Commodū ex adibus LVCII enase-
ramus, cū ad proximā porticum dela-
ti, eos, de quibus audieramus, cachinnon-
nes conspiciamus. Sed, quod extremum eo-
rum agmen carpere non placebat, cursim
per angiportum flectimus, atque loco op-
portunè capto, in frontem & latera, cete-
rosque Moria ordines iucundissimo ocu-
lorum certamine pugnamus.

3
*Laruato
rū agmē.*

*Non mihi si lingua centum sint, oraque
centum,*

*Ferrea vox, omnes Lemurum compren-
dere formas.*

*Omnia monstrorum percurrere nomina
possim.*

Præibat æneatorum globus, & tympano
hæroicum strepente, reliquā aciem hi-
larabat. Sparsi per omnia daduchi, con-
spicuos quemque etiā in tenebris face-
re, & noctem laborabant funalibus exani-
mare. Ego proin' LVCIO, fallimur, in-
quam, frater, an prisci moris nuptias vide-
mus? Nam quorsum alioquin isti; Et au-
din', vt Thalassim clamant extremi, ac
Fescenninis liberè tumultuanter? Quid,
quod & choreas multi ducunt,

*Et, longè super imminente LVNA,
Colludunt hilares, & e rudito*

Cal-

Calcatam quatiunt sonore Terram?

4
*Eorundē
stultitia.*

Icit memolli cubito LVCIVS, meam.
que hominis peregrini simplicitatem ri-
sit, & nempe stultitiam, inquit non virgi-
nem duxerunt isti, quam hoc falsæ lætitiæ
choragio dignatur. Nisi tibi videor VTO-
PIOS hodie demum tenere: quos pridem
scio, numquam ita sapuisse, quin Mo-
rix minerual aliquod deberent. Hos mi-
hi iam ipsos vide; neminem illorum di-
ces, Iouem esse, a cuius cerebro Palla-
dem speres.

5
Satyrisci

Sub hæc LVCII verba, tres subeunt,
mira, proceritate iuuenes; ora tenuibus
latuæ membranulis mentiri, habitum cul-
tumque siluestres, & pexos prasmo colo-
re villos induti

*Trunca manum pinus regit, & vestigia
firma t.*

Titanas ego mihi videbar, & eorum reli-
quias videre,

*Qui ter conati imponere Pelio Os-
san,*

Vt cælum expugnarent. At nos, inquam,
ANNI, Astryanactes sumus, quibus etiam
spectare hos Hectoras metus est. Imò,
inquit ANNIVS, formica fies, ubi istas
Getuliæ belluas iuxtim adstabis. Viden'
autem hic tu illam barbæ umbram? illam
Cygni plumam? illam paui huius caudam
hanc tot imaginum pompam? mentior, ni-
si hi omnes plus stultitiæ gerunt, quàm
personæ. Illi sunt, inquam, ipsi, quos pri-
mo urbis aditu obuior videram; temulen-
tos, & longo tunc intervallo a ceteris reli-
ctos. Nunc utique cum aliis redeunt, al-
temque siti novam ebrietatem quærunt.

Po.

Ponè hos , conferti multorum greges
succedunt ,

6.

Venato-
res

_____ operi delecta iuuentus,
Retia rara , plaga ; lato venabula fer-
ro,

Densatque ruunt equites , & odora ca-
num vis.

Tum præterea vnum video præ ceteris su-
blimem in Elephanto vehi ; cui aurea cæ-
saries in summos utrinque humeros de-
fluebat ; cum exuuiæ Leonis per tergum
effusæ , alterum mihi Herculem figura-
bant . Sed postquam pharetratum esse , at-
que sinistra arcum vidi prætereundum , cœpi
laudare fidem ANNII mei , & venationem
qua dedixerat , recordari .

Auebam ergo cognoscere , ecquam ij
prædam secum reportarent , eum , ecce ti-
bi , quatuor Cappadoces extremo agmine
consequuntur ; qui retibus implexum ho-
minem ludibundi gestant : Rusticanum
omnino , & à mortuo proximum , sed quem
tamen per decussati reticuli spatia facile
nosceremus , illum esse ipsum , cuius te-
mulentix recens testis occurreram . Eam
ergo nos prædam esse suspicati , confestim
adiungimur ,

7

Ebrius

rusticus

pro fera

captus.

_____ cuneosque per omnes

Vadimus hand dubium in risum ; me-
diaque tenemus

Urbs iter , nox atra caua circumuolat
umbra .

Quis faciem illius noctis , quis ludicra
fando

Explicet ?

Ibat interior mihi adolescens , quem
LUCIVS , quod inermem videbat , an-
da-

8. *Garrula
responsio
nulla re-
sponso.* dacter intuitus ; &, potes tu, inquit, vt me
stultitiæ huius facias prudentiorem ?
Quam vobis , Diana feram submisit ; aut
cui macello crudeles hanc Aprugnum
deuouetis ? Repentè ille, vt sciremus poe-
tam esse, cœpit versu translatitio rem om-
nem suprà repetere :

*Pòst, quam altos (inquit) ventum in
montes, atq; inuia lustra,*

*Ecce fera saxi deiecta vertice ca-
pra*

*Decurrere ingis , alia de parte paten-
tes*

*Transmittunt cursu campos, atque ag-
mina cerui*

*Puluerulenta fuga glomerant, montesq;
relinquunt .*

Inde alios de tuo versus addidit , perrexit-
que magnis aures stridoribus ferire : do-
nec eum denique pertaxi, ac pessimis mo-
dis ab illo multati, gratiam officio habui-
mus, roganimusque, ne molestus esse præ-
terea sibi vellet . Ità longo poemate de-
functi ; nondum intellecto, quid fieret, a-
bijimus : læti, quod aures nobis aliquas re-
liquisset .

9. *Larua-
tus bar-
ba inceu-
dium in-
fert.* Sed inde vix passus decem abscesse-
ramus, cùm alius nobis occurrit iuuenis,
quem plurima circum
*Nubila , & accitis velabat schema te-
nebris;*

*Perque oculos vix parua duos data se-
mita .*

Tadam.

*Ille manus , flammaque gerens spira-
men olentis.*

*Scrutari medijs aliquē de millibus unū
Visus*

Visus erat. ———

Hic talis pòst quem nos vidit, aduersùs substitit; prætentamque faciem per singulorum ora noscitabundus duxit. Eam, vt incautior præter ANNII lanuginem, tulit, mentum flammula corripuit. Quippè illi continuò,

———— barba reluxit.

Nidoremque arbuscula dedit. ———

Hic enimuèrò ANNIVS facti impatiens, ibat in improvidum Diogenem, & parabat barbulae damnam pugno vindicare, Coercuit furem LVCIVS, &

Non venit in mentem (inquit) quorum confederis aruis?

qui tantulae iniuriae gratiam huic Cynico facere non possis? Perimus vna omnes, nisi barbitium tuum impunè tibi finis arsisse. Ità ille quidem pugnum abstinuit: sed atrociori vultu perseveravit; donec alter, reducta in frontem nebula, HERMIVM se confessus, veniam rogare, & incendij temeritatem purgare institit.

Tum deinde ANNIVM, meque injecta manu complexus, quid tandem insanirent VTOPII, familiariter aperuit, Nam principem, inquit, iuventutis nostrae,

10

Quem GETVLA nigro veſtabat bellua dorſo,

cepit libido animi relaxandi. Ei quòd pleraque se nobilitas adiunxerat, hic tantus TROSSVLORVM comitatus euasit, diemque cum illo iam alterum in suburbanis viuarijs lusiſt. Enimuerò dum hodie conuſamus, atque ludicro Cirenſi

finem facimus; Paganum interim hominem à Baccho liberaliùs habitum videmus; ut qui arentis hepatis æstum liquido meraco temperarat, & à Cereris arca, incautiùs ad Lyæum diuerterat. Is subter densam quercum, letho quàm somno propior accubabat. Nos certatim alius super alium irruimus; iamque in orbem circumfusi, alius pedem, alius capillum, alius aliud in loco, & ioco vellitamus; quo feram expergeremus. Sed ut quicquid incipiebamus, frustra esse, hominemque minimo minùs moueri vidimus, consilium suffecit. DORYLAS noster, quò potum Endymionem ludos egregiè faceremus, Quarè ignarum suique iuxta ac nostri oblitum, humo tollimus, & in Principem aulam hoc comitatu prosequimur; regem ibi dialem ex rustico daturi. Vos, si lubentia est, mecum in hac Comitia venite; & vestro item suffragio insaniam coronate. Mentior, aut spectandi materiem habebimus, aut ridendi. Nos verò & libenter, inquit ANNIVS; quando municipales, huius suffragij habemus.

II.
Rustici
in regnū
meta-
morph.

Iamque adeò in Palatinis foribus eramus: ingredimur, nocte ipsa, & audaciatuti. At Principe Iuenum in aulæ medium recepto, cum priùs quid fieri rustico vellet, monuisset, undique omnes

——— dictis parere ministri
Certatim accelerant, vario strepit ista
tumultu
Regia; pars ostro tenues, auroque sonantes

Emunire toros, aliosq; inferre tapetas:
pars

pars diætam ornare; pars auri argenti-
que pondera nouo ludibrio afferre. Pau-
cis; lectulus, cortinæ, cubile ambitione
regia fucantur. Tum Paganus denique
è plagarum sandapila euoluitur, nondum
crapulæ veterno liber: penula illi rudis,
barbaraque interula mutantur; dein cæ-
teræ ruris sordes & inficetiæ paullatim
detrahuntur. Coma omnis eleganti no-
do supra caput adstringitur; barba,
quam nullam, antè aluerat, noto arti-
ficio, per tenacissimi glutini viscum
ingens appenditur; facies reliqua pere-
grinis colonibus adulteratur. Ita orna-
tus in primæ fortunæ lectulo collocatur.
Iuxta hunc auratæ vestes, & quicquid
amicire Iouem, aut decere Iunonem pos-
set, deponitur. Iam annuli in digitis,
iam armillæ in brachijs, iam cetera, quæ
admirationem, vel assueto facerent, su-
praque infraque, omnibus locis desti-
tuuntur.

Composita ferme iam Fabula videba-
batur, & matura quæ in proscenium
duceretur, nisi moram somnus, & ebrie-
tas iniiceret. Quare nobiles ephebi duo
negotium acceperunt, qui per dispositas
ianuæ ruinas viderent, quid illo subin-
de fieret; moxque vt euigilasset, signo
dato ceteros in rei spectaculum exci-
rent. Ita iis ad excubias intentis, miri-
ficè quædam nos Musica tenuit; quæ tum
ad Principis dietam existere, illique de-
licias facere, ac somnum iussa est concilia-
re.

Verùm incidit ibi nescio quid ridi-
culi, vt suauitas illa repente se amitteret.

Musica Galba erat inter alios quidam, non absur-
Et Mu- dus ille Cantor, nec insuavis; sed æta-
sca malè te tamen senecta, & quod consequitur,
quadr. caligine iam oculis infesta. Huic aliquam-
 diu Musicos colores scitè temperanti no-
 vissimè non cicada, quod Eunomo; sed
 musca impudens illudit: quæ fortè sum-
 ma in pagina residebat. Eam Galba
 non utique Muscam, sed Musicam esse
 litteram rebatur; ac bene magnam, quæ
 duum temporum vices impleret. Idcir-
 co spiritu ingenti cœpit miser Præana
 citare, contentaque voce immensum vo-
 ciferari. Hic absurdissimos modos cete-
 ri mirati, confestim in Galbam iratis o-
 culis vertuntur; nutuque asellum incre-
 pant. At ille nihilo magis remittit: quin
 potius numeros omnes ex præscripto ser-
 uare se ostendens, digito locum aliis
 commonstrat. Tum vero terreri Mu-
 sca & contactum refugere; Galba suum
 errorem videre, palamque erubescere;
 ceteri simul omnes symphoniam in ca-
 chinum mutare. Ità postquam Musica
 omnis conticuit, alij quàm cuique visum
 est, abiere: multis in vinum, & pocula
 ruentibus, multis aleam, & fritillos po-
 scentibus; nos cum Hermio paucisque
 sanioribus in intimos palatij recessus ab-
 dimur, ubi instructæ honestijs cupedijs
 mensæ, aut noctem nobis fallerent, aut
 somnum properarent.

14 Fortè tabulam ibi Protogenis conspe-
Imperfe- xerat LVCIVS, in qua Herculis labores
Etã ima- duodecim visebantur, haud rudi opere
go Hercu adumbrati. Ille, ut est huius elegan-
lis. tiæ curiosus, artem diu considerabat,
 ita-

itaque discessit, ut manum pictoris vehementer probaret; et si penicillo, inquit, felici unum quid defuit. Hermius admiratus, at ego, neminem, inquit, artificem vidi, qui aliquid hic desideraret. Nisi tu novus hodie Apelles, accutis vides; praesertim ad lucernam. Quippini, inquit LVCIVS, quando & Sutor in crepida damnauit Apellem? Oportebat autem & tertium decimum hic laborem esse; quolentes illum coquere Diogenes coegit. Opinor enim nusquam alibi magis Herculem sudasse.

Excipit cum risu Hermius, & finite, inquit, rem vobis lepidè stultam commemorare, neque ab hoc ioco valdè alienam. Mense proximo priori hominem inuisi elegantem oppidò atque copiosum, quippe à quo rogatus fuëram, foras coëmare. Erant in eo tum conuiuio lautitiæ multæ, apparatus tanto, ut oculos dentesque ambignè imitarent. Ibideam sinistra Iouenem assedi, probè litteratum illum, nec suæ poetices ignarum. Is ne asymbolus videretur in eam cœnam condixisse; Meas, inquit, ego partes, domi ad focum haud sanè luculentum extoëtas, hic depromo;

15.
*Herculis
decimus
tertius
labor.*

— & semipaganus

Ad Sacra vatum carmen affero nostrum.

iniecitaque manu in sinum, renidentibus oculis membranas quincuplices educit, nobisque auentibus hoc Epigramma pridie a se factum, palam legit. Quod vos iam ex pueri huius memoria potestis repetere. Inde, ut puer inuauit, puer,

si recitandum est, inquit, oportet, ex Persij præcepto, me prius plasmate guttur colluere, quo liquidior voculam hauriatis. Dictoque citius calicem tollit, & omnem, Hermio apprecante, iuergit. Tum deterso oris humore sic cœpit.

*Nota sibi CYNICVS dum lustrat tecta
CACHINNO,*

Poscit uti diram paupere lento famem;

Arida per vacuum circumfert ora CVLINAM,

Si qua sit ad CYNICAM vna fauilla dapem.

Hic gelidos horrere videt sine torre Penates,

Nullaque defuncto ligna parata foco.

Auxilium rogat Deos. Fortè HERCVLIS illic

Stabat in excelsa lignea Forma thola.

O bene; bissonis (ait) olim exercite monstris.

LENS decimus debet tertius esse, labor.

*Diceris olim apros, olim vicisse Leones,
Nunc etiam lentes vincere discemeas.*

Et simul Alciden frigentibus admonet ollis

Subiectoque pedes Herculis igne cremat

Ille focum flamma, illa cocum calefacit & ollas,

Et Cynicas eadem deniq; flamma Fabas.

Huic

Huic alterum subdidit.

*Iam Nemaus erat sublatuſ ab Hercule
terror ;*

*Et verus Arcadica valle peremptuſ A-
per ;*

*Iam ſtabulis exhauſta ſuis infamia : &
hoſpes*

A Diomedeis nemo timebat equis.

*Nuſquam Cacus erat: Nuſquam Sym-
phalides vlla :*

Et Stygijs nuſquam Cerberuſ in foribus.

Nulluſ Lerneæ reſtabat ſibiluſ Hydra ;

*Heſperijs nulluſ iam Draco in excu-
tijs :*

*Cum ſua Diogeneſ miſerando in pran-
dia voto ,*

Mollire admotas quæreret igne fabas.

*Ligna tamen decrant ; qua dum uſque
requirit & uſque*

Herculiſ emeriti lignea ſigna videt .

*Præcipitanſque foco, noua ſubdit pabula
flammiſ ;*

Hercule tum lenteſ ſuppætiâte coquit.

*Omniſ in monſtris ſudaueriſ, inquit ,
in iſta*

Te ſudare tamen p' uſ ego lente puto .

*LERNA quid ALCIDÆ, quid cetera
Monſtra deditiſ :*

*GLARIOR à victu LENTIBUſ ille
fuit .*

Hæc huiuſmodi carmina, ut ipſe le- 16
uiuſcula, nec ad PERSIUM eſſe cenſe- Poetarū
bat, ita plerique alii, digna, quæ ætatem ſibi inui-
ferrent, ſuſpexere . Ego ut de meo ſen- cæ applau-
ſu vobiſ conſitear ; exiſtimem, eum tunc dentium
adoleſcentem ementiri potuiſſe veteriſ paradig-
Pocæ nomen ; idque facturum fuiſſe ma.

nullo nec æui conuitio, nec conuiuiarum stomacho. Cum proin' omnes in eo carmine laudando essemus, Cenæque dictator hanc coronidem sermone patrio adijceret? Nullum fuisse aliud nec suauius ferculum, nec elaboratius id diei mensis illatum, atque illud cultissimi Iuuenis EPIGRAMMA: improvisò Iulius ingreditur, Iulij nepos, vir loco nobili, ac cetera omnia summus; Verùm qui apud Grammaticos nihil olim temporis petdidisset.

17
*Indocto-
rum ab-
surditas,
Epigram-
ma fer-
cui loco
apponere
conauitū*

Hunc talem virum extrema laudatio voxque EPIGRAMMATIS aduertit, inter esculenta meliuscula laudati. Neque verò is negligendam gratæ gulæ cupedinem ducens, apud se ipse statuit, simul ut domum reuenisset, experiri, ecquid domesticus item coquus hanc cibi indolem pernouisset. Inde omnibus comiter salutat, teque illa, cuius agendæ venerat, effecta, rursus digreditur. Domi continuo accessi è culina magistrum iubet, atque, an Coquere, & ipse EPIGRAMMA norit! rogari. Hic stupere coquus, & ad vocem peregrinam circumspicere, nutuque ipso eiuem se Romanum negare. At herus iratior, hominem nauci, ac frugis nullius inclamare, qui delicias paulò antè omnibus APICIIS laudatas neque sibi instrueret vnquam, neque verò ipse nosset. Die tamen crastino, aut facies, inquit, his EPIGRAMMATVM cupedis cœnam, ad quam Tresuiri nostri promissere; aut conditionem renuntiaui. Facile id verò est, ait coquus; dum sciam eius lautitiæ doctorem, qui

vbi verbulo rem monstrarit, iubebo te sine metu esse, iam EPIGRAMMA coenasti. Ostendit ei herus, vbi eius artis magistrum possit inuenire. Coquus didicisse iam opinatus, summa luce consurgit, atque ad ædes illas artificis abit: famulos primum omnes super heri negotio rogat, Ecquod EPIGRAMMA coxisse? Negant ij, quâ singuli, quâ omnes. Adit ipsum inde patremfamilias, aitque cupere se, cum bona eius venia cognoscere, vnde illud EPIGRAMMA venerit, cui conuiuæ pridie plausissent; idque a quo coquo? suone, an alieno sciat apparatus? Imò, inquit, à MANLIO, pernobili iunene, & elegantis omnibus apprimè docto. Coquus recta ad illum; & rei adsit, ostendit: rogat, ea ne voluptate suum herum defraudet; sed EPIGRAMMATIS sui illius copiam faciat. Manlius, per verò, inquit, libenter. Et confestim puero; heus verbero! huc calamus mihi, & chartam. Adest puer, calamus, charta: exscribitur EPIGRAMMA, datur coquo, fertur domino. Ille, quod nihil horum expectasset, atroci vultu, & seruum, & chartam a se iubet facessere. Adeone despiciatui se habeat trifurcifer, ut pro cibo schedam, pro EPIGRAMMATE scripturam subornet; Respondit Coquus, aliud Manlium non dedisse, sed mihi omnem sui EPIGRAMMATIS vim artemque comprehendi dixisse. Iulius, qui Latinus non esset, arbitratur, nondum coquendi EPIGRAMMATIS ibi doceri. Igitur, cequid redis inquit, eumque

denuo rogas, ut incoram. hanc tibi artem explanet? Paret famulus; ad Iuvenem postliminio redit, docet, accepisse herum schedulam, & eò gratias habere. Insuper petere, ut disertius eam sibi disciplinam tradat; quod cogitet in proximam cœnam consimile EPIGRAMMA conuiuiis apponere. Quare ui graue sit, paratum se esse, duobus verbis in præsens doceri: ac deinde recta ad culina reuersam, suam in EPIGRAMMATE faciendo fortunam experiri. Hic denique sensit Manlius, qui absurdi Stultitia somniaret! planeque lauro eguit, quam risui inhibendo inoderet. Et cuperem, inquit, apprimè & hero, & famulo gratificari. Ceterùm in hac re, quo minus obsequar, video. Apollinem. eiusque Musas intercedere: quibus volentibus, non possunt hæc fercula extra culinam cerebri, nec nisi ad focum ingenij apparari. Addidit, proliheri se, ne hæc arcana tam breui omnia diuulgaret, quæ ipse ab vltima pueritia ad hoc ætatis vix tandem sit affectus. Hæc ut omnia retulit coquus, ferunt stomachosè Iulium cum Apolline. Musisque expos-
tulasse; qui, ne riuales haberent, ceteris omnibus omnia voluptaria negassent. Nona interim appetebant, & cum ea conuiuæ: apud quos idem sub primum aduentum de sua infelicitate querebatur, & quam optarit bene suos. sibi hospites accipere; si vnum illud EPIGRAMMA per alienam malevolentiam nancisci licuisset. Rem deinde, ut erat gesta, persecutus, mitificè omnes delectauit: ut il-
lorum

lorum vnus mihi dixerit, vel illud ipsum
fuisse falsissimum Epigramma, coquum
Epigramma facere voluisse.

18.

Placuit in ea fabula Hermius, sed vi-
dere mihi tu, inquit ANNIVS, verbis
his tuis, hoc nimirum agere, vti nos, re-
rum oblitum, falerno tuo parcamus. Erras
Hermi, Ego Scytha non sum, qui fumo
pascar, Et dudum ardens barbula, affu-
so cupit humore vindicari. Inde subla-
to in Vtrodiorum ritum poculo. BENE
ME, BENE TE, BENE VOS, inquit
omnes: hanc ego Bacchæi liquoris phia-
lam à summo ad imum ambulare iubeo.
indidemque potulentam ad me reuenire.
Sic dixit,

*Clamorẽ
nocturno
in aulis
parcẽdũ.*

— & ocyus omnem.

*Gurgitis exhaust vitrei bibo siccus
Iacchum.*

Tum puero dedit increpitans,
vt calicem rursus vino coronaret mera-
co. Simul altius clamare omnes, & in-
gentis timorem confuso murmure no-
ctem inquietare: nisi Dorylas leui sibilo
in tempore audientiam fecisset. Nam
delicatis auribus principem esse, & quem
omnes noctis strepitus excirent. Eius
adeo rei, ni prohiberemus, posse exem-
plum memorari. Respondimus omnes,
id illum nobis volentibus facturum, &
mox erecti,

*Conticuere omnes, intentique ora tene-
bant,*

19.
*Nocturni
furis, &
prope de-
prehensi
versutia*

cum ille sic incepit.

Annus agitur ab illo iam anno ver-
tius, quem mutua duorum ingenia fece-

Nocturni re inlignem. Fortè enim,
 furis, & Nox erat, & placidum carpebant fessa
 prope de- soporem
 prehensi Corpora per terras, silvaeque & saeva
 versutia. quierant

Aequora; cum medio voluuntur sidera
 cursu,

Cùm tacet omnis ager;

aut, si nondum me tenetis: Noctis erat
 umbilicus, & ductis pessulis fores adium
 omnes obseratæ: cùm Principem nostrum
 cura peruigil exercuit. Quippè sublustri
 luna, per autæ huius inania deambulan-
 tem, ut sæpè mos est, ac nescio quid me-
 ditabundum, perculit è vicino sonus: su-
 spectus ille quidem, ac furtivæ molitionis
 index; is tamen unde accideret, non iti-
 dem liquebat. Hic homo, diutulè anceps,
 quænam vestigia insisteret, ut indicium
 persequeretur? Tandem laneo incessu, ad
 suamet Cimelia, quibus maximè timebat,
 intendit. Innerant id loci,

—————auara

Pygmalionis opes, flauaque micantia
 lamina

Vasa, CORINTHIACO nil concessura.
 metallo

Quicquid ERYTREO quesitum est lit-
 torè; quicquid

Barbarus Assyrijs eduxit prado fodinis:
 Aut Sabulo si quid locuples confudit
 Iberi

Lympha TAGI: aut quales olim Ro-
 mana lupillos

GELLI Adilectis potuit preponere Natis
 Hos ea ferrato CIMELIA post SMA-
 RAGDOS

Anxia

Anxia seruabant. ———

Eò loci nondum planè peruenerat;

*Cùm procul arcano subsistere limine
cernit*

Ignorū iuuenem, ———

qui clauī adulterina in valuas indida Cī-
melium furtim emoliebatur. Nec teme-
re id visum; & furacem utique seruulum
credidit, quī iniussus ærarium verrere pa-
rarit. Quare testudinem imitatus Prin-
ceps segniter lenteque se mouebat, quò
agnoscere peculatorem, eique manum
proximus afferre, neque tam sanguine
vernulam, quàm rubore posset multare.
Verùm id eius inceptū frustra erat. Nam,
ut nusquam secuta est. Perfidia, adoles-
cens semper circūspicere, & quouis
crepitu consternari. Donec sensit deni-
que insidas, vidit tūc Principem formici-
no gradu adrepere. Inde omnia conse-
st in deserere: iamque enīnus, ut consti-
steret, appellatus,

————— nil tendere contra,

*Sed colerare fugam in tenebras, & fi-
dere nocti.*

Ità raptim ex laqueis abiit & oculis; re-
staque ad familiarem lectulum contēn-
dit. Pro elapsa hominis praeda, clauem
venator in limine reperit, ac deseratis
iam foribus, ærarium videt propè vindi-
q; expugnatum.

Certus igitur furti alieni; sed sui con-
siliij incertus, mirabatur, quā aut tenuisset
is Auerruncus, aut abiisset? quum no-
cte intempesta, & omnibus palatij ianuis
oppressulatis, nulli se Sorici quidem aut
mustelæ rimula pateret, quā intro posset
irrum.

irumpere : nisi & hi fortasse vespertilio-
 nes alati iam essent, qui supra tecta per
 impluvium inuolarent ; & acetabulis au-
 rum cleperent? Postremò subijt, domesti-
 cæ temeritatis facinus fuisse, nec irrupsis-
 se aliunde Lanornionem, neque aliquò
 evasisse ; partum intra familiam scelus,
 intra eandem & vestigari posse. Porro,
 quam eius deprehendendi rationem ini-
 ret, id ferè laborabat. An quæstionibus
 ergo, domum, inquit, omnem subijciam?
 & ne fonti impunè sit, etiam insontes ple-
 ctam? Sæuum, nec mei ingenij consilium;
 nisi placet, dum scelus alienum punio,
 meum committere. Famulos potius in
 persequendam suspendiarij fugam exci-
 tabo? Sed aderit inter omnes, etiam ille
 quem quærent omnes ; nec vllò illum ar-
 gumento furem ostendam, qui ad furem
 corripendum accurreret. Quid ergo?
 Placet sceleris architectum dolo capere.
 Nondum sinet illum neque recens metus,
 neque necessarij, crepti memoria quietum
 esse. Quare, stertentibus ceteris, quem
 vigilate præcipuè comperero; is aut cogi-
 tasse mihi peculatum credetur ; aut suspi-
 cioni opportuna materies fiet.

22.

Secundùm hæc circumit solus, ac viri-
 tim omnium lectulos, quàm occultissimè
 potest, callidus explorator inuisit. Hic mi-
 ram vbique rerum confusionem, & ele-
 gantem somni Rempubl. habuit videre.
 Nam ad primæ stationis militem progres-
 sus, cùm eius adhuc limini oberraret, ron-
 chos nocturnæ fidei tesseram agnouit,
 quos ille immanes trahebat. Sensit hunc
 eius, puto, Keipubl. præconem esse, qui
 ron-

ronchis suis, velut pausarius, siue horas indicaret, siue modum reliquæ familiæ stertendi præiret. Ita hunc Somni Tritonem sonantior animæ meatus crimine absoluit. Iuxta alter accubabat supinata ceruice quadrupes: cui pili omnes plumentibus pennis horridi, ac ferreum olim pectinem fatigaturi: nares languidæ ac follicantes; os aeri reciprocando laxum, & peruium; quo spiritus reflabatur, ita calidus vt VULCANIAM, ita validus, vt ÆOLIAM subesse crederes, vnde istiusmodi procellæ erumperent. Erant denique easomni indicia, vt annum dormisse iam pecus videretur. Quare eo intacto, clam ad tertia castra proceditur. Ibi propter collocatum hominis viui cadaver gratiosa supellex visitur: Cantharus ad dimidium exhaustus, & vini cirnea, nunc in vappam degenerantis. Sacrum cogitasses nouendial instaurari; & in vetusto capulo feralem Silicernij cœnam poni. Ex porrigebat extra lectuli centonem rigidos pedes Endymion; in quos temerè illatus explorator, grabatum omne succussit. Mortuum excitare is fragor potuisset; at pecudem altiùs sopiuit. Nec visum ibi fuit, aliud dormientis indicium expectare. Iam proximum erat, alterum atque alterum cubile; inde aliud ex alio adire; & sicubi suspectæ quietis argumentum foret, admota manu, subsultantium præcordiorum fidem implorare. Hic longum mihi sit negotium, singulos eius quæstionis ludos dicere. Nam fuit subinde, qui vertigine somni circumactus, versis ad puluinum plantis,

tis, ceruicem in ima lectica mersaret: fuit, qui sua nocti somnia podere, scenamque umbratilem adornare dormiens audiebatur. Alibi mensa erat, lectissimis rebus instructa. Quippè lapilli per alucolos sparsi, & par tesserarum, & picti luforio schemate libelli turbidè iacebant; quæ omnia haud graues vigilantis cubi- culi curas loquebantur. Alibi deiectam regetem somnolenta iacentis manus iden- tidem affectabat; nequicquam cupida, amissum teporem colligere. Demum ea parebant vbique spectacula, vt facilè scires, te in Vtopia esse.

23.

In hoc inertiaæ teatro, cubiculum nouissimè quoddam, stitit omnem Principis curiositatem. Ibi adolescens vnus quiescentis imaginem haud faberrimè celatam exhibebat. Sensit continuò illum fallaci nebula oculos sepsisse, somnumque adulterinis ronchis mentiri, & *incassum vigilantem stertere naso*.

Cauta igitur manu simulatam hominis malaciam eludere, & ex tumultuantis pectoris æstu, inquietem animum aggreditur scrutari. Nec fefellit sagax dextera. Et nempè is erat, qui nocturna molitione ianuam conatus effringere; ac recenti adhuc facinore perturbatus, somnum adeò nullum capiebat, vt ne fingere quidem iam posset. Latus inuento scelere Princeps; hoc porròangebatur, qui lupum vtraque aure complexus, tuta à se dimitteret. Neque enim

Clara per obuersas intrabat luna fenestras

Vt habitum oris liceret dignoscere, fu-
rem-

remque quis esset, scire: neque etiam,
 vim id noctis asferre placebat, ei, quem
 ingenio vadari mallet. Pro consultissi-
 mo habuit, frontem ei litteratam facere,
 aut alia nota tenebrionem dignorare, qua
 in poteri dici vadimonium cogeretur. Et
 erat familia tum omnis capillata? ante-
 uentulis cirthis pleramq; frontem inum-
 brati. Hanc opinatus laqueum se inue-
 nisse, quo fur in lucem vel inuitus trabe-
 retur; primi sincipitis cincinnum strictim
 usque attondit; & inhonore vulnere ca-
 pillamentum ultus; nihil se se reliquisse
 iudicauit, quo tegi furtum præterea pos-
 set. Itaque rebus ex sententia gestis abit;
 & quod reliquum noctis erat, somno per-
 mittit; indicij securus,

At iuuenis teneri se intelligens,

Iam nigra furua regna Proserpina

Et indicantem credidit AEacum,

suique esurientem Cerberum videre?

Experiri manu voluit, ecquod hosti nego-
 tium in capillis fuerit? h. c. magna clade
 omnem esse Casariam afflictam, atque
 inter lectuli centones, passim strata pilo-
 rum funera cognoscit. Quare territus,
 altum

Exiuit; saltuque iterum defectus in
ipso,

Semianimis medio concidit umbra
solo.

Vtq; resurrexit, scædatus puluere turpi,

Et sua de gelida membra leuauit hu-
mo;

Non minus ingemuit, quàm si rea tur-
ba videret,

Flebile carnifices in caput ire manus.

Et

hæc, inquit, stultitia est manifestaria. Tanquam non soleant continuo & medici accurrere, & Sodales audire, & Princeps inuisere; quibus nullis clam habebam inhonestam cicatricem. Capillamentum ergo mihi omne adradam, factique vulneris euandidum vestigium errore confundam? At hoc quid erit aliud, quam seipsum nouis suspicionibus proscribere? Potius in pedes me conijciam, & voluntario quodam exilio flagitium luam? Sed quâ euades amens? Nimirum ianuis undique obseratis cuniculos ages, quibus in libertatem crepas? Diluculo imò, simul ac Aula patuerit, erumpam. An tu autem tam vecordem esse Principem putas, ut recludi prius aliquid sinat, quam furem teneat? Certè autem stultitiam assimulabo. Neque enim emotæ menti dicam licebit scribere: aut quis olim amentiam in patibulo fixit? multa similia peccat iustus. Aliquis parentem violentus occidit, & parricidij defensionem, insaniam habuit. Mater alia gulam infantis oblit; liberos alia suos, etiam vorauit. Non nemo penetibus flammæ subdidit, magnoque incendio patriam fœdauit: quos omnes ingentium facinorum compertos amentia absoluit. Credar & ego aliquid horum Ceritus fecisse; quis damnabit? Placuit hoc proin' inueni consilium; cœpitque mimum in posteri diei theatrum componere: quemadmodum mox seminudus ac lacer palatium perambulare; clauaque in humeros elata personam sibi faceret. Adhæc verba emed tatus, quibus ridiculus esset; fallere se posse confidebat.

debat. Verùm hanc omnem fabricam, vna mox cogitatio evertit. Nam cui hanc, inquit, stultitiam probabo, nisi me ipso stultiori? Quis insanus ita scienter recteque Cimelium aggredederetur? quis deprehensus tam cautè diffugeret? quis quæsitus demum tam callidè somnum obijceret? Hæc argumenta testimonium pro amentia non dicunt. Quàm igitur imperitus sum oportet, qui ne insanire quidem iam possim? aliquid sapientiùs quærat est necesse, cui stultitia nil patrocinatur.

Quid ergò? An ne hoc expedit, quod iam denique subit? Expedit. Sed consulenda nimirum est audacia mea, vtrum confieri id possit? Et verò potest. Aut enina vnà mecum omnes in suspicionem criminis vocabo; aut vnà cum omnibus etiam memet explicabo. Indè confestim erectior, in spem venit principis fallendi. Capto proin' consilio, armat idoneo telo manus, ac per singula contubernia fur- tim circumit, ferilque dexterrimè emun- nitis,

26.

Nunc ait audendum est dextrà; nunc ipsa vocat res;

Hac iter est.

Et cum dicto,

—— *Superbum*

*Rhamnetem aggreditur; qui fortè ta-
petibus altis*

*Extructus, toto proflabat pectore som-
nos.*

Deinde, vt quemq; opportunum iniuriæ sopor fecit, cum clanculò primoribus cin- ciuiis exspoliat; vastoque fincipite sup-
parem

si recitandum est, inquit, oportet, ex Persij præcepto, me prius plasinate guttur colluere, quo liquidior voculam hauriat. Dictoque citius calicem tollit, & omuem, Herminio apprecante, iuergit. Tum deterso oris humore sic cœpit.

*Nota sibi CYNICVS dum lustrat tectâ
CACHINNO,*

Postcit uti diram paupere lento famem;

*Arida per vacuum circumfert ora CV-
LINAM,*

*Si qua sit ad CYNICAM vina fauilla
dapem.*

Hic gelidos horrere videt sine torre Penates,

Nullaque defuncto ligna parata foco.

*Auxilium rogat Deos. Fortè HERCV-
LIS illic*

*Stabat in excelsa lignea Forma tho-
la.*

*O bene; bissonis (ait) olim exercite mon-
stris.*

*LENS decimus debet tertius esse, la-
bor.*

Diceris olim apros, olim vicisse Leones,

*Nunc etiam lentes vincere disce
meas.*

*Et simul Alciden frigentibus admonet
ollis*

*Subiecfoque pedes Herculis igne cre-
mat*

*Illâ focum flamma, illâ cocum calefe-
cit & ollas,*

*Et Cynicas eandem deniq; flamma Fa-
bas.*

Huic

Hinc alterum subdidit.

*Iam Nemaus erat sublatuſ ab Hercule
terror ;*

*Et verus Arcadica valle peremptuſ A-
per ;*

*Iam ſtabulis exhauſta ſuis infamia : &
hoſpes*

A Diomedeis nemo timebat equiſ.

*Nuſquam Cacus erat: Nuſquam Sym-
phalides vlla :*

Et Stygijs nuſquam Cerberuſ in foribus.

Nulluſ Lerneæ reſtabat ſibiluſ Hydra ;

*Hæſperijſ nulluſ iam Draco in excu-
bijs :*

*Cum ſua Diogeneſ miſerando in pran-
dia voto ,*

Mollire admotuſ quæreret igne fabaſ.

*Ligna tamen deerant ; qua dum uſque
requirit & uſque*

Herculiſ emeriti lignea ſigna videt .

*Præcipitanſque foco, noua ſubdit pabula
flammiſ ;*

Hercule tum lenteſ ſuppetiâte coquit.

*Omniſ in monſtriſ ſudaueriſ, inquit ,
in iſta*

Te ſudare tamen p' uſ ego lente puto .

LERNA quid ALCIDÆ, quid cetera

Monſtra deditiſ :

*GLARIOR à viſſu LENTIBUſ ille
fuit .*

Hæc huiuſmodi carmina , vt ipſe le- 16
uiuſcula , nec ad PERSIUM eſſe cenſe- Poetarū
bat, ita plerique alii, digna , quæ ætatem ſibi inui-
ferrent , ſuſpexere . Ego vt de meo ſen- cæ applau-
ſu vobiſ conſitear ; exiſtimem , eum tunc dentium
adoleſcentem ementiri potuiſſe veteriſ paradig-
Poetæ nomen ; idque faſturuſ fuiſſe ma.

nullo nec xui conuitio, nec conuiuarum stomacho. Cum proin' omnes in eo carmine laudando essemus, Cenæque dictator haec coronidem sermone patrio adijceret? Nullum fuisse aliud nec suauius ferculum, nec elaboratius id diei mensis illatum, atque illud cultissimi Iuuenis EPIGRAMMA: improvisò Iulius ingreditur, Iulij nepos, vir loco nobili, ac cetera omnia summus; Verùm qui apud Grammaticos nihil olum temporis perdidisset.

17
*Indoctorum ab-
surditas,
Epigram-
ma fer-
culi loco
appondere
conantiū*

Hunc talem virum extrema laudatio voxque EPIGRAMMATIS aduertit, inter esculenta meliuscula laudati. Neque verò is negligendam gratæ gulæ cupedinem ducens, apud se ipse statuit, simul ut domum reuenisset, experiri, ecquid domesticus item coquus hanc cibi indolem pernouiſſet. Inde omnibus comiter salutatus, reque illa, cuius agendæ venerat, effecta, rursus digreditur. Domi continuò accessi è culina magiltrum iubet, atque, an Coquere, & ipse EPIGRAMMA norit! rogari. Hic stupere coquus, & ad vocem peregrinam circumſpicere, nutuque ipso ciuem se Romanum negare. At herus iratior, hominem nauci, ac frugis nullius inclamare, qui delicias paulò antè omnibus APICIIS laudatas neque sibi inſtrueret vnquam, neque verò ipse nosset. Die tamen crastino, aut facies, inquit, his EPIGRAMMATVM cuped is cœnam, ad quam Tresuiri nostri promissere; aut conditionem renuntiaui. Facile id verò est, ait coquus; dum sciam eius lautitiæ doctorem, qui

vbi verbulo rem monstrarit, iubebo te sine metu esse, iam EPIGRAMMA coenasti. Ostendit ei herus, vbi eius artis magistrum possit inuenire. Coquus didicisse iam opinatus, summa luce confurgit, atque ad ædes illas artificis abit: famulos primum omnes super heri negotio rogat, Ecquod EPIGRAMMA coxissent? Negant ij, quâ singuli, quâ omnes. Adit ipsum inde patremfamilias, aitque cupere se, cum bona eius veniam cognoscere, vnde illud EPIGRAMMA venerit, cui conuiuæ pridie placuissent; idque a quo coquo? suone, an alieno sciat apparatus? Imò, inquit, à MANLIO, pernobili iunene, & elegantis omnibus apprimè docto. Coquus recta ad illum; & rei adfit, ostendit: rogat, ea ne voluptate suum herum defraudet; sed EPIGRAMMATIS sui illius copiam faciat. Manlius, per verò, inquit, libenter. Et confestim puero; heus verbero! huc calamus mihi, & chartam. Adest puer, calamus, charta: exscribitur EPIGRAMMA, datur coquo, fertur domino. Ille, quod nihil horum expectasset, atroci vultu, & seruum, & chartam a se iubet facessere. Adeone despiciatui se habeat trifurcifer, ut pro cibo schedam, pro EPIGRAMMATE scripturam subornet; Respondit Coquus, aliud Manlium non dedisse, sed mihi omnem sui EPIGRAMMATIS vim attemque comprehendi dixisse. Iulius, qui Latinus non esset, arbitratur, nondum coquendi EPIGRAMMATIS ibi doceri. Igitur, cequid redis inquit, eumque

denuo rogas, vt incoram. hanc tibi artem explanet? Paret famulus; ad Iuuenem postliminio redit, docet, accepisse herum schedulam, & eò gratias habere. Insuper petere, vt disertius eam sibi disciplinam tradat; quod cogitet in proximam cœnam consimile EPIGRAMMA conuiuiis apponere. Quare ui graue sit, paratum se esse, duobus verbis in præsens doceri: ac deinde recta ad culina reuersum, suam in EPIGRAMMATE faciendo fortunam experiri. Hic denique sensit Manlius, qui absurdi Stultitia somniaret! planeque lauro eguit, quam risui inhibendo inoderet. Et cuperem, inquit, apprimè & hero, & famulo gratificari. Ceterùm in hac re, quo minùs obsequar, video. Apollinem. eiusque Musas intercedere: quibus volentibus, non possunt hæc fercula extra culinam cerebri, nec nisi ad focum ingenij apparari. Addidit, prohiberi se, ne hæc arcana tam breui omnia diuulgaret, quæ ipse ab vltima pueritia ad hoc ætatis vix tandem sit affectus. Hæc vt omnia retulit coquus, ferunt stomachosè Iulium cum Apolline. Musisque exposulasse; qui, ne riuales haberent, ceteris omnibus omnia voluptaria negassent. Nona interim appetebant, & cum ea conuiuæ: apud quos idem sub primum aduentum de sua infelicitate querebatur, & quam optarit bene suos. sibi hospites accipere; si vnum illud EPIGRAMMA per alienam malevolentiam nancisci licuisset. Rem deinde, vt erat gesta, persecutus, mirificè omnes delectauit: vt illorum

lorum vnus mihi dixerit, vel illud ipsum
fuisse falsissimum Epigramma, coquum
Epigramma facere voluisse.

18.

Placuit in ea fabula Hermius, sed vi- *Clamorē*
dere mihi tu, inquit A N N I V S, verbis *nocturno*
his tuis, hoc nimirum agere, vti nos, re- *in aulis*
rum oblitī, falerno tuo parcamus. Erras *parcēdū.*
Hermi, Ego Scytha non sum, qui fumo
pascar, Et dudum ardens barbula, affu-
so capit humore vindicari. Inde subla-
to in Vtrodiorum ritum poculo. BENE
ME, BENE TE, BENE VOS, inquit,
omnes: hanc ego Bacchæi liquoris phia-
lam à summo ad imum ambulare iubeo.
indidemque potulentam ad me reuenire.
Sic dixit,

— & cœcyus omnem.

Gurgitis exhaust vitrei bibo siccus.
Iacchum.

Tum puero dedit increpitans,
vt calicem rursus vino coronaret mera-
co. Simul altius clamare omnes, & in-
gentis timorem confuso murmure no-
ctem inquietare: nisi Dorylas leui sibilo
in tempore audientiam fecisset. Nam
delicatis auribus principem esse, & quem
omnes noctis strepitus excirent. Eius
adeò rei, ni prohiberemus, posse exem-
plum memorari. Respondimus omnes,
id illum nobis volentibus facturum, &
mox erecti,

Conticuere omnes, intentique ora tene-
bant,

cum ille sic incepit.

Annus agitur ab illo iam anno ver-
tius, quem mutua duorum ingenia fece-

19.

Nocturni
furis, &
prope de-
prehensi
versutia

Nocturni re insignem. Fortè enim,
 furis, & Nox erat, & placidum carpebant fessa
 prope de- soporem
 prehensi Corpora per terras, silvaeque & sana
 versutia. quierant
 Æquora; cum medio voluuntur sidera
 cursu,

Cùm tacet omnis ager;
 aut, si nondum me tenetis: Noctis erat
 umbilicus, & ductis pectus fores adium
 omnes obsecratæ: cùm Principem nostrum
 cura peruigil exercuit. Quippè sublustræ
 luna, per aulae huius inania deambulan-
 tem, ut sæpè mos est, ac nescio quid me-
 ditabundum, perculit è vicino sonus: su-
 spectus ille quidem, ac furtivæ molitionis
 index; is tamen unde accideret, non iti-
 dem liquebat. Hic homo, diutulè anceps,
 quænam vestigia insisteret, ut indicium
 persequeretur? Tandem laneo incessu, ad
 suamet Cimelia, quibus maximè timebat,
 intendit. Innerant id loci,

————— *anara*

Pygmalionis opes, flauaque micantia
 lamina

Vasa, CORINTHIACO nil concessura.
 metallo

Quicquid ERYTREO quasitum est lit-
 torè; quicquid

Barbarus Assyrijs eduxit prado fodinis:
 Aut Sabulo si quid locuples confudit
 Iberi.

Lympha TAGI: aut quales olim Ro-
 mana lupillos

GELLIA dilectis potuit praponere Natis
 Hos ea ferrato CIMELIA post SMA-
 RAGDOS

Anxia

Anxia seruabant. ———

Eò loci nondum planè peruenerat;

*Cùm procul arcano subsistere limine
cernit*

Ignotum iuuenem, ———

qui clauì adulterina in valuas indida Cì-
melium furtim emoliebatur. Nec teme-
re id visum; & furacem utique seruulum
credidit, quì iniussus ærarium verrere pa-
rarit. Quare testudinem imitatus Prin-
ceps segniter lenteque se mouebat, quò
agnoscere peculatorem, eique manum
proximus afferre, neque tam sanguine
vernulam, quàm rubore posset multare.
Verùm id eius inceptū frustra erat. Nam,
ut nusquam secuta est. Perfidia, adoles-
scens semper circumspicere, & quouis
crepitu consternari. Donec sensit deni-
que insidas, vidit que Princepem formici-
no gradu adrepere. Inde omnia conse-
st in deserere: iamque eminus, ut consti-
steret, appellatus,

————— nil tendere contrà,

*Sed colerare fugam in tenebras, & fi-
dere nocti.*

Ità raptim ex laqueis abiit & oculis; re-
staque ad familiarem lectulum contem-
dit. Pro elapsa hominis præda, clauem
venator in limine reperit, ac deseratis
iam foribus, ærarium videt propè vndiq;
expugnatum.

Certus igitur furti alieni; sed sui con-
siliij incertus, mirabatur, qua aut venisset
is Auerruncus, aut abiisset? quum no-
cte intempesta, & omnibus palatij ianuis
oppeffulatis, nulli se Sorici quidem aut
mustelæ rimula pateret, qua intro posset
itrum.

irumpere : nisi & hi fortasse vesperiliones alati iam essent, qui supra tecta per impluvium inuolarent ; & acetabulis aurum cleperent. Postremò subijt, domesticæ temeritatis facinus fuisse, nec irrupsisse aliunde Lauernionem, neque aliquò euasisse ; partum intra familiam scelus, intra eandem & vestigari posse. Porro, quam eius deprehendendi rationem iniret, id ferè laborabat. An quæstionibus ergo, domum, inquit, omnem subijciam ; & ne fonti impunè sit, etiam insontes plectam ? Sæuum, nec mei ingenij consilium ; nisi placet, dum scelus alienum punio, meum committere. Famulos, potiùs in persequendam suspendiarij fugam excitabo. Sed aderit inter omnes, etiam ille, quem quærent omnes ; nec vllò illum argumento furem ostendam, qui ad furem corripendum accurreret. Quid ergo ? Placet sceleris architectum dolo capere. Nondum sinet illum neque recens metus, neque necessarij, cepti memoria quietum esse. Quare, stertentibus ceteris, quem vigilare præcipuè comperero ; is aut cogitasse mihi peculatum credetur ; aut suspicioni opportuna materies fiet.

22.

Secundùm hæc circumit solus, ac viri-
tim omnium lectulos, quàm occultissimè
potest, callidus explorator inuisit. Hic mi-
ram vbique rerum confusionem, & ele-
gantem somni Rempubl. habuit videre.
Nam ad primæ stationis militem progres-
sus, cùm eius adhuc limini oberraret, ron-
chos nocturnæ fidei tesseram agnouit,
quos ille immanes trahebat. Sensit hunc
eius, puto, & eipubl. præconem esse, qui

ron-

ronchis suis, velut pansarius, siue horas indicaret, siue modum reliquæ familiæ stertendi præiret. Ita hunc Somni Tritonem sonantior animæ meatus crimine absoluit. Iuxta alter accubabat supinata cervice quadrupes: cui pili omnes plumentibus pennis horridi, ac ferreum olim pectinem fatigaturi: nares languidæ ac follicantes; os aeri reciprocando laxum, & peruium; quo spiritus reflabatur, ita calidus ut VULCANIAM, ita validus, ut ÆOLIAM subesse crederes, unde istiusmodi procellæ erumperent. Erant denique casomni indicia, ut annum dormisse iam pecus videretur. Quare eo intacto, clam ad tertia castra proceditur. Ibi propter collocatum hominis viui cadaver gratiosa supellex visitur: Cantharus ad dimidium exhaustus, & vini cirnea, nunc in vappam degenerantis. Sacrum cogitasses nouendial instaurari; & in vetusto capulo feralem Silicernij cœnam poni. Ex porrigebat extra lectuli centonem rigidos pedes Endymion; in quos temerè illatus explorator, grabatum omne succussit. Mortuum excitare is fragor potuisset; at pecudem altiùs sopiuit. Nec visum ibi fuit, aliud dormientis indicium exspectare. Iam proximum erat, alterum atque alterum cubile; inde aliud ex alio adire; & sicubi suspectæ quietis argumentum foret, admota manu, subfultantium præcordiorum fidem implorare. Hæc longum mihi sit negotium, singulos eius quæstionis ludos dicere. Nam fuit subinde, qui vertigine somni circumactus, versis ad puluinem plantis,

tis , ceruicem in ima lectica mersaret : fuit , qui sua nocti somnia podere , scenamque vmbatilem adornare dormiens audiebatur . Alibi mensa erat , lectissimis rebus instructa . Quippè lapilli per alueolos sparsi , & par tesserarum , & picti luforio schemate libelli turbidè iacebant ; quæ omnia haud graues vigilantis cubiculi curas loquebantur . Alibi deiectam tegetem somnolenta iacentis manus identidem affectabat ; nequicquam cupida , amissum teporem colligere . Demum ea parebant vbique spectacula , vt facilè scires , te in Vtopia esse .

23.

In hoc inertiae theatro , cubiculum nouissimè quoddam , stitit omnem Principis curiositatem . Ibi adolescens vnus quiescentis imaginem haud faberrimè celatam exhibebat . Sensit continuò illum fallaci nebula oculos sepsisse , somnumque adulterinis ronchis mentiri , & *incassum vigilantem flectere naso* .

Cauta igitur manu simulatam hominis malaciam eludere , & ex tumultuantis pectoris æstu , inquietem animum aggreditur scrutari . Nec fefellit sagax dextera . Et nempè is erat , qui nocturna molitione ianuam conatus effringere ; ac recenti adhuc facinore perturbatus , somnum adeò nullum capiebat , vt ne fingere quidem iam posset . Latus inuento scelere Princeps ; hoc porròangebatur , quò lupum vtraque aure complexus , tuta à se dimitteret . Neque enim

Clara per obuersas intrabat luna fenestras

Vt habitum oris liceret dignoscere , furem-

remque quis esset , scire : neque etiam vim id noctis afferre placebat , ei , quem ingenio vadari mallet . Pro consultissimo habuit , frontem ei litteratam facere , aut alia nota tenebrionem dignorare , qua in posteridiei vadimonium cogeretur . Et erat familia tum omnis capillata : anteuentulis cirthis plerumque frontem inumbrati . Hunc opinatus laqueum se inuenisse , quo fur in lucem vel inuitus traheretur ; primi sincipitis cincinnum strictim usque attondit ; & inhonoro vulnere capillamentum ultus ; nihil se se reliquisse iudicauit , quo tegi furtum præterea posset . Itaque rebus ex sententia gestis abijt ; & quod reliquum noctis erat , somno permittit ; indicij securus ,

24.

At iuuenis teneri se intelligens ,
Iam nigra furua regna Proserpina
Et iudicantem credidit AEacum ,

suique esurientem Cerberum videre .
 Experiri manu voluit , ecquod hosti negotium in capillis fuerit : h. e. magna clade omnem esse Cæsariem afflictam , atque inter lectuli centones , passim strata pilorum funera cognoscit . Quare territus , altum

Exiuit ; saltuque iterum defectus in ipso ,

Semianimis medio concidit umbra sole .

Vtq; resurrexit , sædatus puluere turpi ,

Et sua de gelida membra leuauit humo ;

Non minus ingemuit , quàm si rea turba videret ,

Flebile carnifices in caput ire manus .

Et

Et nempè hoc mihi stipendium, inquit, numerabitur, quando cras ex meis virtutibus ornatus pendebo? Miserum me: Quid optimi parentes? quid amantissimi dicent Sodales? quo illos ego vultu? quo illi me cras inter patibularios videbunt? non videbunt. Pudore priùs, quàm laqueo strangulabor. Aut certè, ne ad necis infamiam publicè trahat, carnificem hic meum anteuertam. Quid enim?

Vsque adeone mori miserum est? vos? mihi manes

Este boni. Meme morientem hac umbra videbit.

Ac mox cinguli serico gulam induit, seseque nodo informi, de ferreo clauiculo suspendit. Insultasse iam vitæ, ac vicisse fortunæ cachinnos videbatur; cùm repente, clauus iniusto pondere victus, humi eum destituit, viuereque denuò vel inuitum coegit, Ergone is sum, cui vni nec mori hodie, nec viuere cras licebit? Aut quæ demùm infelicitas est, quòd & supplicia mihi se negent? Atqui ego mihi cōsciscere

Si nequij mortem disruptis, rostribus ullam,

Nonne patent alta caligantesque fenestra,

Per quas præceps eam? faciam hoc morti conuicium; ne cras sublimè pendeam, de sublimi nunc labar. Captoque in fenestram impetu, desilire amens properabat, cùm decussatæ valuarum crates obstiteret: in quas adedò caput offenderat, vt supinus humi applauderetur. Doluit illi arietationis infelix rudimentum; exemitque libidinem, cuius insanix porrò

expe-

experiendæ. Cœpit deinde cogitare, quemadmodum pugione iugulum hauriret, perque vnum vulnus manu se mitteret. Nec deerat consilio audacia; donec mudo mucrone cutem fortè aperuit; acieque mox inhibita; Quid si etiam, vitam inquit, abijcio, nūm infamia meum cadaver liberabo? an melius hanc tonsi verticis contumeliam celabo mortuus, quā viuus? Quid igitur agam? ne mors quidem exorari iam potest, quæ rebus meis aduocationem promittat. Iudicium aufugere iam non possum, & vadimonium tamen obire, est Rhadamanti forum, & Minois tribunal, & Ææci urnas quærere. Nimirū hoc restat malo præsidium; vt aut Principi cras supplex fixam, aut Carnifici. Quid tu ais, miser? Ergone alterutri? Ergone aut veniam furti rogabo; aut patibulum expectabo? Pro dedecus meum. Quin incipis hiatu terra me haurire? Quin domus ruina metegere? Quin iratum etiam innocentibus fulmen plectere? Dixit hæc impotenti affectu; atq; subinde externata mente rursus

Concidit, abruptisq; immutuit ore loquellis.

Post igitur quam vana querelarum tempestas aliquando detonuit, accepit cogitandi spacium; homo ceteroqui nō brutus, atque ingenio sæpè similia eluctatus. Quid enim, si quo, inquit, artificio petitus sum, eodem eludam? Instituit proinde ingenij delectum habere, omnesque artes suas ad signa vocare. Venit primò in mentem, morbum causari: hominumque conspectu vitato, moram criminibus adollescendi concedere. Verùm hæc,

hæc, inquit, stultitia est manifestaria. Tanquam non soleant continuo & medici accurrere, & Sodales audire, & Princeps inuisere; quibus nullis clam habebam inhonestam cicatricem. Capillamentum ergo mihi omne adradam, factique vulneris euandidum vestigium errore confundam? At hoc quid erit aliud, quam seipsum nouis suspicionibus proscribere? Potius in pedes me conijciam, & voluntario quodam exilio flagitium luam? Sed quâ euades amens? Nimirum ianuus undique obseratis cuniculos ages, quibus in libertatem crepas? Diluculo imò, simul ac Aula patuerit, erumpam. An tu autem tam vecordem esse Principem putas, ut recludi prius aliquid sinat, quam furem teneat? Certè autem stultitiam assimulabo. Neque enim emotæ menti dicam licebit scribere: aut quis olim amentiam in patibulo fixit? multa similia peccat iu-
sanus. Aliquis parentem violentus occidit, & parricidij defensionem, insaniam habuit. Mater alia gulam infantis obli-
fit; liberos alia suos, etiam vorauit. Non nemo penatibus flammam subdidit, magnoque incendio patriam fœdauit: quos omnes ingentium facinorum compertos amentia absoluit. Credar & ego aliquid horum Ceritus fecisse; quis damnabit? Placuit hoc proin' iuueni consilium; cœpitque mimum in posteri diei theatrum componere: quemadmodum mox seminudus ac lacer palatium perambulare; clauaque in humeros elata personam sibi faceret. Adhæc verba emed tatus, quibus ridiculus esset; fallere se posse confidebat.

debat. Verùm hanc omnem fabricam, una mox cogitatio evertit. Nam cui hanc, inquit, stultitiam probabo, nisi me ipso stultiori? Quis insanus ita scienter recteque Cimelium aggrediretur? quis deprehensus tam cautè diffugeret? quis quæsitus demum tam callidè somnum, obijceret? Hæc argumenta testimonium pro amentia non dicunt. Quàm igitur imperitus sum oportet, qui ne insanire quidem iam possim? aliquid sapientiùs quærat est necesse, cui stultitia nil patrocinatur.

Quid ergò? An ne hoc expediet, quod iam denique subit? Expediet. Sed consulenda nimirum est audacia mea, vtrum confieri id possit? Et verò potest. Aut enim vnà mecum omnes in suspicionem criminis vocabo; aut vnà cum omnibus etiam memet explicabo. Indè confestim erectior, in spem venit principis fallendi. Capto proin' consilio, atmat idoneo telo manus, ac per singula contubernia fur- tim circumit, ferilque dexterrimè emu- nitis,

26.

Nunc ait audendum est dextrà; nunc ipsa vocat res;

Hac iter est.

Et cum dicto,

—— *Superbum*

*Rhamnetem aggreditur; qui fortè ta-
petibus altis*

*Exstruatus, toto proflabat pectore som-
nos.*

Deinde, vt quemq; opportunum iniuriæ sopor fecit, eum clanculò primoribus cin- ciuinis expeliat; vastoque fincipite sup-
parem

patem sibi relinquit. Inde alterum, inde tertium, denique ex ordine alios

*Obruit; ac cunctam in medio, sine no-
mine plebem.*

*Fadumq; Hebesumq; subit, Rhacumq;
Abarimque*

Ignaros —————

Ita post quàm omnes capite censos effecit, lectulum antelucio repetere, atque largiter de cetero institit dormire, omnibus animi mœtoribus deterfis: ipse iam diei appetens, quò festiui doli illecebra in lucem prodiret.

27. Anni spacium interim videbatur, dum auroræ crepusculum opperitur Princeps. Quare ut primùm

————— *cristata sonuere volucres,*

Vicinaq; dies sensit presagia lucis;

datur negotium ne prius regia patefiat, quàm omnes palatini vnâ in diætâ coacti, coram censore traducantur. Nec enim ambigebat is Censor, quin esset reperturus, quem posset, equo vendito, in patibularios referre. Factum gnauiter, quod iuebatur. Circumstant illicò in orbem lectæ iuuenum adolescentumque legiones; suoque imperatori præstolantur. Ingreditur Imperator, atque cupientibus oculis, sicubi demessi crinis stipulas contueatur, intentus, videt ad vnum omnes, velut ex composito res agatur, depiles esse, truncatisque æqualiter cincinnis furti indicium confudisse. Attonitus primùm insperato miraculo, quid fieret considerabat. Sensitque suis se artibus falsè elusum. Et ipsa etiam familia, ut alterum alter aspexere, vehementer obstrepuit,

strepuerit, ignara quis hostis prædam è capillis egisset. Cœpere deinde famuli quidam rei spectaculo, at Princeps furis ingenio delectari; palamque ira in risum ire. Noscere tamen auctorem gestiebant; promissaque sceleris impunitas est, si se ipse suumque dolum artifex aperuisset. Licuit inuitare, licuit promittere; neminem tamen neque venia, neque munera pelle-
xere; qui se ipse deferret. Schedam tantummodo repertam post aiunt, ubi denar-
rato doli commento se auctor purgat, quòd maluerit nunquam se prodere, quam proditus veniam rogare. Nolle se ingenij laudem id temporis mercari: Solere ma-
gnos artifices parem inuidiam trahere: tutius videri, si lateret, quàm ut è subli-
mi conspicuus, omnium in se oculos con-
uerteret. Ad extremum, alta & illustria se nec alijs inuidere, nec sibi ambire.

Dum hæc DORYLAS taliaque plu-
scula non infacetè garrat, nos temporis
noctisq; obliti, videmus diem lucemq; se
appellere, & magnis continuò incremen-
tis per omnem regiam explicare Ego LV-
CIO meo tum denique dormituri-
enti; Quid hoc est? inquam: an interdiu dor-
miunt VTOPII tui? Nam noctu, quod vi-
deo, commissantur. Planè, inquit: & hæc me-
tamorphosin à NERONIS popina traxi-
mus, cum auream eius cœnationem, cœli-
que æmulam domum contemplaremur.
De qua, si Tranquillum tenuisti, & meum
tu puerum audi; cui necdum licet aliud,
quàm diuinè loqui. Simul nuntius ille
puerum coniecto, repente coegit poetam
esse. Nam is, quòd se ad omnia heri sen-
sa

28.

*Aurea
Neronis
cœnatio.*

aduerrere confuerat , sic ludibundus cœ-
pit .

*Ebria potantem , qua viderat aula Ne-
ronem ,*

*Trinacriꝝ retulit vitrea monstra Senis.
Aurea nam volucris decurris Machina
testo ,*

*Et tereti positas circumit orbe da-
pes .*

*Sub pede gemma volat , laquearq; tra-
besque retantur ,*

*Affiduꝝq; fugit mobilis aula gradu .
Hic noua vicinas transcurrunt sidera
mensas .*

*Hic ridet madidos amula LV N A
toros .*

*Murrhinꝝq; armatus iam pocula ter-
ret ORION*

*GORGONIASq; timent Sigmata pota-
comas .*

*Scorpio quæstis iam proximus incubat
escis ,*

*Et super intactos præterit HYDRA
cibos .*

*Mentutusq; fugiti per gemmea fercula
PHOEBVS ,*

*Et facit alternam , præcipitatque ,
diem .*

*Nemo sed aurata discumbere gestis
aula ;*

*AVERO enim in testo FERREVS
hospes erat .*

29.
*Antiqui
luxus
imitatio.*

Interpellauit ingeniosum pueri furō-
rem LVCIVS; iussitq; alijs pedibus nume-
rum instruere ; quod reliqua liberius infa-
niret . Puer ad omnia promptus , vix ex-
spectato imperio , ita perrexit poetari .

Nego .

*Negotiosas qui NERONIS in noctes ,
Et otiosas ire vultis in iuces ,
Adite nostras. Qui NERONEM habebamus*

*Olim Magistrum , nunc redire si possit
Inde , vnde posse redire pernegant quenquam ,*

Discipulum habebimus. Specimen dari vultu ?

Iam Vos dedistis ; sapius & daturi estis.

Non tulit porro DORYLAS notissimam pueri dicacitatem, sed colapho ibat obiurgatum licentiam. Quamquam is modico flexu pugnum euitavit ; & maiori cachinno , omnem eorum dierum scenam apud VTOPIOS produxit ; usque eò , vt illa nobis risu distenderit, vel inuitis .

Inter illiusmodi histrionicos lusus , aduolat ephebus, duorum alter, quos in specula collocatos diximus ; nuntiat is pagani euigilasse , & mirè quam & duculos secum gestus edere Nos alacres vna omnes exsilimus , ac turmatim ad Mimirum Sertinnij theatrum accurrimus. Videmus vndique omnes cubiculi aditus obsideri, & alios quidem per fatiscentium asserum rimulas suam curiositatem exsatiare : alios autem voluptate contentos , eminus, quid secum ipse ineptiret, auscultare. Equidem in SVLLÆ familiam adoptatus, Felix mihi videbar, qui oculis etiam meis aliquid participarem Nam vt proximè rapetas aberam , quibus ianua praecebeatur, cernebam, quàm parum se in pellicenti regia plebeius animus caperet, Et ille quidem cum crapulam prioris ingluuici omnem edormisset ; circumtulit à

30.
*Rustici
se ipsum
nō agnos-
cētis sce-
na .*

gravi veterno caligantes oculos : utq; primò insperatum cubiculi nitorem sensit , non iam meraco, sed miraculo ebrius, cœpit digito indice glaucomam , si qua oculis hæreret , detergere : ac rursus circumspicere : Videt eadem omnia rursus ; videt tertium . Territus resedit ; aduertitque in lecto se cubare ;

—— namq; ipse superbis

Fulgebat stratis folioq; effultus eburno.

Etiam hic suam oculis fidem abnuitt ; & sollicita manu toralia contrectat : Ea de COA syndone : cortynas prehensat ; eæ de Tyrio murice : conopæum affectat , id de argenteo stamine . Igitur vertigine iam secum agi omnia ratus , lecticæ spondā corripit , seseque aduersus ruinam timidis manibus armat . Interim supinus lacunar suspicit ; Aurum est Parietis tabulatum respicit ; Ebur est . Pauimentum despicit ;

Hic reperit nec opinus opes . Nec splendor ab alto

*Defluus , & nitidū referentes aera testa
Monstrauere solum . Varias ibi picta per
artes*

*Gaudet humus ; suberantq; nouis ASA-
ROTA figuris .*

Exclamasset dudum, nisi vocem omnē iunge miraculum absumpsisset . Quocunque se rudis oculus vertit, passim offendit

*Auratasq; trabes , & Mauros undique
postes,*

*Et picturata luculentia marmora
vena ,*

*Aut ebur , aut dignas digitis contingere
gemmas,*

Aut artes , veterumq; manus ,

Hic

Hic ille, quid ergo? inquit: ubi me terrarum fortuna locasti? Hæccine mea est umbra, quam heri

31.

—— *patula recubans sub tegmine quercus*

mihimet captaueram? An fortè adhuc temulentus, quicquid deliro, videre me credo? At enim certè vigilo; videre me MORPHEI aliquod simulacrum ludificatur. Iterumque manus ad nebulam oculorum dimouendam admouens, videt indutos annulis digitos; & in relucente pala gemmam rutilare; utrumque brachium armillis vineiri; corpus denique totum nihil veteris fortunæ suæ agnoscere. Eò capit cogitare, alium utique se factum, nec iam seipsum esse; quando frustram suam domus humilitatem, & lectulus tegetem, & manus quæreretur paupertatem. Ita stupidus metu, suam in aduersi marmoris luce faciem conspiciatur; ac diu alienam ratus, quòd & barba indidem promissa & adstrictus verticis nodus apparebat; quo nentro symbolo insignem se meminerat: tamen, ubi neminem adesse alium vidit, cuius ea imago esset; quid si, inquit, & vultus se meus mecum amisit? Simul dextra aggreditur verticem scrutari. Hic ecce tibi,

Intorto cirrhata coma stat it area nodo.
Pergit exinde, sinistra mulcente, mentum (quod glabrum antea, vulsumque fuerat) destringere: at ibi

Barba repentina stat formidabilis umbra:

Horror inest mento, & densa fruticantia silua

*Mania ; barbaricis agrè penetrandis
Sarifsis .*

Tum ille pallidior buxo , iam demum inquit, calamitas me totum triumphasti , & nihil mihi de toto me reliquum fecisti . Quin lubet tamen cubitu surgere ; & , quādo egometmet ignoro , experiri , ecquid vxor mea me ; ecquid liberi , & serui adhuc aliqui norint ? Nec distulit centones rusticanos ; ac mendicantis fortunæ extuias quærere : id est , rudem subuculam , & Veneti coloris sagulum : tum crassæ sollocis femoralia ; tum follicantes ocreas ; tum reliquum deinde ornatum , quo pridie sorduerat . Sed eorum vicem , vestes reperit holobaras , & de Attalica tela thoracem , & de Serum vellere , textoque tibia : & laborati tergoris crepidas , & torquem autem , regis ceruicis spoliū .

32.

*Aulico-
rum ru-
stico os
sublinen-
tium ca-
remonia*

Hic iam ne expectate , quid porro egerit ? Quicquid potuerunt vel ineptire somnia , vel fabricare insania , vel delirate temulentia , id omne promiscuè factum . Ingens interim nobis voluptas erat , qui illos ROSCII gestus spectabamus ; doctique omnes quid facere quemque oporteret , si res posceret ; audimus repente clamantem ; tanquam Tranionem , seruulum , puto , rurestrem aliquid vellet . Ad clamorem illicò ephebi quatuor , quibus id negotium erat , ingrediuntur ; compositis verbis , atque elegantium manuum bastatione , R E G E M suum Principemq ; consalutant : nihil mimicarum rerum omittunt . Alius interulæ sindonem corpore iniicere ; alius serici molitiam in amictum sufficere , alius curatibiasque

tibiaſque textis induiſ ornare; alius Milesias pedibus crepidas aptare. Rurſum hic pollubrum ac naſiternam de argéteo ſupponere; ille a ſuſam de redolénti cinnamo affundere: iam iſte linteum terſui; ille petinem frictui, ille ſpeculũ viſui obijcere.

Mutus inter tot obſequia Ruſticus, idẽtidem cogitabat, quid ſibi elegantix nouæ inſolentia vellet? Amœna veterum Tempẽ, & Elyſij nemoris vmbraſ haſ eſſe; nec niſi cœleſtes vtiq; genioſ videri, quibuſ tanta oris gratia ſpiraret: quique humuncioni ſordido tam amicam vim afferrent. Quanquam vt eorum vnus & torquem collo parabat imponere, iam moriendum ſibi miſer, atque ab aureo fune pendendum ratus, trepidẽ cœpit eorum fidem obteſtari. Et, quæſo voſ, inquit, mi hoſpites, quin hoc ſaltem agit ſ priuſ, & vbi me amiſerim moneuſ? Nam ego, quin moriar, ſi merui, nil cauſabor. Ceterũ quiſ me huc error egerit, id affligor. Et vigilans equidem à furto me ſemper abſtinui, ne quã reſ. mihi cum laqueo foret. Nunc ſi adhuc dormio, & aliquem per inſomnia depeculatuſ ſum, tantisper hanc furcam omittite, dum expergeſciam. Excipiunt ij, prohibentque loqui, quæ ſe digna non ſint, Regem enim Principemque ſuum eſſe, cui more veteri, operam matutinanĩ locare, & in cubiculo apparere conſuerint. Rurſum ille, ſe imò M E N A L C A M paganum eſſe: &, ne errarent obſcuriſ parentibuſ natum, ac clientelariſ fundi, pauperiſque agelli dominum. Eleuare hæc illi; & abnuentem, magnuſ mendaciſ obruere. Vtiq; aut ſom-

33.

niū aliquod fuisse, quod regiam mentē subitō perculit : aut curatum magnitudine, animum humani aliquid passum, à seipso paulisper abissē. Non recordaretur, quid pridē, & quam sapienter egisset? Roganti, quidnam fuerit? Cū tu mihi, inquit vnus, mille philippicos, atque huic torquem aureum, atque isti equum Persam; atque isti indigenam donasti? Negat MENALCAS meminisse. Etsi iam video, inquit, quā insanierim, qui vobis quidquam horum donarim, Vos proinde, qui sciatis, insanos donare nil posse; res mihi illas reddite. Illi pridē imō sapuisse; & tū demum deliramenta loqui, contendere. Neque enim aut insanos aliquid donare, aut sanos consuesse repetere Aspiceret igitur in regiae fortunae sella, suosque æger Machaonas opperiretur, qui morbum animi medicarentur.

34.
*Medicos
semētē.
tū men.
dacia.*

Abit illicō puer; ac breui cum grandi hominum exercitu reuertit; quos omnes medicos mentitur. Adeunt soliti, circumstant venerabundi, ac manus osculo prius adoratas alius capiti applicat; alius thorace diffibulato pectus examinat: hic læuis brachij venam explorare; Ille colorem oris iudicare; nemo non aliquid agere, simulat. Secundū ea, collatis capitibus, consensu pronuntiant; Sanguinem immodico corporis æstu feruefactum, eas capitis turbas concire; vt sui oblitus, alium se esse Princeps opinetur. Quamquam clemens adhuc ea sit insania. Quia mirum non fore, si animus sanguine sic ebulliente, etiam absurdiora deliraret. Facile tamen ei malo remedium fore, si vel

si vel vnum diem genialiter agere, & lætitijs lauritijsque operatus, mæstitudinem hanc ex pectore conaretur expuere? Redituram non multò post mentem; ac turbellæ omnis fascina fugitura. Rustico ad hæc, nescio quid, stupente; imperant illi alia aliaque illecebrarum genera disponi, quæ sint animo excitando. Continuo contenditur, properatur, curritur: dicto citius omnia consunt. Et sua iatraliptæ vnguina, & pharmacopolæ ecligmata, & aromatarij cambammata omnes maturant. Crederes totum Cosmi ahenum in vnus insaniam consumi. Iubent iidem & musicam sonare; sed eam, quæ ORPHEVM extinguere, AMPHIONEM vincere, ARIONEM possit triumphare. Prodeunt repente multi, & liquido guttore, & tiunulo pectine, & melleo carmine, hi voces promere, hi fides tendere, hi barbiton plectere certatim inceptant. Potuit ad eiusmodi conentionem allubescere etiam ineruditis auribus. Et Rusticus veterem MELIBÆI fistulam pertæsus, rogat, an semper hoc soleat? aiunt Edimvero quotidie; cumque vehementer solitum delectari. Miranti dein' qui ergo fieret, quod non eadem commemorasset? Nimirum hoc, inquirunt, morbo huic ingenium est, vt

Pristina Letheis omnia mergat aquis.

Nam quid ego memorem, Virbio nuper meo vicino accidisse? quem vnus heminæ mulsam ita corruerat, vt bi-
 duo se putarit ἀκέφαλον esse. Cir-
 cumibat miserabilis, perque omnes æ-
 dium angulus suum ipse caput quæsitabat

35.
Insanius
caput
suum
quæsitabat

Vidimus ipsi illum per & compita, & fora, & urbem percurrere, à notis, ignotis, flentem petere, ut suum sibi caput monstrarent. Ridentibus alijs lepidam quæstionem; sapiētiore, qui morbi vim cognoscerent, miserabantur. Et si qui tacto eius capite, rogabant, & quid ergo id esset, quod manibus contingerent? respondit aliàs, columbarium; aliàs muscarum gurgustiolum esse. Hanc tamen homini stultitiam exanimus, postquam licuit

———— *mediam pertundere venam:*
& sanguine deducto, insaniam exatmare. Vivit is hodieque; & Senator, civitatem optimis consilijs tuetur. Atque hunc quidem Bacchus; alium quendam somnus, alium alia causa vsque ad stultitiam ridiculum fecit. Hanc vnus aliquis recensere fabulam desierat, cum continuò sic alius incepit.

36.
*Insano-
rum mu-
sca & in-
temperia
curata.*

Haud multò plus decennium est, cum adolescentem vidi probè litteratum: quem siue studium vehemens, siue bilis atræ intemperies ludis mitificis perturbabat. Is aliquamdiu coaxare in cerebro ranas; aliquando clausas in oculis mustellas incubare; iam hirundines in naribus; iam scatabæos in auribus nidulâri: iam stultiora his credere, dicereque perseverabat. Negare interim amici, magni que rationibus contendere, fabricari Chimæras illas in cerebri viuario non posse: hortari, ut saniora vellet; neque tam immania delirando, se ipse occideret. Nihilò secius tamen ille

*Talia perstabat memorans, fixusque
manebat.*

Sensit

Sensit prudens medicus violentiam morbi esse, & fallacia medicandam. Igitur splenium oculis opponit; aures naresque turundis. farcit; caput totum pittacio muniat; iubetque ægrum lectulo se aliquamdiu tenere. Interim ille res quas volebat, disponit; & mox emplastro vndique reuulso, hic strata murium ranarumque funera, hic scarabæorum hirundinumque cadauera ostendit. Ita venatu, aucupioque perfunctus, alteri ingenium restituisse iam videbatur.

At, adolescens, postquam Herculem esse animaduertit, qui tot capitis monstra expugnasset; adhuc cum vno aiebat se grandiori malo conflictari, nam in vètris vmbilico, nouæ magnitudinis testas, ollarumque; & vrceorū fragmina circumferre: quæ quidem eniti miser non posset, quantumuis parturiret. Hic iterum ceteris cum risu abnuentibus, solus, quæ dixi, medicus, serium tueri, & in venæ tenorem trepidus inquirere institit. Inde exercitato vultu ad circumstantes; rem esse, quam æger diceret, assueerat: latere multas vtiq; crustas, de rupta veteri aula. Nec finendum diutius, quin pestis intestina proscribatur. Quare potionē illico maturare; laticemque medicatum afferre: tum adolescēti sellam PATROCLIANAM iubet supponere; quam testulis antè crustisq; clanculò implessent. Obtemperatur. Reliqua iam nō est necesse persequi. Certè adolescens, vt testacea ibi rudera conspexit, se eam esse matrem opinatus, quæ partum edidisset, confestim vterum ferre desijt, mentemque habere meliorem cœpit.

37.

Alia in-
sani cu-
ra.

38.
*Diluvium
metuentis
delirium.*

Hoc deinde ipsum, cuius infantia fuit; quod cuidam, in quartana diutule cubauit, visae sunt terrae omnes, si aquam peteret, diluvio periturae? Ergo rumpi se ante passus esset, quam naturae laxasset habenas, ni persuasum ei foret, hosti aditum impediendum, fossa ciuitatis aquis, per eum, impleta. Sic aqua pariter & insania est liberatus.

39.
*Mortuum
se esse
persuadentis
furor.*

Quid iam illud, quod nulli, nec pueri quidem, ignorant? Iuuenis fuit, qui se ipse mortuum & credebat esse, & dicebat; Illam in sandapilam abiectum, ac mortem inedia persequentem, non socij potuerunt abducere, non propinqui: parentes ultimum repulsi abierunt. Quintum iam diem sine alimento trahebat; vnaque in ciuitate fabula erat: cum rescijt nonissimè vir, medicæ rei gnarus: ac probè callens, quantum ea fascina momentum haberent. Is profitetur, artem esse, quâ reuiuiscere mortuus possit: hominemque vernam subornat, edoctum quid fieri subinde velit. Accipit negotium verna, seque in sandapila iubet efferri; eodemque ritu, ac secundum illam eandem casulam componi, vbi iuuenem alterum stultitia sepeliuerat. Digressus inde cum mendaci lessio ceteris, dno inter se soli congemiscunt; coeperantque alterum alter respicere; ruptoque demum silentio sermones conferre; & antiquior hospes recentem percontari; ecurr eò loci venisset? at ille, eò quod mortuus esset, Idem de se alter. Iam tempora, iam modos, iam dolores in morte superatos rogant alterni narrantque. Et illi quidem veli-

velitatum se esse cum hoste memorabat ; in eo conflictu vulnus accepisse immediabile, mox una eademque via sanguinem animamque fugisse . Tum scitanti seruu-
lo, qua corporis parte id vulnus acceperis ;
timidè oris hiatura ostendit ; eundemque
statim timidiùs occlusit ; ne qua, vt aiebat,
iterum moreretur .

Pergit exinde vernula ; & , ludus , in-
quit , hic fuit , præ vt si meum tibi funus
recenseam . In venatu quippè feras per-
sequebar , non fugaces illas , vt ceruos ,
aut damulas , quibus conficiendis iam
pridem , & pueri auctorantur : sed gene-
rosas , ac masculas , ex Vrforum Leo-
numque gente . Ea de re comitem ascium ,
quem fidissimum credebam , vt alter alte-
rius pericula communia haberemus . Et
constitit aliquamdiu fides . Verùm vbi nu-
per ex improviso in plurium Vrforum
gregem incidimus , metus illum à fide
abduxit , vt auctoramenti , ac socij perin-
de oblitus , altissimam quercum conscen-
deret ; meque relictum , & Vrsis imma-
nibus proditum iret . Hic ego quid vnus
facerem , tot hostibus peritus , vix cum
singulis componendus ? Cepi a desperatio-
ne consilium ; itaq ; in mortuum decubui ,
vt parcissimæ animæ , vix modicè respira-
rem . Irruunt interim Vrsi , aq ; dubij ho-
minem an cadauer repererint , explorant
versantque . Nec fuit difficile ceteros fal-
lere , vt i velut a funere refugerent . Sed cal-
lidior vnus , dum omnes animæ meatus
pertentat , iamque narium canales , iamq ;
aurium testudines inquietus rimatur , pa-
tientiam meam penissimè vicisset . Quan-
quam

40.
*Mortis si-
mulator
hominē
& vrsos
decipit.*

quam & ipse, vt carnem morticinam credidit, innoxius demum recessit. Spectarat hæc omnia securus comes: qui profligato periculo, cum ad me reuersus vitam gratularetur; id in ceteris auere se nosset, aiebat; ecquid vltimus ille prædotories in auriculam garriuisset? Ego, monuit, inquam, ne tibi dehinc aliquid crederem, ni me deceptum continuo vellem. Atque vtinam dicto audiens, alteram eius perfidiam non expectassem. Nam illud parum habuit comitem prodidisse, ni repetito specimine mox etiam perderet. Quod denique sic euenit. In densissimo nemore vna assederamus, cursu diutino fatigati; cum, ecce tibi cruentis rictibus non allequitur lerna, cui absenti catulos rapueramus. Nec deerat mihi animus, nec illi telum, ad vim defendendam; sed mala indoles nunquam corrigitur. Dum ego primis in ordinibus repugno, ille in subsidijs tenere iussus, abiecto venabulo, fugit atque euadit. Ita nouissimè defectus occumbo; & discerptus iram bellæ famemque expleo. Biduum est totum, cum iam ferino ventre inclusus, nusquam me moueo; ossibus pœne omnibus comminutis: nisi quod falleadi temporis, carmen subinde compono, & tragicam meam mortem describo.

41.

*Exemplo
fani cura
apud insa
tus.*

Inter hæc duorum absurdissima commenta redeunt ex composito familiares, seruuloque vespernam apportant. Resedit alacer è tumba ille, atque epulas auidè contruncat; effusoque vini sextario liberaliter potat. Tum ad alterum conuersus, & tuas, inquit, cœpula quando ministratur?

Nec.

Negat solere. Atqui tu, nisi subinde cœ-
naueris, diu esse mortuus nequibis. Vi-
des me, et si defunctum, tibi tamen indi-
gere. Suasit deinde, aliquid de suo libare:
persuasit: idque iterum, idque tertio fa-
ctum. Post dormire se velle dixit: post sur-
gere aliquantum, & scapulâs suas a diu-
turno situ malè habitas queri. Idipsum
alter. Tum rursus decumbere; rursus exi-
stere, interim pandiculari, interim ambu-
lare, idque in consuetudinem vsque face-
re. Eadem omnia alter. Iam nihil factu-
rum se seruulus videns, in quo Simium
non continuè haberet, surgit de capulo, se-
que mortis suæ pertæsum, de cereo ait vi-
uere velle. Vult illicò & alter: Quid mul-
ta? ab exemplo huius edere, ire, viuere, sa-
pere didicit: absque quo si fuisset, fingere
mortem breui desisset.

Sed & alium quendam intempestiuam
phrænitis ludibrium fecit: cui persuasum
erat, nasi sui promontorium ultra pedes
decem procurrare: Quare si qui primum
ædium limen rangerent, pro insano voci-
ferabatur, cautè accederent, ne immeritum
fortè nasum, impronidi calcarent. Nullus
olim nauta sic Acroceraunia timuit, aut
in flectendo BONÆ SPEI promontorio
tam anxie nauigauit, quam qui ad illum
Nasum accessit: auere. Quid ego tamen,
quando antiquum est, non commemoro:
hoc recens audite.

Ex terra Germania homo in ultimos
mos VTOPIOS peruenerat. nobis appri-
mè, sed auri quàm cerebri ditior, Cuius ut
eandem caupo perspexit, vaferrimè in-
genii homo, cœpit reputare, quibus trun-
cum.

42.

Nasipor-
tentium.

43

Grande
caput al.

tertiū ha.

bere per.

suadens,

furtum

excusat

cum HERMAM dolis circumscriberet .
Omnia videt immunita, & si amitteretur,
modico stratagemate capienda . Cœna-
tum igitur, atque vini nectare inundatum,
prælucente cereo, in cubiculum deducit :
lectulum ibi, iuxtaque amœni ornatus
diætam attribuit, vbi noctem beatè degat .
Et rigebat is adolescens auro ; ac torque
præsertim, in plura volumina sinuato,
conspicius, suas alijs diuitias vendita-
bat . In hoc monile oculos conijcit ho-
spes, non inscitus rerum æstimator . Id
simul vt exiit temulentus adolescens,
tanquam inter gentiles adhuc degeret,
minimè piceatos, de cerui clauiculo ne-
gligenter suspendit : at non perinde ne-
gligenter id hospitem aduertit . Qui de-
signato rei gerendæ loco . Iuuenem
numquid aliud velit interrogat . Ille,
equum benè manè adornari, nam antè
Solem ortum velle proficisci . Hospes
post ea, quæ in digressu solemus, absce-
dit ; iuuenis obdormit . Noctis interea
venit concubium, & tabernæ dominus
ad torquem intendit, deque eo spolio fur-
tim sexaginta anellos puri puti auri de-
ducit : ceterum torquem probè adcur-
ratum relinquit . Die postero ad condi-
ctum surgitur, equus sternitur, Iuuenis
vestitur, calceatur . Ad torquem inji-
ciendum vbi venit, repentinum ecco
miraculum, quem ille duplicatum indu-
cere capiti pridie potuerat, tunc ægrè
simplicem inducit . Turbatus proinde
conclamat . Hospes consilio dudum inuen-
to, accurrit ; reperit hominem in capite, &
torquis suæ angustijs tricaudem ; mox

con-

consternato similis, longe, quam alter;
 altius exclamat, & mirificam capitis mu-
 tationem detestatur. Terruit credulum
 veterator; & roganti, quid enim esset?
 simulauit fugere se malle, quam dicere.
 Tandem, caput ait quouis dolio maius
 intumuisse. Exanimis alter, vtraque ma-
 nu capitis sui molem examinat: simul ho-
 spes iam perturbato promptoque vel
 maiora credere speculum ostendit; men-
 daci commento in oculorum fascina re-
 pertum. Aduersus istud vbi contemplari
 se cœpit, vidit miser, non caput, sed CAPI-
 TOLIVM, & informi vastitate monstrum.
 Illacrimans ergo, pallio caput superobruit;
 atque hanc nimirum causam suspicatus,
 quod torquem induere nequisset, ma-
 turauit discedere, ne per lucem manife-
 stus agnosceretur. Ferunt enim deinde
 multis diebus publico abstinuisse, nec
 vllis argumentis persuaderi sibi passum,
 vt crederet, de torquis pondere decessisse
 potiùs aliquid, quam ad capitis molem
 accessisset.

Hanc præter alia sexcenta comme-
 morabant, vt fidem mendacio emerent; &
 Rusticus ab ijs exemplis ad Regij nomi-
 nis personam induceretur gerendam. Nec
 nihil est profectum. Iam enim Regem se
 amens credere; sua omnia superbè cir-
 cumspicere; alios, vt degeneres animas
 contemnere; & quicquid domesticæ pau-
 pertatis reminisceretur, pro somnio ha-
 bere. Et iuvat, ait, extra hoc cubiculum
 prodire, quò è ceteris locis sui periculum
 memoria faciat. Extemplò morigerantur
 omnes. Concurrent palatini Coraces;

44.

*Rusticus
 persuasione se
 Regem
 esse cre-
 dit, &
 pro ea se
 gerit.*

hi illum humeris in hexaphoro gestare; hi magnæ ambitionis antambulones esse; alii posticæ pompæ appendix fieri. Eo ritu per regiam deducitor, barbaro tapete conspicuam. Videt aurea supernè laquearia; circum argento incrustata marmora; infra lucentia asarota. Pererrat comitante turba viridarium; videt fontium fluentia, piscinarum delicia, hortulorum femora. Et quod vnum autè omnia placebat iam suum mirabatur esse, quicquid usquâ esset. Sed oculos fermè saginabat ea voluptas; stomacho nondum se Regem agnoscente. Videt mala aurea, & præterit; pometum Hesperium, & negligit, ruborem Punicum, & contemnit. Cum his Palmæ amygdala, Damasci pruna, fici bellaria, fastidiuntur ventri cerasis suis pasci, & rapis assueto insidiari. Iubet tamen siue hæc afferri, feruntur: siue illa arceri, arcentur: siue alia curari, curantur.

45.

Et consumpto in tot spectacula meridie, prandium propinquabat; id post quam cupere se ostendit, locis mox omnibus viisque properatur.

Hic labor inserto torrere exanguia ferro

Viscera casarum pecudum: his cumulare canistris

Perdomitam saxo Cererem, fert altera plebes.

Ingentes auro pateras. Latatur at ipsa Obsequio feruere domum.

Quippe opes suas operasque ambitiosè in illum omnes congerebant, ut crederet egestatem, ne, si quidem vellet, redire iam

ad.

ad se posse. Ità ad Iouis mensam accumbit vnus; circumstante tot procerum corona, a quibus omnibus omnia ritu perelegantur simulantur. Vno appellato, venerantur continuò omnes. Pro imperio natus est. Nulla cuiusquam vox auditur, nisi Regis inter Principesque titulos excepta, Iam interim magna acie dapes inferuntur; aurea suppellectile mensa angustatur. Orbis, culter, cochlear, salinum argentum est: aurum omne in Leones, ac Pardos effertur. In his metallorum prodigiis apponuntur, Cæsarum deliciae; reuiuiscunt APICIORVM illecebræ; perduntur LVCVLLORVM impensæ; & in plebeiam ingluuiem VITELLIANA culina laborat. Nunquam tantas hominum laetitiarum strues viderat, & quicquid ne nominare quidem rude palatum sciebat, id incipit libare. Ad hæc Opimianæ præstantiæ vina, & Falernæ nobilitatis mulsæ, & Cressæ originis vna immodicè suppetebant. Deniq; nihil cupediarum erat, quod ibi non erat. Nec subinde festiui risus fabulæq; desiderabantur, yeteres Crassos excitaturi. Nam vt: quidque Rusticus absurdi committebat, indidem falsa iocorum materies nascebatur. Et fortè capum ille ingentem solus a iussu è sepeliebat, cum structor, quò risum diuenteret. huiusmodi rem exorsus est fabulari:

Accubuerant in taberna viri nobiles multi, quibus prandium iuxta nobile laetumque apparabatur. Hi aurigam pecuniosum, qui sub meridie ibi interiunxerat, eodem inuitant, si lege si remple philippum pendat, Auriga nec animo nec

46
Auriga
inter no.

mar-

marsupio defectus annuit; & inter gulonum aciem stipendia factururus, accumbit. Vbi calere tandem opus ac feruere cœpit, patina ingens ponitur, in qua trutæ grandes lucijque, & circum hos minuscule gens gobiorum, ac mugilum natabant. Huc ita nobiliorum gula spectabat, vt sibi cum grandiusculis rem esse vellet; plebeiam famem minutijs saginandam duce-
ret. Id negotium carptori datum, Rusticus astutè aduertere; &, quod illi dentes etiam in maiusculos pruriebant, ingeniosè eludere. Priùs enim quàm ori pisciculos ingereret, ad auriculam singulos, ceu loquitantes, identidem admouebat. Quam stultitiam ceteri demum obseruant; suspicati non esse nihilum, quòd auriga tam festiuè insaniret. Quare scitari, ecquid gestus is sibi velit, instituunt. Ille primò, tergiuersatus, ex composito mentitum ruborem excusat. Illi tantò pertinaciùs instant; dum victus alter. Bona scæua, inquit; diu est cùm parentem peregrè amisi; anni amplius quindecim, ac semis, aut si quid est præterpropter. De quo nihil adhuc aliud comperi, nisi naufragio perisse. Visum est proindè hos pisciculos examinare, si quid præterea cognoscent, funusque patris alicubi conspexissent. Cæterum nihil vidisse peierant; vires, & ætatulam caussati; vt, quibus à portu abscedere longiùs, etiamnum insolens; & maioris Oceani fluctus explorare formidolosum fuerit. Intra æstuaria duntaxat sese antè hunc diem, & tennium riuulorum vada continuisse. Porro si quid

rescisse velim, consulendos esse com-
 miliones suos, quàm mole, quàm annis
 grandiores; qui omnia maria emensi,
 in pluria oculorum theatra commearint.
 Hinc est, quod circumspicio, &, an cum
 maiori venire in colloquium possim, quæ-
 ro. Senferunt hic illi, non cum se homi-
 nem laceffisse, quem sibi finxerant: sed in
 Therſite Vliffem delituisse. Igitur quas
 delicias hominis marsupio negarant, eas
 ingenio demum concesserunt. Piscibus in
 hunc ferè modum absumtis, aligera gens
 turmatim à veru inuolabat, lancemque
 ingentem Anser turundulis effartus im-
 plebat: hunc vndique turdi coronabant.
 Quos dum singulos certatim singuli di-
 ripiunt, auriga iam audacior, Anserem,
 qui vnus remanserat, falsè adoritur,
 eumque totum sui iuris facit: ita suas sin-
 gulis auiculas dictitans obuuisse. Stru-
 ctor hæc fortè recensuerat, cum alij su-
 per alios diuersa pergit addere, vt cui-
 que promptum erat, dum MENALCAS
 in ipsa felicitatis opulentia recumbens,
 cum patinis poculisque velitabatur. Num-
 quam humilis venter, tantam lautitiarum
 stragem fecerat; neque rarioribus illece-
 bris famem, neque lectioribus vuis sitim
 restinxerat.

Igitur corpore superfluentibus bonis
 saginato, Rusti cum satietas, & quæ hanc
 fermè consequitur, ebrietas inualere. Sic
 per ea iocularia dies exijt; & paganus
 mentem denuò exuit, ac somnum incidit;
 rursus sui oblitus, rursus mortuus. Tandè
 placuit palatinis, expugnatam paupertate-
 tem nouam mendicitate reuocare, & suam

12
 Humana
 na popa
 catastro-
 phe.

TARQUINIVM in ordinem cogere, reinque ad interregnum trahere. Confectim ergo torques filii de ceruice; de digitis annuli; de manibus armillæ detrahuntur; vestium cultus deripitur. Sed & barbæ appendix calido rore humectata dilabitur; & comæ turritæ fibula remittitur; & diali imperio defunctus, esse is rursus incipit, qui numquam desierat. Fuit illi hoc inter omnes Imperatores singulare, quod imperium & accepit temulentus, & deposuit. Ita omnibus denique fortunis euersus, amicitur veteri sago; & cum lace-ra endromide in idem cænium præuoluitur, vnde fuerat pridie eductus. Ibi alteram temulentiam vt edormijt, Regem se surrecturum opinatus, vidit regnum ad pœnitentiam rediisse, & se paganum cui-galasse. Enim verò quid tum dixerit amens feceritve, si narrare sigillatim velim.

*Ante diem clauso componet vesper
Olympo.*

Duobus veris; fecit, quæ facerent stulti, fani riderent. Certè cum domum reuenit, biduo amissus, iratæ, vt aiunt, vxori, dixit se in Insulis fortunatis fuisse; aut præter Elysijs campi vireta ambulasse; vbi super insueta aurium oculorumque obsequia, licuerit.

Fulgentes manibus tenere gemmas.

Et testudineo iacere lecto,

Et molli latus abdidiſſe plumâ,

Et gemma bibere, & cubare cocco;

ac mille sexcentis fecicitatibus beatum esse, Ceterum vxor non tam docilli, vt mariti somnio fidem haberet, cum credidit in

popi-

popinis pellucida vitrea vidisse. Iurgijſque hominem complexa, per capillos in cubiculum traxit, vbi cerebri insaniam ventris iciunio luſtraret. Mihi interim atque ANNIO LVCIOque meo tanti non fuit, vt domeſtici diſſidij euenta exſpectaremus, præſertim, quòd in Caniculæ Ferias intenti, plura alia & videre, & ridere cogitabamus.

V T O P I Æ

D I D A C I

BEMARDINI.

LIBER QVINTVS.

ITa TARQVINIO, quem dixi, cieſto, Ruſticoque ad hunc modum in ordinem redacto, plerique ceu ſtultitiæ miſſionem dederit, quæ c. i. que promptum erat, dilabuntur. Me LVCIVS, Hermiumque ANNIVS, vnde pridem abieramus, reducit. Ego, quòd dies mihi omnis inter ſpectacula exiſſet, ſomni quam cibi appetentior, noctem auſus invito. Cubiculum erat amplum, multoque perſitromate decenter prætextum: oculis planè excubantibus dignum, neque ſomni rhonchis profanandum. In hoc mihi ſternebatur. Iuxtà HERMIVS in altero puluino recumbebat. Precati vterque, ne dies pro-

^{1.}
Nocturna quies
& in quies ſeu
ſomniū
natantis

properaret, obdormimus. At ego non dudum obdormieram, cum adesse imagines, & quas interdiu laruas riseram, eadem ridere me inceperunt. Ibi & fouea mihi redijt; & comites fugere, & Rustici venerere; denique dum fabulæ diurnæ centones consuo, nouam repente scenam architector. Oceanus antè oculos erat, & æqualium meorum numerus ingens, qui omnes molestante æstu, & in undas prolestante, irruere visi: & maria ludibundi contemnere. Pars

———— vada salsa cita decurrere, puppi;

pars audaciores

liquidas Neptuni nare per undas.

In his memet ipse videbam, liberum metu vagari, ac fluctibus insultantem, iam ima cum vrinatoribus explorare, iam summa equora remigante manu perlabi. Mirumque mihi erat, hunc in me artificem tamdiu latuisse. Igitur dum gloriæ studio prouectus longè alios post me relinquo.

Emerfere feri cano degurgite vultus
immānia cæte, & vasti nominis balæniæ.
Quibus eminus aspectis cogitabam, hic LVCIANI me historias habiturum, ac breui in ventre peregrino hospitem fore, ni aliquod asylum reperirẽ. Quæro proin' humentibus oculis, & ecce, haud procul intueor montes, & Acroceraunia, quæ me. djs è fluctibus emerfa insulam fecere. Illic trepidè adnitor,

———— madidaq; in veste natator

Tuta peto scopuli, siccaque in rupe quiesco.

2.

Somniū
informi-
tas inci-
dentis.

Inde per arduas cautes eluctatus in-
planitiem denique euado: vastam illam,
ac belluis frequentatam. Ceterum ibi
camporum vireta, & pratorum æquora,
& nemorum opaca viscebantur. Melius ea
vigilans Apelles non pingeret, quàm
mihi soporis inertia adumbravit. Quæ
omnia dum otiosus ego perambulo, in-
lucum feror, quem magni formicarum
exercitus inquietabant. Non arborum
frondes, non flores pratorum, non herbu-
larum calices aliud, quàm MYRMIDO-
NVM acies fuere. Et ipsa humus formi-
cosis collibus tumida, infraque mille cu-
niculis perfossa, gentem immodicam e-
ducabant. Non habuit immuam illa me-
pestis; sed per totum corpus grassata,
morsibus innumeris sæuebat. Mirabat
ego tam paruum hostem, tantum mihi
negotium facessere. Irata proin' manu
pugnacissimum animal contundo. Etiam
cladem legionis vnus feceram, cum no-
uæ identidem copię suppetias iere: sem-
perque infestiores aderant, quanto plu-
res necabantur. Crederes mihi esse cum
HYDRA negotium; & hostem ab interitu
suo fieri ferociorem. Sed quod maximè
tuli impatienter, vrebat, tergum, quod
frequenter hostis insidebat; vbi mihi de-
fendere vim, nisi dolo, non licebat. Quid
enim facerem eo hoste, qui auctis vulne-
ribus me infamaret? Conuersus ad ar-
tem, humi abijcior, incipioque crebro af-
frietu omnes elidere, ac tandem infestam
obsidionem soluere.

3.

Somniū

Verùm magno ingenium fletit. pice in-
Nam locus picea fortè pinuque consitus quinati.
H hu-

humum omnem sudore natiuo infecerat, viscoque tenacissimi roris impleuerat: in quo dum inscius volutor, tergum omne pedesque mille laqueis occupantur, lenta pice impediti. Sic, vt Echeneide tactus nulusquam me possem moliri: Primum risus, & quales in ludo solent cachinni. At postquam nec pedes eximere, neque corporis truncum extricare licuit; vix imò caput subigere, manusque irritas leuare: coepit animus mihi compauescere, vitæque sollicitus esse. Itaque manibus obnit, meque humo conor attollere. Sed iam, & manus picati pertinacia visci ita tenebantur, vt, quicquid contingrem, coalescere mecum videretur. Circumspicio tandem anxius, & ad opem vocandam, conclamare aggredior. Verum quòd fermè in somnijs solet,

———— inceptus clamor frustratur
hincem.

Iterum proindè alternis pedibus eruptionem tento, cænumque ineluctabile plantis suoigo: iterum plumbei pedes, iterum illusi labores.

4
Somniū
lupū tenentis.

In hac rerum desperatione, strepitum è senticeto, ac mox vlulatum accipio ruētis feræ. Lupus is erat, qui uidore excitus, ad annonam cum magna familia accurrebat. Hic ego iam semianimis, Cerberum adesse, aut stygis vigilem credens, nesciebam quid porro agerem; nisi quòd recordabar audisse me; quod olim & alius fecerit, in simili naufragio deprehensus. Tempori ergo ingeniosus, mortuum fingo: nec longè mentiebar. Tum illi prædones cominus explorare, & si quid animæ

nimæ reliquum esset, videre, crebrique
circum in orbem ire: donec incauto syr-
mate alter atque alter brachium destrin-
xit. Tunc ego dextra lauaque singulos
adortus, caudæ flabella complector, arcte-
que duobus inhæreo. Ille se captos arbi-
trati, non respicere; non pugnare: sed cum
vlulatu ultimas vires ad fugam vertere.
Ceteri omnes, ne vna caperentur, cutricu-
lo in silvas refugere: duo, quos solos va-
dimonio tenebam, properare; meque in-
scij inuitique de resinæ luto educere. Sed,
quod neutram manum absoluerè statim
quibam, per aliquot passus lepidam ap-
pendicem raptarunt; humique tractum
nouo me iterum monstro vestierunt.

Fortè enim plumarum funera suberant
cæsarumque volucrum spolia; in quibus
eius volutatus, miserrimam metamorpho-
sin incido; & plumis vndique inhærenti-
bus noctua germana fio. Talis ego iam
ales, vbi nondum volare me posse vidi,
corporis tamen illuuiem abstergere na-
tando volui. Quare cupiebam vnds lu-
strare me, ac postliminio in Oceanum re-
dire. Sed nulla iam vsquam æquora erant;
ne fontes me vlli, aut amnes acceperè. Ma-
nu igitur impensius insto plumantia vel-
lera decutere, corpusque infamibus exu-
uijs liberare.

Inter hæc noctis ridicula HERMIVS
altum inclamat. Euigilo; & sudore per-
fusus, diu me ipse quæro: ac denique in-
repentis lecticæ nidulo deprehendo. Hic,
ecce, toralia pedibus subacta in sarcinam
coierant, & puluinos tegetemque ma-
nus inquieta deiecerat: vt omnibus cir-

5.
*Somniū
plumatis
hominis.*

6.
*Inquieti
dormienti
tis signa.*

cà perturbatis, seriam fuisse somni velitationem appareret. Et HERMIVS nondum gnarus quid ageretur, Quæso te, inquit, satin' tu sanus es, qui & noctem facias personatam! Mihi porro sciscitanti, qui hoc quæreret! Diu est, inquit, cum somnianti ausculto: hic tu modo lectulum videbare vtraque manu plaudere: velut ex anatum ritu pronus in vndas ruerre. Risi ego te; & in calente lectulo nantem,

*Et siccos vacuo remouentem è pectore
fluctus.*

Idem aliquando gloriosus miles nocturnum hostem prouocabas: & erat vt clamorem quoque; sed exanimem tolleres, atque sexcenta hoc genus insanires: quæ non potuisti, tu quidem, nisi personatus. Plane, inquam ego. Et multum huic equidem nocti debebo, quæ tot mihi artium magistra fuit. Rem deinde omnem, vt erat somniata, recenseo. Ille stultitia somnij delectatus, alia mihi consimilia referebat. Quæ cum inter nos diceremus rerum audimus vigilem conceptis verbis noctem prodere, tertiamque somni vigiliam nuntiare. Nos vbi tantum noctis reliquum esse sensimus, ad quietem compositi, rursus obdormimus.

7.
Non à
quauis re
tinendū.

At sole exoriente, nos post ea, quæ oportuit LVCIVS ANNIVSque visunt: rogant quemadmodum nox euenisset! Ibi repetitis, cum risu somniji, tubicen in platea cœpit populi concionem cogere. Mittimus illico puerum, qui rem propius exploret. Abit, redit, nuntiat iudicium capitis esse, Detestabar sæuum iudicem, qui

ne fastis etiam diebus tribunal poneret; in-
que festa vini licentia sanguinem sitiret.
Sed liberauit me ANNIVS inutili metu,
cū docuit, rem utique nimicam fore;
quippe quæ ad Moriaæ puteal cognoscere-
tur. Proin' si gratum esset, vna omnes in
Ius ambularemus: diemque iam alterum
forensibus nugis venderemus. Persuasit
is, ut facilè omnibus luberet. Vnus ego,
nescio quid repentè tristior, meos iterum
comites requirebam, quid in silua nuper a
me diuerterant. Suppresso tamen gemitu
ibam.

Ita centuriatim ad eadem, quæ pridie
atria regressi; cernimus vndique a cu-
riositate omnia obsideri. Tumebat in-
sublimi pegmate Prætor; & fastum, im-
patiente supercilio explicabat. Latera
claudebant singuli iudices; hinc locutulcij
fortenses, & rabularum vanales animæ: in-
dè patroni, & si qui possent marsupio ad-
vocationem facere. Mox delatorum, &
quadruplatorum tribus ingens, cum stylo
singuli, & palimpsesto, qui ut aliorum ge-
mitus nutusque servarent, solliciti, ade-
rant, pallebantque ceu toto Decembri vi-
num non bibissent. Post hos, apparito-
rum lictorumque agmina forum corona-
bant. Plebs reliqua pars circumstiteret,
pars è fenestris tectisque despicere. Nos
cubiti umbone vim aperimus, inque inti-
mam concionem vi penetramus. Ibi rem
erat longè tristissimam videre? iuvenem
habitu incessuque mœstum, & quem
ex amiculo sordido, reum facilè scire-
mus. Atqui vultis partim erat pudore
victus, partim lachrymis deformatus,

18.

Iudiciū
teatricū.

ut nulli nostrum agnosceretur. Is talis adolescens ligatis post terga manibus, inter lictorum cuneos ducebatur. Et iam alij lictores animadvertere; populumque clamosè summouere, alij silentium poscere, ac si quis vim pararet, lege strempse reum reique patronum postulare. Congemuit plebs ferali edicto, iuuenemque omnis continuò gratia reliquit. Qui ut aduersus Prætorem constitit, causam ex vinculis dicturus, cœpit a disertissimo actore magnis criminibus accusari. Caput erat. Latrocinij eam viciniam omnem infestam habuisse, ac ne hospiti quidem suo parsurum iam fuisse, nisi fuga innocentiam defendisset.

9.
*Falsala-
trocinij
accusa-
tio.*

Inde in rei narrationem ingressus, Illum ait adolescentem tribus nuper socijs stipatum ad se venisse, & hospitio acceptum, noctis beneficia mox diurno maleficio pensitasse. Nam ut ille ine, inquit, hominem esse antiqui moris, neque fallacijs septum aduertit, opportunum credidit, quem suæ perfidiæ argumentum haberet. At fortè ex seruulo malè cauto compererat, iter mihi ad vicinum oppidum esse; quo me oporteret grandem pecuniam perferre, quam apud argentarios occuparem. Simul didicit perfectionis horam, didicit viam, & si quid aliud erat insidiatori sciendum. Inde omnes ingenio uti, alterque alterum in sceleris meditationem hortari. Conuenit summa luce ad insidias currere, viamque armatis latronibus insidere. Ita clanculùm domo se vrbeque eijciunt. Mihi nox ea nullis fuit suspicionibus ducta. Primò di-

Inculo equum iubeo sterni Austurconem, quem vnum celerrimum sciebam, Iniecto dein' auri pondere proficiscor, Et quamdiu noctem inter, & lucem ambiguus ibam, nihil occurſabat formidinis. Sed vbi vnum ab vrbe lapidem aberam, eminus cœpit ab aduerſo colle hominis quæpiam larua exiſtere, humeroque tenuis videri, mox iterum condit, atque iterum eadem proſpicere. Mihi ne ſic quidem ſuſpecta res eſſe. Quippè otioſus ibi viator conſediſſe, & ſuos utique comites expectare credebantur. Interim propiùs accedenti, plura ſe indidem ora, neque iam planè ignota oſtendunt. Nempè hoſpites meos eſſe ſatis parebat: Sed quonam pacto illuc perueniſſent, id verò mirabar. Et quid ſi, inquiebam, nitor illos auri ecciuit, prædæque ſpes has ijs alas addidit, quibus me præuerterent? Aut latrones fortaiſſis habebo, quos hoſpites receperam?

Dicebam hæc; ſimul loci ſimilitudo, & ſiluulæ infamia ſubibant, quam recenti flagitio locus contraxerat. Siquidem fœdas inibi cædes nuper, ac nullis auctoribus factas recordabar. Aliqui ſimul eò delati fuere, nuſquam inde, quod ſcitis, in huuc diem conſpiciuntur. Aliquorum reperta, quidem veſtigia; ſed exploratorem in vltima fluminis ripa deſeruerunt; ut appareret, eos inde cœlum iſſe. Alibi veſtium abiectos centones, velut in ſpoliatio monſtrari. alibi, cruorem amphitheatralis arenæ videri nuntiabatur. Ipſemet ego ſaxum informe videbam, quod cerebri iabo aſperſum, CACI

10.

*Locus la-
trocinis
infeſtus.*

mihi speluncam referebat . Iuxtà élifos
vbique dentes, excussosque molares intui-
tus , quid nisi Cadmeam segetem, ac mox
hastatam messē formidarem ? Tum
egomet mecum , Flaminiam fortè Lati-
namue viam quæsiisti , vbi funeri tuo tu-
mulum haberes ? Certè iam vespillones
conduxisti . Ibi demum cohorrui ; ac ve-
lut amens , nullum mei iuuandi confi-
lium inueni . Nam vltrà progredi , quid
aliud erat , quam vltrò ad Libitinam pro-
perare , iugulumque ferro præbere ? At
retrò etiam cedere cum intra teli conie-
ctum veneris . præter quàm quòd ad de-
clinandum serum erat , fugam manifesto
proderet, animosque latroni meus metus
angeret . Quod autem erat miserrimum ,
ne subsistere quidem tutò iam licebat, aut
opem à mora flagitare.

II.
FUGA

His igitur periculis circumuentus, vber-
rimo sudore diffluebam: nec verò plus tri-
ginta passus ab interitu distabam , cum
mihi locorum facies ingenium suppedita-
uit . Nam latronum insidias fortè mons
læuus absconderat : ad dextram mihi ne-
mus visebatur, opacum & propinquum :
media interualla vix singuliscurribus per-
uia . Et nimirum hac illi me transitu-
rum arbitrati , post quàm nihil metuere
viderunt, de specula montis decessere :
iam prædæ venientis securi . Id ego con-
spicatus , dum arbitris carco , subditis e-
quo calcaribus , de via in siluulam ocys-
simè diuertò ; perque auia inuiaque mor-
tem effugere laboro . Fefellit aliquam-
diu fuga ignaros ; donec equi fugientis
sonitu perturbati , in speculam redie-
runt.

runt. Indè, viso, quid fieret, fugam vno omnes agmine persequuntur. Decem omnino fuere, magnis viribus latrones: quorum ego pone sequentium clamores, ut magis magisque sensi crebescere; iamque virgultis arbustisque vias impediri, e- quum desero, receptoque auro, quàm licuit euado. Premunt tamen illi, & viarum di- uertia partiti, pertinaciter in me ruunt. Ergo cursu metuque fractus nouissimè succumbo: ac dum latibula mihi circum- spicio, annosam alicubi quercum inuenio nullis iam frondibus proceram, sed vasto solum cauoque stipite nixam. Hiabat in summo truncus; idque indicium latentem caueam prodebat. Illuc ægrè tandem eni- xus, in arboris carcerem descendo; & læ- tus asylo, sicarum minas irasque hostium contemno.

11. Verùm brevis ea fuit securitas. Ut e- nim insolens loci fætor me aduertit, cœpi pedibus pertentare, quidnam insisterem; Cedebant enim fundamenta sensim, & putre subesse solum videbatur. Locum proindè oculis manuque exploro: ibi (mi- serum me! perfossi hominis cadauer re- perio; per huius cruentam faciem, sordes vermium ambulabant. Equidem hic me- tu pallidus, nihil credere reliquum esse, atque ut ipse cadauer fierem. Quare dam- nato funesti hospitij lare, festino indidem erumpere, neque in illis puticulis meum carnificem expectare. Talia meditan- tem alius iterum metus absterruit. Non- dum enim dimidiis emerferam, cum hi mei prædones apparere. Quorum a- spectu iterum iugulatus in tumulum

12.
Latebra

eundem præceps relabor : neque de fuga iam vlla cogito : sed arboris spurcissimæ speleum, quod paullo antè sorduerat, præ quouis palatium mihi sit amplum & amicum. Interim illi accurrunt & velut ad condictum venissent, propter arborem omnes subsistunt. Tum eorum vnus, Commilitones, hic, inquit, è cursu respiciemus. Nam de fugituo quidem cur porro cruciemur, non video. Ultra hanc arborem solum palustre tenditur, siluaque omnis vligine impeditur, vt nusquam fugæ sit locus. Cassibus iam tenetur fera, & in hac vicinia se alicubi defendit, dum quæ sita ad macellum protrahatur. Ita alij in colliculi cespitem abiectis, ipse fatali se arbori applicat, incipitque sua quædam facinora prædicare.

13.
*Fur in-
felicitas.*

Biennium, inquit, in hac vestra legione milito, magnis quotidie periculis iactat is, quorum omnium ego vel socios vos habeo, vel testes. Etsi autem sæpè pernox in hac quercu delitui, & quærentium licitorum, minas elusi; nunquam tamen propius Orcum abfui, atque abhinc Sexennium, cum alter ns adhuc familiæ ductor, temerè mihi discrimen ingens constanti. Titi-
tius erat in vrbe, homo, si quem alium nouistis, locuples, & apprimè copiosus : qui vnus flagellare populi annonam posset, rursusque eandem si placuisset, laxare. Nam præter quàm quod latissimè arabat ipse, alienis etiam messibus immi-
nere, frumenta per agros coemere, atque vndique solebat connehere. Inde nulla illi neque horrea satis ampla esse, neque
marsupia condendæ sufficere. Eum nos
ho.

hominem sumptuſeramus depeculari. Sed quibus id rationibus conſequeremur, diu nihil ſubibat. Sæpè vis irrita, ſæpè infidiæ fruſta fucere, ac plerumque nobis aduerſæ. In huius tectum aliquando STVRNVS aſcenderat vt, cum tegulas remoniſſet, intrò ſerpere, prædamque congeſtam ad nos poſſet deuoluere. Nec nihil egit. Magnis enim ſurcinis ponitus, dum eas temere deiſcit, ſubeuntem ſocium oppreſſit, pectusque mole nimia eliſit. Nobis in ea ſtrage exclamantibus, familia excitata, in fures ſe armat. Nos fuga dilapſi, prædam omnem, STVRNVNque in ſummis ædibus operantem deſerimus. Ille ad deſperationem verſus, cum receptum non haberet, certè vt Carnificem effugeret, à tigno ſeiſe nexuit, ſpiritumq; adſtricto iugulo diſcluſit. Nos iactura duorum coſuitum afflicti, aliud tamen ex alio machinamur.

Eadem nocte in TITII ſuburbanum progreſſi, vt ſocios vindicaremus, fores effringimus, bouemque egregium ſtabulo auertimus; Atque ibi dum alterni prædam per cornua trahimus, ego denique infelix abactor ſuccedo. Qui pertæſus id negotium, labori compendium quero. Exuo cingulum, de quo pera pendeſcit triginta Philippeum, boui iniſcio; bucerumque pecus a tergo, veluti per reſtim traho. Id quia nullo negotio faciebam, ſocij vehementer laudare, meque vnum eſſe dicere, qui cor haberem; ceteris mentem omnem deſuiſſe. Mihi de re nihili criſtæ ſurgebant; cum interim venitur ad ſoſſam, quam tranſuerſo limite ruſtici

14.

*Bos per æ
furi au-
fert.*

duxerant; imbresque recenter vndique implerant. Illam audacter equidem trajicio; ratus pedisequum bonum hand aliud facturum. Sed ille resistere, & contumaci nutu imperium abnuere; vnaque mihi & cingulum, & peram & omnia violentus extorquere. Mox deinde velut manumissus, insano cursu ad herile stabulum recurrere. Ego etsi non praeda solum, sed pecunia quoque priuatum me, dolui, insequi tamen fugitium omisi; ne, quam restim ab eius collo reuulsiſſem, meomet illigarem. Manè villicus, vt bouem redire cum argento vidit, sæpè in eadem illum pascua exire iussit. Igitur dum nos diu nequicquam in TITIVM exercemur, & ille nostras insidias felicibus euentis toties discussit, nouissimè placuit huiuscemodi commentum velitari.

15. *Prædo- nes. Titium capiunt.* Aedes amplas in vrbis recessu conducimus; & quid ibi agere quemque deceat, monemus. Ego simul rei gerendæ negotium accepi, reiectis pallioli sordibus, quas optimas potui, vestes induor: ac vespere iam labente inbeo notæ confidentiæ socium pro famulo ire, meisque imperijs assuesse. Ita ceteris quoque in statione relictis, ad TITIVM accedo, Aio me magnum frumenti numerum in amplissimis horreis habere; cuius videnti, si vellet, copiam me facturum. Ementior nomen & locum vndè aduexerim. Ille non abnuere conditionem; verum id diei, imminente iam crepusculo, iterum se negare, & manè potius venturum dicere. Respondeo, cum luce
me

me profecturum; ità rationes meas poscere. Ceterùm illi molestum esse nolle: alios scire me, quibuscum ante vesperum transigere possim. Vssit ea vox hominem, ut promitteret, iturum. Accito dein' **SOSIA**, validissimo seruulo, iubet eum cum telo comitari. Ego **CERBERVM** maluissem, quàm seruulum iungi. Nam eo præsente nec fieri fraudes, nec regi poterant. At eundem recusare, res erat plenissima suspicionis. Ita captus ego, sicubi diffugerem cogitabam. Interim illi in via sermo omnis de frumento; mihi de mendacio; quo modios omnes ac medymnos liberaliter impleui. Demum, ut longè abijmus, **S O S I A M** hunc in modum auerto. Manu in sinum demissa meditabundus consisto: & miranti **TITIO**, intimi granarij clauem aio, temerè in eam mensula reliquisse, vbi colloquium fuerit. Continuo **TITIVS** remittit **SOSIAM**, iubetque clauem requirere. Sciebam ego non reperiaturum.

Nos progredimur, atq; properatò ad **16.**
 ædes venimus. Ingressi, post quàm alteros scalarum ordines alterosque transcendimus, denique domus, intimæ cubiculum subimus. Ibi commilitones insidijs quatuor excubabant; qui omnes confestim adorti **TITIVM**, priùs quàm posset exclamare, os illi dispessum teriti fureulo, quer-namue talea farciunt: tum arcètè funibus adstrictum in vimineum corbem coniiciunt; ac postmodò, per noctis tenebras, inde in remotum hospitium transportant: vbi conscius meditati sceleris Phrygio nos præstolabitur. Illic **T I T I V S**
 in

in hypogæum vinctus abstruditur; bi-
duumq; impotus ac ieiunus ità detinetur
vt interclusus spiritus ægre arctèque mea-
ret. Per eos dies emissarij nostri in foro, in-
que vrbe errabant, vt ex circulis ad nos
omnia dicta consiliaque referrent. Retule-
runt: Amisum errore TITIVM; in metu
& squallore versari familiam: vndis modò
abreptum putari; modò interceptum præ-
donibus credi. Famulum præsertim SO-
SIAM suspicionibus fomitem ministrare;
quo duce ædes, quas conduxerimus, esse
effractas; ac hero nusquam ibi reperto, al-
liud super aliud pertentari. Postremò præ-
mia per præconē poni, quæ indici darētur.

17.

Hæc nos omnia nihilo magis terri-
accepimus; atque, ex ijs, quid consilij ca-
piendum esset, prospeximus: certi, nemi-
nem è nostro Collegio fore, qui indicium
faceret, præmiumque in furca expectaret.
Igitur tertio post die litteras comminisci-
mur; quas TITII annulo signamus, & vt
ipse met inscribat, minis iniuriisque cogi-
mus. Eas vaserrimo cuidam nostræ co-
hortis tradimus; eumque, quid fieri veli-
mus, admonemus. Non distulit S T A S I-
M V S (hoc veteratori nomen) sed litte-
ris acceptis, recta ad fraudem accingi-
tur. Atque vt orbem omnem aliquoties
perambulauit, neque custodiis defensas
ædes TITII sensit, litteras negligeriter
pro ipso ædium limine abiicit: indeque
nemini visus, otiosè recedit. Conspiciun-
tur breui post litteræ, tolluntur à fami-
lia, & quod coniugi erant inscriptæ, ad
heram perferuntur. Illa gestiens ad a-
micos, Aperiant, legunt, plenas la-
cry-

erymis & querelis Cognoscitur TITIVM
in prædonum potestate esse; ab ijs arctè
haberi, ac tantum non enecari. Mille ta-
men Philippeis emi libertatem posse, si
perendie suburbanam in siluulam ab iner-
mibus duobus perferrentur. Sin plures ibi
comparerent, vel etiam nulli; mox pessi-
mis exemplis interituum. Additæ preces,
quæque alia captus in tali fortuna solet.
Oboritur comploratio liberorum. Et vxor
quidem pecunias, quibus redimeretur,
expediendas censere; idipsum liberi; idem
alij velle, vltroq; vel duplices offerre.
Sed vnus hominis auctoritas muliebri
consilium i prohibuit, nostrasq; spes calli-
dissimus veterator elusit.

Nec mihi tam ferreum est pectus, in-
quit, quin propinquo sanguine commo-
ueatur: neque aurum ego præ amico ar-
bitror habendum: sed si hodie res est di-
cenda, aurum perdere, nec amicum reci-
pere, ea mihi stultitia videtur. An enim
obscurum est, quid ludere hi soleant præ-
dones? Mille Philippicos iam nummos pa-
ciscuntur; vt cum numerauimus, retento
in viaculis TITIO, alios iterum mille at-
que iterum alios aliosque impudenter
emulgeant: donec aut depauperata fami-
lia, aut pertæsa, facere postulata defierit;
& TITIVS tamen nihilo minus ab infe-
stis denique iuguletur. Igitur alia via no-
bis ad libertatem est eundem. Recipiendus
sine pecunia TITIVS; & prædones ipsi
gratis in potestatem adducendi. Spernite
tantisper has tenebrionum minas: & ne
TITIVM nunquam videatis, redimere
nunc nolite; cras cū recepturi, si hodie non
præ-

1^r.

præcipietis. Properata plerumq; sunt irrita, & lacrymis corriguntur, quæ ratione debebant. Fingite litteras fortuito neglectas: Silentij penus ipsos, quàm TITIVM cruciabit. Et mihi credite; non ad eò se ipsi contemnent, quin, si hoc simuletis, iteratò scribant, alterasque litteras e mentiti, huic ianux illudant. Tunc enim verò dandam operam censeo, ut deprehendi clam tabellarius istiusmodi queat; videriq; quò se conferat, & quibus vestigijs ad TITIVM reuertat. Cetera factu facilia se ipsa absolvent.

19.

Laudato hominis consilio, summam illi rem omnes permittunt. Qui statim disponere excubias, totamque viciniam inconniuis oculis seruire aggressus, nihil omisit quo ad iudicium perueniret. Nos autem ignari, quæ faba nobis cuderetur, (nam hæc ipsa longè post ego rescij) pecunia nequicquam expectata iterum coimus, & de integro deliberamus. Mihi, fateor, aliquid subolebat: sed alijs tamen irridentibus, & nescio quid in fortunam reiicientibus, accidit, quod ferè solet, ut vinceret maior meliorem. Fit Senatusconsultum? & alteras litteras in priorem sententiam scribimus; scriptasq; eodem ablegamus. It STASIMVS noster, veteriq; instituto obambulans, epistolam quàm occultissimè potest, deponit: indè, velut re bene gesta, securus ad nos reuertit. At non fecellit oculos, in tot speculis vigilantes. Nam vnus alterq; è vestigio secuti, clam, quo se recipiet STASIMVS, observant: ac satis cognito, quò iisset, discedunt; teque ad ceteros relata, breui

brevi magnam armiatorum manum abducunt . Hi perpetua statione domum omnem cingere ; & narrante adhuc STASIMO , in nos improuiso irruere . Qui intima strictis mucronibus peruagati , vltimò in TITII ergastulum penetrauerunt .

Hic ergo proditos esse nos , ac ni vim afferremus , etiam perditos intelligens , pugionem , quem vnum mihi securitas reliquerat , stringo , atque ;

20.

Exoriare aliquis nostris ex ossibus ultor ;

Exclamo ; simul , (cheu) telum in STASIMI pectore amens defigo ; innocentis fateor , sed in eo tumultu suspectum mihi metus fecerat ; tanquam is , præmij capiendi , proditorem factitasset . Labitur ille , & socia manu confossus , miserabili aspectu se vindicauit . Indè sub primam ciuium impressionem , per gladiatorum aciem erumpere contendo . Nec impunè id mihi facinus fuit . Dum enim quaqua versus ferro viam aperio , secundum tempora cæsim , femurque punctim saucius , ægrè per vltimas cædes elabor . Ij vinctum adhuc TITIVM , & familiam circum insultantem conspicati , TITIVM suum libertati restitunt ; ceteros ad vnum omnes comprehesos in furcā triduò post sublimes egere .

21.

Dixerat hæc ille latro , & his atrociora . At socij certatim omnes infanda addere , suasque deinceps virtutes recensere . Vltimam narrationem clausit hic , quem accusamus , adolescens : qui mihi visus , vt ætate reliquis inferior fuisse , ita scelere omnes exsuperasse . Verùm id egò iam non prosequor ; contentus mei periculi reliquias docere .

*Alia
prædo-
num
facino-
ra .*

Cum

22.
*In arbo-
 re absco-
 di pericu-
 lula.*

Cùm horam propè in his suis annali-
 bus recognoscendis exegissent, mihi se-
 culum videbatur, qui hæc omnia cum
 horrore audiebam. Ac præcipuè cum di-
 dici carcerem meum his ipsis latronibus
 solenne asylum fuisse. Tum enim niue
 Scythica frigidior, ita contremui, vt quasi
 quercera febri iactatus, totam vnà quer-
 cum succuterem. Qui motus capitaleni
 me pænissimè fecisset. Nam illi, quid se
 intus commoueret, admirati circumsi-
 stunt, arrectiq; arborem explorant. De-
 mum aliquis, ecquid stupemus hic, in-
 quit: nempe cadauer, quod nuper huc ab-
 strusimus, renixit; id est, in putenti capu-
 lo verminare cœpit. Indè nobis hæc ar-
 bos tumultuatur. Non absurdus, inquit
 alius, cōiectores. Hic enim ipse factor,
 quàm latè funditur? Quisquis præterit
 viator, de hac nautea conqueretur. Quia
 hoc agimus, atque, vt graueolentia sepe-
 liatur, cadauer iniecta humo superobru-
 imus? Simul haustam vtraque manu are-
 nam supernè iniicit, meque totum cano
 puluere respergit. Sic ergò VESTALIS
 virgo indicta causa iam tumulabar: cùm
 alij vanum laborem detestati, omittere
 cœpta iussere; & magis auscultandum,
 quid THASIVS probaret. Is arborem
 censuit vnà cùm latente cadauere deuren-
 dam. Itum in hanc sententiam. Extem-
 plo discurrere diuersi; & inde alius far-
 menta legere; aliundè alij frondes cæde-
 re; omnes materiam aliquam comporta-
 re, & arbori exequialem rogam circum-
 dare. Neque alia res funus iam meum
 morabatur, quàm quod flamma adhuc
 deerat,

deerat, quæ subderetur. Hic ego paullo
antè gelidus, ad flammæ nomen sudare
incepti, & quasi in Laconica cella æstuarè.
Postmodo tamen desperatus,

*Ecquæ (inquam) stultitia est, ne moria-
re, mori?*

Quin ultro me, audax, prodo; & tandem
si non mortem, certè metum euado? At
enim iugulabor, si prodiero? imò, si ta-
cuero, ardebo. Lamq; adeò vocem quæ-
ritabam, vti dicerem.

Me me; adsum, qui feci.

cùm iterum hæc mecum agitantem alia
res auertit.

Quippè strepitus è propinquo, & sonus
ambulantium audiebatur: ad quem illi
conuersi, duos è suis vident; exanime cor-
pus baiulantes. Conclàmant vnà omnes,
meq; retractum è fuga vociferantur. Gra-
tulabar ego mihi, qui succidaniam illis
hostiam obtulissem, & cum utique ami-
cum hominem cogitabam, qui se pro
ignoto immolasset: aut bardos profectò
& blennos esse latrones, quibus aliena
species pro mea illulisset. Nisi tamen,
inquam, is ego re vera sum, & cùm ibi
occiderer, non sentiebam. Quid iam? Non-
ne & hæc illa est crumena, quam vultu-
res isti venantur? Nisi fortè & crumena
iam est geminata? Quicquid est; certè
enim viuo; & hos adhuc pedes, atq; has
etiamnum manus agnosco. Inde pedes
ventremque amens contrecto, & sicubi
vitæ argumentum inueniam, quæro: sed
ij ipsi quòd pridem obriguerant, meam
mihi mortem pænissimè confirmassent.
Demum cò me dubio ignari latrones ex-
pedic.

23.

*Spes &
latitia
vana.*

pedierunt. Postea enim quam recens cadaver proicere, vesteq; illud ac peculio spoliarunt, imperato silentio, quemadmodum flagitium fecerint, socij percontantur.

24.
*Crudele
genus
Latroci-
nij.*

Illi; in extima silua carbonarium fuisse; qui fortè fessus, propter spirantium prunarum pyram recubuerit; passoque ore, supinus dormierit. Iuxta, rancidi olui guttum stetisse: quod ipsi liquefactum & ebulliens, in dormientis hiatum crudeles infuderint. Illum insanè gesticulantem, subsiluisse continuò; & aliquamdiu mirificum in orchestra Roscium egisse, donec exanimis procumberet. Sibi verò nullam olim comœdiam magis placuisse. Probarunt hanc ceteri crudelitatem: at mitior vnus, reprehenso facinore, mihi increbatur, quicquid carbonario contigisset. Quid enim in pauperem iuuit iugulam sœuissè?

25.
*Nonna
spes.*

Si viri, inquit, essemus, dudum hospitem nostrum persecuti, cum opimo marsupio redissemus. Qui nunc per nostram ignauiam elapsus, hanc adeò pro se hostiam reliquit. Hic iterum duo illi, equum se aiunt alicubi conspexisse, fessore excusso per interiorem siluam vagari. Qui si meus videretur, instarent fugienti: inter arbuta utique reperiri adhuc feram posse. Persuasum est vniuersis, ut siluam porrò omnem placeret percurrere: dum prius tamen allatum cadaver in suum conditorium abstrusissent. Nec mora; attollunt miserabile funus, inque arborem eandem, quæ me acceperat, immittunt. Ità infra supraque aut ferebam mortuos, aut preme-

mebam : ipsis illis magè mortuus . Sed , quod erat tristissimum , vnus tumuli angustiae tot funera non capiebant . Proinde carbonarius contubernio exclusus , propè dimidium eminebat ; neque vltèriùs abdimiser, aut cogi quibat .

Indè fremere omnes, & mirari, qui fieret? Cùm præsertim memoraret THASIVS, vnicum intus bustuarium esse, quem sciret; etsi facilè tamen vel duos latere posse . Ascenderent igitur, & quis cœpta moraretur, viderent . Iugulauit me THASII-consilium, atque spem omnem vltimè affecit . Verum inopinatò contigit, vt, qui ascenderat primus, temerè relaberetur, milleque deuotionibus tantam arborem damnaret . Mox alijs subire, alterque alterius tergum parabant insistere ; nisi THASIO rem tantisper omitti placuisset, donec prædam è venatu retulissent: tum otiosos posse de angustijs cognoscere . Secundùm hæc omnes palabundi in penitiorem siluulam decurrere, meque præter vnum vniuersi relictum ire . Is erat ille, quem casus autè paulùm perculerat ; vt brachio luxato æger, iuxtà arboris custodiam resideret : multa secum interim fabulatus ; ac præsertim, quemadmodum victor, suum dolorem meo esset sanguine depulsurus . Neque ego iam nihil mecum disputabam . Quid enim agerem ? Exspectarem latrones breui redituros : ac tanto cædis cupidiores, quanto diutiùs illos ludificassem ? Nempè latibula mox omnia lustrabuntur ; meque velutè stabulo in scæuitiæ macellum producent, An fugam

26.
*Novus
 metus
 cum fe-
 lici au-
 dacia
 coniun-
 ctus.*

igitur adornarem? Tanquam non & custos prohibeat; & pecunia teneat; & silua deterreat. At certè, inquiebam, si custos hic æger, & altero iam brachio captus est; quid adeò etiam nocebit? An faciliùs mihi post erit, simul omnium oculos fallere, quàm hanc vnius custodiam effugere? Imò enim, aut iam fugiendum est, aut continuò pereundum. His apud animum decretis, erigor audax, atq; onus mihi incumbens dimolior, strepituque ingenti quercum inquieto. Ibi res non expectata mihi profuit. Nam cadauer, quod vmbilico tenùs prominebat, dum à me vehementiùs commouetur, cœpit manus caputq; agitare, ac velut moliri se, forasq; erumpere. Eo conspecto custos trepidus, & utique minari mortuum; aut manes in vindictam ruere arbitratus, cum elato clamore fugit: sui liberandi cupidior, quàm mei seruandi.

27.
*Accusationis
epilogus.*

In hunc modum ego reiecta cadaueris sarcina, de meo capulo rediuius exilio, meq; per auersam siluulam celerrimè subduco, atque ad hanc urbem postliminiò reuertor. Iamq; euasisse periculum opinabar; quando nouas iterum copias ex aduerso sensi ingruere. Igitur sollicitus, qui hostes essent, inter fortuitos frutices abijcior; mortemq; timere denuò; quam vix dum caueram, incipio. Non licuit tamen fallere. Nam canum odora sagacitas viciniam omnem peruagata, latrare, locumq; in suspicionem vocare, vsq; eò non destitit, dum ego me proditum videns, constitui extra vallum procedere, ac voluntariam deditionem facere. Sed

ipfi

ipsi me illi canes anteuertunt, factoque agmine in me turbulenti ruunt: hic pedes carpere, ille manus trahere; aliquis etiam auriculam vellere. Quibus iniurijs subegerunt, vel inuitum, exclamare; donec ab incurrentium iuuenum globo circumuentus, in lucem protraherer. Ibi cum indubiè moriendum mihi arbitrarer, oculos infelix attollo, & an ijdem prædones sint, requiro. Et ecce vos, id est, meos ciues esse, meosque familiares aduerto. Non suppetunt etiamnum verba, quibus animi, tunc mei, sensa declarem. Nempè ab oreo existere, & ad ipsam salutem redisse me credebam. Quid multa? Vos miserati infortunium meum, pro me in latrones vniuersi ijsstis: donec ex omni numero hunc adolescentem, ceteris fuga elapsis adepti, in hæc vincula, ac porro, quod opinor, ad supplicia reseruastis.

Dum hæc pluriq; mendacissimus accusator commemorat, nos oculis ad reum intentis, videmus magnis illum imbribus fluere, crebrisque singultibus aulam, atriumque implere; ac sæpenumero cœli fidem mutis suspirijs poscere. Tum ego ad LVCIVM, ecquis infelix hic est adolescentens? & quando huc perductus? Pridie, inquit LVCIVS, quàm tu venisti. Ceterùm peregrinus, & nēmini adhuc ciuium nostrorum notus. Ingemui; & eò cupiebam plura noscere; sed post quàm iudices adolescentem iussere, si quid vellet, dicere; placuit, omnibus omissis, auscultare. At ille non multis iam verbis, sed lacrymis causam auspicatus, hominum cœlitumque opem implorare, atque nul-

28.

*Innocē-
tis se ip-
sum de-
fenden-
tis ora-
tio.*

lius

lius criminis conscius se dicere perseuerabat; neque verò prædones, quos accusator fingeret, vnquam vidisse. Et profectò hunc hominis errorem fuisse, vt falsa imagine deceptus, infontem pro latrone haberet. Se ingenuo sanguine natum, non ita vixisse, vt malis aliquando artibus niteretur. Paucis antè diebus è terra Germania profectum, incolumem ad eam vsque siluulam peruenisse. Ibi cum in portu iam nauigare se crederet, ludente fortuna, demum naufragasse; & duos, cheu, suauissimos commilitones alterum post alterum; ac mox libertatem miserabiliter amisisse.

29.

*Amis-
sio socij agni-
tio.*

Ego simul de amissis socijs inaudij, cæpi erigere me ipse, & vocem ac vultum adolescentis iudicare, meumque iam ANTONIVM liquidò agnoscere. Igitur ANNIO, Perij, frater, inquam; hic enim ipse, quem videmus, meus planissimè comes est: hunc infelix nudius tertius amisi. Et quando per me præceps ijt, quin ocys exclamo, eiusque innocentiam testis defendo? Si vna lubet interire, inquit ANNIVS, potes. Nam id quidem vnum tu consequere. Dein' etiam nobis tua hæc misericordia incommodabit. Ceterùm omitte; certus nihil hic serium agi, Secundùm hæc quieui; & quid porrò fieret, attendi.

30.

Pergit commemorare ANTONIVS, quemadmodum sodalem à fouea haustum, prolapsumque amiserit; inaniter de mea clade sollicitus; sui periculi oblitus. Et vtique fame ac solitudine exanimatum credens, sæpè nequicquam appellabat;

con.

conscium virtutis suæ, testem innocentia: vsq; eò, vt lacrymas mihi copiosas infelix socius commoueret. Interim tamen oppidò gestiebam, & de GEORGIO cognoscere; quem alterum è patria comitem, mecum eduixeram. At ANTONIVS, me satis iam deplorato, ad illum ipsum conuersus. Dum opem, inquit, à vicinia postulare insistimus, & vterq; seu scalas apportare, seu funes inuenire satagimus, quibus tertium è lacu extrahamus, miseri in extrema silua vestros eminus clamores accipimus; simul faces tædasq; contuiti, copias esse FVRIARVM arbitramur; aut lemorum legiones, quibus intutum esset vel interdum occurrisse. Igitur nocte spectroque territi hac illacque diffugimus; inq; latebras nos abdere aliquas properantes, alterum alter amittimus. Et ille ad socium vtiq; est regressus Ego, deuotum caput, in hæc à vobis vincula compingor. In quibus quia causam dicere iubetis, nihil, quod dicam, inuenio; nisi, & vixisse insouentem, & perijsse. Inde in genua prolabi, precibusq; & lacrymis misericordiam ciere; & pluria. quæ tempus monebat, facere.

Sed illos tamen adeò non miserebat, vt sauiiores etiam insultarent; omnibusq; repudiatis, surdi cæciq; velut in Areopago sententias dicerent Postremò Prætorem videmus assurgere, positaque toga pronuntiare, vt adolescens latrocinij damnatus, mitiori supplicio, quàm mos maiorum sanxisset, cicutam hauriret. Quo dicto, Scipionem dimidiatum excussit, spemque omnem reliquæ salutis abruptit. Hic verò lamentari reus, & superos innocentia:

31.
Damna-
tio inno-
centis.

viadices poscere; querelisque & lacrymis omnia complere. Sed ministri omnes illicet properare, alij Iuuenem in editum pagma trahere; alij Libitinam adornare, & lectuli Sandapilam afferre: vnus deniq; cum poculo fatali & veneno accurrere. Tunc verò

————— *Exterritus amens*

Conclamo; nec enim potus perferre dolorem:

————— *nihil iste nec causus;*

Nec potuit; cœlum hoc, & lucida sidera testor.

Sed LVCIVS ANNIVSq; strangularunt vocem, ne latius exaudirer, perq; amici tam rogarunt, vt quiescerem; cum vtique potum ANTONIO nihil incommodaturum. Dum itaq; rogantibus pareo, luctantur ministri aliquot, cū capto, nolentemq; resupinant; & faucibus vi distentis, per orcam immaniter omne venenū infundunt.

52.

*Mors mi-
nica.*

Credebam miser iam occisum, & amissis sensibus sepultum: verū ille hausto poculo rursū exiliit; omnibusque in vnum conuersis, aliquamdiu cogitabundus ambulauit: ita vt tandem & mihi personatum esset, metum veneni inanem fuisse, nec aliud, quā mortem personatam. Quare gauisus, recreasti me, inquam, LVCI; nam demum intelligo frustra me timuisse. En viuit ANTONIVS; sibiq; superstes, inimicum funus elusit. Adhuc loquebar, quando eundem buxo pallidiorē tremere, ac velut vertigine actum conspicio vacillare, vaneq; morti obnitentem collabi; & pedibus extentis obrigesce-re. Confestim omnes effusissimè cachinnan-

nantes, rectè euenisse latroni vociferantur. Nec erat in tanto hominum foro, præter me vnum, qui doloris indicium, fateretur. Sic imponitur lectulo mortuus, tegeteque superobruitur.

Peractum ego iudicium rebar, & inani- 33.
 bus querelis socio mœstus parentabam, *Rusticus*
 cum alius à tergo clamor exoritur, qui *vnus di*
 rursus studia turbæ accendit. Præibat im- *ci ridicu*
 periosus lictor, plebemq; minacibus cubi- *lus rex*
 tis dimouebat. Sequebatur frequens pedi- *in iudi*
 tum acies, quam turma cataphracti equi- *ciū ad-*
 tis claudebat. In hoc omni choragio, ho- *ducitur.*
 mo paganus eminuit, cuius, vt proximè
 vultum consideravi, innox cum esse agnoui
 MENALCAM, quem pridè ludum ha-
 bueramus, cum è Rusticos Regem; indi-
 demque Rusticum altera metamorphosi
 fecimus. Nos cupidi nouitatis locum da-
 mus, medioq; circo hominem accipimus.
 Fit clamor, deprehensum Regiæ gazæ pe-
 cutatorem; adduci furem Antolyceum, cu-
 ius rapacitate vestiarium omne expila-
 tum; torques erepti, armillæ, annuli subla-
 ti: nihil postremò melioris fortunæ sit reli-
 ctum. Prodeunt testes; atq; hi suis se vidisse
 oculis iurant, quemadmodū MENAL-
 CAS vestitu Regio superbierit; illi pen-
 dentium torquium mexandros, & lucen-
 tes in digitis Smaragdos conspexisse se, &
 aureos armillarum hamulos agnouisse
 contestantur, certa furtorum argumenta.
 Ad extremum, facta dictaque omnia repe-
 tunt, quæ pridè illi excidissent. Quibus
 ille testimonijs conuictum se intelligens,
 vbetrimè lacrymauit; vera esse confessus,
 quæ obijcerentur; sed quemadmodum aut

acceperit eas opes, aut amiserit, istud ne-
tquam liquere. Modò fuisse, cùm somniū
crederet; modò in fortunatas insulas de-
portatum sese, ibique vestitum autumasse:
ibi novas tamen felicitates citius amiserit,
quàm reperisset. Quare si quid inscius
peccasset, neu id sibi fraudi foret. Contrà
alij perseverabant, neutquam parci opor-
tere. Rem & suopte ingenio esse nefar-
iam, & ad reliquos exemplo periculosam,
non rapere duntaxat vestes Principum,
sed etiam personas. Quid enim sub regio
schemate impune tentari fierique non
posse? Docuisse nuper eos, qui in celebri
mercato hisce artibus pessima facinora
fecerint. Ea iussere iudices narrare.

34. Tum Actor; Urbem, inquit, amnis al-
Varia- luit, institorum nobile emporium, quo
tas ho- primæ terrarum omnium merces impor-
minum, tantur. Ibi SERVVM vellera; ibi MILE-
in foro SIORVM lana; ibi TVRIORVM purpu-
compa- ra venumdantur. Quicquid in auro ful-
retium. get, aut in argento nitet, aut in gemmis
splendet, ibi omne emitur. Deniq; præter
Cælum ibi nihil non venale. Ibidem pe-
cuniæ honor tantus, vt inter aliquos deli-
beretur, de ara illi ponenda: etsi eam, pau-
corum intercessione nondum obtinuit.
Iam Mercatorum copia, iam emptorum
turba, quantam ne otiosus quidem nu-
meraret. Hic Æthiops occurrit, cui gen-
tilis in ore nobilitas. Hic Arabs ostendi-
tur, hic Sabæus vestitur, quos odor na-
tius occurrentibus prodit. Alibi Sarma-
tarum mystaces, alibi Sicambrorum cri-
nes ventilantur. Nunc Indorum stridor,
nunc Germanorum clamor auditur. Om-
nes

nes hi illuc confluunt, alij vt mercentur; alij vt negotientur; multi etiam vt furentur. In horum classe duo fuere, de quibus narrabo.

Vernæ appetebant nundinæ, & in rerum venalium copia, sola illos pecunia deficiebat. Circumspicientibus ergo, quid agerent, subiit, ingenia in mercatum acuere, astuq; merces inemptas comparare. Vterque ad rem illam attenti, suavisque commoda metiuntur. Et alter quidem SYNESIVS, mercatori cuidam prædiuiti comperiter esse in Galliam; eiq; rei scorteam hippoperam intruxisse, qua tria nummum anreorum millia transportaret. Resciit! agi hæc audijtq; omnia Synesius; atque extemplo similem & ipse bulgam apparat, eamque vilissimo pondere farcit, & quàm optimè potest, occludit. Inde, equo conscenso; appensaq; ad ephippij ponum crumena, breni alterum assequitur; nec ineleganti officio captum, comiter ad colloquium inuitat. Non repudiat comitem alter, præsertim eum, quem facundia commendaret. Cognito deinde, quo tenderet, vltro in societatem vocat. Hic exorari se passus, incipit rem suam agere, hominique se festiuitate insinuare. Et fortè sermocinantibus è timida gente lepusculus occurso; quem inani sibilo territum ludibundi auerterunt. Ibi SYNESIVS tempestiuè aggitur fabulam exponere; materiem ex re nata mutatus.

Nam virum, inquit, didici finisse, rei rusticæ gnarum, cetera plus nimio religiosum, & ex anili superstitione NVMMI:

35.
Socius;
insidiandi
causa.

36.
Leporem
& Leporum

*occurfus
supersti-
tiosè ac-
ceptus.*

qui seruolo sub vesperum edixerit, die po-
stero pransus paratus foret: velle se, vbi
primulùm diluculasset, lignatum exire,
cæduamq; siluam conuehere. Datum ac-
ceptumq; negotium. Iam nox pleraq; se
verterat, & crepusculum properabat in
diem; cùm surgit cubitu herus, seruumq;
equos iungere, ac vecturam operi ador-
nare pro imperio iubet. Expergitè auditur:
paretur, euehitur. Commodum emensi
pagum, & leporem conspiciantur, qui viam
transuersus intermeabat. Exclamat cum
digiti indicio seruus: & viden', inquit, vt
lepisculus hac procurrat? Rusticus, enim-
verò se vidisse, eaq; propter obnuntiare, ac
domuitionem suadere; quando inauspi-
catus esset leporum occurfus, & qui ser-
me rebus agundis sequiorem fortunam
minaretur. Ita cessatum ab opere facien-
do, id dici est. Alterum appetebat manè,
& alterum heri imperium: vectabulum
seruus pararet, seseq; in lignationem com-
poneret. Non moratus ille obsequium, si-
mul vt illuxit, iam in campos euasit: inibi,
quà pridie leporem viderat, iam & Lupum
videt. Territus auspicio, ocyter ad herum,
quid viderit. Ille albam hominis mentem
dicere, porroq; pergeret iudere. Nec enim
se in eiusmodi Lupo, nisi FORTVNÆ
FAVENTIAM agnoscere. Non potuit al-
ter, quin rideret; sed ne tamen hero pu-
gnaret, hoc igitur, inquit, agamus. Post
vbi in siluas peruentum est, Rusticus ab-
iungere, atque equi vnus capistrum ar-
bori iubet innodare, ne quo se equus
corripiat. Inde longiùs digressi cœpere
vterque.

— trifidas cuneis diffindere quer-
cu

Nauiter insudatum operi est, tenuitque ea
arborum cædes amplius horam, cum sub-
inde ad equos recurrit seruus; inuenitque
alterum duorum iam exanimem humiq;
effusum. Expalluit procul, & cassam
mali scrutatus, Lupum deprehendit inter
ipsa quadrupedis exta pabulantem, sese-
que ut Adiciali sagina pollucibiliter far-
cientem. Hic memor, quid super Lupo
recenter ineptierit herus, properè ad eun-
dem reuertit, vultuque hilariter ficto,
cùm rogaretur, ecquid alterum adducere
equum omisisset? Bene cum eo factum
res, ondit; nam in eius ventrem FORTY-
NÆ FAVENTIAM immigrasse. Icit
Rusticum atrocior iocus; quodque intem-
pestiue dixerat, cœpit suo fletu, & alie-
no risu expiare. His illum veterator fa-
bularum lenocinijs occupauit, multaque
tempori fallendo confingit.

Sub vespertum in eodem hospitio di-
uertunt, lauteq; accepti, inter vina fratres
fiunt. Post verò quam satis incaluerunt,
mentior em hic inserit de furtis; quem ad-
modum mille dolis nocturni Verres gras-
sentur, et arsupiaque excantent. Nam quid
ego memorem, quæ paucis abhinc annis
vsnuerint opulento cauponi? Vir erat
exactæ iam ætatis senex, quemque foras
spectare quotidie crederes. Magna illi
parèbat familia, & liberorum erat abun-
dè; nec alia res deerat, nisi vxor, quam
nuper extulerat. Igitur squallorem senex
retinebat, atq; dolenter in viduo cubili so-
lus noctes reliquas perseuerabat. Adieccere

37.
Fures
Mortē,
Cacoda-
monē, &
Genium
custodē
fingentes
auarum
senem
spoliant.

oculos aliqui Lauerniones ad huius fortun-
nas. Sed, quòd eum noctis stratagematis
inexpugnabilem senserunt (vt timida est
senectus omnis & cauta) nouos ingenij
delectus habuere: lustratoq; omnium frau-
dū exercitu, & vbi quisq; tēderet, decreto,
in hostē duxerunt. Tres erant exercitatis-
simi vultus nebulones, ad audendum quid-
uis proiecti, & si furacitatem spectares.

*Non erat AVTOLYCI tam piccata
manus.*

Veniunt hi sub vespere; urbem aiunt se
ex negotio petiisse; tantisper ibi hospites
fore, donec transigeretur. Cœnam ge-
nialem imperant; eamque in rem num-
mos asperos numerant optimi argenti.
Idem altero die faciunt; idem tertio: vt
crederet Caupò, Sementem illos argen-
team facere.

38.

Per eos dies otiosi omnes ædium angu-
los, & quid infirmum, quid validum vsquā
sit, explorunt: Iam Senis cubiculum, iam
arcas nummarias, aut si quod aliud auri
latibulum erat, sagaciter indagarant; cū
ex condicōto adoriri hostem conuenit. Cu-
ratis proin' lauta cœna corporibus, arma
sumunt, atque in aciem progressi, dum
caupo sui copiam faceret, sub signis con-
sistunt. Sub noctis alteram vigiliam, vt
rhonchi somnum cauponis prodiderunt,
ANDREAS (hoc vni nomen fuit) cū
leui armatura in cubiculum irrumpit:
MORTIS imaginem appposito schemate
mentitus. Linteum à capite in talos de-
fluebat; luridamq; ori personam faciebat
larua. Ipse ad hæc gradus grandire; &
læua sabuli vitream ampullam prætende-
re;

re; & dextra missile telum vibrare. Vbi cum hoc ornatu propter lectulum adstitit, mortuali stridore senem compellat, & migrandum statione denuntiat; simul horribili motu lectulum omnem tremefacit. Hic senex & nebula somni, & imagine spectri conturbatus tremere, voceque exanimi, moram dieculæ vnius flagitare. At MORS eò ferocior esse. Et

Hac (inquit) regios elisit hasta spiritus;

Hic muero Principes viros, hic Cæsares

*Ictu potente fodit. Idem pauperes
Euitas, idem diuites; dum sanguine
Promiscuo latatur. Hoc telo & tuum
Deniq; caput petetur. I. morte senex.*

Vix talia MORS tragico Sipario pronuntiarat, cum & MATHIAS irruit, alter hoc nomine latro, Cacodæmonem imitatus; quo plerumq; habitu nobis pingitur. Is turbidè in senem intuitus, inferis ait denotam hostiam se quærere; & esse iam paratum aduentori hospitium; iam Stygias thermas, & sudatorias cellas fernesce. Nihil nec spei superesse seniculo, nec moræ. Iret proin, & cupitum Orco pabulum fieret. Quid enim aliud tot vitæ scelera mereri? toties cum auaritiæ litasse; toties fænebrem pecuniam conflasse, Rursus aquæ iniurijs vina temerata; & hospitum marsupia mendacijs circumuenta; & milla talia, quorsum spectarent, nisi ad Tartarorum ergastula implenda? nec contentus hæc illi exprobrare; insuper manus in femianimem iniecit, remque, quàm tumultuosissimè

potest, agit. Inter quæ discrimina senex, superos inclamare, cœlitumque opem adversus Orcum virgere; nec non per inducias omnia promittere.

39.

Id videlicet ipsum non inani coniectura, futurum præsenſerat CONRADVS qui tertius in subsidijs tenebat, alitem cælestem indutus; ac proinde, vt tempestivū credidit, impulsis foribus & ipse intrauit seque anxio seni placidè ostendit. Nam simul adesse lætiorem fortunam conspexit, lacrymans contra hostes patrociniū rogavit, seque de cetero in eius vnius auctoritate futurum spondit. Tum verò CONRADVS, homine leniter increpito, atque, an aurum fraude partum reddi bere veller, interrogato, post quā affectu claves; omniaque sibi sensu permitti; ad Lethum Orcumq; conuertitur, atque omnem eorum vim iubet facessere, neque porrò ad alumnum suum accedere. Resipuisse iam illum à vita priori; stipeque multa auaritiā, & aliò item auro veterem vsuram redempturum. Negantibus illis; facturum, CONRADVS, at ego inquit, ipse, ne quod esse dubium possit, hic corā, quicquid alicui aris est tollam, suisque illud dominis clam restituam. Caupone ad hæc omnia annuente Genius arreptis clauibus, eras emunit, sinusque ampliter auro argentoque farcit. Neque MORS pecuniā aspernatur, sed per tenebras vagata, amplam auri crumenam corripit; & ORCVS, dum in cubiculo fuit, aliud auri pondus enertit. Seniculo inter hæc nihil hiscente, neq; peculi j seruandi, sed vitandi periculi studioſo.

Non

Non potuit hæc omnis tragædia familiam fallere: quæ ut strepitu excita, per herilis lectuli fores introspexit, inferis ibi conspectis, elato clamori viciniam implo-
ravit: domum funestis lemuribus obsessâ; herum morte stygeque circumuentum, aliaque, quæ metus vnicuique maiora fecerat. Nec segniter vicinia suppetias tulit: alij hastas, alij vectes, alij, quod cuique telum obuenerat, sumunt, amatique in ædes percurrunt. Ibi latrones sub onere deprehensi, de fuga nequicquam circumspiciunt. Iam enim altera obsidio cubiculum premebat, interceptaque itinera vigilijs sernabantur, versisque in auctores metus erat. Mors tamen, quo dolo vnum, eodem omnes consternari posse arbitrata, venit grallatorios gradus in urbem, reloque minaci aliquos sibi designat: Sed elusus continuo terror est, & MORS valido fuste secundum tempora feritur, humique collapsa pænissimè occiditur. Mox alius. Cacodæmonem.

incendia vana vomentem

Corripit in nedium complexus, & angit inhaerens:

nec prius iugulum strangulare, & ventrem poplitibus urgere destitit, quam ille se hominem confestus, ludibrium omne aperuit; vnaque cum morte & socio postride pependit. Ferunt lætissimum id ciuibas spectaculum fuisse; quod MORTEM in laqueo, & ORCVM in patibulo viderent.

His explicatis SYNESIVS. festiuè 41.
addidit; se alieno malo doctum, con- Callidus
fuisse iam olim sub noctem patrifamilias perâ cū

*praepara-
mutatis
dolus.*

fortunas suas committere. Simul caupo-
ni suam hippoperam offert; obsecratque
vti sollicitè à furibus defendat. Et nun-
quid, ait, idem & tu rogas, frater? cedò
huc etiam tuam; viroque optimo hanc
custodiam trade. Non abnuic alter, hospi-
tique nihil suspicanti, quàm communes
esse duorum sarcinas, depositum tradit.
Hospes ambos in cubiculum deducit; no-
ctenique, qualem cuperent, precatus, di-
scedit. Ibi ex tempore SYNESIVS, quid
suades, frater? nulle passus abest homo
nobilis, qui ducentos mihi nummos de-
bet. Non mittam cras, & tarda hominis
nomina aliquando exigam? Hic frater, si
tantulum, inquit, est viæ, quin ipse tu di-
luculò proficisceris? Nam magni refert,
nostra nos ipsi, an per alios agamus. Mihi
quoque cum consule negotium est: quòd
interim, donec tu redis, confectum ibo.
Opportunum id Synesio consilium fuit.
Quare non contumax, obsequar, inquit
ac planè cras, vti mones, abibo. Inde
somnia vterque aut capere, aut fingere
constitere. Nam SYNESIVS noctem om-
nem meditandis fraudibus impendit: po-
stea agrè galli cantum præstolatus, fur-
git; nec altero sentiente ad cauponem
adit; depositum reposcit; quid conuenerit,
quoq; proficiscatur, ostendit. Hospes in-
ter duas crumenas dubius, vtra huius il-
liusue esset: nec alterutrius interesse cre-
dens, simul vtramq; promit. At ille haud
perinde simplex, facilè alienam pro sua
corripit, atque opimo spolio potitus, in-
equum, inde in fugam intendit. Hic quid
alter egerit, postea quàm delusum se vidit,
tolo

volo vos per se quemque considerare. Certè SYNESIVS, effracto marsupio, vberem pecuniam inuenit, deque egestate securus triumphauit. Nec simplici tamen hoc furto contentus, fœnus indidem habere iam cupiebat.

Igitur comparatis rationibus, & fraudum centonibus instructus, ad illam quæ diximus; urbem peruenit; in primaria item taberna diuertit; & patrifamilias è turba seducto, quid sui consilij sit, ostendit. Se negotiatorem esse, atque illic plurculis diebus mansurum; pecuniæ suæ cautum velle. Si videretur, hanc sui operam gratificari, vt tria millia nummum assernaret; haud gratis facturum. Respondit hospes, velle; si aurum prius transnumeratum, probè signaretur. Ille pridem ad hæc euenta compositus, promit; aggrediturque pecuniam numerare. Erat aurum cum inuidia multum ac probum: vt satis intelligeret caupo, rem sibi esse cum homine pecunioso. At SYNESIVS postquam id omne in capsellam ligneam spectante hospite coniecit; lignoque triplici arctè reuinxit, postremò ceram miniatulam Hispaniensem educit. Deerat solùm ignis, quo cera liqueretur, linoque superfusa, signum reciperet: Eum, quæso te, inquit, iube à famulo huc aliquo inferri. Abit hospes, paulum atque à cubiculi foribus seruulum vocat. Interim capsam SYNEPSIVS deterrimè permutat: ac diuitem certè abstrudit adulterinam verò alteram è sinu depromit; plumbeis tantùm bracteolis granem; pondere autem aspectuq; simillimam priorì;

quippe

42.
*alia ars
 Mercurialis,
 aurum
 pro plūbo
 faciendi.*

quippe quam ex composito iam antè subornarat. Atque hæc omnia veterator dicto citiùs peragit. Regreditur à limine herus, sequitur cum lucente cereo famulus: nihil in capsâ mutatum, nihil in SYNESIO reperitur suspectum. Signatur annulo capsâ; traditur hospiti, locoque tutissimo includitur. Mox & SYNESIVS inter fercula poculaq; exultare; & hospes omnia rarissima ingerere, neuter nec parcere impensis, nec timere. Triduum valuit gratuitus luxus, & inempta commissatio: nec tamen ea potuit sagina totum impostorem explere.

43.
*Ingeniū
nihil
ementis
omnia.*

Nam quotidie per septa, perque omnes pergulas vagatus, si quid nobile prostraret arbitrabatur. Hic torques liceri, hic armillas æstimare; hic annulos emere; Sardonychas in omni mensa quærere, & precium magnis Iaspidibus facere. Quibus omnibus cum nomina apud diuersos ingentia fecisset, iussit vnumquemque se subsequi; in diuersorio soluturum. Ibi putatis rationibus, alijs sexcentos, trecentos alijs, centum vni, vni ducentos; ac nescio quæ minora alijs debere se cognoscit. Itaque ad illos, hic inquit, hospes meus, prædem se dabit, dum hoc triduo pecunia vobis numeretur. Hospes nihil aspernatus, per verò libenter, inquit, si vel alterum tantum exigatur. Creditores præde accepto, qui damnum præstaret, securi digrediuntur; SYNESIVS ad viuum & luxum; ab his denuo ad lucrum.

44.

Nam equo etiam, quem strigosum ode-
rat, diuendito Philippeos capit facile quadraginta. Alium emit nobili propagine,

&

& gente Neapolitanum, cum nitidissimo apparatu; aureis non minùs ducentis triginta; perque eundem cauponem creditori satis dat. Inter cœnam, ait, velle se die postero pro mœnibus equum experiri, &, si quid cursu valeat, videre. Laudat consilium hospes: alioquin fieri, ut se imposturis delusum serò sentiat. Nec enim vnâ equis omnibus indolem esse; quod aliqui lento soleant incessu superbire; alij inter alipedes volare; multi primo statim impetu succumbere: Eos autem omnibus præstare, qui leniter tutoque scssorem gestent; Cuius virtutis specimen capi utiq; debere. Igitur SYNESIVS equo magnificè instructo, cum vniuersa præda proficiscitur, nunquam rediturus; multasque vno compendio res consecutus, lautè plurimis diebus & gratis diuersatus; nummum duobus millibus ad prima spolia adiectis.

Vesper appetebat, & SYNESIVS nequiequam exspectabatur. Iamque alter dies, iamque tertius amisso diuersore abiciant, cum creditores vnâ omnes iruerent, aurumque postulare. Caupo, abisse, ait SYNESIVM, & quatrIduo iam frustra exspectari. Ille de SYNESIO, haud multum solliciti, prædam circumstant, &, quòd pro SYNESIO intercessisset, omnè ab illo pecuniam repetunt. Ille nihil adeò commotus, cum importunos videret, inq; ius vocari se audiret, omnia numina suomet arte dissoluit; & singraphis factis à se dimittit; satis sibi cautum arbitrans, dum capsulam vadaretur. Postea verò quam & ipse reditum capit desperare, per-

tæsus ad Pretorem abit, eique quid acciderit, ostendit: ut capsula resignetur, orat, quam auro plenam fugitiuus reliquerit. Exoratur Prætor; aperitur capsula: & ecce tibi, pro aureis plumbeæ lamellæ, miserabili ludibrio reperiuntur. Ità vaferrimo ingenio & patratum impunè fuit, & occultatum facinus. Verùm eo ipso tempore, quo SYNESIVS Cauponem hunc expilabat, alter eiusdem farinae tenebrio COSMVS, non minora ingenij documenta relinquebat.

46. *Vtile alijs, domino autem fallax & perniciosum dominum.* Is de amplissimi patrimonij ruina, quædam rudera cum reseruasset, quadrigam instruxerat, magnamque nebularum familiam nactus, in eundem mercatum accurreba; audacia vitæque desperatione tutus. Nam ut quemque sociorum industria scussit aut ingenio valere, alijs atque alijs præceptis continuò sibi obnoxios fecit: duosque satellites esse; duos cubiculo præesse, alios aliud curare iussos, secum in opulentissimam Urbem inexit. Nesciebant adhuc ij totius fallaciæ periodum, & quibus artibus rem moliretur Imperator suspectabant. Sed ille dudum inuento, quod ageret; ne religionem quoque pensi habebat, dum viam sibi ad furta sterneret. Nā vestibulis alicunde comparatis, quibus personatum præfulem ornaret, hæc denique commenta fabricauit.

47. Toto itinere, si qua rusticarum itinera, & plebis Abderitanæ tribulem conficeret, attendebat. Talem fortè in agro reperit arantem; forma habituque pinguem, cute nitida, atque ætate adhuc fermè pubescente. Circa erat solitudo, &

rei experiundæ magna spes. Iubet in loco omnes subsistere; ipse de curru desilit; cominus cum adolescente M O P S O (hoc infelici nomen erat) colloquitur: rogat multa liberè, auditque; dum denique cognito hominis stupore, miserari se ait eius conditionem, qui assiduo opere conficiatur, pecudumque ritu in silvis optimam ætatem patiatur senescere. Debere cum liberali seruitio brntam hanc captiuitatem mutare. Corpit ad hæc congemiscere MOPSVS, & ignaua manu caput scabere: vt facilè conijceret COSMVS, non deesse animum, si consilium suggereretur. Offert suam illi operam, hortaturque maturare, & dum nemo arbiter adsit, secum effugere. Nec auersatus hortantem stupor, se, si præsentibus meliora promittat, ait secuturum. Ille ad stomachum adolescentis appositè campos Elysios, & otij copiam, vinique perennem pluuiam pollicetur. Addit alia complura, quibus stolidum adolescentem inducit, vt stina temere deserta, currum inscendat, facturumque se omnia, quæ COSMO videatur, annuat. Quam ob rem, vt opportunum credidit, facili mendacio credulum decepit, vt attonso vertice rasoque togam insuper pullam iniiceret, deque bubulco, Sacrorum Antistes repentè appareret. Inde apud omne vnus in honore esse; toti familiæ vultu imperare; non nisi primis obsequijs identidem coli. At ne fabulam imperitus histrio corrumpere; si aliquando foret loquendum, his illum præceptis formauere. Daret operam, vt parcissimè loqueretur; ac nutu potius.

potius, quam verbo responderet; ita viros principes consueſſe. Id verò ante omnia meminisset, vt quicquid ab alijs rogaretur, eos recta ad COSMVM, qui aule præfectus esset, ablegaret: indidem responsa, indidem pecunias, indidem exigere omnia iuberet. Placuit adolescenti haud vulgare imperium; ac præsertim, vbi multa quotidie specimina dari aduertit, non vanæ ostentationis. Siue enim sitis prorsitaret, vini meraci erat abundè, siue famēs vrgeret, nihil deerat esculentorum.

48

Iam & COSMVS albam mentem satis perspexisse ratus, iter, quo instituérat, peragit, præmissoq; equite lautissimū vrbis diuersoriū conducit. Ait Cœnobij principis venire Antistitem, nomen causamq; appositè cōfingit, exspectationem vbique ingentem facit. Sequuntur, equites, quadriga, familia. Ad fores hospitij nihil officiorum omissum inter certantium comitum studia personatus histrio deducitur, inque conclaue compingitur, duo satellites foribus adstituti, in speciem custodiæ; re autem vera, ne quid inscio COSMO dici fierique possit. Secundum ea negotium cauponi datur, quid lautitiarum a culina, quid à cella in mensam dominicam apportet; quid familiæ deinde præparet. Nusquam neque operæ parcat, neq; impensæ. Quid singula necessum esse persequi? Cogitet sæpè, quem hospitem habeat; & satis nauiter acturum. Caupo statim omnes undique cupedias in focum, inque mensam cogere; cortem assiduam clade

clade examinare, & abrogatis Fannijs Di-
dijſque legibus cœnas plus Vitellianas, &
culinæ Neronianæ prandia inferre. Illi
omnes in vnum prodigi, hi ſcienter car-
pere, hi orbes eleganter ſupponere, ali-
qui pocula vinaque largiter ſuggerere; a-
liqui alia ambitioſè miniſtrare. Nec ve-
rò ipſe ſe MOPSVS deſeruit; ſed abdomi-
nus patrociniſuscepto, ſtrenuè quævis
haurit: miratus ſuam felicitatem, ve-
remque mendicitatem pertæſus. Abit in-
ter cuiſmodi ludos biduum, epulaſque
ſomnus, alteraque hunc prandia exce-
pere.

Cosmus exploratoribus toto mercatu
dimiſſis interim cognoscit, vbi quibuſque
rebus inſidiaretur. Adit Mercatorem tri-
bus famulis ſtipatus, telaſque aurei ar-
genteique faſtus magno numero designat
quas ſuum ait Antifſitem velle: licetur
omnia, rogatque tantisper ea ſeponi dum
poſtero die aſportentur. Inde alium ex al-
lio fallit, & vt quicquid ſumptuoſum vi-
dit, continuo einit, diemque ſuo tolleret,
conſtituit. Tum autem, quo ſuſpicionem
planè omnem remoueret; eò temeritatis
eſt progreſſus, vt præcipuæ nobilitatis a-
liquos, pridie quam diſcederet, conuiuio
inuitarit, ſplendido illo, atque ſupra ex-
pectationem lauto. Vbi ne perſonati ho-
minis inſcitia mimus proderetur, ſingulos
ſeorſim admonuit, cauèrent eum homine
imperito multis colloqui, eſſe truncum.
Hermam, neque vlla re, niſi diuitis illu-
ſtrem; in pago natum, togaque velut exa-
nimem ſtatuam amiſtum, mores originis
ſuæ etiam in magni nominis faſtidio reti-
nere;

nere : idque ipsos , quam primum illum
conspexerint , intellecturos . Super hæc
addit alia , quæ placuit . Creduntur om-
nia , atque altero die coeunt vocati , re-
cumbunt ; mirantur , inter ingenuæ mensæ
delicias , tam barbarum pectus ; neque
voracissimæ pecudis ingluuiem ; neque
muti conuiuatoris triste silentium , ni
COSMVS monuisset , capiebant . Rogant
subinde tamen , & histrionem venerati ,
quædam cum eo modestè fabulantur . Ille
hoc vnum peritè faciebat , vt omnia ad au-
læ suæ præfectum reijceret . Excipit ubi-
que COSMVS , disertisque mendacijs
nebulam offundit . Neque tam versutus
est aliquis , quem COSMI huius præstigiæ
non eludant . Ille ad omnium quæsitæ re-
spondere , ille ab argumento conuiuas ab-
ducere , & quo quemque vellet , artifex im-
pellere . Idem plerosque vrbānitate mira
ad se rapere , & quoties vsus esset , de vete-
rum historijs non inconcinne differere : vt
ceteri rusticanum Antistitem , vel hic cer-
tè sapuisse dicerent , quod virum tam co-
mem , sapientemque aulæ præfecisset , qui
vnus sciret & silentium domini purgare ,
& mores regere , & stultitias corrigere .
Postremò cum abundè famem exple-
set culina , de nouo magna cellæ vina-
riæ clades certatim affertur . Ab alijs
argentei sextarii pro culullis sorben-
tur ; ab alijs congiï velut hæminæ du-
cuntur . Multi urnas amphorasque si-
tiunt , & Campanæ vitis temulentiam
avidissimis gulis strangulant . Ad hæc
mimicus , quem dixi , præsul , lectissima
bellaria inscite populatur , manuque in-
crudi.

erudità iam nuces amygdalas haurit ; iam passularum aceruos, & sacchari moles totis cochlearibus vastat. Scires M. Porcii nepotem esse, & cum Grunuiò Coroccota, in pingui veruacò terram fodere. In ea omnium computatione COSMI vnus continentia miraculum erat : qui vini aut nihil biberet, aut aqua prius ita frangeret, vt eius certè furor exarmaretur. Quo consecutus ille est, vt ceteris temulentis, solus apud se esset, ingenioque liberrimè vteretur.

50
Hora erat dici nona, quam Germani tertiam solemus pomeridianam dicere. Sub illud tempus cum conuiuium esset solum, dedit commilitonibus in mandatis COSMVS, viderent, vt equi currusque ad posticas ædes instructi essent, suumque omnes nutum expectarent. Simul aliis aliò dimissis, coemptas pridè vndique comportat. Quicquid nobile erat vsquam, aut Babylonii texti, aut Serici filii ; aut Tyriæ telæ, aut Coæ rallæ, id omnibus tuncè tabernis aduolabat. Sequuntur ipsi met mercatores, & quo iussi erant loco conueniunt. COSMVS omnibus dexter occurrit, merces nuper emptas recognoscit ; iubet in suo illas cubiculo deponi. Ductis deinde rationibus, quæ apud quemque nomina contraxerit, conscribit. Ætis erat magnitudo grandis ; qua nihilo tamen terreri se magis ostendit, quam si triobulum deberet. Et mox, inquit, hæc omnia vobis nomina expediam. Cæterum auro malitis, an argento, id vestra nimirum interest. Hic aliqui aurum malle ; aliqui
Phi-

Philippeos cupere : ille se vtrisque obsecuturum dicere . Proinde ad herile cubiculum detecto capite suspensus accedit ; admotaque comminus autem iannam examinat . Mox ad creditores intuitus , iam exiturum se cum pecunia dicit . Inde ingreditur , ac nescio quid cum hominis trunco fabulatus , breui regreditur , lanceoque gradu , & sibilo tenui ceteris innuit , non quo strepitu somnum herilem perturbent . Nam is , inquit , è lautiori prandio potius , altum obdormiit ; neque ipso iam inscio depromi aurum potest . Sed satis scire se , breui crapulam edormiturum . Facerent itaque illi , quod consultissimum foret ; & vel par horarum interim otiosi præstolarentur ; vel tantulo post intervallo redirent . Esse hanc pecudis consuetudinem , ut claves ad comineatum argentarium etiam ebrui asservaret . Dixit hoc ea constantia impostor , ut rem esse omnes crederent . Quare convenit in præsens recedere , tribusque post horis rursus adesse . Vix pedem ædibus extulerant , cum properare COSMVS , emptaque omnia iussit in equos currusque imponere . Tum sensim alij post alios rarescere , perque pseudothyron totus cœpit totus comitatus evadere . Quæ quidem res neque hospitem aliquamdiu aduertit , & MOPSVS nihil metuens , suam adhuc felicitatem mirabatur .

51. Inter hæc appetebat vesper , & mercatores vna omnes ad conditum veniebant . Circumspiciant ; nulla usquam familia : expectant , inanis mora : cubiculo frequentes obuersantur , rursi que crebra somnum

in-

inquietant : mortua omnia . Demum incipiunt timida manu fores cedere , paucique ad vestitum stipitem introgressi , vident inter vitra & calices hyænam stertere ; venerati tamen helluonem , atque ut hanc sibi veniam daret , precati , cui rei adfuit , demonstrant . Ille Psittacus germanus , quam vnam vocem didicisset , reddit : Irent atque familiæ præfectum consulerent . Nihil illi repugnant , sed foras egressi , rursus COSMVM , rursus comitatum requirunt , Caupo suam quoque vicem anxius , ad stabulum decurrit ; nullisque ibi neque equis , neque currui inuentis , horrendum inclamat . COSMI cubiculum effringitur ; nullus vsquam COSMVS , nulla prædonum relicta spolia : ad ciccum omnia sublata , fugam manifesto prodidere . Hic iam nihil habere modesti , sed periculo admoniti , in diætam quisque certatim ruere , preciumque tot rerum ab vno MOPSO reposcere . Tenet ille suum solenne ; & quo imperio semper se defenderat , importunos ad aulæ præfectum ablegat . Atqui is , inquiunt , dudum fuga elapsus , omnem secum familiam abduxit . Equi , currus merciumque tantarum sarcinæ , quas in tuum nomen coemerat , nusquam conspiciuntur . Ingentia duntaxat debita reliquere . Tria huic nummum millia , alia totidem isti ; sex alia alijs debentur . Sed in familiæ fuga , hoc certè commodi habemus , quòd non eadem perfidia & tu fuisti , Omnes vno te non inuento perieramus . At MOPSVS , etsi stupidissimum pecus erat , porro non dubitabat , quia ludibrium COSMO fuisset : & nimirum

mirum huc spectasse, illam obsequiorum
fabulam, ut ipse furti obfes relinqueretur,
vadimoniumq; in laqueo obiret; nec præ-
sulem illos, sed prædem quæsisse, qui iu-
gulo suo damna sarciret. Quare misera-
biliter illacrimans, cœpit vestes à se mimi-
cas proijcere, & tonsum verticem emor-
tuis vnguibus sulcare, palamque omnibus
quis esset, & quemadmodum illam perso-
nam induisset, ostendere. At certè inson-
tem se esse, ac temerè inductum, ut MOP-
SO deposito Antistitem mentiretur Par-
cerent proin' homini rustico, neque iube-
rent furti exortem, supplicij vadem esse.
Præter hæc, lamentis clamoribusque om-
nia complebat. Sed creditores obstupefa-
cti, post quàm intertrimentum accepisse se
senserunt, conuitijs in illum debacchari,
rapi in vincula impostorem iusserunt.
Quem biduò post Iudex, querelis susque,
deque habitis patibulo affixit? ac ne quis
supplicio titulus deesset, hunc appendit
litteris Romanis, antiquis scriptum; LVIT
LAQVEO, QVI PVGNAVIT DO-
LO.

§ 2
*Fictè ac-
cusati fi-
cta dam-
natio, &
fictū sup-
plicium.*

Hæc ubi accusator ingenti garrulitate
recensuit, concio frequens exclamat, &
huius impostoris haud dispar erimen es-
se: ac nisi MENALCAS damnaretur, im-
punè quemuis in Regio ornatu peccatu-
rum. Conferunt mox capita inter se iu-
dices, prætorique tabulam suggerunt. In
quam dum ille funestum TETHA inge-
rit, altum est ubique silentium. Paullò post
hanc de scripto sententiã pronuntiat ME-
NALCAS Melibæi F. Tityri N. quòd te-
stimonij victus, purpurâ sibi, anulos, tor-
ques

ques, æmillas furto quæsiit, palamq; gessit;
nec origenis memor, REGNUM de corte
ambiit; insidias Regi, Regioque nomini
fecit, ea de re MENALCAS, aut resti-
strangulator, aut feris obijcitor, aut vene-
no necator. Harum illi mortium optio e-
sto, Hic multa MENALCAS inaniter la-
mentatus, quæ singula referre, precium
mihi non est, cum in libera optione nihil,
quod esset optandum, videret; postremo
quod mitius credidit, venenum elegit,
cunctisque spectantibus perhausit. Con-
festim illi vertigo, tum caligo, tum lapsus;
tum sensibus amissis, sopor, mortisque
simillima quies.

Quibus omnibus rebus, etsi haud pa-
rum commouebam; ANTONII tamen,
mei, quæ reperti, quæ perempti recorda-
tio superabat. Neque nullus etiam dolor
erat, cogitare quid GEORGIO meo fie-
ret? Quid enim si & illum, inquiebam, par
calamitas absorbuit? aut certe dum salu-
tem mihi quæsiit, suam ipse sibi amisit?
Nimirum hæc viæ nostræ sunt diuortia!
hæc infortunia inauspicatæ peregrinatio-
nis! me fouea sepeliit; ANTONIVM
venenum extinxit GEORGIUM error
certè aliquis fefellit. Iam in communi cla-
de, sui quisque obliti, alter alterum deploro-
ramus.

Vix ea mecum lamenta peregeram;
cùm noua in theatrum scena inducitur:
quatuor validi Carnifices, quorū ora per-
sonis tegebantur. Hi furcam extemporalē
atque humilem erigunt; miserumq; ME-
NALCAM, tametsi iam aut vi veneni, aut
ludibrio somni, exanimem, vniuersi

circumstant; atque vndique ita vinciunt, ut subdito pedibus loro, & utrimque ad alas perducto, totum corpus arctissimè esset fasciatum. A quo deinde loro laqueum nexuere, qui ingulo non tacto, molem corporis omnem de furca suspenderet. In tam tristi aspectu & iacentis cadaueris, & pendentis, risus omnium spectatorum ebulliebat. Ut planè subiret, ipsis etiam Crocodilis esse crudeliores; quos humanis aiunt funeribus ita saginari, ut tamen illacrimentur. Isti faciunt cædes, & rident. At LVCIVS, minùs tu sæuos inquit, appellabis, ubi iudicium totum peregerint. Ergone, inquam, aliud restat crudelitatis, quod porro sit innocentiae luendum? Et parum his Arcopagitis est, duo inter ludos funera fecisse? Ego, ne erres, odi barbariem; atque hinc abeo. Tenuit inuitum ANNIVS; &, quæso te, inquit, an potes nescire hanc illis fabulam agi? Impera dolori; ne & tu in partem ludibrij rapiare. Nam hoc fieri olim memini, ut quem prætor ad alterius plagas viderat ingemuisse, eum arripi, atque flagris animaduerti iuberet: imbellem dictitans virum, qui spectare fortiter non posset, quod pueri Spartiæ paterentur. Auctoravit me deinde LVCIVS, ut inter reliquæ insanix spectacula duraturum me promitterem. Cuius me facti mox pœnituit.

5.
*Nonaper
 ludū in-
 nocentis
 accusatio.*

Hæc enim dum inter nos paciscimur, & exanimis MENALCAS, eo, quo dixi, laqueo suspenditur; tertia quædam victima in stultitiæ Circum raptatur: iuuenis, quod apparebat, non è plebe. Qui postquam manantibus lacrymis, spectantium opem

opem implorauit; ego exilio amens, vocemque & ora GEORGII mei pallidus agnosco; quem alterum nuper infausti itineris & testem, & comitem duxeram. Is flebili oratione, suam sociorumque miseriam persecutus; alterum, aiebat, alta quadam voragine haustum, alterum, dum in diuersa latibula se metu abstruserint, amissum; se nullius criminis conscium, in ea vincula esse abstractum. Minus tamen suo, quàm optimorum comitum periculo moueri. Illum enim inter dumeta, viæque errores, nusquam fortassis exitum reperisse: Illum autem triduo siti fameque cruciatum, quid nisi in sepulchro animam utique exhalasse? Quæ tamen omina, si suo possint capite expiari nulla se, tametsi infontem, supplicia formidare. Hæc talia GEORGIVS. Contrà accusator, homo fingendi dicendique artifex, ea perinde omnia disertè eleuabat. Diffidere illum causæ, atque hos sceleri suo colores iniicere; idque ipsum per hos dies in carcere factitasse. Ceterum sibi satis constare, quos ille comites aut lapsu diceret, aut metu amissos, eos illum sua manu iugulasse, mox cadavera in fossas, aut inter senticeta, ne cædes prodere-tur, abiecisse. Nam in suburbana certè fouea hominem heri repertum nuntiari, non fame, quod is fingeret peremptum; sed fracta ceruice lividaque facie deformem; ut quem lapidibus appareret obrutum esse, aut fustibus occisum. Et a quo alio id fieri potuisse, quam à GEORGIO, qui eo ipso loco prolapsus in foueam fratrem fateatur?

tur? Quem tamen, si tormentis subdatur, breui a se deiectum fuisse, sit confessurus. Ad hæc accusatoris mendacia GEORGIUS (vt qui me planè repertum crederet) vociferari, meumque nomen supremis questibus repetere; & quando pro te, inquit, oppetere non potui, tecum certè, mi frater occumbam. Simul ad Iudices, agerent, quod videretur: se enim charissimo capiti esse superstitem nolle.

56.

Nihil potuit vnquam mihi tristius videri, quàm in ea rerum facie GEORGIO meam opem negare. Quam ob rem ANNIO, ostendam hic viuere me, ANNI, & meum GEORGIUM absolvam? Hoccine, inquit ANNIVS, est quod promissisti? Quin taces; & innoxiam hanc fabulam ad quintum perducere actum concedis? Hilum isti omnes nunquam vnum amittent. Secus tu, illis, quanto optimè voles, pessimè consules. Impetras hoc à me, inquam, ANNI, quod alius a me nemo. Ecce mutum. Pergebat interim perorare causam actor; reumque turbidè, ecquo loco alterum comitem amiserit? rogabat. Cùm ille, quod res erat, respondisset, actor, hoc, inquit, est, quod dixi? Comitem occidisti, Et cum dicto, ad funebrem lectulum adducit, vultuque reiecto. Ecquid olim hunc nouerit, scitatur. Videt suum GEORGIUS Antonium; mortuumque ratus, humi prosteruitur, & semianimis vocem cum colore amittit. Postremò vt ex pauore ad se redijt, denuò multa super ANTONIO questus, nullam se viuendi causam de cetero habere dixit, quando
duos

duos in vita suauissimos homines perdidisset. Verum iudices, ut paucis concludam; eodem supplicio damnandum censeret GEORGIUM, quo damnatum fuisse ANTONIUM diximus. Nec mora, pronuntiatur sententia; affertur cicuta; occiditur innocentia. In hunc modum ubi GEORGIUS pro mortuo succubuit; iudices velut difficili causa defuncti, ex iure discedunt. Et Prætor duorum Iuuenum cadauera singulis in lectis componi, atque iuxtim in amplissima quadam aula iubet collocari. Rusticam id loci suspensum in patibulo relinqui; atque utrobique arbitros esse, qui clanculo fabulæ huic catastrophæ considerent. Paretur edicto. Alii alias stationes uacti. Ego & mei ab HERMIO ducimur; unde opportunè utramque scenam licuit contemplari.

Cubiculum id erat HERMII; qui nobilissimus inter Palatinos, proximè Principis diætam habitabat. Ibi paulisper assédimus, & diuersa quædam familiariter altercati, videmus famulos cum mensa bellarijs instructa ad nos ingredi, ac promulsidem in aurea patera circumferre. HERMIVS, hoc, inquit, ientaculo famem interim placabimus, donec rectam vespere habeamus. Nemo nostrum abnuebat, neque me commiseratio usque adeo tenebat, ut meimet oblitus de siti non cogitarem. Itaque dum falernæ vindemiæ rorem iucundissimo lepore temperamus, duasque horas ipsas in iure matutino ducimus; venit HERMII seruulus vnus, ora frontemque lacer, ac cetera tam torus, ut

57
Locus spe
standi
speculil
dibrium.

crederemus acetum bibisse. Sciscitatur HERMIVS, quibus vnguibus frontem fædarit? Seruulus plenus stomachi, Quacunque his, inquit, diebus ab eo, mihi stultitiæ aut mater occurrit, aut pullus. Nam lotus hodie complutusque veni in forum: adiungit se mihi homo impensè garrulus: Cui ego. Quid tu, inquam, ad me? Ille, cum simillimi simus, quid ni iungeremur? Respicio, & ore hominis conspecto larvam credo me, non hominem videre. Et, cho tu, inquam, adeon' ego deformis tibi, vt fratrem agnoscas? Ille, omnino gemellum: & duos vtique

———— *fratres Helena lucida sidera*
 Damnabam hos ego Mænechmos, & meum mihi os leni manu deterfi, ne quid peregrinæ fuliginis inscio hæsisset. At ille specillum mihi obuertens, iussit ab illo me arbitro.

iudicium Paridis spretaq; formæ testimonium capere. Inspicio ex aduersus: video fuliginem toto ore sparsam, quantum nemo olim Salassius induit, cum toto die fumantes caminos perrepsit. Proinde vehementer erubui, quantum erubescere atrato licuit, & recta ad salientem accurro, caputque omne ter viuo flumine abluo. Reuersus inde ad speculum; credidi memet atramento; aut in loliginis sepia lauisse. Rursus ergo ad undam: rursus ad speculum, semper me ipso deformior, & hoc toties, donec omnem a fronte cutem deterfi, & sanguine meo nigredinem confudi. Interim circumstantes mirari, quid toties ad fontem recurrerem: & vtique non vul-

tum mihi purgandum, sed cerebrum dicere. Ego hanc ipsam stultitiæ opinionem augere, cum ex obuijs identidem scitater, an adhuc turpis essem? Quid multa? Speculi sui mendacio me homo impostor, ridiculum vrbi facit. Si paululum perrexisset, nescio quem ex me alium facturum. Certè Palladem non fecisset.

Risimus festiuam iniuriam: cum interrim exoritur repentinus per atria clamor. Nos in fenestras ruimus, indidem fæminam videmus, capillos iratis manibus conuellere; pectusque non perfunctorio luctu plangere. Villica erat, eius ipsius MENALCÆ vxor, quem suspendiarium factum diximus. Nam simul audiit maritum in furcam isse, sui impos aduolauit, coniugemque magnis vlulatibus requisit. Eundem vbi sublimem conspexit, enimuero tum fæmina insanire, MENALCAM vociferant ingeminare; se suosque liberos iam demum infelices dicere, qui tali aut coniuge, aut parente priuarentur. Eum vnum fuisse bonum patremfamilias, & maritorum, Rusticorumque nouissimū exemplum: cum eodem omnem probitatem esse iugulatam. Cæpit deinde vel cadauer sibi deposcere, quando virum recipere non liceret.

Quibus insanis clamoribus non solum omnem viciniam concibat, sed ipsum etiam maritum ab altissimo sopore (hætenus enim venenum serpserrat) excitabat. Nam ille discussa lethargi nebula languentes primum attollit oculos; eosque vel lacrymis pedem confusos, tenaci sensu glutine impediri, digito detergere cogitat:

58
Vxoris,
ob suspensum
maritum
lamenta.]

59
Suspendiosus re-
uiuiscens
& cum
uxore
sua è pa-
ribulo
colloquens.

sentit manus à tergo ligari . Exilire dein' ab humo, seseq; erigere moliens , aduertit laque collum vinciri;denique corpus omne in aere librari . Et mirum ipsi videbatur, quomodo mortuus in patibulum ascēdisset ? Pòst etiam circumspicit , vxoremque humi videt eiulantem . Nec vltra se tenuit mortuus, quin Vrsulam suam compellaret . Atque, ò mea, inquit, Caia, quam luberet colloqui tecum, nisi mortuus iam silerem . Aut tu me paucis abhinc horis, si hic fuisses, viuum adhuc repereras . Nunc quando immaniter sum iugulatus, neque loqui præterea queo ; quin tu certè Caia loquere ; & cùm subinde ad me inuises , quæ domi agantur , narra . Num segetes maturæ, & quando metendæ? nam serui in opere faciendo gnaui ? & hoc genus alia, quæ mea interest scire . Tum etiam vbi redieris, vide cibos identidem afferas , & cirneam vini . Nam pòstquam cœpi inter mortuos esse, etsi valdè sitio, nihil tamen est huius ad me allatum . Villica , cùm à furca fabulari mortuum audiret , pauida velut ab infernis spectris refugiebat . Tum verò , vt vini quoq; mentionem accepit , misericordia in iram versa : restitit omnibusque conuitijs suspendiarium oneravit . Viuentem , per vrbis popinas stabulaque semper errasse, nullum diem à comestationibus poculisque vacuum reliquisse, ijsque tam funestis artibus, peculium omne conturbasse ; nunc etiam mortuum adhuc sitire ? Id verò pessimo exemplo fieri . Vix liberis iam viuentibus, vnde alantur , reliquum esse ; quid futurum , si sua & mortuis annona sit procuranda . Igitur mille in-

insuper laqueos imprecata, parabat è loco discedere; ibi nuntiatur forminę, decretum esse iudicibus, virum in eius gratiam vitę libertatique restituere. Sed illa contentis precibus eam gratiam deprecata, eiulans orabat, ne madidum lutionem in vitam reuocarent, à quo mortuo suam ipsa crumenam ægrè defenderet; eum certè simul laqueo videret expeditum, se ad laqueum decursuram. At maritus, si viverem, inquit, hæc mihi tu vipera impudè non insanires. Dixit deinde egitque talia MENALCAS, quæ ridere etiam Crassi, & spectare HERACLITI voluissent.

Nouissimè mandatum dedit nobilitas, 60.
 vt de furca denuo deponeretur. Vbi plus *Sordidiss*
 pænè laboratum est, vt viuere MENAL- *me ebrj*
 CAS se crederet, quàm antè, vt mori vel- *schama.*
 let. Quanquam ad extremum ei persuasit pecunia, quam Princeps iniurię sarcien-
 dæ dari iusserat, Ea sumpta, vt viuentis specimen, aut daret, aut caperet MENAL-
 CAS, non distulit ad cauponam accurre-
 re, neque prius inde excedere, quam in po-
 tu omnis pecunia decoqueretur. Nam
 eodem adhuc die LVCII seruulus, cùm
 præter porticum publicam præteriret,
 eum vidit in sordido fimeto decumbere,
 vbi mollem sibi culcittam, & odoriferum
 puluim iam potus quæsierat. Iacebat
 autem cetera sepultus, ac solo capite ex
 plumis suillis extabat; mortuus omnino,
 nisi rhonchi viuentis indicium facerent,
 tanti, qui ad alterum pænè lapidem ex-
 audirentur. Erat os oblitum sarcimi-
 nis aruina, & cereuisia saliu labra ebria
 spumabant; & halitus inde, quantus

ex Ætne furno . Id temporis per viciniā
canis errare, & ossa al cubi visus est in-
merendam quærere . Commodum is ad
hanc quoque popinam delatus , aduertit
in simeto feram iacere ; & porcum vique
ratus, non magnopere effrauit . Subit ergo
& adipem ebrijoris exserta lingua per-
humaniter detergit, omnemque pingue-
dinem officiosè lingit . Contactu pertur-
batus MENALCAS, cepit in somnio ton-
so rem putare, qui mentum sibi barbamq;
non sanè per pectinem, rasitaret . Quare,
quæso te, inquit, Magister, mitius age, bar-
bamque mihi non omnem tam strictim
adrade . Simul è stomachi culina frustra
aliquot semesa largirer regerebat . Quæ
omnia canis , seu liberale congiarium na-
ctus, pergit lambere, hominique ad os ex-
tergendum , suum linguæ sudarium ac-
commodare, nec ab officio prius abstinere,
quam ille de somno excitatus, vidit quàm
bellum alumnulum nutrire .

61

*Philippi
atq; socio-
rum ino-
pinatus
conuētus
& agni-
tio, ac la-
titia.*

Verum hæc, quæ dixi, dum in atrio pa-
latij geruntur , haud minor in aulæ inte-
rioris diæta mutatio conspicitur; Nam ibi
& ANTONIVS meus, (quem è duobus
priorem, simulata mors sopierat) remittente
veneno, euigilabat. Is diu stupidus, atq;
vbi locorum degeret, ignarus, cum timi-
dè omnia circumspexisset, tandem viuere
se agnoscebat . Et insperata salute gauisus ,
è lectulo profilit; vocemque colligit, ma-
gno miraculo stupefactam . Sed ei cum
nusquam vllus occurreret, quem consi-
lium rogare dubius posset: aduertit pal-
lidum iuxta se funus recumbere . In-
quod ille propius intuens suum continuo

GEOR-

GEORGIVM videt , socium nuper in fuga amissum , seque inscio captum , atque ludicro item iudicio neotatum . Quare ; damnatis iterum gaudijs , incipit optimum sodalem deplorare . Et nempe in hoc , miser , inquit , reuixisti , vt GEORGII tui tristissimum funus aspiceres ? In qua voce , defectus super illum incidit , longoque lessio amicissimum comitem plauxit ; deuò aut mortuum luctu crederes , aut moriturum . Sed enim res multò aliter euenit . Quippè superincumbente socio GEORGIUS ; paullatim incaluit , ruptisq; somni inducijs , vigiles oculos erigens , ANTONIVM sibi vidit incumbentem , cum , quem paucis antè horis exanimem in theatro conspexerat . Ac primùm Morphei ludos , & inanem somnij vmbra ratus , vehementer inhorruit . Tandem vt oculorum fides aliquando constitit , dirigit visu in medio , & longo post tempore , verane refacies , inquit , ANTONI ? viuissne ? aut si lux alma recessit , PHILIPPVS ubi est ? Dixit ; & pristini doloris immemor ; in complexum ijt ANTONII ; alterque alteri reditum in vitam amicissimè gratulati , nulla porrò cura cruciabantur , quàm quod me adhuc vno carebant . Id solùm gaudij magnitudinem temperabat . Quibus ego de me sollicitis repentè conspicuus , in aulam irrumpo , elatisque clamoribus ad ambos ,

Vino equidem , Vitamque extrema per omnia ducō ;

Hec quis nos casus ? qua vis immanibus oris

Applicat ?

nec plura locutus, alterum dextra, sæuial-
 terum comprehendo, & duo mihi carissi-
 ma capita arctissimo nexu adstringo. Ce-
 teri quoque commilitones cum ANNIO
 LVCIOque accurrunt, & nos lætitia ge-
 stientes vniuersi circumstant. Deinde vt
 nouos hospites HERMIVS salutauit, in
 idem cubiculum, vnde tragœdiam specta-
 uerat, omnes reducit. Ibi postea quam
 Socios tandem eluxi, gratulabundi cœpi-
 mus inter nos, quid cuique seorsim eue-
 nerit, recensere. Ego meo in fouea metui,
 & Vrsi adiacentis contubernio quæque a-
 lia per noctem contigere, denarratis; ad
 GEORGIVM ANTONIVMque, nempe
 vos, inquam, in illo me Tulliano reliqui-
 stis; vbi nihil deerat, quam vt Tullius ali-
 quis hunc Lentulum indicta causâ iugu-
 laret.

V T O P I Æ
 D I D A C I
 BEMARDINI.

LIBER SEXTVS.

I.

Noctur-
 na cōsa-
 bulatio.
 nis pro-
 tractio.

HÆc talia cum Philippus, prius utiq;
 sæpè meditata, nusquam interrup-
 to sermone facundissimè retulisset, nox ad vmbilicum iam erat. Videbatur
 illi proin^{us} tempus ipsum somnos suadere.

Et

Et eramus fatigati ambulando . Sub proximam ergo arborem in herbas abiecti , quiescere paulisper volebamus , sed non finit curiositas esse quietos . Igitur , quid postea factum est ? inquit Hugo . Postea facta est nox , ait Philippus . Nempe , in vulgo , hæc est omnium fabularum clausula , ait Hugo . Sed omitte iocum , fabulam pertexe . Mox Philippus : si mihi , ait , somnum non concedis , quin Bemardino aut horam dormiendi , aut dicendi das locum ? Tum ego , Videris mihi Philippe , inquebam , non nosse ingenium meum , qui nudius tertius me meridianam oppressisti , nunc media nocte miseraris vigilantem ? Ego de illo hominum genere sum ; quod , cum nihil negotij habet , dormit ; semper vigilat , cum occupatur . Et aures meæ tam citò non lassantur , ac pedes ; præsertim quando placet , quod audiunt . Igitur dicendi locum non postulo , & te dicente , non dormio . Ecce , inque , atque precariam hanc mihi operam dabo , quando Cimerium meum iter adeò scitè extraxisti , ut vel Philippus in Bemardino , vel Bemardinus in Philippo locutus videatur . Ut plena vasa citò liquorem profundunt , ubi via laxatur , sic Philippus , in quo fabulæ adhuc multæ bulliebant , facta dicendi potestate , summam repetiit , quod supra de HERMII cubiculo , deque ANII & LVCII casibus , suoque in fouea metu , & vrsu & carcere memorauerat , ita rei seriem continuauit .

Post has fortunas meas , cum me à GEORGIO ANTONIOq; relictū questus esse , excepit ANTONIVS , lōgeq; tristiora
2.
Quomodo initio per-

deræ vestiebant. Nec argumentum suspicioni deerat, aniina fatens, quæ temulento halitu odorem vini circumquaque differre, meque ebrij rictus graueolentia tanto incipiebat intervallo occidere. Igitur sudario nares offercio, & quid præterea fiat obseruo. Hic ecce tibi, quæ campi planities porrigitur, agmē omne consistit; & modò in orbem circumfusi vauissimas artes ostentare; modò in partes digressi ex aduerso concurrere: iterum vt si choros ducerent, lasciuire: Mox manuum plausu vna omnes visi adstrepere, mox ab intemperanti risu in silentium omnes coniuare.

Inter hæc aliquis draconem è serico factum, cum volanti symate ventis permittit; oni tenui filo retentus, celeriter ad nubes vsque eueghi; rursumque præceps ferri fulminis in ritum cernebatur. Ab alia parte aquilam ars eadem suspenderat, cum dracone committendam. In hunc illa ferocior insilire, & ungues visa rostrumque acuerè. Ille oculis micantibus excandescere, & iam linguæ cuspidem vibrare, iam ignes è fancib. spargere: iucundo quidem spectaculo, si oculorum libertas esset, Nunc mihi omnia metuenti nihil adeò placebat, vt formidinem posset temperare: etsi imperabam mihi tamen vt durarem, &, quò euasura comedia esset, viderem. Iam atrociter aliquamdiu pugnatum in aere erat, & aquilam validior hostis fugarat; cum repente missiles volare ignes, & malleoli per inania currere, globique flammei conspiciuntur in nubibus errare. Nec vnus erat ignium

3.
Ignes
missiles.

ignium aspectus. Alij enim cum ad summa perneciter euolassent, inter horrenda tonitrua disrupti quaquaversum exsilire, piceisque imbribus impunè depluerant. Alij per arcum spatia curuati, aut oblique per aera gyrati glandes innumeras fertili partu profudere; ut mirarer ab vna matre tot erumpere liberos posse. Sed præcipuè erant ignes, qui, cum in sublimi relucere. Leonum imagines aut Vrsorum facies perspicuè repræsentabant. Vno etiam VTOPIORVM insignia sic exprimebantur, ut peritum oportuerit Appellem esse, qui tam scienter in igne pingeret.

4.
*Ridicula
capiendi
occafio.*

Verùm ego dum in hanc spectaculorum voluptatem totus inhio, fortè Scinrus cum Catulis tribus supra caput è nidulo profilit, totaque arbore perreptans tumultuatur. Mihi lamia visæ sunt cum pullis persultare, aut Orci soboles iuxta me nidulari. Ita priùs quàm animo constarem, amens exclamo: Simul cedente pedis vestigio ruere incipiebam, nisi fortè ramum grandiusculum complexus, vtraque manu inhæsissem: cetera planè suspensus, & nisi quòd carnifex deerat, iam damnatus. Illico totam aciem, & timentis clamor, & fragor labentis in me vnum convertit. Qui pendulum aliquamdiu, ad motis facibus, contemplati cum festinè in me multa dixissent, nomen patriamque sciscitantur. Ego, ne in eculei quæstione torquerer, tametsi omnia confitebar, nemini tamen persuadebam. Sed pro latrone habitum, sapuisse aiebant, qui vltro ad laqueum fugerim, & in ea
furca

furca latrocinium expiare properarim. Quia verò nondum eius artificij gnarum me videant, se operam mihi adiutabilem duros, & carnificem multò peritiorum ostensuros. Ità perterritum de furca deripiunt; iniectisque vinculis, eò, quò videritis, pertrahunt. Atqui hæc procœmia solum calamitatis eius fuerunt, cuius vos hodie catastropham spectastis. Quæ enim medio intervallo acciderint; deinceps memorabo.

Cùm à venatu me in urbem abstraherent, cæperunt capite obnupto, ne quid me agnoscerem, omnibus ostentui habere, & cachinnis ludisque fatigati, nescio quas in ædes postremò compingere. Ibi splenijs oculorum abiectis ut circumspexi, video locum squallore ac situ deformem, longè infra terram recedere. Simul audio catenas & vincula sonare. Occursant cadaverum veriùs quàm hominum simulacra, senes duo, macie exesi, & cute arida siccissimam famem testati: quos ego ituros in me timebam, & epulis Thyestæis cœnam facturos. Mox iuvenes apparent pallidi tres, horrentibus capillis, & sordis centonum lacinijs recli; quorum eorundem latera ferreis cingulis vincta, & colla non exiguis ornata torquibus, facillè indicarunt, in quali palatio versarentur. Et ij, me conspecto, altum congemuere; alterque alteri, heu, inquiunt, & hic ad supplicium adolescens infelix raptatur. Utique aut parentis decrepiti iugulum hausit; aut comitem suum parricidali ferro traiecit; aut aris certè sacrilegas manus adinquit, ut qui ad nos adiungatur.

5.
*Carcer :
& eius
incola.*

en coloris ingenui vultum ! en frontis honestæ ruborem ! Quis in ore tam modesto vel furem quæreret , vel latronem timeret ? Hæc me omnia audientem ita terruerunt , vt dubius aliquamdiu crederem in orci vestibulum me venisse ; vbi cum inferis Manibus pœnas luerem. Tandem reperi teterrimum certè carcerem esse ; locum furibus sicarijsque infamem . Iam volo vos cogitare , quid animi tunc hospiti huic fuerit ? cum præsertim & catenæ imponerentur , quibus arctissimè ad cippum religabar , & de fursurum siliquis cænulam haberem , qua refectus noctem exigebam . Et vos quidem hæc homines urbani ridetis ! At mihi nox omnis inter lacrimas ducta , nec lectulum afflicto , neque somnum fatigato permittebat . Sic vigilante me , meique infortunij momenta numerante , ne ceteri quidem dormierunt ; sed alia super alia percontati , vt noctis tædia fallerent , sua inter se facta facinora recognoscebant . Quæ primùm ego contemnere ; neque in mea tragædia defixus , comicas audire fabulas cupere . Post autem vt ea sensi dicere , quæ quamuis ærumnoso possent ridicula videri ; vici ego me , vt omisso pectoris tumultu , alienas luberet stultitias auscultare . Igitur COSMVS , trium , quos dixi , iuuenum maximus ; suæ cladis originem sic narrauit .

8.
*Arcis
descrip.
tio*

Arx, inquit, in huius est oppidi suburbanis, ante omnes, quas hæc provincia miratur, amœna. Cœnationes ibi sunt amplæ quatuor & elegantes; quæ denis fenestris solem nascentem excipiunt; totidem alijs

alijs spectant fugientem. Cubicula circum undique habitantur; substructis ædificio apothecis, quæ singulæ præaltis laquearibus fornicatæ, perpetuis frigoribus obsidentur. Ambit arcem felix pomarium; quod triplici labyrintho distinctum, omnium & oculos illectat, & pedes illaqueat. Blanditur præter cetera pyrus, cuius poma ad prodigium mitia, non, uti pleraque manduntur, sed cum dentium invidia propemodum bibantur. Circum arcem vberes aquæ in piscinam coeunt, altæque cæ restagnant, nusquam vadose.

Illic puerum contigit, cum piscibus insidians miculas obijceret, decepto vestigio præcipitem interire. In huiusce pueri locum ego suffectus; annis abhinc novem, hero nobili operam dedi; gnauam primò ac diligentem, ut ferè assolet. Quibus studijs ita me hero probavi, ut cubiculo præfectum, denique, & auri argentique cælati esse custodem iusserit. Quo ipso in munere seruiebam haud minùs liberaliter, donec familiaritas me quædam, & improborum necessitudo corripit. Erat seruulus ibi versutus, qui in cella vinaria curabat, res omnes iuxta simulare ac tegere doctus: isque etsi perpetuo vino maderet, hero tamen abstemius credebatur. Pellexit hic fortè in societatem alterum, domus dispensatorem; neque illum ad fraudes rudem. Qui coniurati cum aliquamdiu licenter helluantur, noctu temere à me deprehenduntur. Nec dubij; quin res ad herum continuò perferretur, ni elinguem me redderent, insistunt precibus, ac mox etiam precio ad perfidiam solli-

7.
Serui fide-
lis se-
ductio et
furta.

sollicitare. Ego auri luce, quam oculis obiecerant, cæcatus, desij repentè videre, desij audire, desij nuntiare. |

Ille dies primus lethi, primusque malorum

Causa fuit. —

Nam illi assiduis deinde obsequij deuinctum, nouissimè ad maius flagitium perpulere: vt vnà potare, vnà commessari inciperem. Breuique effectum est, vt magis iam illorum silentio egerem, quam ij meo. Ipse enim eos, ni quotidie nepotari pergerent, cessatores & instrenuos obiurgans, vtrò instigabam: nuper discipulus & tiro; nunc omnium hortator ac magister: vt, repentè pessimus, Adagio fidem ademerim. Quod verò mirum in primis erat, paullatim & dominici auri lubido me capiebat; vt, qui nulla priùs furti cogitatione fueram pulsatus, iam oculos, iam animum, iam postremò manum in herile argentum conijcerem. Aperio consilium duobus: ostendo, quid, & quemadmodum sit agendum. Probant sententiam. Coniuramus. Et alioquin còres peruenerat, vt, conturbatis rationibus, aut fugiendum nobis sciremus, aut pendendum. Quin ergo pergimus, inquam, & luculentiori vadimonio furcam nobis obligamus? mitior hoc iudex erit, quò citiùs ei de causa liquebit. Emta iam restis est. Quicquid superaddimus, omne in lucro erit. Hac oratione excitati, & tempus rei patrandaè opportunum nacti, clàm argentum herile aurumque compilamus: humique defossam, superobruimus, tantisper, dum in tuto consistere.

steremns. Interim, ne quâ suspicio nos in crimen traheret; Scrinia, quæ clauibus egomet meis recluseram, dolabris concidimus, vt vi expugnata, fureque externo direpta viderentur. Inxtà valuas, in publicum spectantes, effringimus; scalisque admotis, nec non calice minusculo, ceu temere, propter viam relicto, crimen à familia in externos auertimus. Rebus omnibus ex sententia gestis, audacter euenta exspectamus.

Sole postmodum orto, & familia per arcem discursante, facti furti indicia repetuntur. Illicò ad herum omnes. Accurrit; videt emunitas eius cubiculi valuas, scalisque tentatas: ac statim id, quod erat, metuens, eodem irrumpit. Reperit pertusas vndique arcas: & quicquid argenti facti aut auri erat, direptum; pocula, calices, torques, orbes ablatos. Exclamat: properamus: ego inter primos. dolens capillos conuello; pectora pugnis cædo; ipsique patrifamilias miserabilis fio. Certè cùm omnibus amissis vbique auctor quæreretur, ego neque rogatus de furto; neque vlli suspectus vnquam fui. Non potuit tamen quin eius damni fama ad vicinos, indeque ad dissitos etiam pagos manaret; decreto præsertim præmio, si quis furem indicasset. Ibi nos veteratoris cuiusdam temeritas in vltimum discrimen adduxit. Is, património per luxum adesto, cùm nihil sui reliquum videret, quo culinam de cetero animaret, fecit, quod Apicium audiit fecisse: abiicit spem vitæ, modosque iniit omnes, quibus sciebat mortem vocari: id vnum fugiens,

3.
*Furti
propala-
tio, &
inuesti-
gatio.*

fugiens, ne sibi met ipse manus afferret: præcipitia, pugnas, bella vltro appetebat. Neque his tamen exorare mortem potuit, quin per omnes casus incolumis penetraret. Nam in acie hostes illum ceu Sacrosanctum refugere; in pugna gladij eminus hebetati languescere; casus ipsi & ruinæ erigere hominem credebantur. Nam quale illud est, quod vnum nuper in vicina contigit! Eius, tu Strophe, quando testis oculatus fuisti, age, illudque his, donec ego respiro, denarra.

9.
E fene-
stra lap-
sus aliis
o primis
incolumis.

Tacente CORSO, nullum, inquit Strophus, hominem vidi, qui vnus & felicior, & felicitate indignior. Potus ille, & lautissimè factus vt non ita pridem in popina propter amplam altamque fenestram assederat, cæpit paulatim vini somnique caligine perturbari, & de solario præceps in publicum labi. Saxum indidem deiectum rumpebatur; at ei lurconi, quid euenerit, audite. Conclamamus ad visam ruinam omnes, nec aliud, quàm funus hominis expectamus. Sed casu Senator id temporis præter parietem ibat, nihil sibi ab vllò fulmine metuens: Super quem comestator hic totus incidens, mole corporis afflictum ita perculit, vt ipse de sopito viuis resurgeret, Senator è viuo mortuus iaceret. Magna inde exitit populi concursatio; & homicidium lugens filius ad iudicem rapiebat. Accusat vehementer, & clarissimi parentis manes vindictam euocat. Nec ille factum inficiatur; sed rem, vt erat gesta, persequens, ostendit somni flagitium id fuisse: Se aut absolui proinde debere, aut lege talionis condemnari.

Cum

Cum diu lis traheretur, iussit mitior iudex, duos ex æquo & bono inter se transigere. Transigit cum accusatore potor; ut ille necari parentis ultor, inter eiusdem cauponæ fenestram assidens, dormiensque de Solario itidem deruat: iste fortuito præter tabernam inambulans, ab altero super incidente opprimatur. At ille maluit inultum parentem esse, quam hac eum ira vindicare. Omitto similia de illo helluone plura. Tu modò, quod agere dudum instituisti, perge; & telam exorsus, pertexe.

Rursum ille: Hunc aio ipsum decoctorem nobis spem omnem è manibus extorsisse. Cognito enim præconio, quidque amissum esset, quidque indici decretum, sic ille secum reputabat; aut hac, aut nulla posthac opportunitate voti se posse daminari; ut post genialem aliquot dierum luxum, animam exhalaret. Igitur, ut erat lacer, atque undique desperatus, accingitur viæ, ad arcem proficiscitur, ad loci dynastam deducitur. Ille, conspecto hominis squallore, ne quid imposturæ subsit, suspicatur: nam, nescio quid, habent sordes cum mendacijs familiare. Verùm hospes lingua promptus, & eo mendacior, quo cupidior mortis, magnas artes iactare, sordidique capit palli sapientiam extollere: denique triduum pacisci; quo toto, si dasum vinique abundè esset, furem indicaret: si falleret, enimverò ipse pro fure in malam maximam furcam iret. Laudat dynasta, pactaque firmat; ac ne impostor veniam mendacio speret, in ipso arcis atrio patibulum iubet erigi, ubi aut

10.
*Proiectè
audax
& mendax
promissio.*

indici

tam domum dicere, & ingentes fatiscen-
tium parietum hiatus monstrare: ac
vellem tamen, inquit, si per has mihi pa-
rietinas liceret. Nunc vereor ne magno
mihi non tam domum, quam tumultum
emam, meque futura ædium ruina sepe-
liam. Et viden', ut omnia casum minen-
tur? Tum alter, atque ego damnum, in-
quit, eius ruinæ præstabo: ni futurum
prius est, ut casum tibi suum edicant,
quàm in ruinam eant. Igitur precium,
quod dixi, conuenit, domus emitur, ac
possidetur. Proximis post diebus, calcem
inbet nouus paterfamilias subigere, ac
cemento omnes illas rimarum cauernas
opplere. Iamque adeò correctam ædium
vetustatem rebatur, cum, ecce tibi, ruina
domus consequitur, inque vnâ omnia
molem subsidunt. Quo damno offensus
excanduit emptor, vsque ut hunc nepo-
tem in ius vocaret, & illi cum conuitijs
in gulam inuaderet; animamque elisurus
identidem exprobraret, hoccine esset,
quod impostor iactitasset, seseque ruinæ
periculo tam prædenter absoluisset? Et
hem tibi, inquit, ut verò interitum mihi
suum edixerunt? Siluerunt imò ædes, dum
planissimè conciderunt. Contrà negat ho-
mo audacter, se fefellisse; & vtrique di-
cturas fuisse perseuerat; ni tu, inquit, os
illis infusa calce occupasses. Iam cum
querelas adeò omnes obstruxisti, ut hisce-
re porro illis non liceret, damnosi silen-
tij pœnas à te ipse sumes; à me teruntium
non exiges, certè non capies. Hac ille
fallacia confusus, emptorem sperabat abi-
gere: sed emptor non perinde stultus;

interdicto prætoris coegit omnem sibi pecuniam redhibere. Ita fraus omnis in auctorem recidit; & nunc idem utique futurum aiebant; ut qui fures proditum venisset, ipse in laqueo primus hæsitaret. Nos porro daremus operam, ne cuius color, aut constantia vacillaret: denique diebus singulis in consilium iremus, & quid pro re nata ex usu foret, statueremus.

12
*Consciē-
tia mala
metus.*

Dum hæc geruntur, interim histrioni diæta, quam in arce pulcherrimam dixi, tribuitur, lectulus, mensa, cibus potusque, vel principe dignus. Quæ omnia ille parasitaster egregiè capit; diemque primum voluptariè traducit. Sub eius diei vespærum convenit, hominem expiscari. Quare comparatis inter nos provincijs, cellario prima obuenit. Is quid omnino faceret edoctus, vino dominico implet congium de cupa, eumque hospiti, cum lecto tragematum apparatu festivius apportat; caperet hoc eius diei pocænium, noctemque liberali haustu inuitaret: die sequenti lautius pransurum. Homo præquavis spongia siccus, & iam antè tot cupedijs diffartus, poculum ingens amplectitur, eamque vitæ rationem solo triduo circumscriptam, ac mox in furca expiandam, paulisper examinat. Utque unum iam diem exactum de felici triduo pensitavit, altiùs ingemiscens, sublatum vtraque manu poculum gurges illicò haussit. Inde, cortabo factò, & defixis in socium oculis; Eum verò de tribus esse primum, duosque restare solos affirmat. Socius nihil nisi teneri se, illaque verborum ambage furtum notari opinatus? misè expalle-

sce;

scere , & noctem aruspici funestam, som-
numque ferreum precatus, celeriter ad
nos reuerti . Quibus ipsis haud parum
sollicitis dum dicta factaque recenset, no-
uam omnibus formidinem incussit. Quor-
sum enim is & primum me, inquit, in diri-
piendo auro fuisse, & duos adhuc alios mi-
hi superesse dictitaret, ni historiam probè
omnem veneficus calleret? Nempe prodi-
ti sumus; & ni pendere cras lubet, hodie
est de fuga cogitandum . Oeconomus ho-
minem nihil detestatus , etsi vehementer
expalluit, tamen alterum diem censuit op-
periendum : vbi siquid periculi foret, pos-
se nouis consilijs viam aperiri , qua in tu-
rum exiremus . Quid enim si temere lo-
cutus , terrere nos voluit, non vaticinari?
Iremus modò , & securi in utrumque la-
tus accumberemus ; se satis aduigilatu-
rum, ne res nostræ detrimentum caperent.
Ità lenijt ille nobis timorem .

At ego , qui cubitum inde recessi, som-
nijs turbidam noctem habui: furca, restis,
lictor , & hic ipse carcer, oculis identidem
obuersati, pæne dormientem uecauerunt .
Sæpe territus exclamo, ceterosque velut a-
mens iam exorare , iam effugere ceu in-
sequentes laboro . Audiere me conserui,
qui propè accubant; & insanire rati, ad me
irrumpunt, lectulumque armati circum-
stant. Inter quæ euigilo, visisque tot excu-
bitoribus, non somniare me lictores, sed
aspicere credo, serioque agi, quidquid nox
mentiebatur. Neque iam pugnabam, quin
illis me dederem: vnaque euilans assurge-
bam, ad vincula rapiendus . Id illi conspi-
cati, vndique omnes inuadunt , & quod

13.

*Malus
quod me-
ruit, me-
ruit.*

furere me credebant, validissimè constringunt. Ego tantò vociferari contentiùs, ac moram pascere, dum vestibus me tegerem; inde spontè, quà vellent, secuturum. Illi itidem ferociore, funes quærere, & ferulas quæ insaniam castigarent, monstrare. Rursum ego, omitterent tormentum; liberè me omnia confessurum promittere; imò fecisse iam facinus dicere. Commodiam agi videretis, in qua pari stultitia omnes confunderemur; dum illi me pro insano; ego illos seriò pro lictoribus habere perseueramus. Et commodum id fiebat, vt fuere me autumarent. Nam si paululum aduigilassent, deprehendere furti confessionem haud obscurè licuisset. Postremò tamen cum, quid illi agerent, animaduertissem, redij ad me, velut ab altissimo sopore excitatus; callideque animi fuisse perturbationem simulavi. Certè altero die medicus accitur; iubeor meliusculè corpus curare, & molli quiete morbum corrigere. Ità insperato teterrimum somnium felicissimè euenit; profuit, que insanum aliquando fuisse.

14
*Consciens
ipse sibi,
de se putat
omnia dici.*

Iam interim dies se alter exegerat, & hospes noster altero viuo dapibusque saginatus, vno se gradu à patibulo iam differre sentiebat; cæpitque eam mortem, quam olim quæsiisset, in limine videre. Eam ob rem non temere anxius, breues gulæ delicias, cum laqueo comparabat. Hic ecce iterum; œconomus noster cum liquido falerno ingreditur; alterum, vt conuenerat, experimentum capturus, an furti furisque symbola peregrinus cognosset? Eo conspecto, redin-

regratus hospiti dolor in gemitum erupit; & hic alter est, inquit, quem ego. Simul, tristissima aposiopesi conticuit. Dispensator, quanquam homo est ferrei oris, quique colorem tenere etiam deprehensus posset, eo tamen fulmine ictus, vocem diu non inuenit. Ægrè demum, ecquid sibi hac verborum formula velit, interrogat? Cui ille, cras tu, inquit, tragœdiam audies. Oeconomus omnia ad se pertinere arbitratus, statim recedit, nosque ingenti formidine complet. Scire omnia veneficum, neque fugæ nobis spem neque veniæ reliquam esse: Dixisse præterita adamussim; nec futuris abstinuisse; sed palàm ostendisse, quæ rerum facies mox esset apparitura. Igitur eo progressos nos esse, unde pedem referre vix liceret. Proin' sententias rogandas, quid in communi periculo placeret?

Ego, qui principes partes in peculatu tenueram, primus censui, veneno antè necandum, qua indicium perageret; aut crapula distentum in suo lectulo strangulandum. Reiecerunt audax consilium. Nam venena quidem plerumque lenta esse, & incerta. Cædem verò facere, quid aliud fore, quàm grandius in caput periculum arcessere? Cellarius dixit, optimum factu videri, si precio & offa aurea Cerberum latrantem sopiremus. Tamquam verò, inquam, induci aliquis precio possit, vel laqueum expectet? aut illum tu puras, si cras siluerit, auro iugulum defensurum? Quid igitur, si hodie omnes fugimus, inquit alius, & prædam in viaticum asportamus? Nèque hoc, inquam, consilium pro-

15
Consilia
reorum
anxia &
incerta.

batur . Quis enim, cùm fagerimus, porro de fure dubitabit? Ipsa nos fuga , nemine damnante , proscribet . An autem cessaret herus vijs nos omnibus persequi , dum è fuga retraheret? Nimirum capti iam sumus, & , nisi mox aliud excogitamus , occisi . Dispensator , quin ergo tu tertiùs inquit, ad vatem ingrederis , itidemq; cognoscis , an proditi remedium desperemus? Ingrediar, inquam ; si nox ingeniosiore non fecerit. Digressi obdormimus.

16.

*Reorum
solicitu-
do , &
formido.*

Iterum somnia menti , iterum oculis Carnifex obuersari , milleque formidines lectulum cingere . Quare vigil exilio ; noctemque pertæsus, lumen intrò ferre propero . Venio in culinam ; de scortea pera ramentum sulfuratum promo . Mox requiro ; an sospiti cineres viuis alicubi prunis indormiant? Et ecce ; calenti foco nocturna felis incubat , oculisque micantibus scintillat . ~~Accedo,~~ manumq; scienter admoueo , ceu fomitem ad prunas . Vix contigeram , cùm despuere felis , & stridere ignis , & furere focus , & tumultuari domus incepere . Ego vindicem inmeruere Orcum , & vitam animamque deposcere credens , quà licuit , effugio , & per tenebras caput pedesque omnibus angulis illido . Surgunt & socij , inxtà stolidi , ac pridie fuerant ; nec inuento consilio surgentis diei vespertum operiuntur . Iam minus noster crapulam secunda liber, in tertiam vltimamque inhiabat . Apponantur vini deliciae ; dapumque illecebrae ; & quicquid farciendo gulonis barathro erat . Quæ omnia fundus inertissimus glutiebat . Atque interdiu quidem,

dem, cum suum culina, cellaque florem suppeditaret, lätior ipse, nec sui exitij memor, pueris ministrantibus mira quædam prædicabat stultitiæ suæ argumenta. Quæ si potes commeminiſſe, ea tu aliqua nobis recenſe.

Tum STROPHVS, ego verò poſſum, & præcipuè quædam. Is enim vicinum ſibi aiebat fuiſſe hominem, qui eſſet octo liberorum pater, imò omnium pater eſuritio- num. Et quod miſerabilius eſt multò,

Cui nec ſeruus erat domi, nec arca

Nec cimex, nec araneus, nec olla,
ſed liberi ſolum, vt dixi, octo: illiſque tam ferrei dentes, qui ſilicem comeſſe poſſent. Latrabat illis aſſiduè venter, & ipſi aſſiduè patrem, allatrabant; panem nominate docti, videre inſueti. Quomodo pater à tot famelicis hyænis ſedefen- deret? Ingenium illi telum fuit. Coemit putidulas haleces quatuor, & vſque in ſale verſat aſſatque. Vocat ad dapſilem cenam liberos. Currunt illi hiantque, cœu men- ſas etiam inuaſuri; nec haleces edere pa- rati, ſed vorare. Vix ſuum quiſque dimen- ſum abſumſerant, cum vndique omnes in- ſtiterunt ad hydriam ruere; alterumque alter à fronte repellere: &, vbi vix diſceſ- ſiſſent, eodem rurfus feſtinare, ac totis am- phoris haleces condere; nec tamen aduer- ſus ſitim aliquid proficere. Quo fiebat vt cum ſiti rixantes, neque panem interim cogitarent, neque de fame queruli, paren- ti negotium obijcerent.

Idem hic, inquit, cum olim adoleſcens culinam procuraret, in mandatis acce- perat, vt gruem hero, quàm lautiffimè

L 4 poſſet,

17.

*Siti fa-
mes pel-
litur, per
ingenio-
ſam ino-
piam.*

18.

*Coci, in
excusâ.*

do gruis
ablato
pede in-
genium.

posset, percoqueret; quod per eam se cu-
peret conuiuiis impensius probare. Iste vt
obtemperet, omnes coquorum artes ad
signa vocat, breuique gruem, & embam-
mate tinctam, & ecligmate mersam, &
turundulis fartam adornat. Hic ipse ni-
dore non illevido tactus, cæpit cogitare
quemadmodum eius, quod coxisset, par-
tem decoqueret. Nec diu distulit, & pe-
dem grui alterum elegans carptor auellit
deuoratque, ac mox cicatricis infamiam
atro iure diluit. Inde velut rectissimè con-
sciis, mensæ herili truncum alitem im-
portat. Eam herus dum officiosissimè
carpit, videt mantilam gruem, & altero
pede defectam. Coniectisque in coquum
oculis, vbi se alter pes amiserit, stomacho-
sè quærit. Ille iam meditatus quid dice-
ret; atqui grues, inquit, domine plures sin-
gulis pedibus nunquam habent? Sensit
herus oris impudentiam, ac ne porro ta-
men litibus contenderet, iram callidè con-
celat. Die postero iubet famulum se se-
qui. Sequitur; venit in campos. Ibi
instructa gruum acies, longo ordine ex-
cubabat, singulisque pedibus vniuersa ni-
tebatur. Quod seruulus, vt conspexit,
ratus mendacij patronum inuenisse, vi-
den', inquit, here, singulos gruum pedes!
Athenus tanto in illum toruior, iam, &
tu, inquit, videbis flagrio, tuoque menda-
cio deprehensus erubesces. Simul com-
plodere manus, disertoque cæpit sibilo
grues territare. Illæ simul omnes vasa
conclamare, desertisque statiuis subli-
mes abire, & binos vndique pedes lon-
gissimè protendere. Nihil erubuit eo spe-
cta.

ſtaculo coquus, ſed mox altero volucrem mendacio veſtiuit. Siquidem inſultanti domino, & geminos gruum pedes oſtendenti; mirum id ſibi oſtentum non eſſe reſpondit. Nam & heri, inquit, ſi pari ſibilo noſtram terraſſes, vtique pedem illa perinde vtrumque proiectura fuiſſet. Hæc de alijs, impoſtor: de ſe haud paullo abſurdiora garriebat.

Nam ſagittarium inquit, mei me ciues, non vulgarem, ſciebant; vt quem è bello Thracio reuerſum, hoſtili ſpolio ingnem vidiffent. Cupientibus igitur ſpectamen videre, arcus tendendi; facio copiam: egredior vrbe; deuenio in locum peramœnum. Erat ibi quercus procera, & ſpacioſa frondium ſilua grauata: huius infimas radices riuulus ſubuebat: iuxta ſeges farriſ iam cœuntis in ſpicam. Suſpicio; tres video palumbos vnum arboris-ramum deinceps inſiſtere. Tendo arcum; deſigno ex tribus volucris vnâ: iactaque ſagitta ramum ipſum dimidium ſindo. Et ſagitta quidem qua ramum penetrarat, elabatur; palumbi autem, tametiſſi territi, nihilo magis mouentur. Aſcendo, &, quid immoti hæreant, exploro. Hic ecce, ingens portentum! Qua fiſſus hiabat ramus, intercepti trium volucrum vngues, veluti in viſco attinebantur. Ergo manum iniicio; iuriſque mei tres palumbos facio; felix aucupium, & vnico telo paratum. Verùm ſagitta, & per arborem exijt, accipitrem ſupra palumborum capita, per gyros lentiffimè circumnolantem, inopinato tranſfixi; & paululum vltro progreſſa ciconiam quoque è nubibus de-

iecit: deinde casu in subterlabetem riuulū incidit. Eam indidem leuaturus; video, ceu hastam, in prægrandi mullo hære. Simul ergo vtramque & prædam & hastam aggredior; genuque obn tens, sagittæ arundinem complector: hæc, ne qua leuius agerem, telum piscemque auidè attractum, humi post me abijcio. Ea ipsa deinde spolia dum lego reperio leporem, quem in segete piscis, temere excussus oppresserat. Id conspicati ciues; siue iaculi fortunam, siue iaculatoris peritiam admirantur; gratulanturque illam mihi sagittam, quæ in volucres pro visco; in pisces pro hamo, inter feras pro venabulo esset. Ita sagittarium me probaturus, vno documento & venatorem dedi, & aucupem monstraui, & piscatorem ostendi.

20.
Futuri
suspēdit
horror,
itemque
mala
conscien-
tia suspi-
ciosa for-
mido.

Hæc STROPHVS de vanissimo nugatore finierat, cū captiui simul omnes expolo, hominis figmento conclamant, prohibentq; porrò tam grandia mentiri. Nam cui verisimile id fieri, quod Thraso de se prædicasset? Pergit CORSVS; & vos proin', inquit, qui cum homine rem habuerimus cogitate. Crepusculum appetebat tertium, & histrion noster finem suæ felicitatis prospiciebat; quippe qui postridie patibulum esset ornaturus, ni ex pacto furtiuū n argentum reduceret. Igitur impendiō tristior, per diætæ angulos vagus errabat; seque sultitiæ incusans, iam colli spatia metiri, iam ventris incipiebat tumorem miserari; sæpe nexas à tergo manus trahere; sæpe se ipse considerare, quàm decentè penderet: Rursus Medeam optare, quæ nouo Iasoni aurum; aut

Ariad-

Arizdnam, quæ Theseo filium; aut Deianiram, quæ huic Herculi vestem præberet qua citò fieret immortalis. Inter hæc desperantis suspiria, ego tertius ultimusque cum grandi poculo ingredior, & Campani liquoris congium apporto. Conuersus ille; Hic mihi tertius, inquit, restabat solus, cumque iam denique video postremum. Siccato deinde poculo, peractum esse pronuntiat: de cetero rem omnem, atque spem defuturam. Vidissetis me buxo pallidiorem, ut qui non ambiguerim perisse me crederem. Aduocata tamen audacia, in sto, qua nam de re actum diceret? Ille mihi ad clathratæ fenestræ valunlam deducto, perferreas eius maculas patibulum ostendit. Tunc enim uero.

Obstupui, steteruntque coma, & vox faucibus hæsit,

quod meum mihi bidental crederem monstrari. Quare omnibus omissis primum habui ad socios recurrere, quidque compereri referre. Itidem perterriti, post rogatas iterum iterumque sententias, ne mox penderent, censuerunt refossum argentum aurumque illico ad aruspicem comportare, additaque pecunia silentium emere. Facto eiusmodi decreto, hominem vnanimes adimus, & abiecti in pedes, loculos illi graues in collum injicimus: precati, ut rem eam habere clam vellet, nos esse, qui supellectilem auream rapuerimus, quos, quando ipse arcanis artibus cognosset, saltem hero proderi nollet. Seruari facta tecta omnia, eaque, si iuberet, ad ipsum celeriter perlaturos. Sensit continuo, & nostrum

errorem veterator, & suam occasionem: non absurdo commento, iam ex desperato ferox. Scilicet, sacrum inter saxumque ait stetitisse; & si noctem eam incauti distulisset, futurum fuisse, ut postridie tragicæ rei spectaculum viderimus. Tamen si seriò, inquit, resipuistis, properate, prædamque huc omnem è vestigio deferret. Nos de repetendis damnati, imus; ac velut in Circensibus longiori pompa argentum primò, deinde copiosissimum aurum transportamus perque cubiculi mensas disponimus: ut ipse ille miratetur, tantum aut rapere nos potuisse, aut reddere voluisse. Lite sic æstimata, fideque silentij sancita, digredimur: ille quidem præter spem felix, nos autem periculo metuque vacui, sed oppidò tristes, & auro qua-furtiuo, qua nostro penitus exhausti. Atque tunc demum pænuit furti, cum nihil inde fecimus lucri.

21
Amisso-
rum te-
mere fa-
cta recu-
peratio.

Ceterum herus triduum trinoctiumque præstolatur, mirè cruciebatur, dum rerum euenta cognosceret. Qui sicut antè condictum molestus nulli fuit, ità finitis inducijs confestim surgit, atque ad coniectorem suum matutinus accurrit turbat, pulsat: clamat. Et edormierat fortè temulentiam histrio; igitur ut edi ianuam audiuit, nondum ait diluculum venisse: ad hæc noctem sibi in eruendo argento vigilantam esse: sinerent iure suo scuti; tantulamque corpori quietem neu inuiderent. Arceretur herus ingressu: sed breui post reuertit violentior; vocat à ianua; exactam noctem induciasque clamat. Nè pateant fores, imposturam videri.

Sic

Sic dum ne hospes quidem seguius reclamat; fores effringuntur. Irrumpit herus, longoq; ordine quicquid amiserat, conuertitur. Centum orbes menfarios ex argento factos; decem salina, auro incrustata, pedibusque leonum ac pardorum scite fulta; lances patinasque quinquaginta, item argenteas; aureas phialas patrasque viginti; vasa Corinthia quinque & quadraginta; omnia signis & anaglyptis illustrata; torques magni ponderis quatuor: armillas decem: dactylothemam tredecim annulis insignem; quorum palas singuli adamantes implebant. Censa omnis suppellex, philippeum millibus facile quadraginta: precio, quo plures laqueos emeremus. Ab eo conspectu victus, gaudium insolenti clamore confitetur. Inde ad hospitem, gestiens; eum complectitur, suam sibi salutem appellat: datoque negotio, ut pradium saluari ritu instruatur, neque vlla voluptatis materies desideretur. Illi aureos donat nummos centum, vestemque serico textam. Quo viso, perdoluit mihi, quod mei furti egomet indicium non fecissem. At is deinde histrio, apud alios narrauit, quemadmodum decepti nos, ipsum laqueo expedierimus; dum verba, quibus suum ipse triduum distinxerat, vani interpretes aliorum rapiebamus. Postmodum ut is rumor crebrescere, herumque cepit aduertere, nos fuga elapsi, alius alio ferimur: ego in vicinia deprehensus, in hunc carcerem compingor. Audistis tragoediam, de qua quintus mihi actus, nescio in quali theatro cras erit expectan-

Standus. Hæc talia CORSVS perpetua loquacitate evoluerat, & mille convitijs quâ impostorem illum, quâ suum errorem damnarat; cùm ingreditur suam LAV-RENTIVS fortunam memorare. Erat hic senum eorum alter, quos primos mihi carcer objecerat: qui paucula præfatus, sic porrò fabulari perrexit.

22.
*Militi-
bus sua
furtivo
semper
felicia.*

Annis ab hinc duobus & triginta, cùm ætas ferocem, paupertas faceret audacem, litteris omissis, militiæ me dedidi; factisque aliquot stipendijs, cùm eadem egestas pergeret infesta esse, institui furtis eius contumaciam expugnare: minusculis tamen & modestis. Nam gallinis extracortem pabulantibus ferme inhiabam; bis terne ouiculum; semel omnino buculam è grege furtim abegeram. Etsi magna mihi facinus stetit. Dum enim abacta remugit, insecuti tot rustici, Hercules, Cacus infelicem pænissimè occiderunt. Et manent etiamnum clauarum in capite ambulantium vestigia.

23.
*Dictis
offa emi.*

Ego vix elapsus, ne quid intentatum inausumve relinquerem fraudem ab ingenio mutuor: tamen eam satis infestam. Nam quid ageres?

*Cogebat artis ingenique largitor ven-
ter;*

cogebat autem, ut luberet ridiculum fieri; qui huius elegantiae minus haberem, quàm Æsopicus olim adulator. Sæpe tamen, apud homines sordidos, iusculum hac arte aut villum emendicavi. Rarò proinde nobilioribus delicias feci. Olim certè per cœnosum oppidulum (Lutetiæ coloniam jurassetis) ibam, cùm animad-

ueri

uerti virum nobilem, arci præfectum, descendere; scipione nixum: Eum comitabatur puer pedisequus. At ille vix dum ad montis radices de venerat, jamque occurrebant confertim oppidani: quorum alij ex more caput aperire, alij genuflectere; nonnulli salutare, aliqui aliud agere conspiciebantur. In ijs vna præsertim femina erat; quæ quatuor oua decumana, & primulum parva, generosæ matris vestigal, transeunti offerebat. Iubet ea puerum capere. Puer oua pileo indit; pileum capiti imponit; ac porro procedit. Ventum erat ad sordidæ lacunæ sinum, & puer errantibus oculis licenter vagatus, quæ iret parum considerabat. Itaque dum cælum obtuetur, temerè lutulentæ fædæque vligini pedem immergit. Continuo cænum omne replaudit, & quaqua versum exsilit: nec est, ne herus quidem ab illa sparsione eximius; sed & calcei serici, & candida tibiæ texta, ea aspergine lutulantur. Quare excandescere præfectus, incautumque pueri gressum increpare. Insuper elatum scipionem stringere; parumque memor, quid feriret, caput pueri non perfunctoriè contundere. In ea velitatione confringuntur oua, inque pueri capillis excluduntur. Simul per ora disfluunt hac oui vitellus, & spuma; hac pueri sudor & lacrima. Id ego cum fortè spectarem, videre tu, inquam, oua velle frisa cæmare! Si inuitaueris, condico. Dicebam hæc nequaquam ea spe, ut falsa viderentur. Sed quid vultis? Homo dictum ita probauit, ut cæpula iudicaret dignum.

24.

*Nasi por-
sensum.*

Accumbebat ipsi supra me, huius-
quem atci præfectum dixi, germanus.
Eum ego diu mirabar, quare tantam à
se umbram spargeret. Nam quacunque
moueretur, dimidium mensæ, tanquam
Æthiopico conopeo inumbrabat. Et me-
tui mihi aliquamdiu: donec audacior, li-
mis oculis in hominis vultum respicio.
Video nasum, quantum ferre Atlas, etiam
rogatus, reculasset. Ego met ergo me-
cum, nempe hinc ista se umbra diffundit.
Et rudis ego Mathematicus, solis eclipsin
formidabam. Rursusque cum contem-
platus, hic certè aiebam, in herciscundo
Publij Nasonis patrimonio bonam se-
munciam tulit. Habeo quidem & ego
nasi gibbum; sed quid ille ꝑ ad hoc Bonæ
spei promontorium quantulus est apex?
Secundùm hæc excogito stultissimum
factum. Attollo craterem, eique voce
blandissima propino: & attestatus reli-
quos, eum mihi solenni ritu Parentem
adopto. Ille miratus erubescit; & alij,
quid hac mihi adoptione velim scitantur.
Respondeo: multos mortales mihi quo-
tidie molestos esse, qui nasum meum
propalam ostentui habeant. Neque repe-
risse me antehac titulum, quo nasum de-
fenderem. Hodie tandem iste me pa-
rens meus absoluet. Posthac enim cum
nasi mei portentum vituperabitur, ludum
esse hunc meum obeliscum respondebo,
præ quam si patrij nasi pyramidem con-
spexissent.

25.

*Muscariæ
accusa-
tio.*

Cui dicto, cum præter parentem pro-
pitij omnes arrisissent; tum ego demum
placui mihi: atque ut patrem mihi recon-
cilia-

Ciliarem, longè mitiorem me ipsi, quàm
 Rusticum illum prætori fuisse respondi.
 Qui in forensi turba cum corbe nuper as-
 sederat, & mellis hydriam ciuibus vendi-
 tabat. Ibi emptorum auarities spem pro-
 polæ delusit. Visi omnes aceri ampho-
 ram malle, quàm mellis heminam licita-
 ri. Iam sole in meridiem properante,
 æstus hominem vehementius feriebat;
 cum nusquam interim emptor vllus ap-
 pareret. Miseratæ postremò contemptam
 hominis mercem muscæ, vt esset, qui
 mella non sperneret, turmatim in ollam
 ruere, & aliæ audissimè prædam diripe-
 re; aliæ, visco mellis impeditæ, hære-
 re, & omnem eius gratiam inerti fune-
 re profanare. Rusticum vidisses hic in-
 furem agi, qui suas opes à prædonibus
 tueri non posset. Stridebat, cædebat,
 necabat; cumque omnia egisset, nihil
 in muscis abigendis egit. Ita prius quàm
 vesper appeteret, gratis omne mel non
 vendidit, sed perdidit. Ea iactura mœ-
 stus, ad vrbis prætorem accurrit, li-
 temque rapacibus muscis, verissimis
 Harphysis intendit, Risit accusatoris stul-
 titiam prætor; & facilè proin^{us}, qua sibi
 sententia foret vtendum, vidit. Quan- *Sententia*
 do, inquit, ea muscarum iniuria fuit, *ludicra*,
 ego seuerissimè omnes hodie muscas *iudici*
 proscribo, ea lege, vt ubicunque vi- *noxia*.
 sa tibi deprehensave musca fuerit, eam
 tu iure, quo qui optimo, ferire, ma-
 ctare, necare impunè possis. Gaius
 priuilegio Rusticus, videt fortuitò mu-
 scam in prætoris naso prægrandem con-
 fidere. Nec moratus, componit manum,
 palma

palmaque excusissima nasum hominis ferit; ut ille vertigine actus, pariete se fulciret, ne supinus omnino laberetur. At Rusticus, hic, inquit, à primo nebulone meum capi mel viudicare.

26.

*Imperatoris par-
cè stipem
dantis,
festina
excusa-
tio.*

Videbatur ad hæc etiam irati parentis nasus renidere, surque iniuriæ veniam promittere. Et ego iam elatior, ut est stolidi omnis superbia, ausus sum altiora cogitare. Quanquam is ipse tumor paulo post resedit. Digressus enim; in amœna planitie, magnam equitum currumque multitudinem ex aduerso conspicio: quam longo intervallo nobilitas, ipseque Imperator sequebantur. Hic visum est mihi ingenio uti. Rationem in eo, qua reculam adipiscar auctiorem. Ad ipsum progredior Imperatorem: & quæso te, inquam, Imperator, potin' ut hominis famelici misereare? Gregarium vides militem; cetera pannosum ac lacerum, sed oppidò tamen illustrem. Cæsar, quin prima verissimè dicerem, nihil ambigebat: & si abnuisset, centonibus, meis testibus obruebatur. At nobilitas illi sanguinis mei in obscuro erat. Rogat igitur, quis sis genus; unde domo? Ego meditatus ad hoc, fratrem me illius germanum ajo. Cæsar multò etiam magis, miratur, & quemadmodum id fiat, interrogat. Ego me genus ab usque Adamo ducere, assenexo; quo eodem parente & Cæsarem progenitum haud dubiè sciam. Par igitur videri, ut commune patrimonium cum fratre partiatur. Ille renidens certissimò fratrem agnoscere, iamque adeò nihil se ait dubitare. Proinde gratulatus, manu com.

complectitur; mihi que iam ingentia speranti, numum victoriatum, ratam patri-
monij partem largitur. Ego, ut è diuite
fundo tam pauperem fensu stipem emer-
gere, papæ, inquam, frater, quam tu im-
peritè patris assem pattiris? lubes me scrupulo contentum, tibi plus deuncem relin-
quere. Ut modestissimè dicam, Semissem à te frater expectabat. Sanè, inquit im-
perator; sed tu plures mihi hoc genus fra-
tres esse cogita, quibus ego si tantundem
singulis dederò, de toto asse, mihi vix as-
sem retinebo. Iidem si singulos tibi vi-
ctoriatos numerauerint, tu cras mendica-
re, ego imperare desinemus. Erubui ad
hanc Cæsaris vocem, & meomet ludibrio
captus, cum haud alacri risu discessi; eius-
modi sales porro nec ipse æstimaturus, ne-
que alijs ita venditurus.

27.

Igitur, ut est pertinacissimus morbus, *Odijs co-*
paupertas, coegit me denique in terram *natus.*
Italiam cum quibusdam erronibus trans-
fuggere, & in illustri familia seruitutem
seruire. Plus, decennium ea me domus
habuerat, & dominis fidelem, & conseruis
charum: cetera etiam pleraque felicem;
donec gliscere simultas nostram inter al-
teramque familiam cœpit. Tunc enim
crescentibus in dies odijs, alteri alter per-
niciem machinaturi; nihil pensi habuere,
quibus demum molitionibus vterentur.
Ibi Claudius noster, herus maior serinij
non modico sumptu fallaciter adornat;
sive riscus is erat, modicus quidem, sed
lautè picturatus, & si formam considera-
ses, crederes Darij spoliū esse, quo Ale-
xander Homerum vestiuit. Id opus om-
ne,

ne, rotulis ferreis, vertebrisque scienter intruxit, quæ simul omnes subdita clauimouerentur, ignemque attrito silice conciperent. Ac ne quæ fomes abesset, addidit pulueris nitrati vim magnam; globisque plumbeis & malleolis reliquum compleuit. Talem machinam viro nobili, qui cum simulas intercedebat, destinat; meque in sceleris conscientiam admisum, quid facere porrò velit, demonstrat. Ego recta ad fraudes. Effingo litteras; clauem indo, & signo. Inde hominem stupidum, qui me nunquam vidisset, reperio. Trado litteras, & scrinium; numero precium; & quò fatale donum deferat, ostendo. Abit stolo; neque quis dederit, curiosus; neq; vnde pronenerit, gnarus. Ait precio conductum se, vti eas res illuc deportaret; cetera ex litteris cognosci posse. Aberat commodum familie dominus, cui inscripta ferebatur epistola. Igitur vxor rata sic decere, epistolam resignat, cognoscit Venetijs capsam afferri; qua viro, sibi que, & liberis haud rude munusculum mittatur. Lætior impendio mulier, cum imperare curiositati suæ non posset; circumstante liberorum corona, promit clauem atque inferit; visura illico, quid opulentia eruatur. Enimvero vix circumacta dum clauis fuerat, iamq; scintillæ in fomitem ruere; & mox vno omnia momento crepare; flammæ globos quaqua versum, ac malleolos spargere; & adstantes, vt quemque attingit, ferire, vrere, necare. Perijt glande trajecta vxor; perijt icta fragmento nutrix: liberi fulminati omnes, alij manus,

Feminarum curiositas punita,

nus, alij oculos amittere; nemo aut cladis
expers aut doloris. Tollitur clamor; per
omne viciniam accurritur; miserabile vrbis
spectaculum, soli fit domino meo iucun-
dum. Interim nusquam ne suspicio quidē
auctoris. Sed quod vnum adhuc grauiter
ferebat Claudius; vivebat incolumis ho-
stis, etsi magna suorum clade seruatus.

Quem ipsum, quando insidiæ non suc-
cesserunt, vt armati conficeremus, iam
accingebamur. Id verò consilium herus
cum Ferrando prælustri iuvene commu-
nicat. Famuli trahuntur in conspitatione-
nem plus quinquaginta: in quibus ego, at-
que hic meus Simo; vterq; audacia & de-
spiratione primi. Resciscit artanum ho-
stis: idemque & ipse facit. Concurritur,
fit vtrinque cædes, & atrociter odio lita-
tur; dum deniq; in turba hostis confodi-
tur. Ita finem accepit mutua duorum
simultas; sed exordium nostra calamitas.
Nam continuò velut latrocinij infame:
palàm omnes proscribimur. Et Claudius
quidem ac Ferrandus iudicij metuentes,
iubent raptim omnia conuasare; nosque,
ni pœnam luberet pendere, extemplo fu-
gam capessere. Imus confestim, quā cui-
que licuit longisq; post erroribus, sedem
alicubi nacti, ad prædas adsuescere, rapto-
que vivere incipimus. Sedecim deinceps
annos sub eiusmodi signis exercitati, ad
hunc postremò carcerem devenimus.
Quod quemadmodum acciderit, hic vo-
bis Simo iam indicabit.

Simo non ea se valere memoria dixit,
vt annorum plus sedecim ephemeridem
supra repeteret; Variam sæpe fuisse
fortu-

28.
*Inimici-
tia vio-
lencia.*

29.

fortunam, diuersosque euentus . Multos suorum captos quotidie ; aliquos etiam interflagitia oppressos . Ludicra etiam & iucunda; sæpius tetra & seria factitata : inter quæ ipse ipsiusque memoria conseruierit . Possè tamen vltimorum temporum pauca quædam commemorari .

30.
*Insidia
pedita
in insi-
diantem
retorta .*

Exules vnà eramus tres & octoginta, sensim alij super alios allecti; quibus omnibus Claudius noster imperabat . Ille vnus, (quod in gnaua familia solet) vltimus cubitum ire ; & primus antelucio vigilare . Neque segnior manu, quàm imperio . Siue enim eruptio fieret, ille in primis ordinibus dimicabat; si ve receptui caueretur, idem prouidè vltimā sibi aciem seruabat; vt nemo neque in consilijs cautior, neque in pugna fortior, neque in disciplina sancienda fnerit se verior . Hoc eius imperium denique Ferrandus vt diuturnum indignari, Claudiumq; patrum pro lento ignauoque senecione habere : se strenuum, & pari generis splendore iuuenem, inertia ducis corrumpi & languescere: cui si summa res permitteretur, triuò res maximas gesturum, & commilitones præda opibusque onustos conspecturum . His talibus famam ducis obtredebatur ; primò clam, & inter paucos, donec hi paulatim plures attraxere . Vingt ex omni numero coniurant, vt Claudio imperium abrogetur, rerum autem vnus Ferrandus potiatur . Id quia processurum aperta vi non putabant, placuit dolo grassari . Constituitur dies patruo tollendo ; qui sicut interdum violari non poterat, ita dormiens ad macellum erat rapiendus ;

Castra

Castra id temporis habebamus in semirutata arce ; indidem diuisis copijs quotidie hac Claudius, illac Ferrandus rumpebant; modico praesidio , quod arci tuendae satis esset, domi relicto .

Eo igitur die , quem parricidio Iuuenis 31.
signarat, late euagatus , sub serum crepusculum ex composito reuertit: nuntiat anxius ciuitatem in armis esse , noctuque ad se opprimendos venturam : milites plus ducentos peregre accitos , qui ciuibz quingentis subsidio sint . Validam manum , sed duce destitutam , quem comperisset , nec consilio bonum , nec manu promptum haberi . Quare agerent , & an defendere vim , an fuga se mallent eripere , deliberarent . Nemo fuit nostrum , qui fugae desidium probaret . Id enim noctis , quod esse fugituros ? posse , quantumvis paucos , è vallo , in confertissimos hostes pugnare , ibique vel strenuè vincere , vel , si casus ferret , gloriosè oppetere . Extra munitionem deprehensos , velut pecora , mox ad lanienam abduci . Partirentur potius curas , & praesidijs per arcem dispositis , duces alterni vigilarent , hostemque intra vallum expectarent . Claudius exercitatae militiae senex , tametsi haec non omnia continuò credebat , tamen simulato metu , nihil quod arci esset muniendae intermisit . Persuadet exinde , vt prouincias sortiantur , vtri cum suis copijs primae , vtri postremae noctis vigiliae obtingant . Sortiuntur . Iuniori ad in-
tempestam noctem somnus conceditur , vt inde vigil alterum noctis dimidium excubet , senique patruo quietem praestet .
Gaius

Gaiſus & ſucceſſu Ferrandus, & præſertim doli tegumento, rapit æneum tubum, oneratque ferrea glande duplici, quam nitro igneque ſubvito fortiter in hoſtem incutiat. Idem facit ipſum Claudius.

32. Ita mox in grabatulo ille decumbit, ſecurus, iuxtaque ſe telum reponit. Patruus in ſtationem progreditur, & ſecum otioſè dicta Ferrandi ceterorumque examinat; reperit haud ſatis omnia hæere. Quare dolum ſubelle gnarus; ad quem verò is pertineret, incertus, ſtatuit ſolenter expiſcari. Obuerſabatur Ferrandi cubiculo ſatelles vnus de coniuratis: reliquis corpora ſomno curantibus. Eum Claudius inſperatò adoritur, & hinc intento in pectus pugione terret, hinc præmijs inuitat, ad verum fatendum. Ter-ginerſatus homo primum; denique expugnatus rem percontanti aperit. Cladem ſoli Claudio imminere: quem ſimul è ſtatione reſſus obdormiſſet, Ferrandus glande ferrea ſit traiecturus; ita conueniſſe. Addit ordine deinceps cetera, confirmatque. Claudius inter duas cogitationes anceps, vtram probaret, nesciebat. Nam vt fidem faciùori haberet, mouebat trepidationis nouitas: pro Ferrando pugnabat cognatus ſanguis, & nunquam diſcors ſententia. Ne quà ergo temere aut inſontem tolleret, aut nocenti fideret capit aſtutum audaxque conſilium. Succedit dormienti vaſer, fiſtulæque æneæ tubum non ſentienti clam ſubducit; cumque tubum inſtantino pondere exarmat, & glande, quam Ferrandus indiderat, dexterrimè exempta, innocuum telum, vnde

unde sublegerat, occultè reponit; cetera
 iam securus. Inde, ubi alternam noctis vi-
 giliam peregit, iubet excitari iuuenem,
 suamque in stationem subire. Ille igna-
 rus factæ iam proditiōis, surgit, alacerq;
 abit. Patruus de industria fessum somno-
 lentumq; se mentiēns, decumbit seruatq;
 telum non itē inane, quo aliquid mo-
 lientem retundat. Quo autem celerius
 cognati perfidiā exploret, assimulat pe-
 ritē rhonchos, animaue sonantiori to-
 rum cubiculum implet. Id ipsum aucu-
 patus pro ianua Ferrandus, & inde rei ma-
 turandæ tempus credens, se quā occult-
 issimè potest, ad Claudium infert; iuxta-
 que lectulum consistens, admonet pecto-
 ri tormentum, siliceque cum rotula com-
 misso, lingulam, quam tubus infernè ex-
 ferit digito increpat. Ecce tibi, incitan-
 tur momenta rotæ, effervesce silex; eli-
 citur ignis; sed latius tantum calsoque
 stridore in fumum recedens. Tum vero
 & iuuenis compauescere, elusumque se
 videns diffugere, & senex mendaci è som-
 no euigilare: mox prompto vicissim tubo
 inanem Salomoneā petere, eique, si Iouis
 imitari fulmen cuperet, sic tonandum
 fuisse dicere. Inter quæ verba explodit,
 iuuenique miserrimo ferream glandem
 sub pectore condit. Labitur ille, sangui-
 nemque vomens, animam ingenti vulne-
 re expirat.

Atq; utinam in ea cladē se victorani-
 mus tenuisset, neq; ceteros etiam coniu-
 ratos ad pœnam flagitasset; viueret Glau-
 dius hodieque; & carceris huius pador
 nos non haberet. Nunc ille dum vnum

depre-

33.
*Infelix
 pagi op-
 pugnatio*

deprehendit, omnes metuit, nemini fidit, ab suis & ipse timetur, sensimque deseritur: Sexaginta reliqui in fide perstatum, secuturi quamcunque Claudij fortunam. Sed illa iam sui dissimilis, quotidie in penitentiam spectabat. Erat in ea vicinia pagus, frequens ille quidem, ac valida plebe defensus; in planitie tamen situs, nec vim, si qua afferretur, laturus. Eum Claudius iam olim diripiendum, ultimæ suorum necessitati reservarat. Illuc fugitivi se nostri recipiunt; pactique impunitatem, omnia familiæ nostræ consilia prouulgant. Mox, quemadmodum aditu nos arceant, ostendunt. Ratio omnis muniendi hæc fuit. Fossa modica præruptis lateribus per circuitum ducitur; ea ponte angusto iungitur, quâ ægrè singuli cursus commearent. Interiori crepidine septum ligneum, cœn vallum obijcitur. Id qua effecerint arte, iuuat cognoscere.

34.

Cædvas arbores cum frondibus minusculis comportarant, easque de humilioribus ferme arbutis excisas, vimine saliceque artè connexerant, inque orbem circumcirca sic struxerant, ut nusquam facile intermitterentur. Sepem diceretis germanam, sed solito altiore firmioreque. Quâ in pontem ibatur, modico intervallo portula quædam hiabat. Ponè hanc Rustici in insidijs locati; qui nusquam extrinsecus visi, per rimulas omnia dispiciebant. Ceterum hanc omnem machinam vectibus palisque per funes adstrictam, pauci homines facile movebantur, ut ambularet, perpetuoque circuitu pagum coronaret. His mœnibus

bus tum incolæ muniti, defensionem parauerant. Nos interim rerum omnium ignari, temere velut ad victoriam properamus; equis strigosis quidem & macilentis, sed pernicipibus instructi. Ventum est eo loci, nunde videre pagum iam eminus poteramus: hic noua nos facies, & insolens agger perturbauit; ratos Amphionem adfuisse aliquem, qui mœnia barbaro cantum excitasset. Pro ridiculo tamen id vallum erat, postquam patere alicubi portulam vidimus, quâ penetraremus. Igitur capto impetu, alter alterum hortati irrumpimus. Vix dum pontem attigeramus, cum aliud naturæ prodigium nos in merissima monstra conuertit. Repentè enim fugere septa, ambulare mœnia, circumagi silua; portisque nos exclusi circumspicere, quis Orpheus tot arbores animaret, aggeremque siluestrem vertigine compleret? Nec multum aberat, quin & nos stupore afflicti, in partem vertiginis venitemus. Inter hæc continenter tonabat, grandinisque modo, tela confertim in nos ruebant; quæ tamen vnde inciderent, aut è quo cælo funderentur, non apparebat. Quippe rustici post ambulatoria carecta abditis destinatis ictibus, saxa pilæque in obnoxios spargebant; ita vt in primo conatu, socij tres occiderentur, nouem alijs grauissimè sauciatis. Claudius igitur, à quo Ioue tot fulmina mitterentur, dubius, iubet receptui canere; capiasque extra teli connectum abducit. Ibi animis nonnihil ex pauore recreatis, audaciores eodem incurrimus; alij materiam temere colle-

Etiam alij cespitem coniicimus, & fossam quàm ad portulam iretur, complanamus. Ià vicisse arbitrantibus, ecce iterum machina omnis viuere, arbores moueri, portaque longo interuallo discedere. Et nos iterum delusi, iugruentibus iterum telis obrui, alteraq; clade in fugam effundi. Id. in ipsum tertio, idem quarto facimus; indidem semper irritò euentu, & cum strage repulsi. Sed vltima tandem in pressio res nobis prorsus omnes accidit. Nam viginti commilitones glandibus plumbeis icti occubuerunt; decem vulneribus deformati mutilatique concidere; Claudius ipse iam alio vulnere tardus, dum effusè omnes pro se quisque fugimus, secundùm tempora feritur, ac semianimis tandem ab hostibus capitur. Mihi & huic Laurentio equi confodiuntur. Ita ex omni numero non plus decem in arcem refugimus, per Aocetem illam è pugna respiraturi.

35.
Fures fu-
ribus fu-
rantur.

Memineram ego philippicos nongentos à Claudio defossos, quos in vltima sibi cuenta seposuerat, infelix. Eo iam capto, & mox pessimis exemplis perituro. Quid hæc, inquebam, pecunia, & quem porrò dominum expectat? Quin tu capis ignaue, tabulam, factoque naufragio per hanc euadis? An aliud tibi tu latrocinio quærebas, quàm vt vitam tolerares? Ecce argentum, quod & latrocinio te potest absolvere, & inopia liberare. Nihil honestius olim, ne innocens quidem, fecisti, quàm nunc, si pecuniam acceperis, quæ dominum amisit. Atqui tu fidem Claudio obstrinxisti! tanquam ille iam de pecunia crucietur, qui ipse ad supplicium

cium rapiatur? Liberum hodie te fecit
eius captivitas. Aude, & siue miles es,
cape stipendium, siue profugus tolle via-
ticum: His mecum ita disputatis, ad Lau-
rentium venio, quem fugæ lucrique mei
consciū volebam. Ille nihil abnuens,
continuò mecum; auri audior, quàm so-
cij. Nox erat intempesta, & modicus lu-
næ pallor, tenebras temperabat, nosque
vestigijs observatis passu laneo ad locum
ibamus. Ibi ligonem, terræq; effossæ ruta,
ac mox iuvenem auri tumulum conspica-
mur. Circumfero tamen manū, & ecquid
reliquum sit, exploro, *εἰ χεῖρας* omnia.
Obstupui infelix, percussiq; dextra pectus,
atque ad Laurentium, quid vides, inquam,
Laurenti? ille cachinnans, nihil equidem,
nisi te somniasse Nam viuum, inquit, ar-
gentum hoc fuit, ideoque cœpit currere.
Ego, vestigemus igitur, & quā incesse-
rit fugitivus Mercurius, insistamus. Venit
deinde in mentem, Turno etiam cuidam
ē nostra legione, cognitum locum fuisse:
sed mihi occisum arbitranti. Laurentius,
erras tu, inquit; absurdè. Nam is ante nos
primus redijt, & Saucius in stabulo nunc
somnia capit. Hic nihil porrò differe-
bam, quin illum ego esse peculatorem su-
spicarer. Sed ab illo quomodo argen-
tum reciperem, nesciebam. Occidere
commilitonem non placuit: & si vim
palam afferremus, viribus utroque supe-
rior erat. Multò minus visum est, in iu-
re contendere. Quis enim prætor addice-
ret, ubi duo inter se fures litigarent? Re-
stabat igitur, dolum comminisci; quem ubi
diu quæsimus, talē denique adornamus.

36.
Huma-
nus teni.

Verfabatur in arce canis, fera ingens;
vitulo similior quàm molosso:isque in pe-
regrinos vt mirificè læuus, ita familiæ
blandus charusq; , plerumq; ad limen cu-
biculi; aut si humi decumberes, iuxta re-
cumbibat. Hunc nacti vterque ad stabuli
fores adducimus, maleq; acceptum latra-
re aliquamdiu cogimus; vt excitatus è
somno Turnus molossum agnosceret; ac
si quis strepitus vltrà consequeretur, eius
alium auctorem ne putaret. Inter hæc ego
pellem amurcatam iniicio, millumq; mihi
circundo, ac repentè quadrupes factus in
stabuli caueam irrumpo: vbi per stramen-
tum reptans, quoad potui, canem assimu-
lo. Atqui Turnus in culmo stipulaq; fe-
curè stertens, non aliud esse, quàm canem
familiarem existimabat; susq; deq; habi-
to, quàm tandem percurfaret. Igitur vt nec
videre quemquam ego per tenebras po-
tui, nec videri, reptando, siquid namciscer-
er, laboraui. Iam rhonchi dormientis:
quàm prope Turnū abessem indicabant,
cùm cæpi vigiles oculos quaquàm versum
intendere, ac denique duas hinc atq; hinc
peras videre: obscurè quidem illas, sed
quas tamen esse Claudianas nihil dubita-
tam. Propius deinde adrepto, alteramque
furtim subduco, & rectà ad meum Lauré-
tium recurro. Gaius ille præda feliciter
recepta, vt absoluerem astum, alteroque
venatu, marsupium alterum aggrededer,
monebat. Ego nihilo segnior, ita veterem
laruam libens regredior. Iterum discur-
ro, iterum vestigo. Sed in medijs captis,
subit cogitare; Quid enim iam? si Lauren-
tius interim cum pecuniæ crumena, clam
diffu-

Mala cō-
scientia
timida.

diffugiat? Turnus autem prius furem personatum sentiat, quàm altera ego cruenta potiar. Enimvero festinè hæc mihi fabula peragetur! Et ecce, quàm facilè de comœdia fieri tragedia posset?

Nondum hæc mussare mecum desideram, iamq; mouere se Turnus, & inter lectuli culmos incipiebat perstriepere. Mox etiam, ut inquietus est timor, languida manu explore latera, & depositum quærere. Verùm ut latus alterum inermis sensit, excusso sopore trepidus exilire, conuijsque noctem stabulumque implere. Crederetis Medeam cum familiari rhumbo tricari, aut Canidiæ neptem geniale carmen mihi accinere, ita nihil ille inferorum, furiarumq; præteribat. Tum equidem obrigescere, & pavidus meam cladem expectare. Nam quid porro considerem? aut quomodo polle impeditus, irato exploratori resisterem? nisi fortasse milli muries pro telo fierent? Imo restis, erunt, inqueiebam, vade strangularis. Mussabat interim ille, & varia secum; Quid si, inquit, ego et nocturnus ambulator peram hinc somnians aliquo asportavi? aut canis utique ludibundus per stabulum distraxit? Et qui sciam, in quem angulum ille abiecit? Inde iterum maledictis tonare, arcemque Stygi omnem oppugnare, & iam Cani inolosso iam capiti suo Orcum imprecatus, è stabulo excedere, ut cum laterna regressus, amissum marsupium requireret. Iam ultra fores euaserat, inferos caternatim vindices euocans, cum ei per tenebras Laurentius occurrit; qui, gratioso ludibrio me

37.

opinatus cum altera crumena adesse, socijque fidem quærere: Turno fulminanti iam præstò se esse, respondit. Turnus repentino alloquio confusus, credit Caco-dæmonem adstare, vt quem longis precibus ab Erebo euocasset; ac metu exanimis tollit clamorem, simulque per scalas effugit. Laurentius nondum intellecto, quid fieret, illum ponè consequitur, atque identidem ad se inuitat; secum eat, apud se maneat. Turnus autem tanto pertinaciùs & fugit & clamat, nec aliud quàm Orci diuersorem credit. Tandem Laurentius spolijs me reliquis potitum existimans effugere velle fidemq; fallere, longè tumultuosius instat, vsque eò vt alter de valuis desilire cogitaret; tum deniq; sensit Turnum esse, quem panicus metus agigaret. Igitur dissimulato errore, absistit; atq; ad me reuersus, euentu secundo gratulatur. Nam interea loci, prædam ego, quam in stabulo Turnus reliquerat, nanciscor, & cum Laurentio, quemadmodum conuenerat, statim ex arce me eijcio. Vterque per auia denique vagati, sub lucis crepusculum, in tuto consistimus.

38.
*Male
parta
malè
dilabū-
tur.*

At Turnus, prælucente lucerna, dum vnâ in stramine peram requirit, etiam alteram infelix amittit; minusque in illustri iam stabulo videt, quàm videras priùs in obscuro. Quare damni impatiens, instat, quanto studio marsupium quæserat, laqueum quærere, quo gulam frangeret. Sed cum nondum inuenerat, quâdo plebs rustica, partæ victoriæ insolens, irruit, illumq; & omnes familiæ reliquias opprescit; ità vt manè expugnata arx capti socij,
& ad

& ad vnum omnes suspensi interierint, meq; nullius olim fugæ minis penituerit. Subijt tamen luctuosæ rei miseratio. Nā, quod postridie absentes cōperimus, Claudium nostrum ijdem secum aduexere, vt monstrato argento, quod ibi desolsum dixerat, se redimeret; pacti vitam, si philippicos octingētos numeraret. Ceterum vbi illam nummorum metempsychosin conspexit, erutæq; pecuniæ nulla vsquam vestigia restare; proditum se clamans, meum dicitur nomen sæpenuerò iterasse, & nequicquam questus, suspendio crudeli vitam clausisse. At nobis quid inde acciderit, perge tu nunc reliquum percensere.

Excipit Laurentius, & tanquam istud hi nesciant, inquit, quibus iam dudum aures obtundimus? Audierunt omnia, cum nuper in quæstione pendulus debui perorare. Verum certè non audiit adolescens hic, inquit; cui hanc hodie fabulam pro aduentitia debemus. Me autem aiebat. Nec planè inficior, quin illis mihi stultijs breuiorem carceris noctem fecerint. At ille morosior, nullam ergo nos siues quietem capere? an Lauernæ peruigiliū agimus, vbi Mercurios Autolycosque suacogamus furta laudare? Quanquam autē & sopor huic tuæ rogationi iam intercedit, tamen imperabo mihi, & vt i rogas, aliquid dicā. Quod vbi absoluerō, non patiar vos mihi deinde molestos esse. Annuentibus ergo ceteris, Laurentius; Postea, quàm ex præsentis sociorum clade soli poeneque inscij effugimus, patimur cōmunes sarcinas, & cū singulis bulgis profecti; quarum mea quingentos; quadringentos altera

continebat; loca alia ex alijs peragramus: intenti, quemadmodum rectissime negotiatiemur. Reculam verò corrasimus, quam noui agyrtæ per fora oppidaq; venalem haberemus. Placuit eo maxime quæstu & suspicionem otij vitare; & novas fallendi occasiones venari. Nam nudinas plerumque & rusticorum conuitia sectati, sub papilionibus merces exponebamus. Hic accipite rem veterum Saturnalibus dignam.

40.

*Ridiculus
hæreticus,
et
nabobus.*

Ventum fortè in oppidum quoddam erat, ignobile; vbi diu circumspicientibus, qua parte pergulam tenderemus, monstratur locus prope delubrum, quod à Romanæ Ecclesiæ fides seducta plebecula iam tum turmatim accurrebat. Capta statione, videmus iuxta nos popinam scribitariam; & ibidem grande barbitum, Orci tabulam, liba quædam candidissimæ filiginis nudinantem, quibus impressæ omne genus pecudes erant. Hic scienter canes leporesque dimicabant; ibi suos cuniculi colles, & damulæ rupes, & sciuri arbores percurfabant: alibi cernorum cornua, & vulpium syrmata, & luporum agmina errabant: magna venantium præda. Rebus ex sententia coemptis, caper barbatus è turba secedit, paullo post suis tribulibus cerberi offam daturus. Commodum appetijt hora, iamque era turrium sonare, & tabula ad suam haram decurrere. Mox è sellularia plebe alij super alios irruunt, prædamq; famelici venatores, hiantibus labris, glutunt. Sed non eadem omnes fortuna vsi. Aliqui lepuseulos uacti, helluantur; aliqui ceruos adepti patulis rictibus commellantur. Aliquibus
leorum

leonum iube; aliquibus equorum ungulae obuenere; haud molle pabulum sed ei palato non repudiatum. Ad eiusmodi sportulam homo etiam adulator properabat. Ei Stygius praeo, lepidæ Cereris crustum obicit, quod ultima vulpeculae flabella insigniebant. Quippe cum liba in orbiculos secarentur, factum fortuito est, ut vulpes inhonesto vulnere notata, caudam amitteret. Eam infamiam homo aduerrens, capite refugo, cepit prædam quæ obuenisset, aspernari. Instat nihilo secius praeo, manuque propius adnota, capere suam sibi sportulam iubet. Perseuerat homo abuere, & per caput suum deierare, nunquam consensurum. Miranti capro, & causam insoliti horroris scisc tanti; alter, au tu ergo hoc, inquit, ludibrium non vides? Usque ego omnibus assentator. & appendiculæ vulpinæ hæres traducor. Quod si hanc insuper caudam traherem, næ ego usque in satietatem ab omnibus riderer. Aut aliud ergo crustum porrige; aut si hoc famelico vorandū est, non esurio. Iube sis, qui reliquū huius vulpis assem accepit, etiā hanc eiusdem vnciam tollere. Ita incœnatus ille recessit, extraq; apud scriblitariam delectum inst tuit, & exauctoratis vulpibus magnos alterius pecoris greges, inter liba confecit. Resimus nos hanc hominum religionem, qui ubi facerrimi erant, nostra videbantur nobiscum Bacchanalia vinere.

Paucis diebus ita negotiati, cognoscimus haud procul abesse nobilem dynastam, qui pridem insano studio laboret aurū procudere; idq; dum impetret, noli-

41.

*Aurifaciendi
impossi-
ra.*

lis neq; impensis parcere, neq; laboribus
 superfedere. Nouus hic mihi quæstus, & si
 ingenio uteremur, compendium ad opes
 videbatur, In eo modum, putatisq; accura-
 tè rationibus, seduco Simonem, & clā quid
 mei consilij sit, ostendo. Nempe rectā, in-
 quiebam, hac arte ad magna imus. Simo,
 rectius inquit, ad alta. Nam hæc natiuæ
 mihi scalæ ad furcam videntur. Nam quæ-
 so, an etiam sapias, qui nullum in hoc lucro
 laqueum videas? Quem enim chrysopeum
 mors olim in lectulo iugulauit? quem vllū
 aut ægritudo fregit, aut vnda hausit, aut
 fulmen strauit? Omnes in sublimibus ro-
 stris animam efflarunt; & à furno conspi-
 cui in furcam ierunt Risi, cum hæc mihi
 Simo diceret; & tanquam ita tu vixeris, in-
 quiebam, vt hodie metuere furcam incipe-
 res Triginta iam annis, vterq; patibularij
 sumus; & siue à furno, siue à furto ad re-
 fctim vocemur, eodem iugulo luemus. Nā
 ipsæ hæc bulgæ an alio in pegmate emori
 nos sinent? mihi crede, non sinent. Sequere
 igitur, & aurum iuua percoquere, quod
 decoquamus. His ego talibus Simonem
 permoueo; Mox centum philippicos auro
 permutamus; aurumq; in pulueres con-
 tusam, cum viliori sabulo confundimus.
 Ego chrysopæus assimulo; Simo circum-
 foraneum: vterq;, quid faceremus edocti.

42.

Comparatis omnibus, quarto post diē,
 Socius inter arcis vestibulum tendit; ego
 intrò ingredior; dynastæ, quid venerim,
 significo. Exilijs homo, vt qui crederet Ar-
 chimedem se reperisse; offert hospitium,
 & si artem fide bona docuissē, lautum
 stipendium. Cognita viri cupiditate,
 polli-

polliceor omnia ; simul inuehor in multos hoc genus impostores , qui scelere suo pulcherrimam artem infamarint , effecerintque ut orbis Chrysopæos omnes non secus quàm publicas pestes exsecretur. Inde, quo minus subesse fraudem arbitretur, nexum illi me facio, si quàm fallam : Sin, autem liquidò fidem artis approbem quadringentos philippicos paciscor . Ille vltro vel quingentos pollicitus , iussit specimen maturari. Fit furnus appositè ex præscripto ; carbones, sulfur, viuique argenti pondus modicum, & siquid aliud iussi, prolixè ministratur . Tertiò die dynastam inuito, ei modum artis omnem ostendo , & minusculum globum de vili materia cōpactum in manus trado . Vix teruntij precium inerat : quippe omnis sulfure, plumbo & fugiente Mercurio constabat . Quam glebam vbi non perfunctoriè examinasset, palamque falsus esset, satis se superque omnia explorasse . Dixi , dimidium eius aurum fore, si percoqueretur . Iamque impositurus erat furno, sicut mandaueram, cùm exclamans inhibeo, tãrisper dum puluisculus Arabiæ insper geretur; illud esse condimentũ aut; quod tamen pænissimè excidisset. Dynasta nihil eius pulueris habere se respōdit. Atqui nullus est, inquã, circũforaneus, quin illo abundet. Mitte proin, & denario quantãvis eius copiam eme . Mandat illico dynasta puer . Currit puer ; videt in vestibulo Simonem suas merces venditantem . Rogat , pulueris Arabici num pauxillum habeat ? Ille, plus adeò quàm velim, vilissimæ mercis minùs mihi lucrum quam pondus est .

Simul implet grandem cucullum traditq;
puero. Precium indicare iussus; aliquot
nummulos poscit. Recurrit ad herum.
puer; puluerem ait vix dimidio stetisse, &
ab ipso met mercatore. infra saburrā æ-
stimari. Placuit homini eius sabuli vili-
tas: & ego tamen velut in parcissimum
Euclyonem inuectus, duplum eius pon-
deris, dixi quatuor assibus me præstinatu-
rum. Iussi deinde trientem illius pulueris
ad reliquam massam iniicere: neque dyna-
stam oculos vsquam auertere. Interim
ego carbones sufficio, & folles explico, &
rotem aspergo, & ventulum afflo, dum
denique liquefieri puluerem, inque auri
glebā confluere videmus.

43

Exclamat dynasta, lætus in furno auri
se fodinas habere. Me deosculatur, ma-
gnoque exemplo probitum confiteitur.
Adhibet amicos, obstupeſcunt; aduocat
argentarios, laudant. Per omniū ma-
nus, perque oculos ambulat aurum, & pu-
rum putum agnoscitur. Pondus exami-
nant, decem philippæis æstimatur. Hic
verò me vnum omnibus ostendere, interq;
complexus per arcem deducere, me illum
artificem dicere, qui ex triobulari glebā
tam locuples aurum procreaſſem. Nec
argentari, dictis satiati, vt ipsa nascentis
auri incunabula viderent, ad furnum de-
currunt, mutique prodigium admirantur.
Ceterum de amicis callidior vnus, etſi
fraudem, inquit, video nullam, perſiſto ta-
men, aurum arte procreari non poſſe.
Nam hic ipſe, ſi tantulis poteſt momentis
aurum generare, cur tam eſt continens,
vt ipſe ſibi plures liberos non gignat? Niſi

me oculi fallunt , lœcra illi vestis est , sedet pallor in ore, macies in corpore. Quin igitur aurum parit, & vestem sarcit? aut quid tandem à te mendicat, si te locupletat? Sapientiùs, nescio quis, olim princeps in illum luderet : qui simillimum impostorem, quod aurum facere se posse profiteretur, eamque ob rem præmio donari vellet, prægrandi crumena donauit, dictitans, ei, cui aurum tam habere proventu nasceretur, nihil gratiùs accedere; quàm loculos, posse, quibus illud afferuaret. Icit me vehementer hominis cauillus, a quo vt me vindicarem, alterum aggredior ipso adstante specimen edere, breuique ex consimili puluere aureum globum alterum efformo : quo contemptorem simul elinguem, & artis elusæ cupidum reddo. Verum dynasta præpotuit, ne cui alteri communicatum id arcaum vellem : qui toto deinceps triduo per se ipse eadem expectatus, ter quaterque aurum effecit, quæ ad puluis Arabicus suppeditauit : vt postò nihil dubitans, iactaret Mydam se esse, cui s' attactu aurum ebulliret. Numeratis ergo, sicut conuenerat, quingentis philippicis, id vnum à me poposcit, parcior in discipulis recipiendis essem; ne auri præcium ipsa copia vilesceret. Promisi; & in ultimo digressu, experiri etiamnum iussi, vt viderem an omnia rectissimè meminisset. Paret. Mittit puerum, qui pulueres denuo ferat. Ille sesterijs tribus ab eodem Simone, coemit magnam vim, heroque affert. Herus dimidiuni percoquit, aurique pondus, quantum antea nunquam, educit. Omnibus prægaus

gaudio exsultantibus, ego dimittor; neque
 Simo cunctatus, colligit sarcinas, & abeu-
 tem consequitur, altero iam tanto ditio-
 rem. Interim fama per viciniam vulgatur
 dynastam in auro cudendo Mydam esse.
 Amici nobiles gratulantur, furnique vide-
 re prodigium certant; facit iterum iterum-
 que copiam, & furni spectandi, & auri ex-
 plorandi dynasta; usque eò, ut victam na-
 turæ contumaciam plerique autumarent.
 Sed pauci die abiere, cum cæpit Arabicus
 pulvis desiderari. Mittitur ex more puer;
 circumforanci quærentur, tabernæ sollici-
 tantur, nusquam vilissimi pulueris neque
 nomen auditum, neque vestigium visum.
 Italia consulitur, aditur Hispania; in ipsa
 propemodum Arabia, pulvis Arabicus quæ-
 ritur, neque in hunc diem inuenitur. Ita
 denique cum multorum risu deceptum se
 dynasta sensit.

21

*Menda-
cia per
ingulum
redem-
tia*

Nos autem optimis spolijs aucti, nouissi-
 mè in agrum hunc suburbanum deueni-
 mus. Vbi dum properamus incauti, ne
 præceps occasus ab vrbe nos excludat, per
 dumeta, iuniperique cippos contentiùs
 ferimur. Et portis quidem admissi in
 urbem recipimur. Verum ut in diuersorio
 sarcinas deposuimus, cum ingenti damno
 manticam siue meam ascoperam deside-
 ramus. Quare infortunio mactati, noctem
 illam insomnem agimus, primoque dilu-
 culo egressi, & viam omnem remensi, ni-
 hil inuenimus. Consultissimum verò fuit,
 præconio pecuniam repetere, atque ei, qui
 quingentos reperisset, centum indidem
 aureos polliceri. Potuit magnitudo præ-
 mij vel mutum excitare, ut indicaret. Iam

præco

pergo per fora omnia perq; cōpita vagatus,
omniū in auribus obstrepebat. Audiit cla-
morem faber materiarius, qui, quod a me
perquirebatur, inuenerat. Is longè, quàm
nos erat us, melior, præmio inductus, pe-
ram confestim, fide optima retulit. Quam
ego dum solerter examino, intactam, suis-
que adhuc momentis obseratam recogno-
sco. Aperio, & de aureis quingentis, in-
uentori numos quinque impertior. Ille
spe sua deceptus, Enimvero aliud præco-
nem ait spondidisse, neque quinque nu-
mulis liberalitatem, sed centum philippeis
circumscripsisse. Sed mihi cum aurum
in precio esset, facile fuit fidem excutere;
& proin fabro quiritanti, daturum me
fuisse respondi, ut dantis munificentiam
ipse præuertisset, centumque aureos de
sextentis iam prius segregasset. Hoc e-
quidem commento sperabam abigi ho-
minem posse. At faber, eam verò lucu-
lentam iniuriam dicere; eiusque conuitij
cœpit testes aduocare, & litem contesta-
tus, mecum in ius ire. Ego qui nihil præ
auro ducendum credideram, pergo, iisdem
mendacijs causam defendere, & amissis
sexcentis philippicis non nisi quingentos
recepisse me dicere. Ille item perseue-
rat, quingentos reperisse, eosque solidos in
pera obsignata reddidisse, Iudex vafro in-
genio, & cui fraus subolere videretur, o-
stendit aliquamdiu perplexum hæere se,
neque ab vtra parte pronuntiaret, vide-
re. Iubet tamen iureiurando dicere. Iurat
faber sublata manu, quingentos inuenisse;
ego me amississe sexcentos. Vterq; testes,
ille ciues suos, ego Simonem huc meum
adhi-

adhibemus. Continuo iudex, surgit, causamque hanc sententia disceptat. Quingentos philippicos, quos faber inuenisset, videri ab alio amissos; oportere proinde illos suo domino seruari: mihi meos sexcentos porro quæritandos, dum & ipsi ab aliquo reperirentur. Non potuit me grauior sententia damnare. Ita insperato iugulatus respicio, & si quid mihi Simo suggerat; exspecto. Ille me ipso pallidior, parietem, quo se fulciret, requirebat. Faber interim ceu victor exultare, & cum pecunia discedere. Quem ego retortis oculis persecutus, ingemui, satiusque credidi, si mendacium confessus, quadringentos, reciperem quam si pertinax quingentos perderem. Accido iudici supplex, & flagitij veniam rogo; quingentior utique hoc à me, non sexcentos esse amissos. Tolleret inuentor centum, quemadmodum conuenisset, reliquum mihi redhiberet. Idem, & Simo precabatur. Sed quibus artibus nummos expedire conati sumus, ijs verò iugulos impedijmus. Neque enim iudex semel iam mendacibus finem habuit, & periurij conuictos, pecuniam multauit, & de furto suspectos in carcerem hunc detulit. Nunc quæstionibus subditi, & omnia latrocinia confessi, supplicium expectamus Senes, quod pridem iuuenes commueramus.

45

His in hunc modum à Laurentio commemoratis, inceperunt etiam me hortari ut summam rerum mearum explanarem. Ego frustra illos esse respondi, si foderent. Nam longè me dissimilem, ab omni facinore semper abhorruisse, perque solam
inno-

innocentiam in illas Vtopiorum latumias
peruenisse . Hic illi maximo cachinno e-
lati, meam innocentiam riserunt; & cras,
inquiunt, desines tibi innocens videri, cum
tormenta subigent, verum fateri . Nam
neque nostrum aliquis huc nocens venit,
tormenta primum nocentes fecerunt. Car-
ceris hoc huius ingenium est. Quibus di-
ctis, illi quidem condormierunt . Sed ego
recredescēti vulnere æger, rursus in la-
crymis lamentaque ruere, & iam orbos
parentes, iam socios amissos, iam præci-
puè me miserari : Modò infamiam queri,
quæ generi esset iniusta; modò supplicium
metuere; quod insonti esset perfereudum .
Postremò cum longis querelis perfectio-
nem hanc nostram accusassem; consum-
ptis omnibus lacrymis etiam ipse in som-
num dilabor . Quamquam ille vigilijs fuit
ipsis tristior, cum tot mihi licetorum car-
nificumque manipulos identidem obie-
ctaret, ac toties præmissimè elapsum è fuga
ad pœnam retraheret . Scitis, quippè,
quàm hæc noctis simulacra animos fa-
tigent .

Manè simul atque euigilo; redeunt
lacrymæ; redeunt & iidem, qui pridie me
incluserant; atque indidem eductum, in
amplum & amœnum triclinium compin-
gunt . Vbi mensa lautitijs multis referta
vini, cibique copiam faciebat : Hic spe-
rabam Vtopios primæ crudelitatis pœni-
tuisse, pridieque ebrios, nunc crapulæ suæ
insaniam damnare . Roganti tamen,
quid repentina felicitas indicaret? aiunt
harum rerum copiam fieri solùm ijs, qui
postridie sint ducendi . Tunc verò neque
ede-

46.
*Suppli-
cium ex-
pectantis
metus.*

edere mihi, neque sitim restinguere libuit
 sed germanus Tantalus inter vberriam
 annonam, velut in publica fame, esurie-
 bam. Quem enim mortuales epulæ dele-
 ctarent; aut quorsum, etiam famelicus,
 esitarem? Nempe ut sagina pastus gladi-
 ator, postridie in arenam rapi, ac pinguiori
 iugulo ferrum iuberet recipere? Quamo-
 brem abstinui, atque impotus, impransus,
 diem illum duraui: donec hodie ad lanie-
 nam publicam protractos, mimici, ut
 vidistis, mortem oppetij. Quæ infortunia
 si vobis nihili videntur, iam per me licebit
 rideatis; non item risuri, si in eadem tra-
 gœdia actores esse vos debuissetis.

47

Hanc noster ANTONIVS rerum sua-
 rum ephemeridem, carcerisque nocturni
 historiam nobis retulerat, pallore metuq;
 deformis. Neque nos inficias ibamus,
 quin grauiā perpeſſus, meam calamitatem
 longè superasset. Tamen ut omnia deni-
 que in ludum deſiſſe vidimus, deterſo
 mœrore, vnanimis ridere ludentem for-
 tunam, multaue ſeſtiuè alter in alterum
 dicere perreximus, quæ amicis tempus io-
 culſque ſuppeditabant. Antonius ipſe ac
 Georgius, ut ſi conſtanti felicitate vteren-
 tur, meum cum vſo contubernium liber-
 rimè riſerunt; vſi ſuum ſibi carcerem,
 præ mea fouea optare. Nam inter ho-
 mines inquiebant, ſaltem pernoctauimus
 apud quos morituri cauſam diceremus;
 tu in belluæ luſtro captiuus, indiſta cauſa,
 mortem expectabas. Sed enim LVCIVS
 receptis è ludicra morte ſodalibus, in-
 nuit puero, eumque, cùm in aurem a-
 liqua dixiſſet, abſeſe ablegat; credo ut
 do.

domi suæ nouis hospitibus locum appareret, quos paucis post horis esset adducturus. Nam nobis in aula palatij, vbi HERMIVS degebat, adhuc morantibus, Antonius Georgiusque nondum ades LV-
CII viderant. Ad hæc, vltra meridiem horæ processerant, cum illi nihil dum apud HERMIVM gustassent, præter patrij moris iusculum, vinique modicum liquorem, inter bellaria. Rogatur igitur palam Antonius, vti nobiscum in Aulam LV-
CII transires, diu ferociter repugnauit. Qui enim in publico, inquit, apparere, aut os meum populo ausim ostendere? Hærent ruboris huius vestigia, & hærebunt, donec Vtopios meminero. Hominem bono genere ortum, & optimis disciplinis initiatum, sic illi ad satiandas cupidines suas abutantur? Et esto, luserint, neque seria crudelitate sanguinem hauserint: an parum fuit, pro latrone duxisse, inter latrones, & vinxisse & condemnasse? Vos tamen en hanc ipsam infamiam vmbra nunc aliqua tectam in lucem producere laboratis? Atqui ego sic st. tuos; noctem, aut certe noctis crepusculum hic expectare, primisque tenebris vrbe excedere; neque de cetero ad inhospitales hos Vtopios vnquam redire. Ita quidem Antonius. Sed Annus tamen atque Dorylas nobilissimi iuuenes obtinuerunt, vt morem vellet gerere, & noctem adhuc diemque promitteret. Pacatior deinde. Tu autem, inquit, Georgius, quemadmodum a me aberrasti? Et quomodo in silua amissus, ad meum infortunium, huc redijsti?

Ego verò non absimili, inquit Geor-
gius

gius, errore actus, dum hostilem effigere globum cupio, sodalem amitto. Nam in eo, quem suprâ dixisti, strepitu, cæpi læuorsum a via deflectere, & tantò seciores nos credere, quantò celerrimè longissimeque recederemus. Ab ea parte

Silua fuit, latè dumis atque ilice nigra

Horrida, quam densi complerent undiq; sentes.

Illac improvidè properantem, neque facile in metu, inque tenebris respicientem,

Rara per occultos abduxit semita calles,

Ibi ut euaseram hostem steti fessus, ægreque ex cursu animam reciprocans, frustra Antonium meum requisivi, Et, Antoni, exclamo,

———— infelix, qua te regione reliqui?

Quæne sequar? rursus perplexum iter omne reuoluens

Fallacis silua, simul & vestigia retro

Observata lego, dumisque silentibus erro.

audit vociferantem; vltima furentum acies, qui iam urbem repetebant: nec diu cunctati, vocem persequuntur, atque ad me perueniunt, viginti omnino, venatores an aucupes; an neutri, haud liquidè scio. Nam canibus alij latrantibus cincti; alij gesticulantibus simijs obsessi: nonnulli accipitres aut noctuas complexi, incertum fecere, quos arbitrarer, Res docuit, personatos prædones fuisse, eosdem qui te, Antoni,

toni, exceperant; quanquam id ego tum nesciebam. Ij me pertinaciter renitentem fidemque Quiritum publicam implorantem abstraxere, atque oculis obuelatis, inter graueolentes crapulæ ructus, eo denique perduxerunt, vbi biduum hæc remansi. Qui qualis locus fuerit, quidque vñ venerit mihi, quando nescitis, paucis explicabo.

Diæta est huius palatij ampla quædam & amena: cuius interdiu parietes picturati, pars aulaeis Babylonijs, pars elegantibus tabulis prætexuntur. Vidit utique Hermias, nouitque locum. Diceretis omnia viuere. Ibi se Parthasij colores, ibi Timanthis artes; ibi Apellis imagines longo ordine consequuntur. Inter quorū artificum labores inclusus nisi libertatem vna cum locijs amisissim, poteram beatulum me autumare. Tum verò vel palatium mihi carcer fiebat. Quid enim iucundum est in metu? Aut quis futuri incertus, potest securè præsentibus lætari? Ego tamen in illa formidine, & somnum capere debui; nocteque tota corpori concessa, animum diurnis calamitatibus reseruare. Vbi dispulsa caligine dies subijt, miratus ego solitudinem quæ circumerat, consurgo, & si qua effugere liceat, requiro. Verum vt oppelsulatis foribus frustra fui, multa me perturbauerunt. Nam, neque quod hostium genus esset, apud quos detinebat, neque quid ij molirentur, peruidebam. Adhæc memineram aliquos ita olim esse interceptos qui deinde ergastulis inclusi miserrimam seruitutem seruiuerint, quorum exemplo forsitan & mi-

*Etia in
lata sape
domo tri-
stis car-
cer.*

hi viuendum esse, aut pereundum. Quid si & inedia me longa enectum, in regio hoc mausoleo sunt condituri? aut siti potius afflictum periment? aut solitudine, certè, cum mitiori supplicio conficiant? Denique dum nihil certi sciebam, omnia perinde formidabam. Has igitur animi tempestates, vt mitigarem, placuit pendantium tabularum imagines contemplari, eoque spectaculo diem fallere. Res inuenio mirificè stultas, sed eo tamen artificio pictas, quo se ipsa pingere natura vellet, si penicillum haberet.

50
*In ipso
 melle
 amara
 natatio.*

Prima mihi tabellas siluas montesque Sarmatarum, ac barbari cuiusdam nemoris viuum horrorem exhibebat. In cuius picturæ umbilico vetula quercus excava-
 ta, magnisque apum examinibus obfessa, vberi melle fluere, ad arboris radices fouea depressior, cum imbrem excipere, Sarmatique melleo lacu immersus, indidem vrsæ auxilio extrahi, videbatur. Quæ etsi magna fuit coloris artisque illecebra, historiæ tamen cupidior, circumspicio, & ecce, marginibus poema inscriptum. Id quia haud illepidum, otiosus totidem verbis exscripsissem, si pennæ chartæque mihi copia fuisset. Interpellauit Georgium Hermius, & hocine carmen est, inquit, quod mihi iam olim ex illo tabulino, quæ admodum alia multa descripsi, atque in hunc libellum retulit? Inspexit Georgius, & Hermio, est sanè hoc, inquit, ipsum, & ecquid legimus palàm, vt his etiam eius gustulum præbeamus; Hermius, etsi persæpe id legi, quin hodie tamen, inquit, vobiscum recognoscam, nihil inter-

ce-

cedo. Igitur sic incepit.

*Lucius Hyperboreas ubi proximus aspiciet
Arctos*

*Tardaque pinifero sustinet Astra iugo :
Lata ibi pennigero plaudunt auaria fax-
tu,*

*Et fouet indigenas plurima quercus a-
pes.*

*Antra fluunt inibi mellito pinguia succo;
Et vetulos seruat multa cauerna fa-
uos.*

*Non ouibus, non malsa deest ibi lymphæ iu-
uencis,*

*Et vorat Hybleas Vrsus & Vrsa dapes.
Forè per illa vagus reptabat tesquæ colo-
nus,*

*Mellifero cupiens quarere furta specu.
Hic ubi lustrato nemus exijt omne recessu,
Denia fortuito venit ad antra gradu.
Arbor in accliu stabat malè pendula sa-
xo,*

*Iamque erat emerita nulla medulla
trabi.*

*At caua ne nullam seruarent robora vi-
tam,*

*Vinus in exanimi stipite catus erat;
Catus Apum, magnis qui par legionibus
ibat*

*Mella per irriguos cum legerentur a-
gros.*

*Omnia dixisses Siculis examina pratis
Illius in vacuos arboris esse sinus.*

*Denique iam nimio quercus saturata Fa-
lerno,*

*Exundare suas ebria iussit opes.
Inde coacta ibant in grandes mella cauer-
nas,*

Stagnabantque pigro deflua mulsa iactu.
Iamque palus poterat, poterant iam stagna
videri,

Ni liquidum tegerent crusta gelata va-
dum.

Rusticus hanc igitur dum Sarmata per-
meat Hyblam,

Fallacique audet credulus ire solo,
Labitur, & rupto fouea consumptus hiatus
Implicuit trepidos rore tenace pedes.

Utq; magis sese atq; magis subsidere sensit,
Iamq; genu mergi nectare, iamq; femur:
Pallidus, ò Superi defendite, dixit. At inter

Dicta, repentinus fluxit in ora liquor.
Tum pugnaro lacu, lentiq; coagula mellis
Nil profectura disseciare manu.

Tunc pedibus, totoq; miser contendere
trunco,

Et graue suprema ferre palude caput.
Deniq; conatus licet omnia Rusticus; haeste
Rusticus Hyblais undiq; mersus aquis.

Sic ubi consumpta vires iacuere medela,
Institit externam querere captus osem.
Arua rogat; Nusquam ullus erat. Rogat

Astra; roganti,

Mutua qui ferret murmura, nullus
erat.

Interea bis Phœbus aqua se lauit Ibera,
Pallidia nocturnos bis Soror egit equos.
Nullus adhuc spondebat opem. Tunc ge-
nua lababant.

Raucaq; defectus fugerat ora sonus;
Nil nisi de viuo restabat lacryma vul-
tus,

Cetera semianimum membra cadauer
erant.

Ipse prius mutū cecinit sibi præsica lessum,
Mor-

Mortua quàm tumulo conderet ossa suo.
Certè, ait, ut multi tumulo meliore quiescant,

Dulcior est nulli quàm mea tumba
mibi.

Dixit; & extremo conuersus ad athera
n utu,

Nunc, ait, ò oculis Astra valete meis.

Vos quaesturis mea prodite funera natis,
Nam vos sola meus conscia casus habet.

Vix ea? cum streperi turbantur murmure
fentes,

Calcanturq; fero pressa vepreta pede:

Omnis ab horrifico tremuit vicinia cursu,
Praesentemq; vident tertia resqua feram

Tum licet in iugem properaret Sarmata
noctem,

Sarmata lethifero tollit ab amne caput.

Monstrum informe videt. Catulis comitata
duobus

Cominus è denso profilit Vrsa rubo.

Perq; vagos nemorum celeri pede rapta
metus,

Currit ad Ambrosi stagna repleta mero,

Gratuitisq; gulam dapibus non parca saginat.

(Nobilis ò qual è pascis, Hymette famē?)

Hic quid agat, dubio perplexus Sarmata
voto?

Clamer? erit Getica prada cupita fera.

Cesset inhaerentis perimetur glutine mellis.

Vtraq; funestas Mors habet exequias.

Mella tamen lentè, properantius vrsa noceret.

Mitior vrsa proin credita melle fuit.

Ergo silens cauto componit brachia flexa,
 Aversam capiat dū fera pasta fugam.
 Post ubi daps brutum saturavit Hymettia
 ventrem,

Securumq; lacu capit abire pecus :
 Rusticus attollens è lento brachia visco ,
 Corripit inteſta terga ferina manu .
 Inſcia tunc laqueo ſe credidit uſa teneri ,
 Et ſua fatali tergora capta ſera .
 Illicet ergo vocat penitas è pectore vires ,
 Tergora poſticis ſoluat ut inſidijs .
 Uſq; laboranti tamen imminet hamus , &
 haret , (mit.

Et magis illa trahit, quò magis ille pre-
 Deniq; dū trahitur, luctatur uterq; trahitq;
 Ille ſua pugna victor , & ille fuit .
 Uſa quidē excuſſo latiffima pondere fugit;
 Sarmataq; è liquido carcere miſſus iſt.
 Sic pariter capis uſa fugam ; ſic Sarmata
 vitam ,

Sarmata mellito pane perempte lacu.
 I querere; et ſolis mortē puta ineſſe venenis
 Quo gula plus mellis, plus gula mortis
 habet .

Placuit nobis pleriq; carmen , & Geor-
 gius , Reſpiravi, inquit , ſimul hoc Epi-
 gramma perlegi ; & utique non barbaros
 loci inquilinos credidi, quibus hæc Muſa-
 rum humanitas noſceretur .

51.
 Fur fur-
 tum Do-
 mino ſuo
 vendit.

Progredior alteram imaginem perlu-
 ſtrare : Ea verò quas fabulas repræſenta-
 ret, adſcripto hoc commentario expli-
 cabat. Homo erat impoſtor , qui editis
 ingenij exemplis , varios iam diu ludifi-
 carat : quidnis impunè auſus ; Crumenas
 de ſinu reuellere ; pallia ab humeris diri-
 pere ; pileos capitibus ſubducere ; & niſi
 impen.

impensè vigilares , ipsas currētibus soleas harpagare , doctè vsque in miraculum sciebat. Nunquam illi neq; ad facinus audacia defuit, neq; ad fraudes ingeniū. Hic edes fortè qualdā ingressus nobile tapetū, subtemino serico textum rapuerat; & cum eo spolio iam ad domus ianuā descendebat, cū exeunti occurrit in limine paterfamilias; qui de foro regressus, oppidò miratur , rogatq; quid homini ignoto negotij fuerit? Ille nō absurdè cōiectans, earum ædium dominū esse ; capit in arena mendacium : Egisse cum familia , tapetum vt emerent. At illos absentiam patrisfamilias caussatos abuuisse; aut certè mercem preciosam non satis agnouisse. Simul euoluit laudatq; mercem. Eius iubetur precium, indicare, iudicat. Dominus, ei se tapeto alterum planè gemellum habere confessus, haud grauatè mercatur. Numerat aureos viginti, atq; hominem à se dimittit . Inde ad uxorem, & quā bene emerit, narrat : Dudum fuisse, vt alteri suo propetasmati geminum quæreretur; id insperatō nunc reperisse. Ita multum ad lucri rationes interesse, si quidq; in tempore emeretur. Iubet deinde cum altero suo componi, & vtriusque similitudinem examinari. Diu quaritur , ac postremò tanta reperitur similitudo, vt ipsemet paterfamilias doluerit, emptum propetasma veteri suo tam simile fuisse. At vaferrimus impostor, vt in tutum euasit, ridens apud suos iactauit, nihil se à prætorē iam metuere: rem enim, quā furto sublegerit, ipsemet domino redhibuisse.

Non potuit deinde furacissima manus diu quiescere . Viderat enim (vt ad

52

*Alius po
ristroma
iū publi-
cus Har-
pax.*

tertiam imaginem tertia exponebat tabel-
la) in vrbe publicum solarium magnificè
ornari, & omnia peristomate argenteo
vestiri, neq; aliquid ad loci splendorem o-
mitti, quo per Comitia Imperator accipe-
ret. Explorat sedulus omnia qui custodes
excubent, qui homines admitti, qui exclu-
di qui liberè per aulam vagari soleant; &
si qua alia sunt furibus cognoscendâ.
Omni-
bus ad insidias comparatis palatium
ansatus ingreditur, sequuntur famuli duo,
exercitati nebulones. Ille inter discursan-
tium turbam circumit, stomachabundus;
aliaque ex alijs contemplans, ad peripe-
tasmata, quæ dixi peruenit. Ibi multà in-
dignatur; iam hæc inconcinne pendere;
iam alia breuiora, vix dimidium parietis
tegere, aliqua autem dependula, pauimen-
tum panè ipsum euerrere; in alijs aliud
caussatus vultuosè per aulam ambulabat.
Inter hæc verbis minisq; famulos increpa-
re; quid agerent stultissimi bardi, qui tam
absurda non cauerent? cui enim bono, &
ista, & ista posse probari? Irèt igitur, lociq;
dedecora tollerent; & centonibus detractis
aurata continuò aulæa suspenderent. Illi
iam edocti, nequicquam purgare se; & ne-
scio quem *neminem* culpis onerare: atq;
interim tamen ascendere, omniaque orna-
menta parietum refigere, & ecquid præ-
terea iuberet, rogare. Ille clata voce, bain-
los obiurgans, iubet peripetasmata ad suū
cubiculum deportare; indidemq; alia, quæ
vellet depromere. Parent; in ore omnium
abeunt. Nemo intercedit; nemo suspicatur.
Sequitur ipse, & vt quemq; obuium habet
pergit vltro in ignauissimos fucos conui-
tia.

tiari, qui vilissimorum centonum lacinijs
diætam Imperatoris iuquinassent . Quid
multis; interdum, in turba, palam; impunè
palatium Cæsaris audacissimus impostor
spoliavit. Quod multi, etiam post quàm
factum est, potuisse fieri negabunt. Disces-
sit igitur veterator, & spoliis opimis auctus
multa nihilominus maleficia designavit .

Certè enim, quemadmodum quarti pa-
rietis pictura scripturaq; indicabat, cum
comite quodam, seipso nequiore publicū
diuersorium petijt; diduumque totū inter
compransores helluo perpotavit. Ij dein
abituri, iusserunt œconomum rationes pu-
tare . Ait hic, nomina illos fecisse decem
Philippeum. Hic incipiunt illi ex compo-
sito litigare, & vter sumptus faceret, con-
tendere . Postremò sic causa deceditur; vt
eius rei arbitrium Oeconomo permitta-
tur, eique oculi prius arctè sudario ligen-
tur; qui deinde per hypocausti spacia di-
scurrens, duorum alterum fortuitò com-
prehendat: vtrumuis cepisset, is vnus con-
tracta nomina expediat. Oeconomus non-
dum in fallaciæ ludo versatus, probat cō-
siliū, clausisq; oculis, & linteo prorsum
impeditis, stultissimus andabat adiuagatur.
Quos dum tali venatu persequitur; sæpè
in parietem amens incurrit; sæpè irritus
fornacem prehensat; sæpè dum pronus af-
fligitur, a duobus effusè ridetur. Et hi ali-
quamdiu perseuerant, iam vitare scrutan-
tem, & exire: iam velut in discrimine, pē-
neq; deprehensi, clamitare: rursus silentio
& metum simulare, & foribus appropin-
quare; donec vtriq; opportunum fuit, vt
capta fuga per ianuam clanculo elaberē-

53

*Causa
ludendo
luditur.*

tur, nusquam porro reperiendi. Verum, Oeconomus, etiam dum ignarus, pergit nihilo segnius tanquam adhuc præsentes irritò conatuprehendere, crebroque pedum strepitu denique cauponem, qui subter agebat, perturbare. Is perinde ignarus, accurrit. visum, ecquis tumultuetur? Videt cæcum histrionem in stultitiæ theatro agere; aut certè andabatam cum inanibus umbris velitari. Itaque dum ingreditur, œconomus cum tenebris, tum vertigine confusus, reperisse tandem se, quem quæreret, arbitratur. Proin' dominum turbidissimè inuadit, cōstringitq; Caupo, quod hominē futere crederet, terribus exclamat, seseq; ex cōplexu proripere laborat. Oeconomus, ne malum nomen à se profugeret, itidē clamores tollit, arctiusq; hominem astringit. Vocat opem familiæ dominus, vocat œconomus: queritur ille se a furioso teneri; hic sibi abobærato deberi. Oritur ingens vociferatio. Concurrit in spectaculū vicinia; dominūque vi eripit. At Oeconomus suum sibi debitorem questus eripi, confirmat insanix opinionem. A quatuor proinde validissimis feris comprehenditur, atq; per pedes manusque sublimis attollitur: indidem in moriæ caueam compingendus publica via deportatur; ridentibus aliis, quod identidem clamaret, non ire se, cum inter manus portaretur. Triduum ibi totum coactus fuit pro insano morati miser; quo toto tempore meditabatur, quibus tandem argumentis insaniam confutaret: neque reperit tamen, cui sanum se esse persuaderet. Quæ illi re hodieq; multū incommodat. Nuper enim

lecto

lecto senatu, sperabat consulem se futurum, nisi hæc illum stultitia diffamasset.

Cæterum is, quem dixi, tenebrius, 54
 mox in aliam urbem transgressus, no- Manus
 uis ibidem molitionibus, obuios omnes furis in
 reddidit infestos. Nam, sicut è quintis co- sacco de-
 loribus litterisq; tholo inscriptis erat in- prehensa
 telligere, præter alia plura, conspecto for-
 te nobili Germano, qui patrijs artibus ni-
 hil tectum præ se ferret, dedit negotium
 Fusco comiti suo, quemadmodum illius
 marsupium compilaret, quod adolescens
 incautè alicubi ostenderat. Ipse interim
 versutior, quendam Hispanum obseruabat
 qui quotidie numatus in forum descende-
 re, & quæque preciosissima licitari consue-
 rat. Hunc ille iam olim ita spoliarat, ut
 indita clam manu, sinus illius exploraret,
 loculos egregiè factos educeret. Sed ho-
 mo Hispanus ab vno iam documento sa-
 pientior, ne sæpius conflictaretur, festiuum
 capit consilium, furis capiendi. Quà si-
 num apertiebant femoralia, laqueos inserit
 ferreos occultos; quibus coeuntibus im-
 missa manus tenaciter vinciatur; Inde
 iterum ijt in turbam; fur iterum in illum;
 vterque sui secutus. Iam iuxtim adsta-
 bat, manumque furtim in vetereni si-
 num intendebat. Vix autem eo se tota
 manus immerferat, cum coeunt inspera-
 to vincula, & laqueo violenter adstri-
 cto fur impeditus, nusquam mouere se
 infelix, nusquam vertere potest. Inter
 hæc sentit Iberus attineri feram, neque ea
 posse nassa exsolui; nihilo minùs ta-
 men dissimulat, totoque foro pernaga-
 tus, hederacæam appendicem traducit

Credebant alij vnum aliquem de necessa-
rijs esse, qui operam togatam amico præ-
staret: at ille vt si nec videret comitè, nec
sentiret, ita nullo se vllò indicio prodebat.
Et fur pari modestia cum eodem agere;
quacunq; iret comitari, vbi subsisteret, sta-
re; cum se verteret, verti. Diceres omnia
illum dexterrimè assentari; nec vidisses o-
lim aut amicum humaniorem, aut comi-
tem modestiorem, aut seruulum prom-
ptiorem, qui vnà vel in vndas rueret, vel in-
ignes tenderet, vel quocunque præcederes
subiret. Cum Iberus in hunc modum ple-
ramq; urbem peragrasset; ante ædiū am-
platum fores nouissimè consistit; & cupere
se cum patrefamilias in colloquiū venire
ostendit. Admittitur, haud grauatè; sed ne-
que dū à corpore discedit vmbra. Occurrit
hospiti in limine herus, (qui quidem sum-
mus in vrbē prætor agebat) & humaniter,
ecquid se hospes velit, expectat. Ait Hi-
spanus, arcanum esse, neq; coram arbitris
id pandendū. Seducitur in cubiculum in-
terius; sequitur & hedera iam pridē malè
sibi enētūrum intelligens. Ait hospes, neq;
ibi dum tutò posse transigi, quod præter
iudicem ceteros oporteat exesse. Prætor,
Achatem ergo fidum iubet dimittare. Ibe-
rus, cum verò, ait secum, nescio quo frigo-
re, concreuisse; manuq; in vinculis osten-
tā, narrat festinè qua muscipula foricem
exceperit. Admiratus prætor & furis au-
daciā, & Iberi solertiā; lictores adesse
continuo, manumque absolnere, & iugu-
lum iussit necere. Ita pallidissima buxus
in carcerem tantisper abripitur, dum po-
stridie de furca suspendatur,

Fure.

FINE in vinculis habito, Fuscus, quā ille 55
 sibi asciuerat, aduersus nobilem Germanū *Celaphis-*
 sed stolidè incautum, prosperè dimicat. *crumena*
 Eum quippè, ut in tesselati operis mensa *emittit cru-*
 vermiculatum emblema additaq; verba- *meniscus.*
 tim historia monstrauit in perampla por-
 ticu adortus, umbone primū, ac mox c-
 tiā pugno percutit. Ille contumeliæ impa-
 tiens, verberantem haud leuius repercutit.
 Fuscus institit defendere, magisq; irritat.
 Venitur e pugna ad luctam, volutatur hu-
 mi uterq; & aliquamdiu alterni succum-
 bunt. Consulto deniq; vincitur Fuscus, qui
 dum egregiè contunditur, malæq; illi am-
 bæ & genæ non perfunctoriè cæduntur,
 vaserimus luctator Spartano robore pla-
 gas omnes durat, & interim lubricitante
 manu, in latentem adolescentis pecuniam
 grassatur. Pòst ubi potuit callidus, quic-
 quid voluit iocoso tollere furto, incipit vi-
 ctum fateri se, veniamq; petere. Germanus
 data venia, redit, anhelans, ad suos, & quā-
 tam retulerit victoriam gloriosè iactat. At
 ij non perinde simplices, malè ominatam
 pugnam detestati iubent penitus in vi-
 ctoriam inuentam inquirere Nam haud
 sanè de nihilo factum videri, quod ille
 gladiator iugulum tam facile præbuerit,
 manusq; victori tetenderit. Verendum es-
 se; ne quo strategemate victorem ipsum
 imbellis triumpharit. Adolescens, etsi nihil
 metuebat, explotare tamen sinum institit;
 & ecce, loculos miser, aureosque plus se-
 xaginta, in eo conflictu, perdidisse se ani-
 maduertit. Quo demum apparuit, quanto
 hic infelicius vicerit, quam alter victum se
 simularit.

56

Spes vlti Ab ea velitatione Fuscus dum fusi per
ma fu- urbem magistrum quærit, inscius facti, à
rum. lictoribus ipse reperitur, atq; ad eū dedu-
 citur. Ibi quid factum, alijs mihi locus o-
 stendit. Nam sexta imago muris supra ip-
 sos ianuę postes impicta, ipsā hanc vtrinq;
 secus appositam exhibebat narrationem.
 Postridie in quæstione immania confessi,
 vteroue ad patibulum auctoꝛantur. In ea
 calamitate non deseruit se impostor, sed
 carnifici seorsim à turba auri obryzi com-
 plures numos condonat, & si qua arte effi-
 ciat, vt à paribulo rediuiui vterq; descēdāt
 enimvero tum Philippicos mille pustula-
 tos, quos alicubi defossos habeat, eidem
 liberaliter additurum. Carnifex & præsen-
 tis auri splendore ictus, & multò magis
 pollicitatione erectus, adpromittit, modū-
 que rei gerendæ ostendit. Postero die car-
 cerem ingreditur, sectisq; loris humeros
 occultè circūdat, à quibus librare se ipsi
 tantisper possint, dū rursus à furca detra-
 hantur. Rebus ex sententia cōpositis, edi-
 tur terale signū, req; ære funesto euocan-
 tur: fertur sententia, vt laqueo nexi subli-
 me pendeant. Grātulati fures hoc sibi sup-
 plicio, audiunt multos intempestiuè mise-
 ricordes ad prætorem accurrere, rogatum
 vt mitius in damnatos aduertat, & ferro,
 quippe leuiori letho plectat. Ea ve-
 rò misericordia non magis damnatos ter-
 ruit, quàm ipsam carnificem occidit. Re-
 clamant igitur ambo, patibulum se com-
 meruisse; seruent hāc alijs misericordiam
 Iudices, qui minùs atrociter deliquissent, se
 qua lege damnati fuissent, morituros. Ita
 precariò obtinuerunt, vt in furcam deniq;
 age-

agerentur. Carnifex, ne quo indicio fraus pateat, simul ac de scalis eos præcipitanit, ora superinductis pileolis dexterè contegit; ipsi mortem, quàm optimè licuit, clementiuntur; populus à funere in urbem regressus, non nisi vixisse suspendiarios credit. Ingruit subinde diei vespèr, & illi iam simulâdo pendendoq; fessi, oculos aliquando recludunt, ac spectata circum solitudine, rediuvini duo confabulantur; hinc auxij ne qua sua spe fallerentur; inde latius eventa porrò succederent. Adhuc uterq; sic pendent, & in novum flagitium iam vltro coniurant; quemque liberatorem suum exspectant, eum etiamdum capti condemnant. Quippe rationes ineunt, sceleris consciscendi, simul ac laqueo expediti à Carnifice fuissent. Et ille quidem agrè noctis tenebras præstolatus, ubi nullo se arbitrio sensit impediri, quàm primùm ad infame theatrum solus decurrit. Repertis incolumes ambos. Quibus continuo liberaudis admoue: scalas, exsoluit munus, restimq; innoxiam tollit. Illi vegeti, ac gestientes, dum subditis scalis excipiuntur, iamq; in toto se vident, laqueum quem agrè dum exuerant, Carnifici haud segniter; iniiciunt eumque primò nihil huius metuentem, post etiam obnitentem, repentè a patibuli furca suspendunt.

Hic Author manum de tabula; vel, etiam lectorem ipse suspenderet, certa voluntate, & more Poetis recepto, qui maluit poemata abrumpere quàm finire, vel temporinopia, atq; maturitatemoris Protractum, enim fortasse, certè plurima, in hoc Opere.

Emendaturus, si licuisset erat.

INDEX

ACCVRATVS RERVM

& descriptionum omnium libello. hoc
comprehensarum.

Primus numerus paginam, alter para-
graphum indicat.

A



- Accusatio** *falsa latrocinij* p. 172. §. 9. *ficta item alterius innocentis.* 216. *accusatio mularum.* 254. 25. *rustici innocentis. ob furtum* 193. 33. *Admiratio Rustici ob insperatam felicitatem.* 145. 30. *Adolescens peregre ueniens.* 33. 3. *Agnitio amissi socij.* 190. 29. *item* 324. 61. *item sociorum* 77. *Ambulatorium. val.* lum. 254. 34. *Amici laruis tecti.* 70. 7. *Amisforum. recuperatio* 251. 21. *Angeli schemate indutus fur.* 200. 39. *Angelus cum Diabolo & morte suspensus.* 201. 40. *Angustia decidentis in cloacam.* 58. 21. *ti. mentis. suspendium.* 139. 24. & seqq. *Anser auriga cedit, alijs auicula.* 163. 46. *Antistes per fraudem effictus. exbulco.* 207. 47. *agnitus & suspensus.* 214. 51. *Anxietas. è ludo orta.* 73. 8. *malæ consciētia.* 240. 12. & seqq. *occultati in arbore.* 184. 22. *Apparatus cœnæ.* 93. 21. *Aquila efficta cum Dracone pugnans.* 229. 3. *Arcis pulchra. descriptio* 232. 6. *Arietis & dormientis. fabula.* 48. 14. *Artificiosum pauonis. ferculum.* 94. 22. *Astu.*

Astutus & callidas.
210. 49.

*Audax à latrone cincti
facinus.* 188. 26.

*Aulicorum matutina
in Principem officia.*
148. 32. meridiana.
160. 45.

*Auri faciendi impostu-
ra.* 273. 41.

*Auriga inter nobiles
accumbentis festiuū
commērum.* 161. 46.

B

B *Arba incendium.*
122. 9. uē 147. 31.

*Benefacta malefactis
compensantes: draco
è cauerna ereptus.*
10. 8. *Homo canis
officia.* 14. 10. *item
vulpis beneficium.*
23. 17.

Bibacitas Vtopiorum.
168. 3. & 4. *item*
85. 18. *item.* 210. 49.

*Bubulcus antistes fi-
ctus.* 207. 47.

C

C *Allidus & astu-
tus.* 210. 49.

Canis eligitur Iudex.
12. 9. *canis formam
fingens fur.* 267. 36.
*canis officia erga ho-
minem* 14. 10. *ca-
nis. oratio.* 13. 10. *ca-*

nis tensor. 224. 60.

Captiui in carcere.
231. 5.

*Caput ingens se habe-
re sibi persuadens.*
159. 43. *caput suum
inquirens* 151. 28.

Carcer & eius incola.
231.

*Casus è fenestra lapsi
aliū opprimit.* 238. 9
*Catastrophe humana
pompe* 163. 47.

*Campo ingeniosè expi-
latus* 200. 39. *item*
203. 42. *Caupo lu-
dēdoluditur* 293. 35.

*Certamen seu commis-
sio hominis & ursi.*
88. 17.

Chrysopæas. 273. 41.
Cloaca dolus. 58. 21.

*Coci ingeniosa excusa-
tio ob sublatū gruis
pedem.* 245. 18.

Cœna apparatus. 93.
21. *cœna haretico-
rū ridicula* 272. 40.

Cognatio ficta 35. 5.

*Colloquium diei secun-
da.* 32. 1. *colloquiū
ridiculum suspensū è
patibulo cum uxore.*
321. 59.

Comessatio nocturna.
143. 28.

*Commentum auriga
inge.*

- ingeniosum 161.46
itē alterius. 211.50
 Commutatio subita
 vestium 44.12
 Conatus mirus. *adij.*
 357.27
 Confabulationes iucū-
 das quidē sed hone-
 stas esse debere. 7.4
 Conscientia mala me-
 tus et anxietas. 240.
 12. & seq item. 248.
 20. item. 268.36. cō-
 sciū ipse sibi, etc. ibi.
 Consilia reorum anxia
 & incerta. 243. 15.
 Coniualis symphonia.
 101. 28
 Conuiuium. 37. 7. con-
 iuiuiorū luxus & ap-
 paratus. 99. 7. 103.
itē. 160.45. *itē* 208.
 48. item. 211. 49
 Crudele latrocinij ge-
 nus. 186.4
 Crumenifeca colaphis
 crumenam alterius
 emit. 297. 55
 Curatus ingeniosē in-
 sanus. 152. 6. *alius*
 154.38. *alius* 161.39
 Curiositas feminarum.
punita. 362.22
 D
 Amnatio innocē-
 tis. 191.31. item
 ficta alterius. 214.
 52. & 318.56
 Decidentis in cloacam
 angustia. 58.21
 Delectatio Principis ex
 ingenioso facto. 143.27
 Delusi mercatores cum
 hospite, à furibus.
 212.51
 Deprehensi ingeniosē
 pradones. 183. 19. de-
 prehensus item fur
 ingeniosē. 295.54.
alius. 135.20
 Denorans equum Lu-
 pus. 195.36
 Diaboli ridicula visio.
 115.41. Diaboli sche-
 ma gestans fur. 129.
 38. Diabolus cum
 morte & angelo su-
 spensus. 201. 40
 Diluviū metuentis de-
 lirium 154.38
 Diuitia. 133. 18. &
 145.30
 Dolus cloaca. 58.21 *itē*
 dolus ingeniosus fu-
 ris permutantis pe-
 ram cū pera. 202.41
 Dominus à fure rē pro-
 priam emis. 290. 5
 Domus ruina. 238. 11
 Dormientiū varij situs.
 138.13. eorūdem in-
 quietudo. 169.5
 Draco in specu, & eius-
 dem descriptio. 9.7.
eiusdem

- eiusdem in cauerna oratio. *ibid.*
 Ducis belli seu Imperatoris laus. *260.*
 30 E
E Brietatis & ebrii descriptio. *66. 2.*
 item plurium. *68. 4.*
 Egressus in hortum suburbanum. *5. 2.*
 Epheborum Principi ministrantium officia. *148. 32.*
 Epigramma à quodam ferculi nomen existimatum. *130. 17.*
 Equi oratio. *16. 13.* E-
 quorum enumeratio & descriptio. *16. 13.* E-
 quorum officia homini exhibita. *18. ibi.* E-
 quorum varia virtutes & vitia. *204. 4.*
 Equum deuorans lupos. *197. 36.* Equus strigosus *15. 12.*
 Excantatio cœna lauta. *113. 39.*
 Exemplo sani curatur insanus. *196. 41.*
 Exordium *fabulae. 6. 3.*
 colloquij secundi. *32. 1. tertij. 65. 1.*
 F
 Facinus audax viatoris à Latrone cincti. *187. 26.*
 Fallacia Draconis verba. *10. 7.*
 Falsa latrocinij accusatio. *172. 9.*
 Fames siti ingeniose pulsa. *245. 17.*
 Felicitas prodigiosa sagittarij. *247. 19.*
 Feminarum curiositas punita. *357. 27.*
 Ficta innocentis accusatio. *216. 55.*
 Filius patri similis. *36. 6.*
 Fons pensilis. *95. 23.* & seqq.
 Formicis in harëtis somnium. *167. 2.*
 Formido recorum. *240. 12. item. 240. 20.*
 Fortuna subita vicissitudo. *46. 12.*
 Forum mercibus varijs instructum. *194. 34.*
 Fraus mira ex odio suscepta. *257. 27.* fraus prædonum capientium Titium. *179. 16. itē alterius permutantis cum altero peram. 202. 41.*
 Fuga ob latrones in siluam. *174. 11.*
 Fur canem se fingens. *268. 36. alius dum verberatur crumenam tollit. 297. 55.*
 fures

fur nihilo emens omnia. 204. 43. fur sub schemate mortis. 197. 38. alius sub schemate cacodemonis. 199. 38. alius sub schemate angeli.

200. 39.

Furti indagatio & pro palatio. 235. 8. furti ingeniosum hospitis. 158. 43. item trium aliorum. 200. 9. item alterius. 201. 41. itē alterius plumbum pro auro substituentis. 204. 43. item alterius. 212. 50. furtum militis infelix. 252. 22. furtum seruorum. 233. & seqq. 7.

G

Garrulitas senis conuiuantis. 39. 8. Garrulitatis eiusdē molestia. 57. 19.

H

Hæreticorum caena ridicula. 272. 40.

Herculis labor decimus tertius. 227. 15.

Hominis & ursi commissio. 88. 17. hominis plumati somniū. 169. 5. homo & ur-

sus una capti 83. 14. homo volās 111. 36.

Hospitis humana exceptio 36. 6. hospitis ingeniosum furtum. 158. 43.

I

Ignes missilet. 229. 3. Imagines varia. 285. 50. & seqq.

Imperatoris parce stipem dantis festina excusatio. 257. 26. Imperatoris seu bellici ducis laus. 260. 20.

Ingeniosum auriga commentum. 161. 46. itē coci ablato gruis pede. 245. 18. ingeniosum hospitis furtum. 158. 13. item trium aliorum. 200. 39. item alterius. 201. 41. alterius plumbum pro auro substituētis. 203. 42. item ingeniosa alia furta. 290. 51.

Ingenium ingenio elusum. 143. 26. item. 181. 18. itē. 257. 26.

Ingenium nihilo ementis omnia. 204. 43. item. 212. 50.

Ingrati animi vitium. v. benefacta malefactoris compensantes.

Ina-

Ingressus infabulas. 5.

1. in colloquium secundum. 32. 2. in tertium. 65. 1. item. 226. 1.

Inimicitia & odij violentia. 257. 27. & seqq.

Innocentis damnatio 191. 31. item ficta alterius. 214. 52. & 319. 56. innocenter rusticus accusatur furti. 193. 33. Innocentis seipsum defendētis oratio 189. 28. item. 217. 55.

Insani intemperia 152. 36. Insanus caput suum inquirent. 151. 35. insanus mirè curatur. 153. 36. Insanus mortuum se credens 154. 39. idē curatus 156. 41. insanus timens diluvium 154. 38. insanus existimans se nasum habere. 10. pedum 147. 42.

Insidia in insidiantem retorta. 260. 30

Inuitatio ad ambulationem 6. 3. ad convivium & diuersorium 35. 5

Iocus festiuus aurige

161. 46

Iter in Vtopiam. 33. 1.

Iudex canis eligitur. 12. 9. equus. 5. 12. vulpes. 19. 15

Iudicium theatricum. 171. 8

L

Lamenta vxoris ob suspēsum maritū. 321. 58

Lapsus è fenestra in columnis alium opprimis 238. 9. Lapsus in foveam. 79. 12.

Laruatorum agmen. 119. 3

Latebra in quercu. 174. 11

Latrocinij crudele genus. 186. 24. Latrocinij falsa accusatio. 172. 9. Latrocinij infestus locus 173. 10

Laus Imperatoris seu belli ducis 260. 30

Leporum Luporumque Occursus superstitione acceptus. 196. 36

Lictor à furibus suspēsus 298. 56

Locus iucundus. 6. 3

Loquacis castigatio. 42. 9

Lotus in puteo 61. 23

Ludibrium speculi. 320. 57

Ludus

Ludus tesserarū. 72. 7

Lupi à vulpe delusi fabula. 27. 21. Lupi piscatoris fabula. 28

22. Lupum tenentis somnium. 168. 4. Lupus

captus. 85. 16.

equū deuorās. 197. 36

Luxus cōiuiuiorū. 99. 27

M

M Alefactis benefacta compensantes. Draco è cauerna

ereptus. 10. 8. Homo

canis officia. 14. 10.

item vulpis beneficium. 23. 17

Malè parta malè dilata-

buntur. 268. 36

Malus nauis auro &

argēto refertus. 56. 18

Manus furis in sacco

constricta. 295. 54

Medicos se mentientiū

fraudes. 150. 34

Mel comestum à mu-

scis. 254. 25. melli

immersus rusticus.

285. 50

Mendacia pulchrè re-

zorta. 276. 44. men-

dacijs praeclarè elusa

veritas. 108. 34

Mercatores cū hospite à

furibus delusi. 213. 51

Metamorphosis rustici

in Principē 124. 11.

itē in Antistitē. 207.

47. Pradicantis in

monachum. 49. 15

Metus expectantis sub-

plicium. 281. 45. &

seqq. metus ingens in

foueam lapsi. 81. 13.

& 183. 14. item à

latronibus cincti. 184.

22. mala cōscientia.

241. 12. & seqq. itē.

248. 20. itē. 268. 36

Monachi & Pradicatis

metamorphosis. 49. 15

Mors & Diabolus cum

Angelo suspēsi. 201. 49

Mortui comedōtes. 155.

41. mortuum se cre-

dens. 154. 39

Muscarum accusatio.

255. 25

Musica praeclara. 151. 34

Musculus à musca illu-

sus. 126. 13

N

Nasi portentum. 157.

47. item. 254. 24

Natatio amara in ipso

melle. 285. 50. item

natatio, & natantis

somnium. 166. 1

Nemoris descriptio. 86.

17

Neronis aurea cenatio.

143. 28

Nocturna comessatio.

143. 28. nocturni fu-

ris versutia. 133. 19.

O

Occasio levis, captura & deductio-
nis ad supplicium
233. 4.

Occursus leporū & lu-
porum superstitiosè
acceptus. 196. 36.

Odi mirus cenatus &
violentia. 257. 27.

Officiosa ad cubile de-
ductio. 58. 20.

Omnia nihilo emens
204. 43.

Oppressas latro à sarcina
furto subducta.
177. 13.

Oppugnatio pagi infe-
lix. 263. 33.

Oua ridiculè fracta.
253. 23.

Onicula & lupi fabu-
la. 30. 24.

P

Palliū detritum. 8. 4.

Pauonis artificiosum
ferculum. 94. 22.

Pensilijs fons. 95. 23.
& seqq.

Perā, bos furi aufert.
177. 14.

Peregre veniens adole-
scens. 33. 3.

Peregrinantium peri-
cula. 34. 4.

Pericula in arbore ab-

sconditi. 184. 28.

Peristromatum publi-
cus harpax. 292. 52.

Personati illuso-
res. 74. 9.
item Personati varij.
69. 5.

Phantasia mira infa-
ni. 151. 35. & alte-
rius. 152. 36. & seqq.

Pictura varia. 285. 50.
& seqq.

Pirata delusi. 45. 12.
& 54. 16.

Pisces maiores mire
extorti. 161. 46.

Plumati hominis som-
nium. 169. 5.

Plūbū pro auro ingenio
sè substituēs. 204. 42.

Pompa humana cata-
strophe. 163. 47.

Populatio Vrsi. 86. 17.

Pradicātis & monachi
metamorphosi. 48. 15.

Pradones fraude mira
Titium diuitem ca-
piunt. 179. 19.

Prandiū ex herbis me-
ris & vario lactuca
genere. 68. 1.

Principis ingenij inge-
nio elusum. 143. 26.

Propola ab hospitibus
decipitur. 293. 53.

R

Recuperatio amis-
sorū. 251. 21.

Regia

- Regiade scriptio. 159. 44 233. 7
 Remorsū mala consciē- Sententia ludicra iudi-
 tia. 240. 12. & seqq. ci noxia. 255. 21
 Reorum consilia anxia Sepulchro captus & li-
 & incerta. 243. 15 beratus. 63. 24
 Reuiuiscens suspensus. Serui fidelis seductio.
 321. 59. alij duo ve- 233. 7. seruorum ab-
 neno, ut putabant, sente Domino conui-
 necati. 324. 61 vium 102. 29. eo-
 Rhöchos trahēs. 136. 22 rumdem furia. 233
 Rustici in Principem & seq.
 metamorphosis. 124 Silua descriptio. 86. 17
 11. in antistitem. 207. Simulator mortis ho-
 47. qui tamen agno- minem & Vrsos de-
 scitur & suspenditur cipit. 155. 40
 214. 51. Rusticus à Siti fames ingeniose
 vulpe è periculo libe pellitur. 245. 17
 ratus. 21. 15. alius Socij amissi agnitio. 190
 seipsum nō agnoscēs 29. itē pluriū 77. 10
 155. 30. idem vesti Somnium natantis. 195
 bus & ornatu regio I. incidentis in for-
 exiuitur 164. 47 fictē micas. 167. 2. Pice
 accusatur, damna- inquinati. 168. 3. Lu-
 tur, & ficto supplicio pium tenentis. 168. 4.
 afficitur. 214. 52 plumati hominis.
 S 169. 5. tonsi à tonso-
 Agittarius prodi. re 324. 60
 S giosa felicitatis. Solitudine reorum. 243.
 247. 19 15. & seqq
 Sarmata melli immer- Speculi ludibriū. 20. 57
 sus. 85. 50 Spes & latitia vana
 Satyra in conuiuiorum 185. 23. spes noua
 luxum. 99. 27 latrones euadendi.
 Satyrisci. 120. 5 186. 25
 Sciuri terriculamentū. Stertentes varij varijs
 230. 4 modis 137. 22
 Seductio fidelis. serui, Stipē. parcē dantis Im-
 pera-

peratoris festiua excusatio. 257. 26

Stratagema militare. 264. 34

Stulti varij. v. insanus.

Stupidus mirè persuasus. 158 43

Supplicium expectantis metus. 281. 45. & seqq.

Suspensus reuiuiscens.

321. 59. eiusdem è patibulo ridiculum cum uxore colloquiū

321. 59. suspensus à furibus lictor 298.

56. suspensus è clauo delapsus. 140. 24

Symphonia conuiuialis. 100. 28

T

T Apetem furatus eum proprio Domino vedit 290. 51.

Tapetes alius in omnium cōspectu ingeniosè rapit 291. 52

Terriculamētum sciuri. 230. 4

Tesserarū ludus 72. 7

Testudines ambulantes artefactæ. 37. 7

Timor ingens à latronibus cincti. 183. 22.

& seqq. expectantis supplicium. 281. 45

& seqq. in foueam

lappi. 81. 13. 82. 14.

mala conscientia.

240. 12. & seqq. itē

248. 20. itē. 268. 36

Tumulatus ante mortem. 184. 22

V

V Allum ambulatorium 254. 34

Varia venales merces. 194. 34

Venatio Vrsi. 87. 17.

Venatoris ibid. & 121 6

Versutia nocturni furis. 133. 19. Versurus. 210 49

Vestium commutatio. 45 12

Viator à latronibus cinctus. 184. 22. & seqq. item a canibus. 189. 27

Villica maritum verberibus excipit. 22. 16

Visio Diaboli ridicula. 115. 41

Volans homo. 111 36

Vrsa rusticum è mellis fouea extrahēs 285.

50 Vrsi & hominis certamen. 88. 17.

Vrsi populatio. 86.

17. Vrsi venatio. 87.

17. Vrsus & homo

vnà capii 83. 14

Vtopio.

<i>Vtupiorum bibacitas.</i>	<i>Vulpecula versipellis</i>
<i>68. 3. & 4. item</i>	<i>dolus. 19. 15</i>
<i>85. 18. & seqq.</i>	<i>Vxoris ob suspensum</i>
<i>Vulpecula iudex eligi-</i>	<i>maritum lamenta.</i>
<i>tur. 19. 15. Vulpecu-</i>	<i>225. 58. eiusdem</i>
<i>la. 19. 6.</i>	<i>cum suspenso col-</i>
<i>Vulpecula lupum in-</i>	<i>loquium. 222.</i>
<i>struens. 26. 10</i>	<i>59.</i>

FINIS.